

VE  
DE  
D.E.A  
VE  
Seng  
He  
A  
A  
S  
D  
F  
H  
H  
L  
M

DEVS

Filijs igitur tuis propria nos hoste receperit,  
Nos et in aetherias transtulit iste domos.

DEBITA NOS abire ex corde REMITT, MYSTIC

RVASVS et ad VENIAM TRADA PAR

TA SYMVS.

DÆMONIS INFIRMOS HYMNQVAM TENT.

TIO MENTES

VEXET, et ad Stygios nos trahat arte lacus  
Senger nos tua dextra regat, Sathanamq. ferat

Pellat, ut affiatq. nos regat amicus.

He mens

Christiang. R. isius

R. B. H. 1684

d. 2. Octob.

ANSHELMVS. IN EX.

TRIMO DIE.

A dextris erunt peccata accusantia.  
 A sinistris infinita demonia.  
 Subtus horrendum obaoz inferni.  
 Desus iudex iratus.  
 Foris mundus ardens.  
 Intus conscientia urens.  
 Ibi vis iustus salvabitur.  
 Heu miser peccator, sic d'obscurus quo fugies?  
 Latere enim impossibile.  
 Reparare intolerabile.  
 Memorare ergo novissima, et in aternum  
 o peccabis.

M.

PE

O  
E

Corr

M.

Sn  
Eyt  
ex

M. ANTONII MURET  
PRESBYTERI, J. C. ET CIVIS RO-  
M A N I, Oratoris ac Poëta  
Clariss.

ORATIONES,  
EPISTOLÆ, HY-  
MNIQUE SACRI,

EDITIO NOVA,

*Correcta & locupletata, juxta editio-  
nem postremam Ingolstadianam.*

Cum præmonitione JOAN. FRIDERICI  
Prof. publ.



M. DC.

XXIX.

Cum Gratia & Privilegio Elect. Saxon.

L I P S I Æ,

Summibus GYOFREDI GROSSI Bibliopolæ

Ætatum Camald. C. M. C. in Insula Wignæ  
ex Legato F. Athangeli.

M. ANTONII MURETI  
PREFATIONE AC EPISTOLIS  
M. ANTONII MURETI

ORATIONES  
EPISTOLAE  
M. ANTONII MURETI  
AD ROMANOS  
AD GALATAS

AD THESSALONENSES  
AD CORINTHIOS  
AD ROMANOS  
AD GALATAS  
AD THESSALONENSES  
AD CORINTHIOS


Ben. E. IV. (e)

In Graecis & Latinis  
Litteris

0  
Bibli  
Speci  
ratio  
Epi  
reni  
vult  
sissim  
tia  
per  
reper  
man  
Ad

Christiano Lectori

S.

 *U M Serenissimus  
Pr. Saxonie Elect.  
&c. Dominus no-  
ster Clementissimus,  
Gothofredo Grosio  
Bibliopola Lipsiensi, Privilegium  
speciale, quo M. Antonii Mureti O-  
rationes & Epistolae, cum adjunctis  
Epigrammatibus & Hymnis, in Se-  
reniss. ipsius Celsitatis Provinciis, di-  
vulgare typis & divendere ei gratio-  
sissime permittitur, singulari clemen-  
tia indulserit; Et vero scriptis illis,  
per Autorem Pontificium, admixta  
reperiantur quaedam, manifestis Ro-  
manensis Ecclesiae erroribus imbuta:  
Admonendum putavimus, statim*

## AD LECTOREM.

in hoc vestibulo, Lectorem Christianum, operis hujus editionem non Religionis quæri veritatem, quam aliunde hauriendâ sincera pietatis studio si norunt; sed puritatem & elegantiam Orationis Latine; quam etiam in rebus factisq; minime probandis; quoties de iis, aut dicendi aut scribendi, vel occasio, vel necessitas sese offert, negligi nō oportet. Quicquid igitur in hoc volumine à sinceriori Evangelicâ & historicâ veritate alienum reperitur, eo neq; pius Lector offendatur, neq; exultet temerè Pontificius; quasi ejus videamur opinioni, per hanc editionem, ullo modo suffragari. Ceterum uterq; ut rectè valeat & sapiat, ex animo precamur. Lipsiæ V. Idus Nov. Anno 1619.

JO. FRIDERICHUS, Linguarum  
& Historiarum Professor.

SCL



SCIPIONI GON-  
ZAGÆ MARCHIONI  
ET S. R. I. PRINCIPI.

MARCUS ANTONIUS  
MURETUS S. D.



FERO tibi munus,  
SCIPIO GONZAGA, si  
aut ex sua, aut ex tua di-  
gnitate spectetur, perexi-  
gnum; si ex viribus meis,  
mediocre; si ex animo, magnum. Ora-  
tiones quædam sunt, variis à me tem-  
poribus habitæ: quas, cum partim dis-  
persæ atq; errantes vagarentur, partim  
apud me in adversariis neglectæ jace-  
rent, nunc in unum corpus collectas  
ut edicac divulgari paterer, amici qui-  
dam, multò mei, hac quidem in parte,

P R Æ F A T I O .

quàm par est, & quàm ego ipse vellem, studiosiores, impulerunt. Satis superq; fuerat, earum partim in scholastico pulvere, atq; in illis, eruditorum hominum umbraculis, non tantùm recto, ut dicitur, steterisse talo, sed plausum etiam & *Μεσημαστας* tulisse: partim in illo confesso, quo nullum habet terrarum orbis augustiorem, & silentio auditas, & principum virorum testimonio commendatas fuisse. Superârât fortuna spes meas: quam sæpiùs sine causa experiri, negant esse sapientis. Neq; nescius eram, morosiora ac difficiliora esse legentium, quàm audientium, iudicia: sæpeq; accidere, ut, quæ audientes mirabamur, eadem legentes rideamus. Sed quid facerem? Cupienti mihi jam latere, amici obstiterunt; quibus parendum fuit: ne, si in negando pertinax essem, superbiæ deniq; id potius, quàm modestiæ, adscriberetur. Cùm igitur inibi esset, ut

ede-

ederentur, libenter arripui occasione  
 diu optatam inscribendi tibi, ut nunc  
 fit, aliquid depromptum ex studiis me-  
 is, eademq; opera testificandi & judi-  
 cii de te, & mirifici cujusdam amoris  
 erga te mei. Verè enim hoc dicā, SCI-  
 PIO, cum omnes, qui te nōrunt, ita te  
 ament, ut eorum nemo sit, qui se stu-  
dio atq; observantia tui cedere cui-  
quam putet; ego tamen mihi videor  
 diuturna & accurata notatione &  
 observatione earum rerum, quæ te  
 usq; eò omnibus amabilem reddunt,  
 singulare quiddam præter cæteros  
*ἄριστον ἔχει.* Quid est enim, quod ad con-  
 ciliandas ac devinciendas hominum  
 voluntates valeat, quin id in te om-  
 ni ex parte perfectum reperiatur? Ni-  
 hil hîc de summa atq; antiquissima  
 gentis vestræ aut nobilitate, aut potē-  
 tia dicam: nihil de toto illo genere bo-  
 norum, quod ita tuum est, ut & alio-  
 rum sit. Alios & ista amatores habent.

P R Æ F A T I O .

Ego in te nihil amo, nisi te ipsū. Itaq; ut ille Rex potentissimus ex amicis suis alium dicebat esse *Φιλοβασιλέα*: alium *Φιλαλέξανδρον*: ita tu, alios esse, qui & alia in te ament, me planē & ex animo *Φιλοσκιπίωνα* esse tibi persuadeas licet. Ac te ipsum cū dico, ne illam quidem dico & oris & totius corporis dignitatē, quæ tibi omnium elegantiorum hominum animos primo statim ad spectu conciliat, constituens, quoad ejus fieri potest, ante eorum oculos, & ingenium, & mores tuos. Quamvis enim verè dixit nescio quis Poetarum, gratiorem in pulchro corpore esse virtutem; ea tamen est in te veriorum ac solidiorum bonorum copia, quæ de his secundæ, ut ita dixerim, notæ bonis censerī non sinat. Ingenium excellens, & in quo, tanquam in pingui ac feraci solo, omnes te dignæ artes ita facilem comprehendant; ut eas non ab aliis accipere, sed ex te ipso

ps  
tu  
ling  
stor  
Phil  
ine  
bin  
The  
ut, o  
con  
ac d  
mo  
rum  
grav  
tare  
nun  
om  
à se  
feci  
dus  
lesce  
ban  
exer

pso parere ac proferre videaris. Quo  
 tu usus ita ut decuit, à Græcæ Latinæq;  
 linguæ intelligentia, à Poetarum, Hi-  
 storiorum, Rhetorum cognitione ad  
 Philosophiam, & ad eam, quam tibi ab  
 ineunte ætate proposueras, quæq; ti-  
 bi nunc in amoribus ac deliciis est,  
 Theologiam ea celeritate properasti,  
 ut, quæ honoris ac dignitatis præmia  
 confecto studiorum curriculo tribui  
 ac decerni solent, ea tu nunc meritis-  
 simo consecutus sis, cum adhuc matu-  
 rum videri poterat, de animo ad illas  
 graviores disciplinas adjiciendo, cogi-  
 tare: Atque ut istius generis ingenium  
 nunquam ita esse otiosum potest, ut  
 omninò nihil agat: quod tibi dabatur  
 à severioribus studiis excepti ac sub-  
 secivi temporis, eo tu, quasi ludibun-  
 dus, eas artes, in quibus ingenui ado-  
 lescentes exerceri olim Athenis sole-  
 bant, ita omnes didicisti, itaq; te in eis  
 exercuisti, ut in earum qua libet cum


PRÆFATIO.

summis artificibus comparari facile possis. Quid nunc ego mores illos tuos planè, ut Poetæ loquuntur, aureos laudem? Potuitne quisquam unquam bonus tecum biduum vivere, tuæq; suavitatis partem aliquam gustare, quin, ut sibi totam ætatē tecum exigere liceret, optaverit? ita tu, quod rarissimi exempli est, summam integritatē vitæ, cum summa ac comitate facilitate copulâsti. Sed nolo nunc plura de te: ne ipsi tibi molestus sim. Equidē cum de scriptis meis non magno perè laborare soleā; tamē hunc librum præcipuè cupio & celebrari nunc, & ad posteros pervenire: ut exstet aliquod testimonium iudicii de singularibus tuis virtutibus mei. In quo ne fortè quis eorum, qui te non nōrunt (Nam de iis, quibus tu notus es, nihil tale metuo) assentationi & consuetudini datum esse aliquid suspicetur; **DEUM** immortalem testor, nihil unquam


AD SCIP. GONZ.

quam à me verius, magisq; ex animi  
mei sententia scriptum esse, quàm ea,  
quæ de tuis laudibus scripsi. A te pe-  
to, ut me ames: quo me ipsi mihi  
efficias cariorem. Vale. Romæ

Kalend. Maji 1571.



IN-



# INDEX ORATIONUM.

- I. De dignitate ac præstantia studii Theologici
- II. De laudibus literarum.
- III. De utilitate ac præstantia literarum humaniorum, adversus quosdam earum vituperatores.
- IV. De philosophiæ & eloquentiæ conjunctione.
- V. Pro Francisco II. Rege Galliarum, ad Pium IV. Pont. Max.
- VI. Pro Antonio Borbonio Rege Navarræ ad pium IV. Pont. Max.
- VII. De Moralis Philosophiæ laudibus, cum inciperet explicare libros Ethicorum.
- IIIX. De moralis Philosophiæ necessitate, cum venisset ad eam partem, in qua de temperantia agitur.
- IX. De Justitiæ laudibus.
- X. De sui cognitione, deq; omnibus humani animi facultatibus

XI. Pro

XL.  
XII.  
XII.  
XIV.  
XV.  
XV.  
XVI.  
XIX.  
XIX.  
XX.  
XXI.



*INDEX ORATIONUM.*

- XI. Pro Alfonso II. Duce Ferrariæ, ad Pium IV. Pont. Max.
- XII. Pro eodem Alfonso ad Pium V. Pont. Max.
- XIII. Pro Carolo IX. Rege Christianissimo, ad Pium V. Pont. Max.
- XIV. Pro Sigismundo Augusto, Rege Poloniæ, ad Pium V. Pont. Max.
- XV. De toto studiorum suorum cursu, deq; eloquentia ac cæteris disciplinis cum Jurisprudentia conjungendis; cum inciperet publice interpretari Pandectas Juris civilis.
- XVI. Cur ad munus docendi, quo se spontè acd baverat, revocatus sit.
- XVII. De Doctoris officio, deq; modo Jurisprudentiam docendi.
- XIIX. De auctoritate & officio Judicum, cum inciperet interpretari titul. de Judiciis.
- XIX. In reditu ad urbem Marci Antonii Columnæ, post Turcas navali prælio victos.
- XX. In funere Pii V. Pont. Max.
- XXI. De via & ratione ad eloquentiæ laudem perveniendi, cum in eloquentiæ Doctoris locum suffectus M. Cicerone.

INDEX ORATIONUM.

- ceronis Tuscul. Quæst. explicaturus  
esset.
- XXII. Pro Carolo IX. Galliarum Rege  
Christianissimo, ad Gregorium XIII.  
Pont. Max.
- XXIII. De utilitate, jucunditate ac præstan-  
tia literarum.
- XXIV. In funere Caroli IX. Galliarum Re-  
gis.
- XXV. Ad Gregorium XIII. Pont. Max.  
pro Heinricho III. Gallix & Polonæ  
Rege, quem à rebus in adolescen-  
tia præclarè gestis laudat, &c.
- XXVI. In funere Pauli Foxii Archiepisco-  
pi Tolosani, & Galliarum Regis ad  
Sedem Apostolicam Legati.





AD

M. ANTONIUM  
MURETUM PRESBYTE-  
rum J. C. & Civem Romanum, Orato-  
rem & Poëtam Clarissimum.

RHETORA te tantum si secula prisca tulissent,  
Jam jam immortalis lingua diserta foret.  
Secula si tantum novissent prisca poëtam,

Jam jam immortalis Musa canora foret.

RHETORA sed postquam simul hac genere  
poëtam

Secula, noster eris Virgilius, Cicero.

Te tua posteritas Ciceronem sæpè vocabit:

Teg, ut Virgilium mente manuq, teret.

A L I U D.

Delicia, Veneres, gravitas simul, ac majestas;

Miscentur scriptis, doctè MURETE, tuis,

A L I U D.

Tantus es Orator, tantusq, Poëta, MURETE,

Ut possis dici, Tullius atq, Maro.

M. AN-

M. ANTONII MAR-  
RETI, &c. TUMULUS.

**H**ic. Marci. caros. cineres. Roma. inlyta. servat.  
Quos. patria. optasset. Gallia. habere. sinu.  
Stat. colle. hortorum. tumulus. stat. proximus. astris.  
Quæ. propius. puro. contigit. ille. animo.  
Tu sacros. latices. lacrumans. asperge. viator.  
Et. dic. HEV. LINGVÆ. HIC. FVLMINA. FRA-  
CTA. JACENT.

Obiit Anno Dom. c Io. Io. Lxxx.  
Etatis sue LX.  
XV. Kalend. Quintil.



M. AN-

M.  
MU

De

HAB


puè, qu  
si, caren  
relligen  
contulen  
saverun  
li perfic  
similitud  
quanto  
est, exer  
quin ea  
ejus sic  
talitate  
divina

M. ANTONII  
MURETI PRESBYTERI,  
ET CIVIS ROMANI,

De dignitate ac præstantia stu-  
dii Theologici.

ORATIO PRIMA.

HABITA LUTETIÆ PARISIORUM  
Non. Feb. c10 10 LII.

 *Um omnes mihi singulari quadam, ac præcipua laude digni videntur, qui in assequenda honestarum artium scientia operam & industriam suam collocant, tum ii præcipue, qui veluti majore quodam numinis afflatu percussi, cæteris omnibus posthabitis, ad divinarum rerum intelligentiam omnès cogitationes suas, atq; omnia studia contulerunt. Nam si eorum omnium, que in hac immensa rerum universitate cernuntur, unumquodq; naturali perficiendi sui desiderio tenetur: & animus noster ad similitudinem divinitatis effectus tanto perfectior est, quanto propius ad illud, ex quo ductus & propagatus est, exemplar accedit: dubitari profecto non potest, quin ea sit omnium præstantissima facultas, que, quoad ejus fieri potest, cum humanis divina copulando, mortalitatem nostram, quantum illius imbecillitas patitur divina natura arctissima colligatione devincit. De illius*

B

mihi

mibi facultatis laudibus, hodie no die, demandatum est  
 ab us, quorum ~~et~~ apud me plurimum valet. ~~Et~~ apud  
 omnes per aequè valere debet auctoritas, non ut eas  
 quidem singulorum percensere omnes, ac flore orationis  
 convestire conaret, (quod ~~et~~ imperare iniquum esset,  
~~Et~~ suscipere temerarium) sed ut ex earum innumera-  
 bili copia pauca quaedam seligerem, de quibus ex hac  
 amplissimo loco, vobis audientibus explicarem. Qua de  
 re cum metum initiò ageretur, refugiebam equidem  
 tanti oneris magnitudinem, veritus ne idem mihi con-  
 tingeret, quod nobili olim Sophista apud Annibalem de  
 rebus bellicis longa accurataq; oratione disputanti con-  
 sigisse dicitur: si homo adolescens, ~~Et~~ cum à ceteris re-  
 bus satis tenuer instructus, tum in hoc genere peni-  
 tus rudis, inter tot eruditissimos viros, ad dicendum de  
 rebus divinis aggrededer. Illud etiam me commovebat,  
 quod præclare à Platone scriptum noveram, orationi,  
~~Et~~ iis rebus, quæ oratione tractantur, quandam inter se  
 cognationem intercedere oportere, ex quo faciliè intel-  
 ligebam consequi, ut ad res divinas pro dignitate tra-  
 ctandas divinum quoddam requireretur orationis ge-  
 nus. At ista quidem, re adhuc integra: fortassis majore  
 quadam cautione providenda fuerint: nunc quidem  
 iam semel altum ingressis, quæ nos cumq; tempestas ex-  
 ceptura est, vel nimirum faciendæ sunt. Illud modo an-  
 tequam ulterius provehar, a vobis summo opere contem-  
 do, ut quando omne mihi perfugium in vestra bonitate  
 ac clementia situm est, tenuitatem meam vestro favore,  
~~Et~~ silentio sublevertis, quò mea oratio his veluti secun-  
 dis sub vestra remis, quem sibi prop. sunt, portum faci-  
 lius consequatur. Atq; ut hinc exordiamur, si nihil di-  
 ceremus aliud, nisi eam, quæ antiquissimo vocabulo  
 Theologia dicitur, scientiam esse quandam, quæ divine  
 sapieu-

sapientia  
 ut opit  
 mortali  
 esse han  
 Sed que  
 obritud  
 non sat  
 sempla  
 lustram  
 si hujus  
 cutere  
 iudo sic  
 ut a m  
 partib  
 tera in  
 non ab  
 que han  
 epie ac  
 reperia  
 tis paren  
 sa, atqu  
 to in ra  
 tendend  
 retur.  
 ceat, eo  
 qua ad  
 nent, om  
 vel impr  
 scere, q  
 facillim  
 cubi, ne  
 tuo retin  
 divinis p

sapientia thesauros hominibus recluderet, tamen illud, ut opinor, liquido constaret, quanto eterna nativitas, immortalia caducis, divina humanis antecellunt, tanto esse hanc facultatem ceteris omnibus anteponendam. Sed quemadmodum qui praclari alicuius aedificii pulchritudinem per videre, ac penitus cognoscere cupiunt, non satis sibi esse dicunt illud uno tonitruo aspectu contempleri, sed singulas etiam sibi partes accuratè perlustrandas, ac seorsum considerandas putant: ita nos, si hujus praestantissimae facultatis paries paulisper excutere voluerimus, tum demum, quanta illius pulchritudo sit intelligimus. Theologia igitur, viri eruditissimi, ut a maioribus nostris accepimus, duabus praecipuis partibus continetur, quarum una in lege posita est, altera in Evangelio. Est verò ea lex, de qua loquimur, non ab humano profecta consilio, neque similis earum, quae hominum libidine statuuntur, in quibus multa ineptiae ac ridicula, nonnulla etiam impia ac nefarie sancta reperias, sed primum quidem ab illo hujus universitatis parente, ac opifice Deo in omnium hominum impressa, atque insignita animis, post etiam ejusdem Dei digito in tabulis insculpta lapideis, ne improbis ulla praetendende facinoribus suis ignorantiae occasio relinqueretur. Cumque eam in duo summa capita tribuere liceat, eorum prius, quae ad cultum numinis, posterius, quae ad tuendam hominum inter se societatem pertinent, omnia summa brevitate complectitur. Atque hinc vel inprimis natura nostra imbecillitatem licet agnoscere, quod cum pauca admodum, eaque suapte natura facillima praecipua sint, semper tamen deficiamus alicubi, neque unquam stabilem, inoffensumque cursum perpetuo retineamus. Tremefactus itaque comparatione sui cum divinis praecipuis animus Christo se indigere cognoscit.

à simile.

Theologiae partes.

Lex.

Lex humana.

Divina.

in cuius sinum confugiat, cuius se viribus provehat, sub  
 cuius bonitate, tanquam sub firmissimo aliquo elypeo,  
 tutus ab iis, quæ lege proposita sunt, suppliciiis delite-  
 scat, ut rectissime Paulus legem pedagogum, qui nos  
 veluti manu apprehensos ad Christum deduceret, nomi-  
 nasse videatur. Est nunc Lucianus aliquis: perfricet  
 frontem: & dicat ullam esse legem, quæ cum hac lege  
 ulla ex parte comparari queat. Quid enim? quæ Deum  
 immortalẽ, portenta in omnibus omnino legibus, si ab  
 hac discesseris, reperiuntur? Quarum aliæ furti, aliæ  
 adulterii, aliæ etiam quædam multò turpiora permit-  
 tunt, ut nihil penè tam turpe sit, quod non legislator a-  
 liquis licere voluerit. Hanc verò sapientissimus ille Mo-  
 ses, non Jove quodam commentitio, ut Minos; non ab  
 Apolline, ut Lycurgus; non ab Egeria, ut Numa;  
 sed ab eo, qui solus veri Dei nomine censendus est,  
 sibi per manus traditam accepit, ita numeris omni-  
 bus absolutam, ut nihil neque immutari, neque adjici,  
 neque detrahi possit. Sed ea tamen, uti antea dixi,  
 morbum quidem nostrum commonstrare ac detegere  
 nobis potest: depellere eundem, ac sanare non potest.  
 Morbi autem cognitio magnam ea quidem vim maxi-  
 mumque momentum ad vires recuperandas habet, neque  
 samentantum, ut in ea posita sint omnia. Quare Evan-  
 gelio nobis Christus aperitur, qui, modò firmã in ipsum  
 fide nitamur, non vanã illã quidem, & otiosa, quam mul-  
 ti stultè & inaniter iactant, sed solidã & bonarum a-  
 ctionum perpetuò fecundã, nos, velut humeris suis im-  
 positos tollit in cælum. O rem omni prædicatione maio-  
 rem! O nuncium verè iucundum & lætibilem! Cùm hu-  
 mana natura primi parentis depressa lapsu pessum tota  
 ferretur, tantam fuisse in Filio Dei clementiam, ut dela-  
 psus è cælo humanam formam induere voluerit, ut cor-  
 pora-

poratus  
 ciatibus  
 sine ex  
 nostris  
 Tene. C  
 nu, om  
 se? Ter  
 ser vitu  
 tur his  
 amico  
 hoc qu  
 ut nos  
 plicis,  
 horrib  
 omnes  
 ista tan  
 tur, al  
 omni  
 non tan  
 rea illa  
 lantur  
 Etissim  
 scauden  
 re, dem  
 statis,  
 conditi  
 nobili  
 tisq; inf  
 rem) in  
 tum in  
 num de  
 multitu  
 tem, ne



poratus, ac carne tectus infinitis sese laboribus, ut cruciatibus, et umbris, morti denique deterrime, atque acerbissima exposuerit, quò sudore ac sanguine suo ab animis nostris durissimum jugum eterna depelleret servitutis. Tene, Christe optime, ut nos liber ali causa assereres manu, omnium dominus cum esses, servi formam assumpsisse? Tene, nobis quietem tuis laboribus, libertatem tuam servitute, vitam denique tuam morte peperisse? Admirantur historiae veteres Pythagorem quendam, qui se pro amico in causa capitis vadem dare veritus non est: at hoc quanto admirabilius est, Dei Filium, Deumque ipsum, ut nos merito nostro inimicos sibi, aeternis eriperet supplicis, tot, tam dira, ac vel dictu, vel cogitatu aspera, & horribilia sustinere voluisse? Et quisquam est, qui alias omnes, si in unum conferantur, scientias cum hac, qua ista tam pulchra, tam admirabilia, tam divina traduntur, ullo modo comparandas putet? Hæc verò una est omni curâ studio, contentione dignissima. Hæc una est non tam liberalis vocanda, quam liberatrix. Hæc aurea illa catena est, qua cum caelestibus terrestria copulantur. Hæc scala illa est, quam olim per quietem sanctissimus Patriarcha vidit, cujus gradibus in cælum scandere liceat, atque illis Deum intueri, admirari, adorare, demittentem semetipsum est augustissimo illo majestatis suæ fastigio, seseque accommodantem ad humanæ conditionis humilitatem: rursusque eundem defunctum nobili illa servandorum mortalium provincia, spoliatisque inferis (à rem omni humana cogitatione sublimiorum) in cælum sublimem raptum, vallatumque ac stipatum infinita tum geniorum concinentium, tum hominum de caliginosissimis illis Satanae ergastulis erutorum multitudine, justo ac pleno triumpho Cælum ingredientem, neque disiecta muri parte, sed valvis suo sanguine

reclusis; iter eodem nobis omnibus aperientem. Atq; hæc  
 quidem quamvis eiusmodi sunt, ut ad excitandum, in-  
 flammandumq; quemlibet torpentem animum sufficere  
 posse videantur, tamen ex tam ubere campo alia qua-  
 dam, nisi molestum est, proferimus. Verè eam illad af-  
 firmare posse videor eruditissimi viri, quemadmodum  
 Platonici elementorum in corporibus cœlestibus quen-  
 dam veluti florem, in hisce inferioribus quandam vel-  
 uti facem esse dicebant; ita rerum omnium cognitione  
 dignarum in Theologia florem, in aliis scientiis facem  
 contineri. Namq; ut hinc nostra se primū efferat oratio,  
 quia nescit, quantoperè se in per scrutandis rerum prin-  
 cipiis veteres Philosophi corserint, quamq; nihil, si res ad  
 verum exigatur, effecerint? Dum alius mundum hunc,  
 & quicquid in eo vel aspectabile, vel tractabile contino-  
 rur, putat ex temeraria quadam minutissimorum corpo-  
 rum concursione coaluisse: qui si vel unam earum, quæ  
 somniabat, atomum cerebri habuisset, nunquã ista tam  
 stultè, incogitanterq; scripsisset: alius æternum esse eum,  
 neq; desitutum unquam neq; exordium dicentem ab ul-  
 lo temporis principatu, non animadvertens hac ratione  
 illam, à qua ipse tantoperè abhorrebat, infinitatem in-  
 duci: qui verò optime sensisse creduntur, tamen Deo vela-  
 uti comitem quandam materiam adjungunt, quasi ut  
 artifex, ita Deus sine materia nihil possit efficere. Quid  
 Theologi? hujus uat versitatis autorem esse, ac effecto-  
 rem Deum, qui cum innumerabilibus seculis antecessis-  
 set, quo temporis puncto ipsi placuit, mundum hunc, &  
 quæ illius ambitu continentur, sine ullis verbis, sine  
 ullis ferramentis, sine ulla materia, verbo tantum ac  
 nutu suo ex nihilo architectatus est: eundemq; assidue  
 sua bonitate ac prudentia continet, moderatur, fovet,  
 omnes in eo rerum ac temporum varietates, vicissitudi-

Deus cre-  
 atur  
 comparatur  
 Admi.

nes efficit. Quod status orbium caelestium cursus, quod  
 certas siderum trajectiones, quod constitutis vicibus  
 insignes ac notabiles rerum commutationes induamur,  
 haec & caetera omnia ad eum modum non fortunae te-  
 meritate, aut vi ulla materiae dirigit, sed divina provi-  
 dentia temperari. Contemplerur & alia. Quod de animo  
 humano Philosophi. Alius eum cor ipsum esse dicit, alius  
 cerebrum, alius cordi suffusum sanguinem, alius spiri-  
 tum innatantem sanguini, alius harmoniam quandam,  
 alius eum ex numeris conficit, alius ex atomis, ut mihi,  
quidem ista consideranti certamen aliquod insanie sus-  
cepisse videantur. Ita ex hoc tam confuso, tam vario,  
 tam multiplici terribillarum opinionum veluti cinno,  
 nihil ferè colligere possumus, nisi semper copiosissimam  
 messem hominum variè insanientium fuisse. Nam non-  
 nulli quidem ea dicunt, ut eos in re tam seria risum ca-  
 ptare atq; aucupari putes, ut apud Dicaearchum Pher-  
 crates, qui animum nihil omninò esse contendit, veritus  
 credo, ne quid posset tam absurdè aut fatuè dici, ut id  
 nemo dixisset Philosophorum. Illa verò multo etiam a-  
può eos perturbatior, atq; implicatior questio est, per-  
maneatne animus corporeis solutus vinculis, an qui  
corporum idem sit interitus animorum. Epicurus in-  
 terre eos putat, nefas ratus, cum tam multa sibi cum  
 suis convenirent, se hoc uno ab eis interesse. Stoici  
 longam eis vitam, ut cornicibus, sed non perpetuam tri-  
 buunt, Pythagoras verò jucundus est, qui remanere il-  
 los quidem docet, sed ex corporibus in alia corpora mi-  
 grare, ut idè sit fortè hodie gallus gallinaceus, qui tem-  
 pore belli Trojani fuerat Agamemnon. Quid Plato? Quid  
 Aristoteles? de hoc quidem illud Homericum dici potest;

Τὸ δὲ δὴ δ' ἄν' ἅνθρωπος ποτὸς ποτὸς μετεῖν.

Ἢ μὲν περὶ πάντων οὐ πάντες ἔμετ' ἀχαιῶν.

Obscuritate enim se involvens sua in neutram partem satis aperte propendet, ut penè in legem Solonis incur-rere videatur: Ille autem proximè quidem omnium ac-cedit ad veritatem, sed etiam multa mendacia admiscet, ut non absurdè dicant, qui eum dicunt poeticè philoso-phari. Quid porrò de iisdem rebus Theologi? Animus hominis simplicem quandam & individua[m] esse natu-ram ad exemplar divinitatis expressam, licet ortus par-ticipem, tamen interitus expertem, quæ corpore soluta, <sup>pro</sup> si se purè ac piè gesserit, in cælum evotet, æternam illic Dei beneficio adeptura felicitatem: sin se malis, iisq; in-expiahilibus cupiditatibus corrumpendam dederit, ad inferos nunquam desituris damnanda suppliciiis depri-matur. Quod si quæ de Deo à balbutientibus Philo-sophis dicta sunt, cum solida Theologorum doctrina com-parare collibuerit, reperiemus hos quidem certa omnia & explorata, & salutaria tradere: Illos verò neg satis quid dicant intelligere, & credula ingenia perniciosissi-marum opinionum laqueis implicare. Itaq; quod Ho-merus de Tiresia: Cato de Scipione dixit, idem de Theo-logia dici potest, eam videlicet sapere solam, reliquas disciplinas, velut umbras per inane volitantes vagari. Quod si quis eam, quæ ex levioribus studiis percipitur, avaritatem requirit, ne eam quidem in feracissimis Theologiæ campis frustra desideraverit. Nam stre-poëticiis modulationibus aures demulcere meditamur, quis unquam ita in hoc genere excelluit, ut cum Davide com-paratus non sordeat? Nisi fortè Orpheum, Homerum, Pindarum de levissimis plerumq; nugis verba funden-tes audire præbat, quàm illum Deo acceptissimum re-gem, nunc Dei laudes plena hilaritatis oratione refe-rentem, nunc ejusdem auxilium in summis suis difficul-tatibus implorantem, nunc insectantem improbos, nunc

commendantem probos, nunc ea quæ multis postea se-  
 culis contigerunt, ita subjicientem oculis, ut nullus ea  
 melius Apelles in tabula expingere potuisset. Sive histo-  
riæ cognitione ducimur, unde veriores, unde scitu di-  
gniores historias, quàm ex sacris literis repetere pote-  
rimus? An verò suavius est cognoscere, quid Cræso in  
Medos, quid Pyrrho in Romanos expeditionem paranti  
obliquè Apollo, quàm quid Mosi ad Pharaonem quid  
Samueli in Palæstinos proficiscenti, aperte ac perspicuè  
Deus ipse responderit? Quomodo Regulus à Carthagi-  
nenensibus, quàm quomodo Servator & Sator humani ge-  
neris CHRISTUS, à Judæis omni crudelissimorum suppli-  
ciorum genere direxatus fuerit? Jucundiùsnè, aut fru-  
ctuosius arbitramur, intelligere, quibus artibus Assyrii,  
Persæ, Romani cæteras nationes devicerint, quàm qui-  
bus augustissimi illi religionis nostræ principes, aliq̃ de-  
inceps innumerabiles eorum vestigia secuti Christiane  
ditionis terminos ampliaverint? O hebetes, stupidas,  
aut, ut verius dicam, miseros & perditos, si qui harum  
rerum suavitatem, fructumq̃ non sentiunt: Contra ve-  
rò ò ter & quater beatos illos, quorum ita est affectus  
animus, ut nusquam suavius, quàm in his studiis con-  
quiescat, non eos aut inanium dignitatum, aut fluxa-  
rum opum adurit sitis; non eos voluptatum illecebræ  
moliunt, liberi & pravis omnibus cupiditatibus soluti,  
ex illo perenni puteo aquam æterna vita effectricem  
hauriunt: ex illis perpetuò virentibus campis flores  
suavissimos colligunt, ex quibus qui odores afflantur,  
eorum nunquam est intermoritura suavitas: Defer-  
riunt, Deo adherent, eius tantùm gloriæ velificantur,  
eo fruuntur, quæq̃ olim plene percepturi sunt gaudia,  
ea jam nunc mente ac cogitatione præcipiunt. Ergo sive  
domi, sive foris versentur, cum Deo assiduè colloquan-

tur, siue prosperis rerum utantur successibus, eidem ut  
 prosperitatis sue auctori gratias agunt: siue quid eis  
 aduersi accidit (quanquam quid ejusmodi viuis accidere  
 aduersi queat?) Sed tamen si quid eis accidit earum re-  
 rum, quas vulgus aduersas vocat, neq. indignantur, ne-  
 que concidunt animis, sed verbo divino sese solantes,  
 quidquid à Deo immititur, summi benefici loco haban-  
 dum esse ducunt. Prò Deum immortalē! quid est, si  
 hoc non est feliciter vivere, & in terris vitam cele-  
 stium imitari? O vite Theologia dux, ò virtutum o-  
 mnium parens, vitiorum expultrix, animorum libera-  
 trix: Quid sine te non modò nos, sed omnino vita homi-  
 num esse potuisset? tu depravatas impurissimis opinio-  
 nibus hominum mentes, velut de integro interpolasti:  
 tu distractos, dissipatosq. variis idolorum cultibus ho-  
 mines in unius veræ Religionis societatem convocasti:  
 tu magistra morum ac disciplina fuisi: ac veluti Sol ex-  
 oriens nubium caliginem dissipat: veluti sidus, quod  
 Castoris & Pollucis dicitur, exortu suo maris rabiem  
 placat, tempestatesq. dispellit: ita tu divinitus exorta &  
 tenebras ignorantia dissipasti, & illo tuo salutari ful-  
 gore procellas veterum superstitionum dispulisti. Tu  
 nobis velut Helice, aut Cynosura que epiam es, ad quam  
 universus navigationis, id est, vite nostræ cursus diri-  
 gatur. Tu ignis ille celestis es, quem verus ille Prome-  
 theus, id est, Christus in terras attulit, sine quo vita  
 constare non potest. Tu vita tranquillitatem largita  
 nobis es, & mortis terrorem sustulisti. Beatos igitur  
 qui ad te, tanquam ad portum, confugiunt: beatos qui  
 se tibi à teneris unguiculis penitus totosq. tradunt: mi-  
 seros contrà, qui, ut proci Homerici, ancillarum amori-  
 bus irretiti, te, que omnium artium domina es, negli-  
 gunt. Tu enim earum rerum scientiam profiteris, qua-

rum plena cognitio aeternam beatitatem, ignorantio aeternum exitium hominibus pollicetur. *At vos viri optimi, quos partim hujus præstantissimæ disciplina verticem consecutos, partim illius sacris imbutos atq; initiatos videmus, macti, inquam, macti animis, neq; vos aut labor deterreat, aut voluptates avocent, quo minus in sacratissima illius adyta penetretis. Vobis enim vigiliarum sudorumq; vestrorum & magna hic inter homines præmia, & infinitis partibus majora sunt in cælo divinitus constituta. DIXI.*

## De laudibus Literarum.

## ORATIO II.

HABITA VENETIIS MENSE

Octobri anno c1o 1o LIV.



*Ve singula hominibus ad dicendum accedentibus timorem facere consueverunt, patres amplissimi, vosq; ceteri cives ornatissimi, ea mihi sese hodie no die obijciunt univërsa. Sive enim loci amplitudo afferre perturbationis aliquid potest, Venetiis dicimus: sive audientium dignitas, magna lectissimorum hominum adstante frequentia dicimus: sive ipsa orationis materis, dicendiq; conditio, ita dicimus, ut sit nobis eodem tempore de ingenio, de doctrina, de gloria, ornamentisq; omnibus in hoc literarum certamine periclitandum. Venetiis dicere, si quisquam est, qui parum putet, eum necesse est in maximarum, earundemq; toto orbe notissimarum rerum ignoratione versari. Equis enim est hodie tam inaccessus, tam ab omni hominum consortio remotus in terris locus, quo nõ hujus præstantissimæ civitatis fama pervaserit?*

quis populus, quæ gens, quæ hominum natio vel tam  
 immanis atq; barbara, vel tam exculta disciplinis atque  
 artibus, quam non iam quidem florentissima Veneto-  
 rum Respublica non gloria modò & splendore nominis  
 sui, verùm etiam admiratione compleverit? Hæc verò  
 firmamenta Reipublicæ, hæc ornamenta Italiæ, hæc vir-  
 tutum omnium, laudandarumq; artium præclarissima  
 lumina intuentem, non commoveri, tantum id quidem  
 est, ut, non dicam in meam hanc mediocritatem inge-  
 ni, sed vix in quenquam hominem, qui cæterorum de se  
 iudicia extimescat, cadere posse videatur. Etenim si ela-  
 quantissimos olim viros accepimus, cum ad dicendum  
 venissemus, animus Principis aspectu ita conturbatos fuisset,  
 ut obmutesceret: quid mihi tandem animi esse oportet,  
 qui neq; comparandus cum illis omninò sum, & apud  
 vos dico, Senatores amplissimi, ad quos cum oculorum  
 convertito aciem, totidem mihi confessum principum vi-  
 deor intueri? Ac cæteri quidem sæpe ad eam excusatio-  
 nem confugiunt, ut se, cum tenuitatis suæ conscius essent,  
 tamen vel necessitate, vel officio impulsos, vel amicorum  
 sive precibus, sive tempore aliquo adductos, dicendi mu-  
 nus non tam appetivisse, quam detrectare non potuisse  
 dicant; quam totam rationem nobis hodierno die ipsa  
 rei natura, conditioq; præcludit. Non enim detrectantes,  
 sed ultro nobis deposcentes hanc dicendi provinciam, ad  
 eam non alienis precibus impulsæ, sed vestra incredibili  
 benignitate admissi sumus: ut si minus ex aliqua parte  
 nostra vobis approbata fuerit industria, causa nulla  
 sit, quin omnes accusandam potius nostram temerita-  
 tem, quam imbecillitatem sublevandam putent. Equi-  
 dem cum & ab ineunte ætate, tum domesticis excitatus  
 exemplis, tum ipsa hortante natura, honestarum ar-  
 tium studia coluerim, & ubi primum per ætatem licuit,

quæ



qua mihi meo ipse labore pepereram, aliis tradere in-  
 gressus, novem prope jam annos in hac dicendi, ac docē-  
 di exercitatione consumpserim, tamen superiora illa  
 considerans, ita commovebar animo, facile ut hoc po-  
 tuerim abstinere consilio, nisi me huc summa vestra sin-  
 gulari humanitate concepta spes, & magna quadam  
 approbandæ vobis, si minus eruditionis, at certe volun-  
 tatis mea cupiditas impulisset. *Ac mihi quidem, & cu-*  
*jus rei causa in hunc locum descenderim, & ad quos*  
*verba facturus sum, cogitanti, prorsus ita videtur,*  
 nullo in argumento meam commodius orationem posse  
 versari, quam si, litterarum disciplina quantum non  
 ornamenti solum, verum etiam præsidii bene tempera-  
 tis civitatibus afferat, tum adhibitis rationibus, tum  
 etiam exemplis, atq; ex veteribus seculis repetita me-  
 moria exponam: minimè id quidem, quo vos, tales vi-  
 ros, commonefaciam, excellentibus à natura ingenijs *Doctis,*  
 præditos, à studiis liber alium doctrinarum eruditos, à  
 diuturno assiduoq; magnarum rerum usu peritos: sed  
 quia libenter facio, ut, quarum artium percepta scien-  
 tia unumquemq; vestrum vehementer affici constat, ea-  
 rum animos vestros jucunda commemoratione dele-  
 ctent. Quæ cum ita se habeant, mihiq; ipsa per se delecta  
 ad dicendum materiæ dignitas satis magnam audien-  
 tiam factura videatur: tamen magis consuetudine,  
 quam quod ita necessarium judicem, petam à vobis, ut  
 mihi res pulcherrimas brevi oratione comprehendere *Attentis*  
 meditati, exigui temporis attentionem ne denegeris.  
 Magna omninò vis magnunq; momentum positum est  
 in literis, viri amplissimi, ad conservandas bonisq; cu-  
 mulandas omnibus civitates. Nam cum felicitas publi-  
 ca, ad quam humana omnia referenda sunt, è singulo-  
 rum civium felicitate constet: singulorum autem felici-  
 tas

Civitas  
sine literis  
florere non  
potest.

tas in excellenda, exercendaq; virtute precipue sita sit;  
 & ad perfectam virtutem consequendam, necessariam  
 quandam præursionem adhibeant literæ, illud profecto  
 consequitur, ut, nisi in qua literarum cultura vigeat;  
 florere absolute civitas nulla possit. Ponite vobis ante  
oculos, omnes ætatis humane partes; omnem publico-  
rum temporum varietatem; omnes instituenda vitæ  
variationes & vias animo & cogitatione percurrite: nul-  
lam omnino reperietis, qua non ita literarum auxilio  
indigeat, ut ego si quis sustulerit. Solem ipsum de mundo  
sustulisse videatur. Ex nos, ubi primum firmius in-  
 cedere, atq; articulatiùs loqui cœpimus, de ipso prope nu-  
 ricum acceptos sinu, titillatione quadam honestissimæ  
 voluptatis alliciunt, allectos præceptis saluberrimis  
 complent: non tantum benedicendi, verum etiam bene  
 vivendi commonstrant vias: excitant in animis nostris  
 igniculos gloria: quantus sit in virtute splendor, quan-  
 ta in vitis deformitas, edocent: quæ qui semel bene pe-  
 nitus imbiberint, ù nunquam non postea & vitii turpi-  
 tudinem omni studio resugient, & officii honestatisq; ra-  
 tionem, rebus aliis omnibus, anteponent. Ut autem in se-  
 niente posita spes messis est, ita totius reliquæ vitæ ex-  
 spectatio ab educatione pueritiæ pendet. Ut verò infir-  
 mam illam ineuntis ætata læ temeritatem robur adole-  
 scientiæ exceperit, quæ tandem alia res, aut animum præ-  
 clararum rerum studio accendere, aut efferentibus sese  
 cupiditatibus, quibus ea pars insigniter agitari solet,  
 frenos impicere, præter literarum tractationem, potest?  
 Themistoclem olim, cum somnum capere adolescens non  
 posset, dicere solitum tradunt, se Mithiadis trophæo, qui-  
 escere volentem, excitari: quanto eos acrius incendi, atq;  
 inflammari necesse est, qui quotidie non unius, sed innu-  
 merabilium hominum virtute præstantiù tropheæ non  
 e mar-

emarm  
tis; s  
mentu  
fram  
etatis  
statuer  
quiren  
frunt  
lupiat  
cum ca  
in Min  
hil ei, n  
lnd ab  
terosq;  
rate, flo  
pericul  
eam in su  
in Orphe  
simulq;  
qua ruy  
formul a  
ut jam S  
Hoc fig  
id, quod  
insula  
magno in  
blanditi  
scopulos  
enlo com  
mi ac so  
cipiunt  
tandem  
virtute

in marmore constituta ad exigui prædicationem tempo-  
 ris; sed ad omnem æternitatem commendata litteris in-  
 veniuntur? Neq. verò pertimescendum est, ne aut labore  
 frangantur, aut voluptatis irretiantur illecebris, quæ  
 ætatis suæ florem litterarum studiis dedicandum esse  
 statuerunt. Tanta siquidem est oblectatio paulatim ac-  
 quirenda cognitione rerû sese pascentis animi, ut ea, quæ  
 fruuntur, ab ita neq. laboris tedium, neq. ardentium vo-  
 luptatum blanditiis sentiantur. Itaq. sapienter Poëta,  
 cum cæteros omnes Deos Veneris Imperio subdidissent,  
 in Minervam modò & in studiorum præsidem Musas ni-  
 hil ei, nihil Cupidini juris esse voluerunt. Quin etiam il-  
 lud ab iisdem memoria præditum est, Jansenem olim, cæ-  
 terosq. Argonautas, cum eam insulam, quæ ab amantia-  
 rate, stormq. copia nomen in venerat, præternavigaret,  
 periculumq. esset, ne molli, ac delicato Sirenium cantu, quæ  
 eam insulam incolebant, ad exitium perducerentur; unum  
 in Orpheo persequi habuisse: qui, cum assedisset in puppi,  
 simulq. fides blandis impellere digitis, simul vocem illâ,  
 qua rupes nemoraq. traxerat, explicare cœpisset, tanta  
 simul aures animosq. audientium voluptate complevit,  
 ut jam Sirenium vocibus nemo navigantium moveretur.  
 Hoc figmento quid tandem aliud doctissimi homines, nisi  
 id, quod nos volumus, indicârunt? Florida videlicet illa  
 insula juvenus est. Eam qui quasi prætervehuntur,  
 magno in periculo sunt, ne Sirenium, id est, voluptatum  
 blanditiis decepti, & recto itinere abducti, in vada &  
 scopulos deferantur. Quodnam igitur huic tanto peri-  
 culo comparatum remedium est? Quod, nisi Orpei, opti-  
 mi ac sapientissimi vatis, lyrae cujus suavitatē qui per-  
 ciunt, & Acheloidum cantus pro nihilo putant, &  
 tandem institutum illud iter emensi, velus aureum, i. e.  
 virtutē cum immortalis conjugii gloriâ consequuntur.

Ne mirum ut major lux minorem, ita minoris voluptatis sensum perceptio majoris extinguit. Quamto autem voluptas ea, quæ discendo sentitur, cæteris omnibus major, sinceriorq; sit, vel illud indicio est, quod aliarum, etiam qui eis plurimum tribuunt, satietatem tamen quandam esse ac tedium, confitentur; hujus ut quisq; percepit plurimum, ita eam acrius atq; avidius concupiscit. Quod si cui forte dubium est, prodeat in medium Chrysippus, qui sæpe studio intentus tanta voluptate perfruebatur; ut cum tanquam extra se positum cibi portionisq; caperet oblivio. Prodeat solertissimus ille cælestium orbium non persequatur tantum, sed etiam imitator, Syracusanus Archimedes, qui non modò earum rerum, quas natura fert, præ ea, quam capiebat è studiis, oblectatione memor non erat; sed in illa ipsa Syracusanæ urbis direptione, ita defixus erat in studio, ut prius hostilis gladii cuspidam corpore exceperis: quam urbem in hostium potestatem venisse sentiret. O rem omnium seculorum admiratione dignissimam. Diripiebatur urbs ea tempestate omnium opulentissima; effusi per vias milites, ut in quemq; inciderant, sine ullo sexus, ætatis, ordinis discrimine obvios contrucidabant; undiq; gladium fulgor præstringebat oculos; undiq; armorum sonitus; undiq; cadentium tectorum fragor audiebatur: puerorum ejulatus, mulierum lamenis, morientium gemitibus, militum clamoribus, privata publicaq; omnia circumsonabant; ipsa urbs penè dimota & convulsa sedibus suis, suorum civium in cede ac sanguine natabat: cum unius hominis mens in media civitate, civitatis ipsius casum ac ruinam non sentiebat. Solonem verò accepimus, cum in lectulo, morti proximus, decumberet, inaudissetq; assidentes amicos de re quæpiam, submissè, ne ipsi molestiam parerent, disputantes,

ere-

erecto, u  
 aliquan  
 quid disc  
 re. O di  
 nerusa i  
 mus gra  
 mortis  
 scesserat  
 turus,  
 quid su  
 vocibus  
 cognitio  
 le est fi  
 nisi disc  
 theniens  
 nuit d  
 preclar  
 dici prof  
 enim, vo  
 potest, e  
 quanto  
 sint, cum  
 tus ad R  
 bus arti  
 justitia,  
 omnium  
 nument  
 tendam,  
 neminem  
 velut in  
 eos man  
 futuros.  
 sint, unu

erecto, ut potuit, jam semimortuo capite, rogasse eos, ut  
 aliquanto loqueretur clarius, sibi, si etiam moriens ali-  
 quid discere potuisset, discessum e vita jucundiorē fo-  
 re. O discendi cupiditas: quid non efficias, ubi semel ge-  
 nerosa ingenia occupasti? Tenebatur homo sapientissi-  
 mus gravissima vi morbi defixus in lecto: vicinū te jam  
 mortis ab omnibus pene corporis partibus sensus ab-  
 scesserat: egregius ille animus, max liber ac solutus fu-  
 turus, e corporeis vinculis exsire cupiebat: nūm quid-  
 quid supererat virium, eō contulit, ut deficiente lingua,  
 vocibusq; interruptis, ac morientibus suum doctrinae,  
 cognitionisq; desiderium indicaret. Quid hunc verisimi-  
 le est firmum ac valentem fecisse; qui ne mori quidem,  
 nisi discendo, voluerit? Merito igitur tam diu floruit A-  
 theniensium Respublica, quam diu tam præclari viri te-  
 nuit disciplinam. Sed, ut eō redeamus, unde nos facta  
 præclarissimorum hominum mentio paulisper abduxit,  
 dici profectō non potest, adolescentes nobilissimi: vos  
 enim, vos mea jam compellabit oratio: dici, inquam, non  
 potest, ea studia, in qua nunc tota pectore incumbitis,  
 quantō olim vobis & ornamento, & auxilio futura  
 sint, cum vos & generis vestri nobilitas, & vestra vir-  
 tus ad Reipublicæ gubernacula admovent. Etenim qui-  
 bus artibus civitates præcipuè conservantur, pietate,  
 justitia, fortitudine, imprimisq; prudentia, earum sunt  
 omnium artium quasi semina litterarum prodita mo-  
 numentis. Neq; verò hæc a me ita disputantur, ut con-  
 tendam, nisi litteris eruditum civem patriæ utilem esse  
 neminem posse: sed hoc dico; nisi litteris exculti sint ii, qui  
 velut in Reipubl. puppi sedentes, clavum tenent, multis  
 eos muneris sui; iisq; præcipuis partibus necessario de-  
 futuros. Nam, cum duo publicorum temporum genera  
 sint, unum pacis, alterum belli, quorum alterum semper

optabile est, alterum nunquam optabile, nonnunquam  
 necessarium: quomodo ut hanc partem priore loco at-  
 tingamus, in pace, civibus jura describere, quantum cuius  
 tribuendum sit intelligere, civium inter se dissidia com-  
 ponere, verba publice facere, legationes cum laude ge-  
 rere, praeterita tenere, futura prospicere, quid in omni-  
 bus rebus factis optimum sit, videre, & ex aliis alia col-  
 ligere poterit, nisi qui hac sibi de litterarum fontibus  
 haurienda omnia existimaverit? Nisi verò eorum reci-  
 pienda sententia est, qui fieri putant posse, ut qui Rei-  
 publ. praest. quamvis litterarum sit expers, tamen ad  
 eas res, quas modò enumeravimus, aliena opera non  
 incommode utatur. An verò T. Manlium Torquatum,  
 memoria proditum est, cum consul declaratus fuisset,  
 excusasse valetudinem oculorum, & summum impe-  
 rium detrectasse; quod indignum duceret, ei capita ac  
 fortunas cæterorum committi, qui alienis oculis omnia  
 gerere cogeretur: qui alieno ingenio, alienaq; lingua ad  
 omnia uti necesse habebunt, ii satis ad gubernandos cæ-  
 teros idonei videbuntur? At oculorum quidem lumine  
 carentes nihil prohibet acie ingenii etiam futura cerne-  
 re, optimeq; consulere: quales in fabulis Tiresiam, in hi-  
 storis Appium legimus: cuius verò doctrinarum luce  
 careat animus, quid is tandem gerere, quid suscipere,  
 quid cogitare præclarum potest? Sed sunt quidam ho-  
 mines, qui cum litterarum tractationem tranquillis pa-  
 catisq; temporibus, & honestam imprimis & utilem esse  
 fateantur: idem tamen cum occupata bello aliquo ci-  
 vitas est: latere eas, quasi perterritas in metu, & inter-  
 tubarum lituorumq; clangorem, nullum sui amplius  
 præbere visam arbitrantur. Quorum nobis hæc in par-  
 te coarguendus error est, & quantum vel in medio bel-  
 lorum tumultu literæ valeant operiendum. Etenim sa-

corporis  
 reitur;  
 qui cum  
 dentia lo  
 studio co  
 firmari  
 bello in  
 lud reg  
 ciltus p  
 decem  
 vendit  
 fert h  
 lis inte  
 rum vé  
 legisse  
 bi diu  
 bus, quo  
 lis inter  
 spectare  
 rum ad  
 eventus  
 licis om  
 versant  
 si seden  
 eruditiss  
 charitan  
 qua post  
 ac fortit  
 ea ignor  
 vera ac  
 Quid ill  
 deficien  
 fuisse re

corporis tantum, non etiam animi, viribus bella gererentur, cum isti fortasse aliquid dicerent: nunc quis est, qui cum mihi & maximum esse in bellis consilio ac prudentiæ locum, & eas virtutes bona ex parte literarum studio comparari, certè quidem insigniter augeri, confirmariq; concesserit; idem tamen earum scientiam in bello inutilem esse contendat? An ignoramus celebre illud regum regis Agamemnonii votum, qui ut Troja facilis potiretur, non Achillis, aut Ajacis, sed Nestoris decem similes optabat sibi? Neque temporis nobis ad vivendum à natura præscripti ea longitudo est, neq; ita fert humanarum rerum ratio, ut multis admodum bellis interfuisse unus idemq; possit: itaque qui unum alterum vè spectarunt, multum sibi militaris prudentiæ collegisse existimantur. Quid eos iudicabimus, qui hoc sibi diuturna librorum evolutione pepererunt, ut omnibus, quotquot post hominum memoriæ gesta sunt, bellis interfuisse videantur? Quod si quis ita bella aliquod spectare posset, ut utriusq; partis consilia teneret, rerum administrandarum viam, rationemq; cognosceret, eventus animo cerneret, quid non ei postea in rebus bellicis omnium consensu tribueretur? Ad hæc omnia; qui versantur in literis, aliq; plurima ac pulcherrima otiosi sedentes cõsequuntur. Taceo, quàm multa expressa sint eruditissimorum hominũ scriptis de virtute, de gloria, de charitate patriæ, de animorum aternitate, de præmiis, quæ post mortem manent eos, qui se pro patria animosè ac fortiter gesserint, quæ tantã vim habent, ut neq; qui ea ignorent, verè laudis habere gestũ, neq; qui tractant, verè ac solidè gloriæ ullã omninò rem anteferre possint. Quid illud, an nõ quantivũ est, quod sæpè labantes jam ac deficientes exercitus eloquentiũ hominũ voce legimus fuisse reoratos? Citetur testis Lacedæm. civitas, cuius

exercitus Tyrtæi Poëta versibus inflammatus, pulcherrimam illam de Messeniis victoriam reportavit. Dies me deficiet, si aut eruditos homines, qui bellicis laudibus præstiterunt, aut fortissimos Imperatores, qui eruditionis & doctrinæ gloria excelluerunt; enumerare instituam. Nam & Architam Tarentinum sexies exercitum duxisse comperimus, & Melissum navalibus aliquot victoriis insignem fuisse, & ter stipendia fecisse Socratem, & PLATONEM, & Xenophontem egregiam in bello civibus suis operam præstitisse. Quid illa propugnacula Græcia, Periclem, Themistoclem, Epaminondam loquar? Quid illa Romani Imperii columnina, Scipiones, Lucullos, Fabios, Marcellos; aliosq; innumerabiles proferam? quos omnes cum bellicis laudibus claros, tum præstantes doctrinæ studiis fuisse, historiæ loquuntur. Nam Julium Casarem, quis nescit, ultra laude præstaret, ambiguum posteris reliquisse? Brutus autem, quanto litterarum ardore flagraverit, vel ex eo colligi potest, quod ea ipsa nocte, quæ mortem ipsius antecessit, Platonis dialogum de animorum immortalitate legisse aliquoties, dicitur. Atq; hoc præclarè olim intellexisse videntur Mitylencæi, præcipuam esse in Republica vim litterarum, qui, quos populos bello devicerant, nullam eis aliam pœnam irrogabant, nisi, ut ne liberos suos litteras edocerent. Sciebant videlicet eas tantum civitates florere posse, in quibus litterarum studia colerentur. Cujus rei cur tandem aliunde exempla repetamus? An verò cives, quod viget hodiè vestra Respublica, quod floret, quod beata est, quod cum ceteræ orbis universi partes gravissimis bellorum tempestatibus agitentur, una hæc (quod ei Deus Opt. Max. proprium ac perpetuum faxit) in pace atq; in otio conquiescit, aliunde id fieri creditis, quàm quod ei & præsumunt homines cum

cete-

ceteris  
clarissim  
vine Pl  
ra, Tu  
fore, cu  
regere  
cultura  
Venet  
gius in  
plior e  
Sed &  
tia, ut  
spiciam  
quenq;  
earum  
pius  
mibi no  
stra sat  
ros pri  
à me or  
ampli  
meum  
betis.  
audiar  
forte  
votis  
ris vir  
mibi no  
fru



ceteris omnibus tum hac eruditionis & scientiæ laude clarissimi, & semper eorum simillimi præfuerunt? O divine Plato, tu a sunt omnia & dicta & cogitata præclara, Tu dicere solebas, tunc demum Respublicas beatas fore, cum eas aut Philosophi cœpissent regere, aut qui regerent, philosophari. Tuum hoc sapientissimum oraculum perpetua jam mille amplius annorum felicitate Venetorum Respublica comprobavit. Equidem quo longius in altum evehor, Patres amplissimi, eò mihi amplior & patentior orationis quasi cursus ostenditur. Sed & temporis me ratio, & vestra singularis sapientia, ut vela contraham, portumque tandem aliquando respiciam, monet. Neque enim credibile est, posse aut me, aut quenquam de litterarum præstantia, fructibusque qui ex earum tractatione capiuntur, vobiscum melius aut copiosius, quam unumquemque vestrum secum loqui: & mihi non tam orationis conquirenda copia est, quam vestra satietas refugienda. Itaque finem dicendi faciam, si vos prius etiam atque etiam rogavero, ut si forte minus à me ornate ac copiose dictum est, quam ut hujus loci amplitudo, & summa audientium dignitas postulabat, meum tamen idcirco placendi vobis studium ne improbetis. Ego quidem si non indignus à vobis, qui sapius audiat, judicer, erit, quod mihi magnopere gratuler: si forte; sed reprimam me, neque committam, ut meis ipse votis videar male ominari: qui tamen à tot, tam præclaris viris, tanta benignitate auditus fuerim, magnum mihi non hujus modò laboris, sed totius antea vite fructum hodierno die vestro singulari beneficio videor consecutus.

DIXI.

De utilitate ac præstantia litterarum Humaniorum adversus quosdam earum vituperatores.

ORATIO III.

HABITA VENETIIS POSTRIDIE  
Non. Octob. An. c1o 1o LV.

**P**ERMULTOS esse intelligo, qui de his litteris, quæ humaniores vocantur, eam animo imbibere sententiam, ut eorum tractationem leve quiddam esse, ac nugatorium existiment: neque aut magnos admodum labores ab iis suscipi, qui eas juvenuti tradant; aut eorum magnoperè fructuosam esse Reipubl. industriam, in eis deniq. non exquisitam ullam ac reconditam, sed circumforaneam quandam, haustamq. de triviis ac circulis requiri doctrinam putent. A quibus ego, quoniam ita dissentio, ut ex omnibus, qui se aliquid docere profitentur, horum vel gravissimum munus esse contendam: neque ullos esse, qui aut laborum plus perferant, aut majores in Republ. pariant fructus: doctrinæ deniq. à nullo hominum genere majorem aut copiam requiri, aut varietatem arbitretur: constitui hodierno die, Patres amplissimi, vosq. ceteri viri ornatissimi, eam mihi ad dicendum materiam sumere, & nobilissimam studiorum partem, quantum id quidem in me positum erit, à contemptu atque ab intolerabili ineruditorum hominum insolentia vindicare. Et verò quid aut huic tempori, aut omnino meo muneri facere convenientius possum, quàm ut, quæ mihi studia celebritatis aliquid cum aliis in locis, tum hac ipsa in civitate, pepererunt, à quorum ego veluti fontibus

bus ad h  
iis quo  
afferre a  
rum gen  
de vestr  
bus reb  
per bia  
quam u  
morit,  
bellis st  
doctrin  
eo cert  
ex arav  
istorum  
si bebet  
pervide  
men res  
gnum ess  
cum iis  
dum est  
varia q  
litter ad  
eorum  
cius, no  
paulisp  
sia meli  
sit isoru  
scere. Q  
nullum f  
non ad j  
dicendam  
opinion  
dam fab

bus ad hanc quantulamcunq; profluxi hominū famam,  
 iis quoq; vicissim oratione mea splendoris ac claritatis  
 afferre aliquid coner? Præsertim cum, qui hoc littera-  
 rum genus spernantur, facere nullo modo possint, quin  
 de vestra, patres amplissimi, singulari spectataq; in omni-  
 bus rebus ac penè divina sapientia nonnihil eadem su-  
 perbia detrahant. Etenim si hæc tota res tam levis est,  
 quam isti eam videri volunt: quæ vos tandem causa cõ-  
 morvit, ut proximo superiore anno, propositis publicè li-  
 bellis studiosorum hominū animos ad nobilè illā ingenii  
 doctrinæq; contentionē excitaretis; utq; iis, qui vobis in  
 eo certamine probati essent, honestissimū postea præmiū  
 ex ærario decerneretis? Quæ certè una res ad coercendū  
 istorum temeritatem satis ponderis habere debebat: ut  
 si hebetiores eos natura, stolidioresq; finxisset, quàm ut  
 pervidere harum rerum præstantiam possent; quod ta-  
 men vestro talium virorū iudicio probatum foret, ma-  
 gnum esse aliquid ac præclarū, suspicarentur. Sed quoniā  
 cum iis, qui auctoritate nō moventur, rationibus agen-  
 dum est, adesse animis; mihiq; breviter ostendenti, quàm  
 varia, quàmq; multiplex eruditio requiratur in iis, qui  
 litteras humaniores docent, eademq; opera, quantos ex  
 earum navitate atq; industria Respubl. percipiat fru-  
 ctus, non aures modò, sed mentes quoq; attentas; quæ so-  
 paulisper adhibete. Atque adeo, ut hæc tota controver-  
 sia melius dijudicetur, operæ pretium est, initiò quanam  
 sit istorum contemptorum humanitatis oratio, cogno-  
 scere. Qui quoniam eas, qui hæc litteras tractant, ad  
 nullum ferè majoris momenti negotiū adhiberi vident,  
 non ad iudicandas lites, non ad agendas causas, non ad  
 dicendam de rebus gravioribus sententiam faciliè in eam  
 opinionem prolabantur, ut ab eis, præter Poeticas quas-  
 dam fabulas ad pueriles animos hilarâdos compositas,

attentis

& aliquot levia comendæ ac poliendæ orationis præcepta, nihil omnino teneri putent. *Quid autem magni negotii est, inquirunt, in puerorum confesso de ejusmodi figmentis commemorare, ac modò de Thebano, modò de Trojano bello, modò de Ulyssis aut Æneæ erroribus molli, & ad inanem oblectationem composito sermonis genere differere; identidemq; velut è quibusdam arculis accommodata colorandæ orationi pigmenta depromere? Ecquæ autem magna eruditio est scire, quot navibus Græci ad oppugnandum Ilium accesserint; quot filios habuerit Priamus; Helenam rapuerit Alexander, ut Homerus, an Helenæ simulachrum, ut Euripides prodidit? quod emolumentum ex istorum omnium scientia; quod detrimentum ex ignorantia percipi potest: Nam cæterarum quidem artium Professores, quantum utilitatis afferant, per facile est ad intelligendum. Sive enim Dialecticos spectes, ab iis certa quedam veri falsiq; in rebus omnibus cognoscendi ratio traditur: ii se, quid cuiq; consentaneum sit, quid repugnans, quid ex quoz efficiatur; quæ sit dividendi, quæ finiendi, quæ argumentandi ratio, & tenere, & alios docere præ se ferunt.*

*Quid Physici? qui rerum principia causasq; tractant; qui, quomodo, quidq; gignatur, quoz modo intereat, edisserunt; qui nimborum, fulminum, tempestatumq; causas; qui corporum cælestium magnitudines, intervalla, cursus, progressiones, institutiones: qui animi naturam, qui rationem sensuum, qui animantium omnium ortus, victus, figuras, qui stirpium, qui omnium ferme rerum, quæ gignuntur è terra, naturas ita persequuntur, nulla ut pars ab eis cælo, mari, terra, ut Poëta loquuntur, prætermissa sit; hæc cum tractant, mediocriterne Reipubl. profunt? Nam si ad eos te convertas, qui eam susceperunt Philosophiæ partem, in qua de rebus expe-*

ten-

tendis fi  
 dustria  
 periri.  
 disputat  
 cent, qu  
 rum on  
 omnes  
 quot si  
 modis i  
 exfultat  
 rium, fr  
 quisq; se  
 strend  
 que dro  
 quibus  
 vitatis:  
 augeri,  
 cupiet, i  
 præclar  
 animi co  
 bernatr  
 mnum  
 ritatem  
 rorem a  
 fibras e  
 ritò dix  
 ri à Diis  
 isti verb  
 rum arc  
 ulla ex  
 esse præ  
 quendi  
 tam, au

tendis fugiendisq; differitur; ii vero sunt, quorum industria nulla unquam poterunt præmia satis ampla reperiri. Quibus enim, quamq; præclaris in rebus eorum disputationes consumi videmus? Qui hoc primum docent, qui sit finis, quid extremum, quid ultimum bonorum omnium: quod unum intueri: quod omnes actiones, omnes cogitationes, omnia consilia referri oporteat: quot sint virtutum, quotq; vitiorum genera; quibusq; modis illas assequi, ab his declinare possimus: quomodo exultandi, jactandiq; se, & deirecta rationis imperium, frenos injicere oporteat cupiditati: tum quomodo quisq; se in re familiari gubernanda gerere debeat: postremo quo nihil pulchrius, nihil præclarius, nihil denique divinius, ne votis quidem conceptis optari potest, quibus moribus, institutis, legibus temperanda sint civitates: quibus illæ modis fundari atq; institui; quibus augeri, atq; amplificari, quibus deniq; copiosissima, te-  
 cupletissima, uno verbo, beatissima effici possint. Oratio præclaras, ardentissimo studio, summaq; corporis atq; animi contentione dignissimas. Oratio Philosophiæ gubernatrix. O virtutum omnium parens, vitiorum omnium expultrix. Tuum est falsarum opinionum temeritatem diripere, tuam est omnium inanitatem & errorem amputare, ac circumcidere: tuum est vitiorum fibras evellere, stirpes elidere, semina extinguere. Merito divinus Plato nihil te præstantius hominum generi à Diis immortalibus dari potuisse dicebat. Tantum isti verborum magistri, fabularum interpretes, nugarum architecti: perfricent frontem, si quam habent, & se ulla ex parte cum Philosophiæ doctoribus conferendos esse prædicent. Qui si aliquid forte paulò abstrusius loquendi genus, aut aliquam voculam non ita per vulgata, aut quampiam paulò reconditorem fabularum re-

perire potuerunt, dignos se inaurata statua putant, nonnunquam etiam de eiusmodi tricis ita inter se digladiantur, ut pro aris & focis certamen suscepisse videntur. *Hæc ferè est, Patres amplissimi, eorum, qui studia laboresq; nostros deprimere conantur, oratio: qui quoddam PHILOSOPHIAM laudant, libentibus id nobis, atque approbantibus faciunt: nunquam enim cuiquam concedemus; ut eam non plus amet, pluris re faciat: quod autem nullum censent studiis atque artibus nostris cum ea esse commercium; in eo quanto perè fallantur, facile ex iis, quæ dicturus sum, intelligetur. Nam primùm omnium, si hoc ipsis concederemus, nil aliud à nobis quàm Poëticas fabulas, & exornandæ orationis præcepta tradi: non ex eo tamen effueretur, quod isti volunt, inanem quandam, & ludicram nostram omnem esse doctrinam, neque aliò, quàm ad puerorum animos vana quadam oblectatione demulcendos, referri. Etenim Poëtarum fabula, quas isti tantoperè exagitant & insectantur, non leuia quadam, & frugis expertia otiosorum hominum commenta sunt: immò verò sub eis, velut involucri, atque integumentis, omnis doctrina elegans, omnis ingenio homine digna cognitio, omnis deniq; sapientia continetur. Eratosthenem quendam fuisse ajunt, qui Poëticen ita contemneret, ut Homerum ineptæ loquacitatis magistrum nominaret. Ac certè Platon ac Aristoteles, quorum non paulò major est, quàm nescio cuius Eratosthenis auctoritas, ita sepe repetitis ex eo testimoniis utuntur ad confirmandæ ea, quæ tradunt, ut eum non tantùm studiosissimè legisse, sed vix unquam de manibus deposuisse videantur. Itaq; mirari foteo, cum quidam, qui se Philosophos videri cupiunt, & quidem eiusmodi Philosophos, ut, tanquam Atlante cælum, ita Philosophiam supercilio suo*

nitâ

niti putent, ita despicantur ducunt Poëtas, ut eorum scri-  
 pta aspicere se dignari negent. Qui quidem cujusmodi  
 Philosophi sint, ipsi viderint; cum eos contemnant, quos  
 Philosophorum coryphaeus Plato modò sapientie Pa-  
 tres ac Duces, modò Deorum Interpretes, modò Deorum  
 filios vocat. Aristoteles autem, cuius isti se germanos  
 esse Interpretes gloriantur, non tantum, ut antè dixi,  
 in omnibus scriptis suis identidem Poëtarum testimo-  
 niis utitur, verum etiam libro primo de sapientia, Phi-  
 losophum omnem, fabularum amatorem esse confirmat.  
Quod igitur Aristoteles esse se ajunt; fortasse verius,  
 sine dubio quidem verisimilius dicerent, si se ab Epicu-  
 ro esse affirmarent: hunc enim ex omni memoria unum  
 fuisse Philosophum accepimus, qui cum omnem elegan-  
 tiam doctrina, tum Poëtarum præcipue scripta conte-  
 mneret. Quod quidem se, negligendis Poëtis, ex Aristo-  
 telis disciplina ac familia censeari volunt; in eo, meo qui-  
 dem judicio, faciunt & impudenter, & imperite. At  
 enim id mihi hoc tempore propositum non est, ut de Poë-  
 tarum laude dicam: quod si esset; facile ostenderem, om-  
 nia præcepta vitæ, omnia virtutum officia nihilo ab  
 eis deterius, quam à Philosophis ipsis, doceri. Non igitur,  
 cum Poëtarum libros interpretamur, inanibus fa-  
 bellis, nutricum more animos ducimus; sed sementem  
 quandam virtutis atq; doctrine facimus: non in levibus,  
 minimeq; frugiferis rebus operam sumimus; sed præce-  
 pta sapientie, quò facilius in animos influant, insatia-  
 bili quadam admirabilium rerum varietate condimus.  
Quid cum ornate ac copiose loquendi præcepta tradi-  
mus, ludere videmur, an ea docere, quæ semper princi-  
 pem locum in omni bene instituta civitate tenuerunt?  
An nescimus, eloquentiam à gravissimis auctoribus re-  
 rum omnium reginam vocari? Hæc enim est illa virtus,  
 quæ

qua quamlibet in partem arbitrata suo flectit audien-  
 tium animos, eosq; pulchritudinis suae splendore obstu-  
 pefactos, quibusdam velut habenis numerosa orationis  
 regit. Hac illa est, quae consolatur merentes, afflictos  
 excitat, jacentes erigit: quae sceleratis exitio est, inno-  
 centibus praesidio, improbis terrori, prebis ornamento.  
 Hac Cicero fractus Catilinae furoribus, & nefaria in pa-  
 triam inrita consilia dissipavit: Hac togatus superavit  
 armatos: ut vel inimicorum confessione omnibus trium-  
 phis majorem adeptus lauream diceretur. Hac instru-  
 ti qui sunt, majus omnibus Tyrannis imperium in ho-  
 mines obtinent. Siquidem Tyranni possunt illi quidem  
 corpora constringere: animis nullam adhibere vim pos-  
 sunt: hi vero dominantur in animis: quaeq; ipsis hone-  
 sta atq; utilia videntur, ea non facere modo alios, sed et-  
 iam velle cogunt: illi invitatis imperant, hi volentibus illi  
 & oderunt omnes, & odiosi sunt omnibus: hos in omni  
 hominum genus beneficos, perpetua omnium benevo-  
 lentia comitatur. Neq; vero non qui eloquentiam con-  
 temnere se simulant, illius praestantiam intelligunt: sed  
 quod assequi non queunt, invidiosè vituperare malunt,  
 quam ingenuè de imbecillitate suarum virium confite-  
 ri. Orationis igitur meae summa eò redit deniq; etiamsi  
 nihil aliud à nobis requireretur, quam ut explicare-  
 mus poëtarum fabulas; & inventuti quasi vias, qui-  
 bus ad dicendi facultatem pervenire posset, indicare-  
 mus; tamen neq; mediocriter Reipublicae prodesse nos,  
 neq; parvis in rebus contemnendisq; versari. Nunc tan-  
 tum abest, ut ea solum requirantur à nobis, ut nulla sit  
 ars digna hominis liberaliter educati studio, cujus non  
 aliqua cognitione oporteat tinctum esse eum, qui munus  
 hoc cum laude sustinere meditetur. Itaq; hoc inter nos  
 & alios interest, quod alii eos tractant scriptores, quo-

rum uno  
 fere in  
 quibus  
 quidqua  
 psis, de q  
 nobis ii  
 sint à vi  
 biles loc  
 habent.  
 quam do  
 men suffi  
 aut med  
 perito ve  
 re. Nos  
 varietas  
 nitus, sed  
 Non long  
 nes in Ven  
 explicare  
 propemo  
 Libros  
 suscipim  
 partibus  
 que libra  
 Quid ter  
 satiore se  
 profiteri  
 qui homin  
 bil in doc  
 pari pite  
 est, quod  
 neq; eleg  
 postulatu



rum uno aliquo de genere tota disputatio est. Non enim ferè in libris Dialecticorum, Physicorumve, aut in iis quibus medicinae jurisve civilis scientia continetur, quidquam reperias, cujus intelligentiam non ex illis ipsis, de quibus inscripti sunt, artibus repetere possis: at nobis ii quotidie sunt explicandi libri, qui cum scripti sint à viris omni scientia excultis, ipsi quoque innumera- biles locos ex omni disciplinarum genere depromptos habent. Itaque ceteri etiam si eam unam artem teneant, quam docent, aliarum omnium sint omnino rudes: tamen sufficere posse suo muneri existimantur: neque unquam aut medico turpe habitum est, nescire leges, aut jurisperito vel medicinam, vel astrorum scientiam non tenere. Nos uni sumus, quibus omnis illa liberalium artium varietas, non pertractanda quidem, ac pernoscenda penitus, sed degustanda tamen, & delibanda necessariò est. Non longè abierimus. Superiore anno Ciceronis orationes in Verrem interpretati sumus. Quam multa ibi nos explicare meminerunt, qui tum aderant: in quibus alios propemodum omnes juris civilis ignorantia se fefellerat? Libros ejusdem de finibus nunc ipsos interpretandos suscipimus. Quam multa nobis ex omnibus Philosophiae partibus depromenda erunt, quibus ignoratis, hos quoque libros ignorare necesse est? Quid astrorum ratio? Quid terrarum situs? nisi qui hæc utraq; utcumq; teneat satisne se quisquam idoneum poetarum interpretem profiteri potest? Et tamen usque eò alienis laboribus iniqui homines reperientur, qui ludere nos, ac jocari & nihil in docendo aliud, quam puerilem voluptatem aucupari putent? Nam illud quoque minimè prætermittendum est, quod à graviorum artium doctoribus neque ornata, neque elegans, neque multis quidem in locis, Latina oratio postulatur. Itaque ruant licet in dicendo, & impure, im-  
pra-

proprie, barbare, loquantur, suo id eis quodam jure licere creditur: *At nobis dicentibus, sunt, qui quosdam quasi laqueos tendant, ut si quid exciderit parum expositum, diem nobis continuo dicant violata latinis; quodque postrema iniquitatis est, peccare nos putant, nisi in eis etiam, quae subito fundimus, plurimi illigati sint & verborum & sententiarum lepores. Quae cum ita sint, quis est qui non intelligat, si hominum expectationi huius professionis satisfacere cupiamus, infinitos esse nobis labores exhortandos? Desinant igitur, desinant isti alieni industriae contemptores, gloriae obtrectatores: comprimant vocem stultitiae atque invidentiae indicem. Vos vero, patres amplissimi, pergitte, ut facitis, benignitate vestra labores nostros fovete: ut haec florentissima, & bonarum artium studiis deditissima juventus, exercitationibus hisce nostris ad virtutem preparata atque praeculta, vestram olim in hac felicissima Republica gubernanda sapientiam facilius imitari queat.* DIXI.

## De Philosophiae & Eloquentiae conjunctione.

### ORATIO IV.

HABITA VENETIIS MENSE  
Octobri anno MDLXXVII.



*I quis forte vestrum est, auditores, cui admirabile videatur, quod cum ceteri ordinis mei homines in orationis fere alicujus, aut poematis explicatione versari soleant, eos sibi liberos, quibus abdicarum retrusarumque rerum exuberantibus illis hausta Philosophiae fontibus tractatio continetur,*

netur, interpretandi quidem causa, vix esse attingendos  
 putent: ego contra & altero ab hinc anno quinq; Cice-  
 rononis libros, quibus de summo bono in contrarias par-  
 tes copiosissime disputatur, explicaverim, & hoc tempo-  
 re Tusculanas mihi potissimum disputationes, in quibus  
 hujus anni curriculum conficerem, elegerim: is si mei  
consilii atq; instituti causam rationemq; cognoverit, si-  
mul & id, quod facio, probabit, & me si aliter fecissem,  
justam doctorum & intelligentium reprehensionē nullo  
pacto effugere potuisse existimabit. Ego enim, auditores,  
 semper in ea fui sententia, preclarā illam minime com-  
muniū contritarumq; rerum scientiā, quam philosophi  
& tenere se, & aliis iradere profiterentur, ita esse cum  
facultate ornatē copiosēq; dicendi conjunctam atq; co-  
pulatam; ut eas qui distrahere ac divellere conaren-  
tur, & vel rerum cognitionem sine ullo factā ac polita  
orationis instrumento consecrari se dicerent, vel verbo-  
rum sterculis contenti, ne aspirarent quidem ad recon-  
ditos sapientiæ fructus; pessimē utrosque tum suis,  
tum alienis studiis consulere, & exitiale quasi corpo-  
ris & animi dissidium inducere arbitrarent. Igitur &  
 ab ipso ætatis meæ principio ita studiorum meorum ra-  
 tionem comparavi, ut exornandæ orationis curam  
 cum rerum investigatione conjungerem: & postea om-  
 nibus, qui se in disciplinam mihi dederunt, auctor  
 fui, ut eandem illam viam, quam præsertim præstantis-  
 simorum omnis memoriæ hominum signatam atque im-  
 pressam vestigiis viderent, ipsi quoque toto pectore,  
 omniq; animi contentione sequerentur. Animadvertē-  
 ram enim, & eos, quorum omnis in concinnitate vo-  
 cum, & in verbis tanquam ad normam dirigendis, qua-  
 drandis, componendis cōsumeretur industria, ab iis, qui-  
 bus cor, ut ajunt, saperet, ut, leves futilesq; contemni:

& eos

Et eos qui se ita penitus rerum indagatiōi tradidissent, ut de comparanda laute orationis suppellectile non laborassent, quasi agrestes ac barbaros quosdam ab omnibus elegantium hominum cœtibus repudiari. Ergo simul atq; mihi publicè munus illud adsignatum est, ut iter vobis ad ea studia præirem, quibus exultis, Reipublicæ aliquando usum aliquem afferre possētis: statim id consilium cepi, ut alternis annis modò Ciceronis orationes, modò ejusdem ad Philosophiam pertinentes libros interpretarer. Itaq; primus, ut meministis, annus in aliquo Verrinæ accusationis librorum explicatiōe consumptus est. Secundo dissidentes veterum de summo bono sententias, quinq; libris expositas, accuratè persecuti sumus. Tertium Catilinariæ sibi orationes vindicaverunt. Hoc autem quarto, quem unum felicibus ingredimur auspiciis, quas vobis, auditores quam exquisitas, quamq; præclaras avidarum doctrinæ mentium epulas apparatus? Decrevi enim animos vestros ipsa sui cognitiōe pascere, eorumq; vim ab omnibus rebus externis advocatam, totam in seipsam colligere, & ad naturæ suæ contemplationem traducere, vos deniq; ipsos vobis ostendere, & illam divinæ auræ particulam, quæ in nobis omnibus latet, considerandam, cognoscendamq; proponere. Excutiendæ nobis erunt omnes veterum Philosophorum Bibliotheca: perlustranda omnis antiquitas, replicanda omnium veterum historiarum, monumentorumq; memoria: ut sciamus, quid homines sapientissimi de humanis animis senserint, quibus rationibus & argumentis adducti divinos esse eos, & interitus experites cum sibi, tum aliis persuaserint: exagitanda & coarguenda eorum cœcitas, amentia, immanitas, qui alia in opinione fuerint: confirmandus ac uniuersus animus ad versus mortis metum; proferenda exempla eo-

rum

rum, qui  
 buerint.  
 stantem  
 men ut a  
 immorta  
 liberi, in  
 gione at  
 rent. C  
 concurs  
 scripsit  
 cunq; pr  
 cognitio  
 per vag  
 quis est  
 animi, q  
 quamlib  
 esse par  
 vel nitid  
 manu co  
 quantoq  
 hominum  
 contuer  
 quod vi  
 eas nos  
 profiter  
 doribus  
 chritud  
 modis o  
 facilem  
 dumq; re  
 mecum,  
 dite. Il  
 dua; illo

rum, qui mortem partim adventantem despicant habuerint, ac pro nihilo putaverint, partim etiam cunctantem cupide accerserint. Stultè illi quidem: sed tamen ut aperte ostenderent, se nullo modo de animorum immortalitate dubitare: ut corporeis vinculis exuti ac liberi, in illas sedes, in quibus puros à scelerum contagione animos post obitum versari acceperant, evolarent. O præclaram disputationem, & vestro omnium concursu studio, attentione dignissimam. Etenim si verè scripsit Aristoteles, magis expectandam esse quantulamcunq; præstantium rerum, & remotarum à captu vulgi cognitionem & intelligentiam, quam communium & per vagatarum quamlibet exquisitam tractationem: quis est qui non videat, quantulamcunq; cognitionem animi, quo nihil est divinæ naturæ propius aut similis, quamlibet accuratè aliarum rerum cognitioni multis esse partibus anteponendam? Et si nemo est, quem non vel nitido concepta speculo, vel periti artificis expressa manu corporis sui figura deleat: quanto jucundius quantoq; suavius esse debet, expressam doctissimorum hominum ingenii animi sui, quasi quandam imaginem contueri? Quid illud? quanti tandem faciendum putatis, quod vitam nihil magis conturbet, quàm mortis metus, eas nos rationes, quibus ille pellatur, allaturos esse profitemur? Non sine magnis hæc meis laboribus, sudoribus, vigiliis fiet: sed mihi cum rerum ipsarum pulchritudo, tum flagrantissima cupiditas studia vestra modis omnibus adjuvandi, omnem laborem non modò facilem ac tolerabilem, verùm etiam dulcem jucundumq; reddit. Alios vulgaria atq; obsoleta delectent: vos mecum, auditores, ad hæc recondita & abstracta contendite. Illos humilia, nos sublimia: illos proclivia, nos ardua; illos in promptu posita, nos à vulgariis oculis re-

mota delectent: illos deterreat & examinet difficultas,  
 nos exacuat & exstimulet: illos frangat ac debilitet, nos  
 confirmet ac reficiat labor: illi nihil sibi proponant,  
 quod non quilibet unus e multis consequi possit: nos  
 quidquid ignavi vel sperare audeant: nostro indignum  
 studio esse ducamus. sed quoniam nonnulli reperiuntur,  
 qui, quod vel erroris caligine occacati, hæc Philosophiæ  
 cum eloquentia conjunctio, quam sit fructuosa, non vi-  
 dent, vel invidia veneno suffusi, ad quæ aspirare ipsi  
 non queunt, ea præstare alios indignantur: vel denique,  
 quod si omnia aliorum consilia atq; instituta reprehend-  
 ant, ita se demum sibi aliquam judicii famam confectu-  
 ros esse confidunt: qua in re nobis laus ac commendatio  
 debetur, ea in ipsa reprehendere nos atq; accusare non  
 verentur: clamantq; regendos esse professionum fines,  
 suisq; quamq; limitibus ac terminis coercendam: neque  
 patiendum ut aut Philosophi, quæ sunt eloquentium,  
 usurpent: aut disertæ Philosophicæ attingant: ejusq; rei  
 rationes quasdam afferunt, non admodum validas illas  
 quidem, sed quæ tamen aliquem minus peritum in frau-  
 dem inducere posse videantur: statui hodie no die, audi-  
 tores, vobis disceptatoribus atque arbitræ adversus  
 eos differere, & quidem ea lege differere, ut nisi eos non  
 dicam ego, sed ipsa Philosophia eloquentiæ armis instru-  
 ta fregerit atque abjecerit, causam nullam dicam, quin  
 illi præclarè sentire, nos desperes; illi consideratè ac sa-  
 pienter loqui, nos vaticinari atq; insanire: illi studiis  
 adolescentum optimè consulere, nos iisdem vehementis-  
 simè officere judicemur. Intelligitis autem esse mihi cum  
 duplici hominum genere negotium: quorum alii le-  
 vem & ineruditam loquacitatem, alii inornatam &  
 indiseratam Philosophiam colunt: adversus quos utros-  
 que dum differo, peto à vobis per eas ipsas artes, de  
 quis-

quibus di-  
 pere co-  
 stra exit  
 autem co-  
 quos, per  
 dammod-  
 propius  
 bus alte-  
 sinant, a  
 si, socios,  
 tur alloq-  
 qua dila-  
 neos, sed  
 ligitis, o-  
 bis: rer-  
 quam à  
 cognition-  
 ut lucem  
 oblectation-  
 suis, tam-  
 adhiber-  
 societate  
 aptosq;  
 nem adhi-  
 largita  
 cum alio-  
 hujus di-  
 ex ipsis  
 ta desum-  
 rum ver-  
 bere. In-  
 num gen-  
 rissimas

quibus dicere institui, quarum utramq; vobis maxima-  
 perē cordi esse novi, ut studium meum attentione ve-  
 stra excitetis, attentionem silentio induceris. Primum  
 autem congregiamur cum delicatis istis & mollibus,  
 quos, perinde ac parvos puerulos, severa & torva quo-  
 dammodo Philosophiæ facies ita deterret, ut ad eam  
 propius accedere non audeant: efficiemus enim de duo-  
 bus alterum: ut aut fusi ac fugati, molesti nobis esse de-  
 sinant, aut, quod malim, confirmati, ac bene sperare ius-  
 si, socios se nobis honestissimi laboris adiungant. Vos igitur  
 alloquor, quicumque vocum illecebris tanquam ali-  
 qua dulcedine cantuum capti, ad eas tanquam ad Sire-  
 neos scopulos, adherescendum putatis. Ecquid intol-  
 ligitis, omnem gratiam ex rebus constare & ex ver-  
 bis: rerum autem copiam & ubertatem non aliunde,  
 quam à Philosophis peti posse: idcircoq; esse Philosophiæ  
 cognitionem eloquenti futuro necessariam? Non enim  
 ut *Lucinis* canendi, sic hominibus loquendi facultatem  
 oblectationis causa natura concessit: nec tantum munus  
 suū, tamq; præclarū ad aures modò demulcendas voluit  
 adhiberi: sed cum *ess* ita fabricata esset, ut eis rationis  
 societatem cum Diis immortalibus intercedere voluisset,  
 aptosq; eos fecisset ad rerum præstantissimarū cogniti-  
 onem adhibito studio consequendam, instrumentum etiam  
 largita est, quo de illis rebus inter se differere, easq; alii  
 cum aliis communicare possent. Placet autem hoc loco  
 hujus disputationis principia paulò altius repetere: &  
 ex ipsis Philosophorum libris causa nostra firmamen-  
 ta desumere, atq; istis Philosophiæ contemptoribus ea-  
 rum rerum, quas contemnunt, specimen aliquod exhibe-  
 re. Interjectum quodammodo & intermediū est homi-  
 num genus inter animantes cōsiliū expertes, & inter pu-  
 rissimas illas mētes ab omni corporū societate secretas:

ita ut illis quidem superius perfectiusque sit, his autem inferius, minusque perfectum. Nam illa quidem sensibus tantum degentes, nulla prorsus ratione ad intelligentiam & cognitionem progredi queunt: hæc verò sine ullo sensuum adminiculo ac ministerio, simplicissimis notionibus, quæcunque ipsis ad intelligendum objecta sunt, apprehendunt. Homines autem possunt illi quidem ad rerum intelligentiam provehi, eorumque sunt mutis animalibus superiores: sed quoniam immortalis ipsorum, & simplex & cælestis animus, mortalis, & concreti, & terrestris domicilio corporis habeatur, eo fit, ut ad cognitionem & scientiam sine sensuum ministerio pervenire non possit. Itaque rectè Plato mentis internuncios, quasi que satellites sensus nominavit, eosdemque duces ad veritatem esse dixit: ejus autem auditor Aristoteles pronuntiavit, nihil intelligi, nisi prius aliquid sensu perceptum fuisset, quod quasi viam stravisset, ad illud intelligendum. Idemque alio loco statuit, si cui sensum aliquem à primo ortu naturæ denegaverit, eidem necessarium aliquam esse scientiam defuturam. Cum autem de rebus tanquam itineribus ad scientiam pervenire liceat: quod alia reperimus ipsi per nos, quasi que parimus, alia verò ab aliis accipimus: quorum illam inventionem, hanc disciplinam vocant: necesse erat, ad earum utramque sensum aliquem accommodari. Sed cum cæteri ad eam rem minus apti forent, oculorum quidem sensus ad rerum præstantissimarum indagacionem, aurium verò ad earundem, cum ab alio traderentur, perceptionem ab ipsa natura constitutus est. Instrumentum autem communicandarum participandarumque animi notionum eadem natura orationem esse voluit: cumque cæteris animalibus sonos modò quosdam dedisset, quibus voluptatem, dolorem, desideria naturæ, affectus denique indicarent:

carent: d  
cem, un  
ipsi arbi  
pacto st  
eo instr  
cienda u  
percipi  
animis  
vendas  
tio: cum  
iisdem  
chinata  
notionu  
que, ut  
te secu  
qui poss  
in huius  
oblectan  
butam:  
set, babe  
vocare  
semper  
vint: an  
phoram  
dem scri  
repta  
in terris  
Qui her  
progress  
Philoso  
institue  
tant: P  
lis, à P



carent: distinctam hominibus, articulata atq̄ tribuit vo-  
 cem, unde eos Homerus uicinas nominavit: quàm cum  
 ipsi arbitrato suo flexissent atq̄ variassent, quasiq̄ com-  
 pacto statuissent, quam cuiq̄ voci vim esse vellent, tunc  
 eo instrumento ad ea, quæ animo concepissent, patefa-  
 cienda uterentur. Sic fit, ut res quidem ipsæ singulares  
 percipiantur sensibus: quæ ex perceptione existunt in  
 animis rerum uniuersarum notiones: ad eas uero evol-  
 uendas & in medium proferendas adhiberi debeat ora-  
 tio: cuius usus cum ad eos tantum, qui eodem tempore  
 iisdemq̄ in locis uiverent, pertineret, hoc amplius ma-  
 chinata est hominum solertia, litteras, quæ, ut uoces  
notionum, sic hæ uocum ipsarum essent notæ, efficerent-  
que, ut & absentes cum absentibus, & ii, qui multis an-  
te seculis florissent, cum omni posteritate quasi collo-  
qui possent. Ex hisce liquidò constare arbitror id, quod  
 in huius sermonis ingressione posueram orationem non  
 oblectandarum aurium causa nobis esse à natura tri-  
 butam: sed ut animus, cum se rerum cognitione saturas-  
 set, haberet, quomodo alios ad earum communicationem  
 uocare posset. Quomodo autem poterunt aut quidquam  
 communicare cum aliis, qui nihil ipsi, nisi loqui didice-  
 rint: aut quidquam egregium discere, nisi qui Philoso-  
 phorum monumenta contriuerint? Etiam qui sunt tan-  
 dem scriptores illi, qui distinctè ordinatèq̄ dicendi præ-  
 cepta tradunt? Philosophi. Qui rerum admirabilium, quæ  
 in terris, mundoq̄ fiunt, causas aperiuunt? Philosophi.  
 Qui herbarum, qui stirpium, qui animantium, ortus,  
 progressus, naturas, vires, utilitates prosequuntur?  
 Philosophi. Qui de officio, qui de uirtute, qui de ratione  
 instituenda uita, qui de moderandis affectibus dispu-  
 tant? Philosophi. A Philosophis omnis doctrina libera-  
 lis, à Philosophis omnis historia, à Philosophis omnis

artium varietas sumi potest: ab his Oratores, ab his Imperatores, ab his Rerumpublicarum rectores existerunt: neq. quisquam unquam aut in dicendo, aut in rebus gerendis excelluit, qui non prius in Philosophorum officina politus ac limatus fuisset. Ac mihi quidem sepe numerò permirum videri solet, reperiri nonnullos usq. eò excordes, ut oratoris munus ab homine Philosophiæ ignaro sustineri posse credant. Nam cum illi ipsi fateantur, tria esse, quæ orator dicendo efficere debeat, ut fidem faciat iis qui audiunt, ut eos suavitate perfundat, & ut eorum animos aptis & accommodatis ad obtinendum id, quod vult, affectibus concitet: nullum est horum, quod mihi sine Philosophiæ auxilio perfici posse videatur. An verò faciendæ fidei erit idoneus, qui non illos à Philosophis propositos fontes animo & memoria contineat, ex quibus ad omnem disputationem incredibilem argumentorum copia emanat? Ratiocinationes autem contexere, & id, quod probandum susceperis, acutè circumscripta conclamatione conficere, tum ea quæ ab adversariis allata sint, subtiliter dissolvere, quorum tandem est nisi Philosophorum? Neq. verò video, quomodo delectare, nisi forte pueros, aut homines puero-rum simillimos, queat inanis & nullo librata sententiarum pondere oratio. Quid ita? nempe quòd, ut præclare docet Aristoteles, is demum motus efficit voluptatem, qui perducit id, quod movetur, ad statum naturæ ipsius accommodatum & congruentem. Itaq. corpora cum aut exinanita sunt, aut redundant, tum perceptione cibi ac potitionis, tum depulsionem & ejectionem superfluentium rerum lætantur; & in animis idem usu venire credendum est. Quid est autem, quod natura ducit concupiscat animus, ad quod feratur, cuius perpetua quasi fame sitiq. teneatur? Doctrina nimirum atque cognitio,

gnitio  
est: eo  
illi t  
vinci  
per spe  
notis  
fonte  
XII. no  
dibilib  
audito  
tu defi  
officio  
re affi  
quocun  
phia m  
resting  
morem  
cordian  
tes, &  
arbitra  
Etium  
mo qui  
ne in sp  
quam c  
ex ipsis  
quid, q  
ceteris  
tantum  
scrutand  
consume  
persuad  
rare, q  
ci veter

gnitio, hic illi cibus, hic ~~pastus~~ proprius ac naturalis est: eo alitur ac reficitur, eo saturatur ac gescit. Ergo illi tantum concionis animos insatiabili oblectatione divinciunt, quorum omnis sermo cum urbanitatis sale perspersus est, tum distinctus & illuminatus doctrinae notis, quorum ex ore, tanquam ex perenni quodam fonte, nunquam intermittente, nusquam insistente fluxu, novarum usq; & admirabilium rerum copia incredibilis profuit: ut demum modò clamores faciunt, modò auditores admiratione percussos silere, & uno in obtutu defixos harere cogunt. Illud verò, quod in oratoris officio tertium ponitur, concutere audientes omni genere affectuum, eorumq; pertractare intimos sensus, & quocunq; collibuit flectere, quis unquam nisi Philosophia munitus consequetur? An verò vel accendere, vel reslinguere iracundiam, vel incutere, vel excutere timorem, vel conflare invidiam, vel levare, vel ad misericordiam adducere, vel à misericordia abducere audientes, & eos quasi gubernaculo quodam linguae impellere arbitrati suo poterit is, qui non horum omnium affectuum causas rationesq; pernoverit? Sed increbuit sermo quidam hominum imperitorum, qui ita discitant, ut ne inspiciantur quidem Philosophorum libri, satis magnam tamen earum omnium rerum uberemq; notitiam ex ipsis Rhetorum scriptis posse desumi. Quod si ita est, quid, quaeso, commovit veteres illos, qui dicendi tandem ceteris antecelluisse perhibentur, ut tantam curam tantumq; studium in audiendis Philosophis, & in perscrutandis penitusque cognoscendis eorum praeceptis consumerent? Quid Periclem illum, cuius in labris persuadendi Deam sessitavisse dictum est, quem fulgurare, quem tonare, quem permiscere Graciam Comici veteres tradiderunt? Quid igitur illum impulit,

ut Anaxagoræ se Physico erudiendum daret, eamque asse-  
 ctaretur, sed ad illam, ad quam aspirabat, eloquentiæ  
 laudem, nihil in illius doctrina intellexerat esse momen-  
 ti? Quid Demosthenem, quid M. Tullium commemorem?  
 tantam in utroque dicendi copiam fuisse censeremus, nisi  
 ille Platonem, hic Philonem, Diodorum, Possidonium, a-  
 liosque permultos nobiles Philosophos studiosè ac dili-  
 genter audisset? Qui si ea, quæ ab illis accipiebant, à di-  
 cendi magistris accipere potuissent, non ab alienis illa  
 mutuari & corrogare potius, quam domo & à suis pe-  
 tere maluissent. At queruntur asperam quodammodo  
 & salebrosam esse Philosophiam, inamœnumque illius stu-  
 dium, quodque nulla dulcitudine aut allicere aut allectos  
 detinere animos possit. O molles ac voluptuarios homi-  
 nes. Vos igitur in tanta rerum præstantia ac dignitate  
 etiam delicias queritis? & quo vobis itinere ad sapien-  
 tiam aditus patet, suscipere illud abnuitis, nisi viam vi-  
 deatis tum mollissimam & planissimam, tum rosis &  
 violis constrictam, quamque viridantes omni ex parte o-  
 pacent patularum arborum comæ? At etiam si perpetuò  
 per Athonis & Caucasii nives, si per ferventes Lybiæ  
 arenas gradiendum foret, tamen, si viri essetis, omnem  
 laborem omnemque difficultatem contemneretis. Sed non  
 patiar vos diutius in errore versari. Scitote enim, hoc  
 studium, quod vos asperum & inamœnum putatis, ita  
 esse dulce, itaque jucundum, ut nihil suavius, aut jucun-  
 dius ne votis quidem conceptis expeti possit. Cui rei vel  
 illud argumento sit, quod, qui se illi semel penitus tradi-  
 derunt, ii postea neque rei familiaris cura, neque honorum  
 cupiditate, neque corporearum voluptatum blandimen-  
 tis ab eo avocari queunt. Possem hoc loco evagari la-  
 tius, & id, quod dixi, tum repetitis è veteri memoria,  
 tum vivis ac spirantibus exemplis confirmare, nisi me  
 tem-

temporis ratio brevem esse admoneret. Nunc igitur, quam poterimus brevissime, eorum refutemus errorem, qui se ita Philosophie studio contentos esse ajunt, ut omnem orationis cultum penitus negligant. Quorum non unum genus est. Quidam enim nihil aliud dicunt, nisi verborum elegantiam Philosopho minime necessariam esse. Quidam etiam indecoram esse contendunt. Sunt qui, cum eam non indecoram esse fateantur, fieri tamen negant posse, ut unus idemque, in utroque excellat, et tum rerum scientia polleat, tum dicendi facultate præstet, idcircoque nolle se insequendo eo, quod assequi nunquam possint, operam perdere. Cum primis illis non multum nobis negotii est. Nam ne nos quidem dicimus, ita necessariam esse Philosopho eloquentiam, ut, ea si careat, nomen suum tueri ac retinere non possit. Sed profecto sordida hominum, planeque misera vita sit, si studia nostra necessitate tantum, non etiam commoditate et ornatu dirigantur. Casis contectis stramine, et angustis tuguriis ac gurgustis, operis etiam plaustris, ut Scythæ, aut, ut Cynici, dolis cæli defendere injurias possumus: idque ad necessitatem satis est. Num idcirco adificandi artem repudiemus? In restitutum cultumque corporis, si nihil spectemus aliud, nisi ut imbres, ut nives, ut ventos, ut Solem, ut frigus arceamus: satis fuerit, vel pellibus animalium corpus amicire: an quisquam propterea honestior civilem ea in re consuetudinem negliget? Sic et in hac genere studiorum non in iis modo carere, verum etiam in iis, quibus satis commodè carere non possumus, elaborandum: neque tantum necessitas, verum etiam dignitas, et pulchritudo spectanda est: præcipue cum omnibus propemodum in rebus decorem et elegantiam cum summa utilitate natura ipsa copularit. Hos igitur sine ulla contumelia dimittamus; tantum maneamus,

ut, si in omnibus vita partibus ornatus rationem habendam esse ducunt, in studiis quoque eam omittendam non esse, factis refellendi fateantur. Isti nobis acrius insectandi sunt, vehementiusque repellendi, qui de vita opera barbariem in loquendo diligunt, & non aliter se Philosophos visum iri putant, quam si dictione inquinatissima utantur, & ut sues in luto ac cæno, sic ipsi in orationis sordibus volutentur. Antiquis temporibus quoddam stultorum genus fuisse proditum est, qui pedore ac squalore horridi, pannis obsiti, semper illoti, semper intonsi, semper impexi, illo ipso incultu ac neglectu corporis, Philosophorum nomen in vulgus assequiebantur. Non valde dissimilis est eorum amentia, qui orationem nullo studio excultam, nulla diligentia expolitam, nullo artificio elaboratam Philosophiæ Professoribus convenire ajunt. Atque illi tamen eo tolerabiliores: quod corporis colendi curam multi, ornandæ orationis studium nemo olim, qui aliquo inter Philosophos loco haberetur, neglexit. Nisi forte quis Epicurum, & eos qui ab eo sunt, objiciat, quos ego vix in hominum; in Philosophorum quidem numero nullo modo habendos esse censeo. Et autem operæ pretium audire, quomodo hanc suam tam præposteram tamque absurdam opinionem confirmant. Gravis alicujus & severæ matronæ Philosophiam similem esse ajunt, quam omnis fucus dedeceat; quæ nativa pulchritudine contenta, augere eam pigmentis & lenociniis non laboret. Ut incultos & horrentes solitariosque lucos plus habere majestatis ac venerationis, quam nitidas & viridicatas, & digestis in quincuncem arboribus consitas sylvas; sic squalentem; & ut ita dixerim, impexam, nescio quo modo augustiorem & majestatis pleniorē videri, quam compram, & quasi unguentis delibutam orationem. Quibus nos ita respon-

sum

sum volumus: non si calamistro intortus capillus, &  
 bacca minio ac cerussa fluentes, & vulsa supercilia, &  
 quasitus arte dentium candor matronam dedeant: con-  
 tinuò illuviem & situm, ac sordes decere. Est & suus,  
 non modò matrifamilias, verùm etiam viro cultus. Et,  
 ut reprehendendus sit, si quis quotidie radatur ad spe-  
 culum, quod tamen Africanum fecisse accepimus, & fa-  
 cie feminibus <sup>5</sup> levatis in publicum prodeat; sic si quis <sup>5</sup>  
 Patroclum illum imitari velit, quem cavillans Aristop-  
 phanes, nunquam in vita lavisse dicit, ita ut nunquã os,  
 nunquam manus abluat, nunquam sudorem detergeat,  
 nemo sit, qui non fœdum illius ad spectum, & tetrum ac  
 virulentum, qui ex eo afflabitur, odorem abominetur.  
 Neq; verò nos à Philosopho exigimus, ut verborum pa-  
 rritatem ac similitudinẽ aucupetur, neq; ut in rotundan-  
 dis periodis occupetur, neq; si agrestem esse illius & in-  
 concinnam locutionem nolumus, effœminatam & canti-  
 corum similem volumus: neq; tam ut rerum præstantiã  
 verborum splendore illuminet, quàm ut ne illam oratio-  
 nis impuritate contaminet, postulamus. Tu mihi cum  
 de rebus cognitu dignissimis dicere ingressus sis, ea ver-  
 borum portenta evomas, ut, qui aderunt, non hominem  
 loqui, sed asinum rudere existiment? & tamen ea fatui-  
 tate atq; impudentia sis, ut homines politè dicendi ca-  
 pidos despicias, & istud, quod tu facis, voces philosophi-  
 cè loqui? Nam illud, quòd in eo majestatem quandam &  
 quasi religionem inesse vis, vide, ne potius impium sit,  
 ut vasa Deo dicata impuris manibus, ita Philosophiam  
 impuro sermone tractare. Enim verò si eã demum sacra  
 ac religiosa sunt, quæ ornatu carent: removeatur au-  
 rum à templis: gemmæ, signa, tabula, donaria deniq; om-  
 nis generis removeantur. Sin hoc vel cogitare nefa-  
 rium est, fateamur id, quod ratio quodammodo ipsa præ-  
 scribit.

scribit, neque opes usquam melius, quàm in DEI cultu, neq; dicendi copiam, præclarius, quàm in excolenda exornandaq; Philosophia collocari. Superest, ut iis satisfaciamus, qui negant, Philosophiã cum eloquentia posse conjungi; necessarioq; qui alteram ex animo colat, ei esse alteram deserendam: qui ad utramq; animum adjecerit, ne utraq; excidat periculum esse. Qui cum hæc dicunt, si de sũtantiam ingenii imbecillitate loquerentur, ferendi essent, nunc eum ex seipsis alios metiantur, & quod se præstare posse diffidunt, id universè ac generatim fieri non posse pronunciant, in eo quàm vehementer errent, admonendi videntur. Usq; eò ne rerum veterum, & ejus ipsius, quam profitemini, imperiti estis, ut summã in Philosophis veteribus, exitisse dicendi vim ac copiam nesciatis? Ecquis unquã Platonem aut Philosophiæ scientiã, aut dicendi facultate superavit? de quo Cicero bonus in primis aestimator eloquentiã ita magnificè sentiebat, Jovem ut ipsum, si Græcè loqui vellet, non alio quàm Platonis sermone usurum esse diceret. Quid Aristoteles? non & ipse dicendi præcepta unus omnium optimè tradidit, & ea dicendi copia fuit, ut eum idem Cicero auro fluentem fluxivum nominãrit? non Xenophontis summi Philosophi ore Musas quasi locutas ferunt? non Theophrastus à loquendi divinitate nomen invenit? non posterioribus seculis eam in Carneade vim fuisse proditiũ est, nullam ut unquam rem confirmandam suscepit, quam non probaverit; nullam impugnandam, quam non everterit? sed quid vetera & externa exempla conquirimus; cum recentium & domesticorum copia suppetat? hæc civitas quàm multos & olim protulit, & quotidie profert, qui ut nemini non utraq; laude præstiterint, ita omnibus, utra potius præstiterint, ambigũ relinquunt? quorum vos adolescentes, per Deum immortalem, ex-



emplum imitamini, neq; committite, ut Veneta civitas, que semper toto orbe terrarum habitata est fecundissima virorum omni virtutis & doctrina laude præstantium parens, per vestram ignaviam atq; desidiam ista tam præclara laude spoliatur. At verò vos, illis orti majoribus, qui nihil unquam sibi dulce præter virtutem & eruditionem putarunt, quidquam virtuti, quidquam eruditioni anteponendum esse ducetis? at exteræ nationes, non alio potius, quam Venetorum hominum exemplo, ad eas colendas excitari, atq; inflammari solent. Hic sedem virtutis, hic domicilium litterarum, hic seminarium quoddam præstantium virorum esse omnes uno consensu gentes exteræ confitentur. Hanc vos tam præclaram, tamq; magnificam laudem, que ad hunc usque diem, semper & crevit & floruit, vestra culpa decrefcere ac deflorescere patiemini? non per illos Contarenos, Barbaros, Bembo, Donatos, cæterosq; heroas, consecrata ad omnem posteritatis memoriam nomina, qui nunquam in cælum hominum prædicatione conscendissent, nisi, quam diu vixere, illam, ad quam mea vos cohortatur oratio, Philosophia cum eloquentia conjunctionem, posthabita omni alia cogitatione coluissent. Hos spectate adolescentes, hos intuemini, horum de gloria dios, nosq; cogitate, & ad eam vestra industria exequandam commendite. Habetis in hac civitate publicè constitutos homines eruditissimos, qui vobis in illo itinere duces optimi esse possint. Quorum me in societatem, licet valde ipsis omnibus impari, quando ipsa Respublica vocavit, & eo me collocavit in gradu, unde possem in ipsius civitatis oculis voluntatis erga vos meæ quotidianas significatiores dare: equidem non parcam labori: abjectisq; aliis omnibus curis, quantum conniti atque efficere potero, tantum conferam ad ingenia vestra  
 omni

omni in genere disciplinarum liberalium, quantum quidem in me fuerit, excolenda. DIXI.

Pro Francisco II. Galliarum,  
Rege ad Pium Quartum Pon-  
tif. Max.

ORATIO V.

HABITA ROMÆ POSTRIDIE  
Kal. Maj. Anno clō Io LX.



MNES quidem Christianos Principes, PIE Pontifex Maxime, credibile est, accepto delati tuis maximis virtutibus honoris amplissimi nuncio, admirabili quadam lætitia perfusos esse: nec eorum fuisse quenquam, quin, sublatis in cælum manibus, omnium rerum Moderatori Deo singularibus verbis gratias egerit, quod sacrosancto Cardinalium Collegio eam mentem dedisset, ut te potissimum deligerent, quem in ista dignitatis sede celsissima concordibus suffragiis collocarent. Sed quantum nostri reges observantia erga Romanam Ecclesiam, & insigni atque assiduo defendendæ ornandæq; illius studio ceteros ex omni antiquitate superârunt: tanto Francisci II. Regis, te Pontifice declarato, majus quàm pro virili parte gaudium fuit. Quare etsi non dubitabat, quin tu de clarissimo viro, Episcopo Engolismensi, Oratore apud te suo, cujus fidem, & integritatem tibi planè perspectam esse novit, animum suum erga te, & erga hanc orbis terrarum principem Ecclesiam, & optimè & libentissimè cogniturus esses, tamen ut illustriorem etiam & expressiorem significationem voluntatis suæ omnibus hominibus daret, judicavit, sibi faciendum esse, ut ad te ex suis eo proprio nomine ejusmodi quempiam mitteret, in quo

& di-

& dignit  
requirit  
tibi unu  
fore con  
equitem  
nomina  
rum om  
rebus g  
quig pra  
neg, frati  
amborum  
to constit  
bi, Beati  
blica, qu  
bonorum  
opinionib  
obsolec  
raturam,  
ac sapient  
divina in  
teneat: a  
ges ipsi  
qui deniq  
erectus,  
si divina  
tem ac vi  
in omni e  
que gravi  
neri posse  
tra, uno  
commend  
imperio  
vita ceter

& dignitas inesset ea, quæ ad tantum munus obeundum  
 requiritur; & aliâ præterea causâ, propter quas eum  
 tibi unum ex omnibus gratissimum atq; acceptissimum  
 fore consideret. Misit igitur clarissimum & nobilissimâ  
 equitem, Joannem Babonê à Burdastia, ejus quem modò  
 nominavi Episcopi fratrem, arcanorum regni, & regio-  
 rum omnium consiliorum participem, cujus in maximis  
 rebus gerendis virtutem, & fidem exploratam habet,  
 quiq; præterea pietate, & observantia erga hanc Sedem  
 neq; fratri, neq; cuiquam mortalium cedit. Quorum ega  
 amborum permissu, regiæ voluntatis hodierno die apud  
 te constitutus Interpres, gratulor non tam equidem ti-  
 bi, Beatissime Pater, quam universæ Christianæ Reipub-  
 licæ, quæ pristinum illum splendorem suum, qui magna  
 bonorum omnium mærore apud plerasq; gentes pravæ  
 opinionibus corruptas, magis ac magis in singulos dies  
 obsolecebat, brevi se tuo ductu atque auspiciis recupe-  
 raturam, non dubitanter sibi de tua præstanti bonitate  
 ac sapientia pollicetur. Summa planè omnia ac prope  
 divina in eo requiruntur, qui clarum in Ecclesiæ navi  
 teneat: cujus è nutu pendeant leges: cujus ad pedes Re-  
 ges ipsi se abjiciant: cujus arbitrio pandatur cælum:  
 qui denique supra omne humana dignitatis fastigium  
 erectus, Dei personam inter homines sustineat. Nam  
 si divinæ litteræ à quolibet Episcopo tantam integritate  
 ac virtutis perfectionem exigi volunt, nullus us  
 in omni ejus vita reprehensionem pateat locus: ne-  
 que gravitatem ejus muneri dignè à quoquam susti-  
 neri posse tradunt, nisi quem pietas, prudentia, justitia,  
 uno verbo, virtus suis omnibus numeris absoluta  
 commendat: quid in eo, qui omni tempore cum summo  
 Imperio tractare gubernacula Ecclesiæ debeat, cujus  
 vita cæteris omnibus pro exemplo, voluntas pro lege,

Pater

vox pro oraculo futura sit, quando hæc omnia requiri  
 majora, & divinitati propiora censemus: Itaq; ut alia,  
 sic hoc quoq; sanctè ac sapienter institutum est à majori-  
 bus, ut quoties de summo Pontifice in demortui locum  
 eligendo ageretur: interea dum ea de re amplissimus  
 Cardinalium ordo deliberaret, nullus intermitteretur  
 dies, quo non omnes, & privatim & publice precaren-  
 tur à Deo, ut cum ipse gregi suo præficeret, quem dignis-  
 simum, quem ad publicam concordiam, & tranquillita-  
 tem aut constituendam; aut conservandam aptissimum,  
 quem deniq; quantum humana conditio fert, sui similli-  
 mum judicaret. Quod si ejusmodi Pontificem ulla un-  
 quam tempora desiderarunt; nostrorum certè is status  
 est, ut nunquam magis ex istius Sedis auctoritate uni-  
 versi orbis salus pependisse videatur. Non enim Petri  
 navis, ut solebat, placido mari, secundis conspirantium  
 ventorum flatibus impulsæ fertur. Horribiles eam pro-  
 cellæ, & turbinum vis vel exercitatissimis metuenda  
 rectoribus agitat: ut quanquam à naufragio quidem  
 nullum periculum est, non mediocris tamen animos te-  
 neat metus, ne tam sæva tempestas multos mortales,  
 novarum opinionum fluctibus involutos, in ea breviter  
 præcipites abripiat, unde postea nec enatare ipsi, nec e-  
 vadere atq; emergere alieno auxilio possint. Quo nos o-  
 mnes divinæ bonitati majores agere gratias convenit,  
 quæ deploratis propè jam rebus, certè quidem in sum-  
 mum discrimen adductis, & extrema spe pendentibus  
 eum gubernatorem dedit, quo meliorem, & ad hæc o-  
 mnia in melius convertenda accommodatiorem, non di-  
 cam reperire, sed ne optare quidem, aut etiam cogitando  
 informare poteramus. Jam nunc igitur percipimus  
 mentibus ejus diæ latitiam, quo gentes illa, quæ tum  
 fallacibus improberum hominum sermonibus in la-  
 queos

queos et  
 dam eno  
 offensæ  
 versus  
 mutato  
 veniam  
 peatibus  
 phum, e  
 getur, op  
 pressæ  
 rima ser  
 re, sed s  
 ne sang  
 ficere: n  
 gravat  
 bus imp  
 tur ipse  
 credim  
 extrema  
 cedendo  
 est, cess  
 luci ten  
 non ter  
 Nam si  
 deflexer  
 Angelor  
 tandem  
 miserabi  
 respuer  
 Sancti Sp  
 tur opti  
 hanc glo  
 potissim

queos erroris inducta, tum fortassis etiam, quorundam nostris licentiori, & dissolutiori vivendi genere offensas, abscederunt seipsas a corpore Ecclesia, & adversus eam impium ac nefarium bellum susceperunt, mutato consilio, ad sanitatem redeant, & erroris sui veniam petentes, de posita omni contumacia, sanctissimis pedibus tuis osculum figant, O præclarum illum triumphum, & cum omnibus, tum is præcipue, de quibus agetur, optabilem. Non enim tu illos opprimere, sed oppressos erigere, non in servitutem abducere, sed a teterima servitute in veram libertatem asserere; non perdere, sed servare vis; non eorum sanguinem fundere, sed, ne sanguis JESU CHRISTI frustra pro eis effusus sit, efficere: non retrorsis pedibus tergam manibus, collo catenis gravato, ante currum ducere, sed is ipsis vinculis, quibus impediti tenentur, exsolvere mediaris. Quibus igitur ipsis, nisi in eo, ut vincantur, nulla spes salutis est: credimus usque eò præfractos ac pernicaces fore: ut ad extremum perire, per obstinationem animi malint, quam cedendo & obsequendo servari? Immo verò certa spes est, cessuram tandem aliquando rationi temeritatem, luci tenebras, mendacium veritati. Quantam ille dies non terris modò, sed cælo ipsi hilaritatem allaturus est? Nam si, cum unus aliquis, qui à recto vivendi iramite deflexerit, in viam redit, innumerales illas legiones Angelorum exultare, ac gestire gaudio credimus: quid tandem facturas esse auguramur, cum tot hominum miserabiliter nunc in suam perniciem ruentium millia respuerint, & unde Sotana instigatione discesserant, eò Sancti Spiritus afflatu instincta se receperint? Age igitur optime maxime Pontifex: præripe posteris tuis hanc gloriam: & quo aliquando fieri necesse est, id ut te potissimum Pontifice fiat, enitere. Addatur decus hoc

annalibus nostris, ut in eis olim legatur, pestilentissimas opiniones, quæ, quasi contagine quadam paulatim serpentes, per omnes propemodum Christiani nominis provincias pervaserant, auctoritate tua disiectas, dissipatas, extinctas, exterminatas fuisse. Damnentur votorum suorum per te omnes veræ pietatis studiosi, qui multos jam annos nihil ardentius à Deo, quàm concordiam, & harum dissensionum finem efflagitant. Signetur hoc præcipuè titulo Pontificatus tui: ut, si quis quondam non expresse nomine P I U M Quartum intelligi velit, eum Pontificem dicat, qui affectis, & ægrotis Ecclesiæ membris tam salubrem medicinam adhibuerit; ut etiam ea, quæ desperata videbantur, integra & incolumia conservarit. O nos beatos, cum illa, ut speramus, evenerint: O te Pontificem modis omnibus maximum ac beatissimum. Quæ futura est tam barbara, aut tam longinqua natio, quò non, tam divini beneficii à te in totum hominum genus collocati, fama perveniat? Quæ tam ingrata litteræ, quæ de tuis laudibus conticeant? Quæ tam surda posteritas, quæ clamores nostros admiratione virtutis ac felicitatis tuæ excitatos non exaudiat? Magnam verò tam præclaræ rei & suscipienda occasionem, & ex animi sententia conficienda spem tibi offerre tempus ipsum videtur. Nam superioribus annis, cum duo Christianorum maximi potentissimiq; Reges, gravi & diuturno bello inter se contenderent, cæterorum autem Principum non ferè quisquam esset, qui non ad alterutram partem aut suapte voluntate inclinaret, aut aliqua officii ratione adduceretur, aut etiam necessitate traheretur: cum undique armorum fulgor, strepitus, terror, omnium oculos, aures, animos, præsstringeret, obtunderet, consterneret: eum quibusdam locis, pauciores jam reperirentur, qui fructus ex agris perciperent, quàm qui agros ipsos aut

sua, aut a  
 fierent:  
 tione  
 suarum v  
 punius s  
 occupati  
 vertere  
 cum alia  
 le anima  
 plerumq  
 nunc, cu  
 tus refed  
 missa, eor  
 bitibus d  
 xerit: qu  
 soluti, ad  
 piorum a  
 vellenda  
 Quod qui  
 nunc dili  
 indies fa  
 majorib  
 exstirpa  
 me prop  
 tam arg  
 difficult  
 dandum;  
 An ille c  
 Childeber  
 innumer  
 dei assert  
 gnatores  
 progenie

sua, aut aliena cæde quotidie cruentando pinguiore efficerent: eveniebat, ut in illa rerum omnium perturbatione & improbi & conscelerati homines opinionum suarum venena per omnes populos fidentius atque impunius spargerent, & principes, aliis cogitationibus occupati, ad coercendam illorum audaciam animum convertere non satis commodè possent. Habet in se bellum cum alia mala plurima, tum illud in primis, quod & male animatis hominibus affert peccandi facultatem, & plerumque principibus connivendi necessitatem. At nunc, cum divino numine, atroces illi bellorum impetus resederint: cum illa tandem exoptata pax, cælo demissa, eorum animos, qui odium, ut videbantur, implacabilibus dissidebant, eterno, ut speramus, fœdere junxerit: quis non intelligit, fore ut principes, aliis curis soluti, ad purgandas provincias suas, & ad omnes impiorum dogmatum fibras elidendas, omnes radices evellendas, atque excidendas toto pectore incumbant? Quod quidem Franciscus, Rex Christianissimus, & jam nunc diligentissimè facit, & diligentius atq; animosius indies facturum se esse profitetur. Meminit enim, eis se majoribus editum, qui, ut sectas religioni nostræ inimicas extirparent, ut Christiani nominis fines quàm longissimè propagarent, ut Apostolicæ Sedis auctoritatem sanctam atq; inviolatam præstarent; nullam sibi unquam difficultatem pertimescendam, nullum periculum detredandum, nullam dimissionem refugiendam putarunt. An ille cum vetera illa Christianæ pietatis columina Childebertos, Marcellos, Pipinos, Carlomanos, aliosq; innumerabiles heroas, hæresum extinctores, veræ fidei assertores, Pontificiæ dignitatis vindices ac propugnatores memoria repetat: eorumq; se sanguinem ac progeniem esse cogitet, quorum pro Christi doctrina,

expeditionibus, bellis, victoriis totus terrarum orbis  
 nobilitatus est; & ut vetera taceantur, cum se Franci-  
 sco primo propugnatum, Erico secundo natum recorde-  
 tur, duobus post hominum memoriam præstantissimis  
 Regibus, quorum utriusq; tanta tamq; insignia exstite-  
 runt in Ecclesiam promerita, maximo animo majorum  
 suorum vestigia non persequatur? Ille verò faciet: nec  
 adæquare modò eorum gloriam, verùm etiam, si fieri  
 possit, superare conabitur, quiq; se principem inter Ec-  
 clesie filios locum obtinere intelligat, ut illo se honore  
 dignissimum præstet, omni studio elaborabit. Tu modò,  
 Pater Beatissime, pro tua singulari, & eximia sapien-  
 tia, quid ad compescendos tumultus, & ad statum Eccle-  
 sia componendum utilissimum sit, statuito. Notum est,  
 maximas sæpè, & perniciosissimas in Ecclesia dissensio-  
 nes ritè convocato ex omnibus Christianæ ditionis par-  
 tibus Episcoporum Concilia sedatas fuisse. Eodem re-  
 medio si tibi nunc quoque agrotis exulceratisq; rebus  
 subveniendum esse videatur: nihil est, quod Regi gra-  
 tius, aut optatius possit accidere: neq; tibi dubium esse  
 debet, quin ipse omnes vires suas eò collocaturus sit, ut  
 quæcunq; ab ejusmodi Concilio decreta fuerint, præ in-  
 violateq; serventur. Omnino autem, Beatissime Pater,  
 quæcunq; obedientia ab optimo, & obsequentissimo filio  
 præstari potest, eam tibi Rex summa fide, summaq; con-  
 stantia præstiturus est, idq; se semper facturum esse, per  
 hos clarissimos, & ornatissimos viros, oratores suos san-  
 ctissime pollicetur: Tu vicissim perge, ut facis, & Regem  
 ipsum, & universum Gallie Regnum paterna caritate  
 complecti. Multæ sunt causæ, quæ te, ut id facias, exci-  
 tare debent. Primum ipsa muneris amplissimi, quod te  
 Deus in terris sustinere voluit, ratio. Deinde ardentissi-  
 mum illud studium, quod semper usq; à Clodoveo vixit  
 in Re-

in Regib  
 quoties  
 pertum  
 boranti  
 & eoru  
 mine d  
 beti illa  
 lectissim  
 femina  
 cum ei,  
 ipse om  
 sua sum  
 attuler  
 ptaver  
 studio p  
 eodem p  
 & rege  
 neminen  
 diens fu  
 secutur  
 Hæc  
 II. Chr  
 cum id  
 nores,  
 & opes  
 dicitur  
 bi, que  
 centur.  
 esse sit.



in Regibus nostris, adjuvandi Romanam Ecclesiam: ut, quoties ita tempora tulerunt, se, regnumque suum in apertum discrimen objicere maluerint, quam Ecclesia laboranti deesse. Quæ ex re illud assecuti sunt, ut & ipsis, & eorum posteris primus inter Ecclesia filios locus, nemine dissentiente, tribuatur. Valere etiam apud te debet illa nominis sanguinisque conjunctio, quæ inter te, & lectissimam, omnisque laude & prædicatione dignissimam faminam Catharinam: regis matrem intercedit. Nam cum ei, neque quidquam unquam optatius fuerit, ut tu ipse omnium optime nosti, quam ut te tertium de gente sua summum Pontificem videret: neque majorem lætitiæ attulerit, quam cum intellexit, se id, quod tantopere optaverat, consecutam: æquum est, tanto illius erga te studio parem à te voluntatem referri. Possemus & alia eodem pertinentia proferre, nisi ea jam mutua inter te & regem voluntatis testimonia utrinque data essent, quæ neminem dubitare patiuntur, quin & ipse tibi dicto audiendus futurus sit, & tu eum paterna benevolentia prosecuturus.

Hæc habuimus, beatissime Pater, quæ tibi Francisci II. Christianissimi Regis nomine exponeremus. Nunc, cum idem Scotia regnum obtineat, unâ ipse cum Maria uxore, à qua illud dotis nomine accepit, omnes tibi ejus & opes, & copias deferunt, seque omnibus in rebus auctoritati tuæ libentissime obtemperaturos, omnemque tibi, quæ à filiis debetur, obedientiam præstituros pollicentur. Nos, ne rursus orationem à capite arcessere necesse sit, quæcumque de Gallia regno diximus, eadem, ut de Scotia quoque regno dicta esse existimes, ob-

secramus. DIXI.

Pro Antonio Rege Navarrae ad  
Pium IV. Pont. Max.

ORATIO VI.

HABITA ROMÆ POSTRIDIE  
Decemb. Anno dō Iō LX.

Quo tempore Joanna missis ad summum Pontificem litteris sua manu subscriptis se & Catholicam esse profitebatur, & se nunquam à S. R. E. obedientia descituram pollicebatur.

**S**I QUANTUM letitiæ Pontificatus tuus Antonio Regi Navarrae, & Joannæ ipsius uxori attulit, Beatissime Pater, tantum eis commoditatis ad eam letitiam, nulla interjecta mora, tibi significandam tempora tribuissent: nihil omnino habuissent antiquius, quam ut ad te statim mitterent, qui tibi summum honorem, huic amplissimo Cardinalium Collegio summam prudentiæ ac iudicii laudem, universæ Christianæ Reipub. magnam & prope exploratam antiquæ dignitatis recuperandæ spem suo nomine gratularetur. Sed quoniam, quantum ex optimis, & ad sedendas horum temporum discordias aptissimi Pontificis creatione gaudium caperent, in ipsorum probitate, ac fide positum fuit: quam vacuum tempus, & ad legationem ejus rei causa subito decernendam idoneum haberent, non fuit: judicarunt, si temporibus suis parent, & quod recenti re facere, cum magnoperè cuperent, non satis commode poterant, id in diem differrent, nihilominus ea causa testificationem voluntatis suæ aut sibi honorificam aut tibi jucundam, atq; acceptam fore. Et verò, Beatissime Pater, si apud te, & apud hoc san-

sanctissim  
opinion  
gratulat  
tem aliq  
perdere  
tatis ac  
primum  
consilio  
dii sui  
fore, ut  
noribus  
nullus a  
plificati  
gna prom  
cur itac  
nitebatu  
ficatus t  
est inter  
sunt: qu  
ra, & ex  
commo  
terita, &  
firmatè  
fidei hab  
propè ja  
orbem sa  
siebant, &  
experian  
augurar  
circò à n  
fuerint  
quemad  
debant, q

sanctissimum, augustissimumq; concilium non ex vulgi  
 opinionibus, sed ex veritate unaquæque res penditur:  
 gratulatio paulò serius facta, non tam propter tardita-  
 tem aliquid de illa novitatis suavitate, ac dulcedine de-  
 perdere, quàm propter maturitatem aliquid auctori-  
 tatis ac fidei acquirere videtur. Etenim qui tibi, cum  
 primum ad istum cælo proximum in terris locum divino  
 consilio sublatus es, gratulabantur, eam tantùm gau-  
 dii sui causam afferre poterant, quòd certò sperarent  
 fore, ut qui te per totam vitam omnibus maximis ho-  
 noribus dignissimum præbuisse, eum consecutus, quo  
 nullus amplior exoptari potest, tantam dignitatis am-  
 plificationem pari virtutis accessione cumulares. Ma-  
 gna prorsus illis, & illustria suppeditabant argumenta,  
 cur ita crederent: neque non firmissimis fundamentis  
 nitetur incredibilis illa spes, quam de futura Ponti-  
 ficatus tui felicitate conceperant. Sed quantum inter-  
 est inter ea, quæ futura creduntur, & ea quæ jam  
 sunt: quantò experta jam & explorata, quàm spera-  
 ta, & expectata, majorem lætitiã in animis hominum  
 commovent: quantò certius & verius homines præ-  
 terita, & præsentia commendare, quam de futuris af-  
 firmatè pronunciare possunt: tantò plus ponderis ac  
 fidei habere debet ea gratulatio, quæ tibi fit, annum  
 propè jam integrum ex ista sanctissima Sede universum  
 orbem sapientissimè gubernandi, quàm illæ, quæ tum  
 fiebant, cum homines, qualem esse te plus plusq; indes  
 experiuntur, & alem futurum esse prospicerent, quasiq;  
 augurarentur. Neque verò hæc in eam sententiam id-  
 circò à me disputantur, quòd non libentissimè facturi  
 fuerint Antonius Rex & Joanna Regina Navarre, atq;  
 quemadmodum nulli Christianorum Principum conce-  
 debant, qui majus ex tua dignitate gaudium percepissent.

ita nemini, quantum per locorum intervalla licuisset, concederent, qui tibi citius de illius adeptione gratularetur: si quam soluta & libera voluntates, tam soluta etiam, & nullis impedita difficultatibus tempora fuissent. Sed ita cogitarunt: si rerum suarum incommodo maturarent id facere: ipsi tibi, cui maxime probare studium suum cuperent, pro tua in se paterna caritate, ubi rem cognosces, insuavem fore celeritatem sine ulla necessitate cum ipsorum incommodatione susceptam. Nunc autem miserunt ad te, clarissimum & spectatissimum virum Petrum Albertium, propinquum suum, qui genibus tuis suppliciter advolutus, tibi, vero JESU CHRISTI in terris Vicario, certissimo Petri Apostolorum principis successori, communi totius Ecclesie Christiane pastori ac gubernatori, debitam obedientiam suo amborum nomine praestaret atque exhiberet: ibique atque huic sacrosancto Collegio confirmaret, Antonium Regem, & Joannam Reginam Navarrae, uti veros Ecclesie filios decet, tibi semper dicto audientes futuros: neque ullam evenire posse rem tantam, qua ipsos ab hujus sanctae & Apostolicae Sedis observantia, & ab ea, quam sibi per manus a majoribus traditam summa firmitate ac constantia perpetuo retinuerunt, persuasione divellat. Hic ego, Beatissime Pater, si orationis vela pandere, & quasi aperto investus mari, per eorum Principum laudes, quorum nomine apud te verba facio, decurrere instituum, vereor, ne, cum dicendi principium vel facillime reperero, exitum reperire non possim. Nam quae tandem nominari potest ullo in genere virtus, quae non in eorum utroque ita emineat, ut ad quamcumque se quis animo & cogitatione converterit, ea demum excellere ac praestare videantur? Sed quoniam & ipsi nos hoc tempore sua modo voluntatis interpretes, non etiam

sua-

suarum laudum explicatores esse voluerunt, & eorum  
 virtus excelsa atq; illustri sua loco, satis ipsa per se nul-  
 lo adhibito aliene prædicationis lumine in oculos o-  
 mnium incurrit: laudandis ipsis, quod verissimè ac co-  
 piosissimè facere possem, super sedebo: tantùm ex vete-  
 ribus historus nonnulla proferam, ex quibus intelliga-  
 tur, & ab eis illos ortos esse majoribus, & in eorum opes  
 atque imperia successisse, qui sibi posterisq; suis amplif-  
 simam gloriam nulla re magis, quàm frangendis, ac do-  
 mandis nostræ religionis hostibus, defendendaq; Aposto-  
 licæ Sedis dignitate pepererunt. Quis est enim ita vete-  
 ris memoria ignarus, ita in superiorum temporum hi-  
 storiis peregrinus atq; hospes, qui non divi Ludovici  
 Gallorum regis optimi ac sanctissimi res pro ecclesia for-  
 titer gestas, si minus è scriptorum monumentis cogno-  
 verit, ac auditione certè aliqua acceperit? Cuius viri  
 per omnem vitam domi forisq; spectata virius, & vi-  
 vum maxima laude cumulavit, & confectio hujus vitæ  
 curriculo in cœlestium concilio collocatum ad Divorum  
 religionem & sanctimoniam consecravit. Ab eo igitur,  
 & Antonius Rex, & Joanna Regina Navarra, duobus  
 quasi viris ex eodem capite manantibus originem du-  
 cunt: ut non sine divino consilio sancti Regis soboles in  
 plures familias sparsa atq; diducta, post trecentos pro-  
 pemodum annos matrimonii fœdere copulata in unam  
 eandemq; domum denuo coaluisse videatur. Etenim &  
 tanti herois progeniem quàm latissimè fundi & propa-  
 gari oportebat, ut à stirpe generis, ac seminis quam  
 plurimis populorum rectoribus integra illa & incor-  
 rupta religio, quæ in eo fuerat, ingeneraretur; & æ-  
 quum erat, ex ea profectos tandem aliquando rursum  
 inter se conjungi, ut exstarent, qui utraq; stirpe possent  
 divo Ludovico generis sui auctore, ac principe gloriari.

Quod si mihi fas est, beatissime Pater, audiente te, in hoc  
 augustissimo religionis antistitum confesso, res divinas  
 attingere, & de Divorum sensibus, ac cogitationibus  
 aliquid dicere: credo equidem divum Ludovicum, pro  
 caritate illa, qua beatos ne tum quidem deserit, cum  
 spes, fides, fidem suam cōsecuta deficiunt, credo, inquam,  
 eum è caelo in suos intuentem; horum, de quibus loqui-  
 mur, principū conjunctione letari, & assiduis hoc à Deo  
 precibus exorare, ut à se orti per sua vestigia gradian-  
 tur, utq; in vero Dei cultu non tantum ipsi se, populosq;  
 suos contineant, verum etiam illius propagationem pri-  
 mam sibi omnium rerum putent. Inde fit igitur, ut &  
 Galliarum Reges ejus gloria, quæ conservanda & pro-  
 paganda religione paritur, principatum sibi præter ca-  
 teros appetant; & qui eis genere proximi sunt (arctiori  
 autem eos, quam Navarra Rex, & Regina, necessitu-  
 dine attingit nemo) nulla in re magis elaborent, quam  
 ut se perpetuè ejusdem laudis societate dignissimos præ-  
 stent. Nam quid ego nunc Ludovicum, Philippi & re &  
 cognomine Animosi Galliarum Regis filium, D. Ludovici  
 nepotem, Eburonicum Comitem, Regem Navarra, à quo  
 per multos gradus nunquam interrupto successionis or-  
 dine, hæreditas regni ad Joannam Reginam pervenit;  
 eum igitur cur mihi pluribus verbis commendandum  
 putem? Quid ejus Philippum filium? Qui non tantum  
 regni, verum etiam patriæ atq; avitæ virtutis hæres,  
 pro Christiana pietatis defensione cum Granata Rege  
 acerrimo per id tempus CHRISTIANORUM hoste, ma-  
 gnum & diuturnum bellum, summa & fortitudine &  
 prudentia administravit. Theobaldi verò Campaniæ  
 Comitæ, cui & ipse Navarra regio imperio præfuit,  
 virtutem quis se unquam satis pro dignitate laudare  
 posse confidat? qui cum totam prope statem in oppu-  
 gnandis

gnandis  
 rei cau  
 multa pr  
 tandem e  
 tatus fu  
 ros evol  
 varroru  
 omnia po  
 fortunat  
 cunctatio  
 verò ita  
 gnoverit  
 posse, qu  
 intis, &  
 meq; mem  
 ditum est  
 ginta bar  
 rago, occ  
 Christian  
 Hispania  
 derent:  
 magia, q  
 esse, cum  
 jurasset; n  
 rum. Exco  
 bendas n  
 quasdam  
 equitatu  
 pia spes fa  
 nihil viri  
 consilia: d  
 ne: imbeci  
 Deo duce

gnandis CHRISTI aduersariis consumisset, eiusque rei causa usque in Africam in victum exercitum duxisset, multa praelia commississet, multas victorias reportasset, tandem è sacro bello, ad quod diuum Ludovicum comitatus fuerat, rediens, paucis post eum diebus ad Superos evolauit. Fuit, fuit illa semper, & adhuc est, in Navarrorum Regibus virtus, ut religionis defensionem alia omnia posthaberent: pro ea, quoties ita res ferret, non fortunas modò suas, verùm etiam sua capita sine ulla cunctatione in quodlibet periculum offerrent. Neque verò ita eos animatos esse mirabitur quisquam, qui cognoverit nunquam eos ipsa regni sui insignia adspicere posse, quin recordentur antiquæ majorum suorum virtutis, & laborum, quos illi pro religione nostra maxime memorabiles pertulerant. Ita enim memoria proditum est, Castella regnum in Hispania quondam à tringinta barbarorum Regibus, Duce atque Imperatore smaragdo, occupatum fuisse. Unde cum illi magnum omnibus Christianis terrorem injicerent, breuè, se tota reliqua Hispania, quæ Christianorum erat, possituros esse confiderent: Sanctium Navarrorum Regem, collecto fortè magis, quàm numerofo exercitu, aduersus eos profectum esse, cum prius pulcherrimum clarissimumque jusjurandum jurasset, nunquam se ex bello, nisi parta victoria, reversurum. Excogitauerant barbari cum alia multa ad prohibendas nostrorum incursiones aptissima, tum catenas quasdam ferreas, quibus ita vias omnes occluserant, ut equitatu, quo plurimum valebant nostri, omnis adempta spes faciendæ in hostem irruptionis videretur. Sed nihil virium habet aduersus prudentiam subdola & astuta consilia: debiles sunt omnes aduersus constantiam machinæ: imbecilla & inutilis aduersus fortitudinem multitudo. Deo duce per medios hostes sibi & suis viam ferro faciens

ciens Sanctius non prius destitit, quam barbares fusos, fugatos, castris exutos dicit, victoriam non in munitio-  
 nibus operibusq; bellicis, sed in causa bonitate posi-  
 tam esse: qui pro CHRISTI nomine dimicarent, eorum  
 impetum non posse, ne collatis quidem in unum aliorum  
 omnium viribus, sustineri. Superatis igitur, & in po-  
 testatem reductis hostibus, omnium nostrorum & im-  
 peratorum & militum incredibilis concursus ad San-  
 ctium factus est: alius amplexari eum, alius ad genua  
 accidere, alius sortem illam dexteram, barbarorum do-  
 mitricem, Hispaniarum liberatricem, victoriae conse-  
 craticem, exornari: qui propter multitudinem propius  
 accedere non poterant, vultu, oculis, manibus, corpore,  
 quascunque poterant, animi sui significationes dabant:  
 unâ omnes voce, & bellatorem fortissimum, & impera-  
 torem invictissimum consalutabant. Inde cum de divi-  
 denda præda agi ceptum esset, quæ tanta erat, quantam  
 triginta potentissimorum Regum collata unum in locum  
 opes coacervare potuerant: nemo erat in universo ex-  
 ercitu, qui non ita sentiret, itaq; predicaret, quantam  
 sibi partem ex ea vel depisceret, vel etiam suo ju-  
 re sumeret Sanctius, nunquam tantum ad eum perven-  
 turum esse, ut non multò plus ipsius virtuti præclarisq;  
 factis deberetur. Erat in castris barbarorum auri, ar-  
 genti facti infectiq; permagna vis: gemmarum maximi  
 pretii admirabilis multitudo: multum tapetium, mul-  
 tum <sup>variosusq; coloribus</sup> conchyliatæ vestis, multum peristromatum: ut est  
 illa etiam in bellis luxuriosa gens: armorum omnis ge-  
 neris optimorum & exquisitissimo artificio fabricato-  
 rum infinitus prope numerus: equi præstantes permul-  
 ti: phalerarum, ephippiorum, ceterorumq; ornamento-  
 rum equestrium incredibilis copia: captivi longè pluri-  
 mi ex quibus ingens pecunia confici posset: quibus omni-  
 bus

ornatus  
 vestis, lectus  
 ornatus

variosusq; coloribus. Succinum

bus ex re-  
 meret, su-  
 vultu, cui  
 significass  
 ditas, ut  
 stans cor  
 Christian  
 regionis  
 vindicand  
 diderunt.  
 vestra, mil  
 ut majori  
 pias, quâ  
 Oruament  
 vorumq; t  
 posita, pa  
 tempus ne  
 endam ser  
 nem ex su  
 pro suis q  
 firmitate  
 habeant  
 litate atq;  
 ad me att  
 adjuvanti  
 illam gem  
 jacentem  
 prostratum  
 Smaragd  
 premium  
 dam tam n  
 dos success  
 pro in sign



bus ex rebus, Sanctum, ut quantum vellet, sibi ipse su-  
 meret, summo omnes consensu obsecrabant. Ille, alacri  
 vultu, cum gratam sibi esse illam exercitus voluntatem  
 significasset: Non me, inquit, barbaricarum opum cupi-  
 ditas, ut in hoc bellum ingrederer, aut in prima acie  
 stans corpus meum totis hostium objicerem, induxit.  
 Christiana mihi pietatis ardor, & hujus pulcherrimæ  
 regionis ab injusto immanium belluarum dominatu  
 vindicandæ studium, faces ad eam rem, & stimulos sub-  
 diderunt. Nunc, cum id, quod volui divino beneficio &  
 vestra, milites, virtute consecutus sum: non committam,  
 ut majori animo videar armatarum & stantium co-  
 pias, quam inermium & jacentium spolia contempnisse.  
 Ornamento sive ista primum immortalis Dei nostri Di-  
 vorumq; templis ac delubris, ut parum in sacrariis re-  
 posita, partim <sup>columnarum dicitur ad puerum</sup> et tholis pendentia, propagent in omne  
 tempus memoriam nostri: posterosq; nostros ad suscipi-  
 endam semper magno animo religionis nostræ defensionem  
 exsuscitent: Ditent cætera egenos & exhaustos,  
 pro suis quemq; meritis, milites: ut, cum juventutis suæ  
 firmitatem in periculis & laboribus consumpserint,  
 habeant olim, quo senectutis infirmitatem in tranquillitate  
 atq; in otio sustentare possint. Ego quidem, quod  
 ad me attinet, præter has catenas, quas spectantibus  
 adjuvantibusq; vobis perfregi atq; perrupi: & præter  
 illam gemmam, illam, quam meis manibus dejectam, illic  
 jacentem videtis (hæc autem dicens, ostendebat illis  
 prostratum, & in sanguine suo involutum exanimem  
 Smaragdum) nullam omnino mihi mercedem, nullum  
 præmium, aut postulo, aut appeto. Ergo ad conservan-  
 dam tam nobilis victoriæ memoriam simulq; ad incitan-  
 dos successorum suorum animos, & ipse postea catenas  
 pro insignibus gestavit: & instituit, ut isdem insignibus  
 ceteri

cateri post se Reges uterentur. Ac quoniam eo in prælio præcipuum, quem dixi, barbarorum doctorem Smaragdum sua ipse manu obruncaverat: ejusdem nominis gemmam medio illarum catenarum complexu voluit contineri. Quin etiam propter hanc aliasque similes victorias, Regibus Navarræ honoris ergo tributum est, ut inungantur, coronentur, consecrentur. O beatum illud seculum, cum Christiani & principes, & populi sine ullis discordiis, sine ulla opinionum varietate ac discrepantia, summo consensu, omnes vires suas ad proferendos Christiane ditionis termino conferebant. Nostra aetas & Christianos principes alios aliorum viribus collisos attritosque vidit, & in populis, ne quid abesset miseris nostris, gravissimas pestilentissimasque seditiones ab improbis hominibus, qui cupiditatibus suis falso religionis nomen prætexerent, concitatas. Quibus malis finem per te impositum iri, PIE Pontifex optime & sanctissime, omnes ita confidunt, ut, si hæc spes scellerit, omnia que possunt evenire miserrima maximeque detestanda vereantur. Erexisti animos omnium, indicto, quod tanto opere optabatur, universo Concilio: Injecisti spem fore, ut hæresim peste sublata, sacrosanctum JESU CHRISTI nomen eodem animo, eadem voce, iisdem ritibus ab omnibus invocetur. Agedum, Beatissime Pater, ita te Deus ille, cuius tu personam in terris sustines, quam diutissime, & quam felicissime Ecclesie sue præesse velit, urge constanter, ut facis, istud propositum: omnemque diligentiam adhibe, ad prohibendum, ne tam tetri mali contagio latius serpat. Memento, te nostrum omnium communem patrem, & pastorem esse: nostram omnium salutem ab eo tibi commissam, ac creditam; qui cum Deus esset, humana natura assumpta, quin sanguine suo viam nobis in cælum panderes, non recusavit.

Omnia

Omnia spe  
santis tan  
strata.  
constitua  
tur veter  
dia, ne un  
ciatur. M  
ta dignita  
recipias, a  
recuperan  
assuturos  
Regina N  
qua scung  
cias, in t  
quentissim  
non libent  
centur. D

De

HAB  
L



dituros eff  
quidquid b  
cum utilita  
tu dincis lon  
tudo et se m

Omnia speramus à te excitatum iri, quæ jacere sentis, tantis tamq̃ diuturnis dissensionibus percussa atq; prostrata. Videre jam videmur illud tempus, cum per te constituatur Ecclesiastici ordinis auctoritas, confirmentur veteres ritus, prave opiniones aboleantur, concordia, ne unquam postea dissolvi possit, severis legibus vindiciatur. Multa perdidit Ecclesiasticus ordo & ornamenta dignitatis, & præsidia stabilitatis suæ: quæ nisi per te recipiat, à nemine sibi restitui posse censeat. Ad ea autem recuperanda cum cæteris Principes Christianos tibi affuturos esse credimus: tum Antonius Rex, & Joanna Regina Navarræ, se Regnamq; suum, & Bearniam, & quascunq; deniq; summo cum imperio obtinent provincias, in tua potestate semper fore, seq; ut par est, obsequentissimos Ecclesiæ filios, auctoritati tuæ nunquam non libentissimè obtemperaturos esse, sanctissimè pollicentur. DIXI.

## De moralis Philosophiæ laudibus.

### ORATIO VII.

HABITA ROMÆ XVI. KALEND.

Decemb. Anno c10 10 LIII.

**V**ETERI consuetudine receptum est, ut omnes, qui artem aliquam publicè docendam suscipiunt, eam primam habeant concionem, qua rationem instituti sui cum ejus, quam se tradituros esse profitentur, artis laude conjungant, eoque quidquid habent, in dicendo virium conferant, ut in ea cum utilitatis & emolumentum, tum dignitatis & amplitudinis longè plurimum inesse confirmet. Quæ consuetudo etsi minime reprehendenda mihi quidem videtur: quod

quod omnia laudanda sunt, quæ ad amplificandam honestarum artium dignitatem, & ad excitandum in hominum animis earum studium pertinent: tamen illud habet incommodum, quod dum omnes promiscuè usdem ferè efficiuntur laudibus, ejusdemq; rei gloriam diversarum artium homines ad suam quisque traducere ac transferre conantur: fit, ut in vulgus elevetur omnium auctoritas: & ut, quoties aliquis de quacunque arte quippiam honorificè ac splendide dicere ingressus est, circumfusa multitudo ita eum loqui opinetur, non quod ita sit, sed quod eam tunc artem ornandam celebrandamq; suscepit, idem de alia dicturus, si alia sibi extollenda & exaggeranda esset. Ergo, ut qui comœdias aut tragedias spectant, cum histrionem aliquem in prosœnio auro ac purpura fulgentem viderint, facile intelligunt, illa ornamenta ipsius propria non esse: sed futurum, ut æquè illis indueretur, quilibet alius e grege, qui ad tempus eam personam sustineret: ita, qui ejusmodi orationes audiunt, cum hanc aut illam artem magnificè & exquisitè ornata laudibus vident, statim judicant, nihil magis eas in hanc, quàm in illam, convenire, futurumq; ut eadem de qualibet alia dicerentur, cui orator tanquam choragus, eas quasi partes mandare atq; imponere voluisset. Quæ cum mihi de principio in mentem venirent, propemodum in eam me sententiam adduxerant, ut eam Philosophiæ partem, quæ ad confirmandos mores, instituendæq; vitæ rationem pertinet, quotidianis disputationibus, quantum meæ vires ferrent, illustraturus, nihil in initio, quo dignitatem ipsius vobis commendarem, dicendum arbitrarer; verentem, ne cum suis eam modò ac propriis laudibus extulissem; communes tamen illa nonnullis ac tralaticia viderentur. Simul autem illud cogitabam, si qui nondum per-

vidissent,  
 Etatio qu  
 dum, for  
 qua multi  
 ex mea,  
 ea me se  
 auctoritas  
 attulerunt  
 cuiquam  
 minime co  
 eum in ip  
 Quomodo  
 ralis Phil  
 suis cultor  
 oratorio  
 aut que  
 jus extoll  
 philosophia,  
 meria: P  
 orationis  
 ripides  
 Primam  
 humana  
 ne, ad qu  
 nit, pend  
 jusq; finis  
 excellere  
 eum, ut  
 ricur tar  
 pid instr  
 te, verba  
 copias  
 tam mult

vidissent, assidua, & diligens harum præceptionum tractatio quantum momenti habeat ad bene beatè vivendum, fore ut brevi eis pro me res ipsa loqueretur: ex qua multò id eos melius, multòq; perfectius, quàm aut ex mea, aut ex cujusquam oratione cognituros. Sed ab ea me sententia abduxit amicorum aliter sentientium auctoritas, qui cùm alia multa, tum hoc argumentum attulerunt: cùm hæc ipsa Philosophia præcipiat, non esse cuiquam temerè à publica consuetudine discedendum, minimè convenire, qui eam se traditurum, profiteretur, eum in ipso quasi vestibulo illius præcepta migrare. Quocirca dicam hodierno die breviter & modicè de moralis Philosophiæ laudibus, deque fructibus, quos illa suis cultoribus pollicetur: sed philosophico magis, quàm oratorio more: non ut ei quidquam alieni affingam, aut quæ ipsius propria sunt, amplificandi causa in majus extollam: quorum alterutrum si coner, ipsa mihi Philosophia, ut est veritatis amans, tanquam Achilli Homericæ Pallas, manum injiciat: sed ut nudo ac simplicè orationis genere, quale veritatis proprium esse, ait Euripides, ea, quæ ad rem facere videbuntur, exponam. Primum igitur non artium modo, sed omnium omninò humanarum rerum dignitatem atq; præstantiam ex fine, ad quem earum quæq; dirigitur, quemq; sibi proponit, pendit ac spectari arbitror oportere: ut, quanto cuiusq; finis præstantior ac divinior est, tanto ipsa ceteris excellere judicetur. Quo posito: est enim ita perspicuum, ut probationis non indigeat: quis unquam reperietur tanta vi præditus ingenii, tantâ eloquentiæ copâ instructus, qui se de Philosophia pro ipsius dignitate, verba facere posse confidat? Non enim illa sibi opes ac copias, quæ & sæpe possessoribus suis exitio sunt, & tam multis casibus eripi possunt; non honores & impe-

ria, que quod concupiverint, multi, quod aspernatus sit  
 nemo unquam vituperatus est, non quidquam demique  
 proponit ejusmodi, quo & carere sine probro, & abun-  
 dare sine gloria liceat: sed eam, ad quam omnes adspi-  
 rant, quam sibi votis omnibus expetunt, ad quam omnes  
 suas actiones, omniaq; consilia referunt, felicitatem.  
 Quanto igitur ceteris omnibus bonis antestat felicitas,  
 tanto Philosophia ceteris artibus antecellit. Quod si  
 tanto studio coluntur artes quedã, quæ nihil sibi aliud,  
 quàm lucrum, & rei familiaris amplificationem tum  
 incertam, tum laboris ac periculi plenam proponunt:  
 quanto hæc studio digna est, quæ parantur vera illa o-  
 pes animi, que non furto eripi, non incendio absumi, non  
 naufragio absorberi possunt, quæq; certam rectamq; vi-  
 am commonstrant ad persequendum id bonum, quo cæ-  
 tera omnia continentur? Si tanto in honore medicina  
 est, quod habere levationem morborum, quibus tenta-  
 tur corpus, bonæq; valetudinis ac firmitatis tum effe-  
 ctrix esse, tum observatrix creditur: qui tandem hono-  
 res excogitari poterunt ea arte digni, quæ se in animis  
 idem effecturam proficitur? Nam & præstantior cor-  
 pore animus est; & hujus, quàm illius, multo plures  
 morbi, multoq; periculosiores. Quod si cui forte dubium  
 est, excutiat ille paulisper intelligentiam suam, secumq;  
 reputet, quàm sapè unus hominis ambitio, avaritia, li-  
 bido, integras funditus everterit civitates. His autem  
 & similibus morbis medetur Philosophia, eamq; in suis  
 officiis animi firmitudinem, quam non voluptatum illece-  
 bra, non dolorum faces, non divitiarum splendor, non  
 obscura & contempta paupertas, non honorum sitis,  
 non ignominie metus, non vitæ cupiditas, non mortis  
 terror convellere ac labefactare possit. Ut enim Olympi  
 sacumen Poëta semper quietum esse ajunt: propterea  
 quod

quod alt  
 per ven  
 celsior es  
 rebus ab  
 ratum. S  
 radicib  
 dem; inf  
 ut ipsi fr  
 ptatum b  
 les esse, in  
 respiciat  
 junctas,  
 nenata  
 ex sese p  
 cerissima  
 cõt: min  
 nibus car  
 eas solac  
 infulus di  
 me, qual  
 fructus  
 mature  
 floremi  
 phantur  
 ac lauda  
 sunt ut  
 mantur.  
 aliarum  
 ne ac præ  
 afficiunt  
 le existim  
 mulanda  
 pia an in

quod altius sit, quàm ut eò vis ventorum tempestatumq̄  
 perveniat: sic Philosophorum animus sublimior & ex-  
 celsior est, quàm ut istos flatus sentiat furentium, & de  
 rebus abjectissimis inter se humi digladiantium cupidi-  
 tatum. Stat ille, ut medio mari edita & altissimis desca-  
 radicibus rupes: cuius summa fluctus ne attingunt qui-  
 dem; infima sic verberant, non ut eam commoveant, sed  
 ut ipsi frangantur. Non enim Philosophus vitæarium volu-  
 ptatum blanditiis partim pueriliū oblectamentorū simi-  
 les esse, indignas non modò, quas confectentur, seu quas  
 respiciat viri: partim cum dedecore ac turpitudine con-  
 junctas, ut satius sit, quovis dolore lacerari, quàm ve-  
 nenata ac pestifera earū suavitare mulceri. Habet alias  
 ex sese proprias ac perpetuas voluptates, easdemq̄ sin-  
 cerissimas, nullaq̄ ne minima quidē permissioe molestia  
 cõminat as, quas ex ipsa virtute, & ex honestis actio-  
 nibus carpit: his fruitor, his mentem pascit, his se oblectat,  
 eas solas caras ac jucundas habet. Nam ut in beatorū  
 insulis dicuntur esse arbores quadã ad spectu jucundissi-  
 me, quarum in ramis toto anni tempore cernere est alios  
 fructus mites jam, & ad maturitatem perductos, alios  
 maturiscentes, alios pubentes adhuc & in primum se  
 florem induentes: sic in eorum, qui verè ac seriò philoso-  
 phantur, animi toto vitæ tempore alie actiones honeste  
 ac laudabiles confectæ jam sunt, & absolute, alie in eo  
 sunt, ut absolvantur, alie inchoantur adhuc & infor-  
 mantur, primūq̄, ut ita dixerim, lineis designantur. Itaq̄  
 aliarum recordatione ac conscientia, aliarum tractatio-  
 ne ac presentia, aliarum meditatione & prospicietia, sic  
 afficiuntur, nihil ut sibi præterea jucundum aut amabi-  
 le existiment. Immensa etiam illa & inexplebilis accu-  
 mulandarum opum aviditas, quam incertum est, co-  
 pia an inopia magis incendat, radices agere in animo

Philosophiæ præceptis confito & exculcto non potest. Quid ita? Nimirum quia hæc id vel præcipue in suorum animis inserit, naturales opes & terminatas esse, & facile parables: eas qui adeptus sit, nihil ei amplius appetendum, non qui plurimum habeat, sed qui minimum desideret, ditissimum esse: nihil magnificandum, quod eque possimus atque optimus quisque consequi possit. Neque tamen eorum consiliū probat, qui aut aurū in mare abieciſſe, aut possessiones suas incultas ac desertas reliquiſſe memorantur: hæc enim aut ignorantium hominum videntur, aut pecunia uti nescientium: quorum utrumque in vitio, non in laude ponendum est. Ac fuere quidem in, de quibus illa narrantur, Philosophi, sed rudior illa quedam, & simplicior Philosophia tum fuit, politior nostra hæc, & ad usum civilem accommodatior: quæ docet, opes, si quis aut à parentibus acceperit, aut industria sua quaesierit, aut alia quapiam honesta ratione ad eas pervenerit, non aspernandas aut rejiciendas esse, sed ita habendas ut virtutis, non ut luxuriæ, administras. Nam illud mihi quidem per mirum videri solet, quid ita veteres illi judicarent, non posse se simul & rem habere, & in sapientiæ studia incumbere: qui mihi etiam videntur, quo facto summam divitiarum contemptionem significare ac præ se ferre voluerunt, eo ipso indicasse, nimiam quandam erga eas naturæ suæ propensionem, si nummos in arcam condere non poterant, ut non omnes cogitationes suas in eandem arcam includerent: neque, quamdiu patrimonium habebant, imperare sibi, ut aliis rebus contemplandis ac cognoscendis vacarent. Equidem nunquam eum militem laudaverim, neque fortem habendum duxerim, qui adversarium à se quam longissime amoveat, ne cum eo manus conserat: sed eum potius, qui & congregiatur, & vincat.

Neque

Neque  
studis,  
non hab  
quo qu  
diis det  
gendos  
si habe  
aut an  
nunc d  
iug in  
um am  
mel occ  
vissim  
illius u  
fusa pri  
verò et  
concep  
Ea enim  
decus,  
qui cons  
laboran  
& imp  
dandos  
quam c  
sapient  
sibi poss  
sita fuis  
esse se, u  
pimos n  
petunt,  
si adept  
guntur  
quando



Neque verò video, qui minus impedimento sit egestas studiis, quàm divitiæ. Necesse est enim, qui, unde vivat, non habet, eum sibi vitæ subsidia aliunde quærere: in quo quantum temporis ponit, tantum de sapientia studiis detrahit. Melius igitur Philosophia, cui, qui se regendos permittunt, ii opes, si non habent, non requirunt; si habent, utuntur, ut discet: neque unquam torquentur, aut augendi cupiditate, aut amittendi metu. Quid ego nunc de perturbatrice humanarum rerum, optimi cuiusq; ingenii corruptrice, concitatrice bellorum omnium, ambitione, quam semper vivere in eorum, quos semel occupavit, anima, neq; unquam confestere, gravissimus auctor ait Thucydides, verba faciam? Nunquid illius unquam facibus accendi poterit pectus, quod infusa prius Philosophiæ præcepta irrigaverint? Immo verò etiã si antea subjecti ab ea ignis aliquid fortè conceperit, id totum instillata Philosophia restinguet. Ea enim magistra ac præceptrice cognoscimus, verum decus, veramq; gloriam in sola virtute positam esse: eam qui consecutus sit, quid alii de se iudicent, non admodum laborare oportere: præcipuè verò despiciendam levitatem & imperitam multitudinis temeritatem, quæ ad mandandos honores cæco sapius & inconsiderato impetu, quàm certo & explorato iudicio fertur. Præclare & sapienter Cato: malle se dicebat, quærere homines, cur sibi posita non esset statua, quàm si quærerent, cur posita fuisset. Eodem animo sunt viri omnes Philosophi: esse se, ut de Amphiarao ait Æschylus, quàm videri optimos malunt: honores autem & magistratus aut non petunt, aut alienæ, non suæ utilitatis causa petunt: neq; si adepti sint, exsultant; neq; si repulsam tulerint, anguntur animo: sed pacatè & moderate ferunt: aut, si quando dolent, Reipublica dolent vicem, non suam, &

saram ferunt, cum Pontificatum petiturus ad comitia descenderet, patri dixisse, illam eo die, aut Pontificem habituram filium, aut exulem, jam tum prasagire ac præcognoscere licebat, ambitionem illam ingens aliquod malum civitati daturam. Itaque quid postea effeceris, videmus. At Cato, in petitione Præturæ etiam Vatinius posthabitus, æquissimo ac moderatissimo animo tulit. Ita sunt Philosophi. Maximam voluptatem in prætermittendis voluptatibus: maximas opes in quieto, ac contento suis animo, maximam gloriam in non ambienda gloria petunt. Satis honoratam putant esse, qui honore dignus sit; satis magnum Regem, qui seipsum regere; satis potentem Imperatorem, qui cupiditatibus suis imperare possit: qui verò eis planè domitis ac subactis iugum rationis, quod illæ ne conentur quidem unquam exentere, imposuerit, ab eo omnes aliorum victorias, triumphosq; superatos. Quod si libidinem, avaritiam, ambitionem, pestes quasdam ac farias, esse norimus, quæ funditus humanam vitam conturbent: quantum honor habendus est Philosophiæ, quæ se omnes earum sonatus repulsuram, omnes igniculos repressuram, omnia semina elisuram, non magnificentius, quàm verius, pollicetur? Videre vos opinor, quàm se latus orationi meæ campus ostendat, si, quæcumq; hoc loco se offerunt, persequi, & in singulis insistere atque immorari velim. Nam cum virtus nulla sit, de qua non splendide & ornate dicere, nullum vitium, in quod non graviter, & copiose invehi liceat: quidquid de eorum utrobilibet dici potest, idem ad Philosophiam laudandam accommodari potest: quam virtutis indagatricem, vitiorum expultricem, Latinorum omnium eloquentissimus verè ac merito nominavit. Sed non committam, ut cuiquam videar transilire eos terminos, quos initio pepigi: potiusq; repre-

reprebe  
licuisse  
illa re  
bi temp  
conside  
modò, f  
si quis  
pernitio  
da hono  
ciatoru  
rumq; r  
illam, ut  
quentia  
solet: qu  
ed illum  
maveris  
imperio  
& robor  
cendi ad  
Rempub  
miscend  
minime  
ciendum  
huc illu  
Xenopho  
ne scient  
Philosop  
valere. C  
mala qui  
desse pass  
esse homi  
Cicero, u  
licati au

reprehendi me patiar, quod multa, quæ fusiùs explicare  
 licuisset, compresserim, ac coarctaverim, quàm quod in  
 illa re dilatanda eveetus sim longius iusto, neq; satie mi-  
 hi temperare potuerim. Nunc illud tibi etiam atq; etiã  
 considerate: ceterarum omnium artium fines, neq; eos  
 modò, sed omnia prorsus, quæ bona putantur in vita, ni-  
 si quis Philosophiam, vitæ ducem habeat, pestifera ac  
 pernitiôsa esse. Da homini nõ Philosopho, opes ac copias:  
 da honores atq; imperia: da firmam valetudinem: da glau-  
 diatorum totius corporis robur: da multarum magna-  
 rumq; rerum cognitionem ac scientiam: da flexam om-  
 illam, ut Poëtæ vocant, & omnium rerum reginam elo-  
 quentiam: da quidquid in filiis parentum votis optari  
 solet: quò ejusmodi plura in talem hominem congestis,  
 eò illum magis & in suam, & in aliorum pernitiem ar-  
 maveris. Opibus abutetur ad suam libidinem explendã:  
 imperiis ad alienam libertatem opprimendam: firmitate  
 & robore ad obeunda facinora: scientiam copiamq; di-  
 cendi ad circumveniendos cives suos, ad perturbandam  
 Rempubl. ad omnia deniq; tum sacra, tum profana per-  
 miscenda, & evertenda convertet. Da hæc eadem vero,  
 minimeq; fucato Philosopho: Deum quendam ad benefa-  
 ciendum humano generi è cælo demissum esse dices. Atq;  
 hoc illud est, quod in Alcibiade minore sive Plato, sive  
 Xenophon disputat, ea quæ suapte natura bona sunt, si-  
 ne scientia ejus quod optimum est, quam eandem &  
 Philosophiam esse statuo, ad pernitiem, non ad salutem  
 valere. O præclaram laudem Philosophiæ, cuius ope ne  
 mala quidem nocere, quæ detracta, ne bona quidem pro-  
 desse possunt. Meritò dixit Plato, nullum à Diis datum  
 esse hominibus eã maius aut præclarior donum. Meritò  
 Cicero, unum diem ex ejus præceptis actum immorta-  
 litati anteponendum. Neque verò unquam illud ad ejus,

de qua proprie sermo nobis institutus est, Philosophiæ laudem ac commendationem facit; quod omnia prope modum, quæ à veteribus de Philosophia honorificè dicta sunt, ad hanc pertinent, quæ in vitæ ac morum emendatione versatur. Non enim Plato, cum illam nabilissimam vocem, tanquam ex oraculo, edidit, tum demum beatas civitates fore, cum aut regnarent Philosophi, aut Reges philosopharentur, intellexit, tum id eventurum, cum Reges aut in differendi subtilitate, aut in peruestigandis rerum naturalium causis occupati essent: quæ, quamquam præclara sunt, longissimè tamen absunt ab eo, ut beatas Respublicas efficere possint: sed, cum virtutis pulchritudine incensi omnes vires suas ad eam non cognoscendam modò, sed exercendam, excolendam, propagandam contulissent. At contra quidquid in anibus imperitorum, ac maledicorum sermunculis adversus Philosophiam tactatum est, quoscumq; in eam aculeos scurrilil quorundam libido consecit, quidquid ad minuendâ ipsius dignitatem veteris comædiæ licentia effutiit, id omne, si diligentius excutiat, ad Dialecticos potius, & ad Physicos, quàm ad Politicos pertinere videbitur. Quod si ullus in orbe terrarum locus est, ubi Politicos florere, suamq; dignitatem obtinere deceat, Roma id, Roma potissimum fieri debet: cui urbi à primo ipsius ortu divitiò permissu datum est, ut alia imperaret: unde leges, unde iura, unde religionem ceteræ nationes & olim petierunt, & nunc petunt: unde quondam exstiterunt multi clari viri, qui hæc præcepta, quæ nos traditur sumus, exemplo suo comprobârunt. Nolite enim putare, illa lumina, Camillos, Curios, Fabricios, Fabios, Scipiones, Lelios, ceterosq; præstantes viros, quos olim hæc urbs innumerabiles tulit, quorum quotidie nomina auditis, facta legitis, monumenta cernitis, statuas tan-

ta cum

ta cum a  
quæ diffo  
sophos  
moribu  
cherrim  
tegrita  
virtute  
ad tant  
ut pler  
ita ac su  
præclar  
ter glori  
glorien  
tes, inc  
Aristote  
plurima  
Consti  
Pontife  
plar est  
officii p  
rit, mo  
molesti  
sequar  
ubere, e  
historia  
tem à v  
summar  
liis, nu  
vestr

ta cum admiratione intuemini, quòd de Philosophia neque disputarunt serè, neque scripserant, eò minùs Philosophos fuisse. Vita illi, non oratione; factis, non dictis; moribus, non sermonibus philosophabantur: quod pulcherrimum ac verissimum est philosophandi genus. Integritatem, justitiam, fidem, fortitudinem, omnem denique virtutem & colebant ipsi, & alios colere jubebant: Eò ad tantam majestatem atque amplitudinem pervenerunt, ut pleræque gentes, quòd ipse olim à talibus viris subacta ac superata sint, quàm quòd ipse alias devicerint, præclarius sibi ac gloriosius ducant. Quam oportet gloriam fuisse vincientium, cum victi tot post sæculis gloriantur? Eorum ego potissimum exemplis, adolescentibus, incitabo vos quotidie atque exacuam, neque, utlum ex Aristotele præceptum proferam, cujus non ex hac urbe plurima maximeque illustra exempla repetantur. Constitui enim, quando PIUS optimus ac sanctissimus Pontifex, qui ipse omnis virtutis perfectissimum exemplar est, eum mihi honorem detulit, ut à me virtutis & officii præcepta vobis proponi atque explicari voluerit, modis omnibus eniti, ut ea non arido, & inculto, & molestis implicato questionibus, orationis genere prosequar: sed, quantum id quidem in me erit, florido & ubere, & quasi stellis quibusdam, ita petitis ex veterè historia exemplis illuminato atque distincto. Peto autem à vobis, ut, si & in iis rebus, quas tractare institui, summam dignitatem inesse cernitis, & me nullis vigiliis, nullis laboribus, nulli denique rei parcentem, ut vestris commodis consulam, videbitis, industriam meam diligentia ac benevolentia vestris adjuvetis.

DIXI.

## De morali Philosophiæ necessitate.

### ORATIO VIII.

HABITA ROMÆ VII. ID. NOVEMB.

Anno c<sup>o</sup> l<sup>o</sup> l<sup>o</sup> LXIV.

**S**UPERIORI anno, cum in iunctum mihi Pontificis auctoritate munus obire inciperem, multa dixi de laudibus Philosophiæ, cohortatusque vos sum, quam potui diligentissime, si tranquillitatem vitæ, si libertatem, si dignitatem, atque honestatem, si salutem denique, & vestram & publicam charam haberetis: ut, quæ ars tranquillaret animos, quæ eos à terribili vitiorum servitute in justam plenamque libertatem assertos, ad verum decus, quod in virtute positum est, traduceret, quæ denique & singulos privatim, & publice totas civitates conservaret, ejus in studium toto pectore, alia omni cogitatione posthabita, incumberetis. Quam cohortationem meam etsi non præter vestram esse aures vestras, sed in animis plurimorum penitus insedisse, vel ex eo probabiliter intelligi potuit, quod mihi postea ex hoc ipso loco Philosophiæ præcepta tradenti satis frequentes, assiduam operam dedistis, facere tamen pro meo erga vos amore non possum, quin vos hoc quoque tempore non adhorter tantum, sed obsecrem etiam & obtester, qui jam iter illud ingressi estis, ut constanter persequamini: qui nondum, ut id vobis, primo quoque tempore ingrediendum esse statueritis. Nulla enim vitæ pars, nulla vivendi ratio, carere fructu, qui ex eorum, quæ nos quotidie tractamus, cognitione percipitur, sine maximo incommodo potest. Magnum est, fateor, rerum naturalium principia cau-

sasque

sciasq; nosse: siderum ceterorumq; corporum celestium  
 situs, magnitudines, intervalla scientia comprehensa te-  
 nere, præclarum: illa verò etiam, quam in hæc inferiora  
 vis habeant, quidq; ad quamlibet multos annos effectua-  
 ra sint, sine ullo errore posse prædicere, propè divinum.  
 Sed certè, quod ne illi quidem ipsi, qui ea se docere prosi-  
 tentur, negaverint, eorum, in quibus nostra exercetur  
 industria, & fructuosior cognitio est, & perniciosior i-  
 gnoratio. Itaq; ut nos iis, qui abdita illa & reclusa tra-  
 ctant, & ingenii acumine, & doctrina magnitudine, &  
 rerum admirabilitate non inviti cedimus: ita ipsi nobis,  
 nisi valde iniqui sint, ea, quæ disputantur à nobis, &  
 magis necessaria esse, & uberiores hominum generi fru-  
 ctus afferre fateantur necesse est. Nullus enim unquam,  
 quòd illa aut non teneret, aut etiam negligeret, minus  
 propterea vir bonus, aut minus utilis patriæ civis exi-  
 stimatus est: hæc aut ignorata, aut neglecta non singu-  
 los modò perdiderunt homines, sed integras funditus  
 affligerunt & everterunt civitates. Nos, quæ adolescen-  
 tum, quæ constantis ætatis, quæ senum officia sint, quæ-  
 rimus: nos quid domi, quid militiæ, quid à privatis, quid  
 ab iis, qui cum imperio sunt, præstari debeat, disputamus:  
 ex nobis intelligit pauper, quo modo tolerare inopiam;  
 dives, quomodo uti divitiis debeat: à nobis, quid inter  
 patrem & liberos, quid inter virum & uxorem, quid in-  
 ter fratres, cognatos, amicos, cives, quid deniq; inter ho-  
 mines observari par sit, explicatur: nos fortitudinis,  
 nos temperantiæ, nos liberalitatis, nos justitiæ, cætera-  
 rumq; virtutum vim atq; naturam disputationibus no-  
 stris patefacere atq; illustrare conamur. Sine horum præ-  
 ceptorum cognitione muta conticescet eloquentia, man-  
 ca & mutila erit juris legumq; cognitio: illa ipsa domina  
 & regina artium Theologia animos requirit diligenti  
 harum

harum rerum tractatione preparados atq; præcultos.  
 Que cum ita sint, quamcumq; quis vita viam ingredi  
 parat, ita statuere debet, cæterarum Philosophiæ par-  
 tium cognitionem sibi & utilem, & honorificam hujus  
 planè necessariam esse. Sed sunt quidam peruerso ho-  
 mines ingenio, qui causas, propter quas & ipsi à pul-  
 cherrimo studio absterneant & ab eodem cæteros avo-  
 cent, comminiscuntur. Partim enim communiæ & con-  
 trita esse dicant, quæ hic docentur, ut ad ea percipienda  
 doctore nihil opus sit: partim non habere eam vim: at  
 ad virtutis studium excitent: cuius rei argumentum ca-  
 piunt ex eo, quod innumerabiles, & olim fuerunt, &  
 hodie sunt, qui cum hæc omnia se scire profiteantur: ne-  
 quissimè tamen & flagitiosissimè vivunt. Quibus utrisq;  
 breviter respondere institui: & efficere, si possum, ut ii,  
 qui ista temerè jactant, cognoscant errorem suum, cumq;  
 se nihil dicere videant, sententiam mutent: sin minus (ni-  
 hil est enim difficilius, quàm vincere pertinaces) certè  
 quidem, ut ne alii stultitiæ & malevolentia plena eo-  
 rum oratione moveantur. Primum igitur agamus cum  
 istis, qui, ut ad cibos, nimium dulces, ita ad disputationes  
 nimium apertas & faciles nauseare se dicunt. Ex qui-  
 bus libenter quæsierim: què tandem fiat, ut, quibus re-  
 bus omnes ad alia studia invitari atq; alluci solent, iisdem  
 se ipsi ab hoc studio averti absterrentq; dicant. Certè  
 enim, cum antea, quæ docentur, utilia & præclara sunt,  
 si eodem accedit, ut clara, perspicua, aperta, cognitu fa-  
 cilia sint, eò majores concursus ad eos, qui illa docent,  
 fieri constat. Quid igitur cum illis agas, qui, quæ res ad  
 concilianda cæterorum studia plurimum valere con-  
 suevit, ea se ipsi tardari ac retrahi ajunt? Ego verò,  
 etiamsi præcepta virtutis quamlibet multis obstructa  
 difficultatibus forent, laborandum tamen, & sudandum,  
 & nun-

& nun-  
 scendum  
 libet non  
 mittenda  
 ad vitam  
 mos sum  
 voluta &  
 locari vi  
 nimis obr  
 quam qui  
 mus, quo  
 vulgo no  
 consequi  
 talium ut  
 la unquan  
 sputarit  
 tium et at  
 phon? qu  
 etatis pri  
 in hoc ge  
 egregium  
 iam, quæ  
 ris mand  
 temperant  
 bent, nequ  
 quin se de  
 dat, idcirco  
 scendis sit  
 est, intere  
 tenent non  
 scriptis ac  
 dicerunt.  
 quibus fac



& nunquam nisi eis cognitis ac comprehensis conquiescendum putarem: nedum ea, quia, ut isti volunt, a quolibet non tardissimo atq; inertissimo percipi possunt, omittere aut minoris facienda censeam. An de rebus ad vitam nihil pertinentibus inter homines eruditissimos summa contentione disputabitur: in eisq;, quia involuta & propè inenodabiles sunt, opera præclare collocari videbitur: hæc, quæ vitam omnem continent, ut nimis obvia, & in medio posita, negligentur? Quamquam quid diutius ita disputamus, quas res concedamus, quod volumus, nihil hæc doceri, quod non aut etiam vulgo notum sit, aut quivis sine doctoris opera facile consequi possit? Ergo ille omnium, qui tunc erant, mortalium, ut creditum est, sapientissimus Socrates, qui nulla unquam alia de re, quam de virtutibus & vitiis disputavit, vulgaribus & satis per se notis in rebus spatium ætatis omne consumpsit? Quid Plato? quid Xenophon? quid Aristoteles? quid ceteri suæ quisq; ætatis ætatis principes viri? Quid erat causa, cur tam multa in hoc genere scripta posteritati relinquerent, si nihil egregium, nihil exquisitum, nihil excellens, sed ea tantum, quæ quilibet è populo satis per se intelligeret, literis mandaturi erant? Videlicet, quia justitiam, fidem, temperantiam, liberalitatem omnes assidue in ore habent, neque quisquam est, ne ex ima quidem face vulgi, quin se de ejusmodi rebus optime judicare posse confidat, idcirco nullam magnam eruditionem in eis cognoscendis sitam esse arbitrantur. Quod tamen longè secus est, interestq; nimium quantum inter eos, qui tantum tenent nomina, & eos, qui ex eraditorum hominum scriptis ac sermonibus de rebus ipsis verè judicare didicerunt. Plena est exemplorum vita communis, ex quibus facile intelligi licet, quam sæpè vulgus hominum

in iudicandis virtutibus vitiisq; fallatur. Quod n̄ ita est, cedo causam: cur qui mimis, lenonibus, parasitis, adulatoribus plurima largiuntur, & suo & multorum iudicio sint liberales: cur multi restricti, tenaces, sordidi, qui facilius patiantur sibi dentem unum ex ore excuti, quam nummum unum ex arca moveri: parcimoniae ac frugalitatis nomen ferant: cur tam multi ad audendum projecti & temerarii commendentur pro fortibus, tam multi timidi, & ignavi pro cautis & consideratis praedicentur. Quid? jurisconsultorum vigiliae in quo consumuntur: quid spectant eorum labores, qua in re eorum acutissima exercentur ingenia, nisi ut videre & diiudicare possint, quid in quaq; iustum iniustumve sit? Non igitur, ut nimium facilis, despicienda est ars ea, quae virtutum omnium vim naturamq; pertractat, cum in una virtute cognoscenda videamus tam diu, tanta diligentia, ab hominibus summo ingenio praeditis laborari. Informavit quidem natura & impressit in animis nostris adumbrata quasdam virtutum & vitiorum omnium notiones: sed illa tantam vim non habent, ut quisquam eis fretus confidere debeat: se sine disciplina vere de rebus expetendis fugiendisq; iudicaturum. Quod si nos nihil aliud, nisi haec tam utilia, tamq; salutaria, quamlibet nudo & inornato dicendi genere traderemus, calumniari tamen nemo nos posset, nisi alienae nimis iniquus aestimator industriae, ut in rebus nimium per vulgatis & facilibus occupatos. Nunc cum & ad salubres animorum epulas condimentum sermonis, quantum in nobis est, adhibeamus, & res suapte sponte pulcherrimas, tum praestantissimorum omnis aevi scriptorum testimoniis fulcire ac corroborare, tum insatiabili quadam veterum exemplorum copia exornare atq; illustrare soleamus, tamen ne invenientur, qui elevare labores nostros

stros audeant: quæ præstantur à nobis iis sudoribus,  
 ac vigiliis, quarum ipsi nobis consci sumus, ea quemlibet  
 unum è multis ludibundum perficere posse contendant? Qui si  
 periculum facerent ipsi, quàm non quarumlibet virium sit  
 munus hoc, ita ut nos facimus, sustinere & exequi, fortassis,  
 experientia edocti, minus de se elatè ac magnificè sentirent,  
 minus de aliis maledicè contumeliosè loquerentur. Sed  
 omittimus istos. Nescio enim, quo modo factum est, ut de re  
 dicere ingressus, de me plura, quàm volueram, dixerim: quod ipsum ut facerem,  
 quorundam me hominum, quos nominare nihil necesse habeo,  
 iniquitas cœgit. Difficilior cum eis luctatio est, qui negant,  
 sermonibus nostris quenquam ad virtutem incitari: idè ex  
 eo colligunt, quod sæpissimè contingit, ut, qui optimè loquuntur,  
 pessimè vivant. Nos verò, si diceremus, eam in disputationibus  
 Philosophicis inesse vim, ut ex audientium animis vitia radicitus  
 evellere, virtutesq; eisdem ingenerare possent, meritò ut vani  
 atque inepte gloriosi reprehenderemur. Multas magnasq;  
mercedes, ut ait Theognis, ferrent Philosophi, si, quem admodum  
Circe herbis & cantibus suis homines statim convertebat in  
feras, ita ipsi suis sermonibus ex feris homines facerent,  
id est, homines ferarum simillimos ad virtutem à vitio,  
ad rationem à furore, ad humanitatem ab immanitate  
revocarent. Et tamen aliquid se aliquando ejusmodi effecisse  
Philosophia gloriari licet. Producet n. Polemonem ab infami  
vita moribusq; perditissimis, ad bonam frugem & severitatem  
unica Xenocratis disputatione revocatum. Sed ut non peræquè in  
omnibus campis agricultura; ita non in omnibus animis  
Philosophia idem efficit. Illud quidem certè negari non potest,  
aut nullà omninò esse artem, quæ enedeatur animis, quæ  
quanta sit in vitiis deformitas,  
 quan-

quanta in virtute dignitas, doceat, quæ ab illis avertat,  
 ad hanc incitet: aut eum honorem Philosophiæ potissi-  
 mum esse tribuendum. Quod autem obijciunt, plerisque  
 Philosophorum factis dogmata sua evertere, neque  
 ignem aquæ magis contrarium esse, quàm eorum mores  
 orationi: ita enim loqui, ut vitio, ita vivere, ut virtuti  
 bellum indixisse videantur. Utinam tale esset, ut id nobis  
 inficiari liceret. Est enim acerbissimum negare non pos-  
 se, quod sit turpissimum confiteri. Sed quoniam iis, quæ  
 omnibus nota sunt, fidem abrogare velic dementia est:  
 non negabimus verum esse, quod obijcitur: tantùm de-  
 precabimur, ne propter hominum vitia res ipsa in invi-  
 diam vocetur, neque, quorum facta meritò aversamur,  
 eorum eadem sermonem immeritò repudiemus. Ut enim  
 quorundam ex Epicureis dogma reprehenditur: vita  
 laudatur: sic horum vitam reprehendere, doctrinam  
 amplexari debemus. Polycletum insignem statuarum  
 opificem, tradunt, librum de artificio suo edidisse, quem  
 Canonam, id est, Regulam inscripsit: quo libro omnia, quæ  
 in statua hominis fingenda observari conveniret, quæ  
 singularum partium, minimarum, maximarum figura  
 esset, qui situs, quæ inter se proportio subtilissimè &  
 accuratissimè persecutus est. Eodem autem tempore  
 statuam à se factam publicè proposuit, in qua ea omnia  
 diligentissimè observata erant: ne quid præcipere aliis  
 videretur, quod non ipse præstaret: quam statuam  
 ipsam quoque Canonam nominavit. Vellem eandem ratio-  
 nem Philosophi teneremus: neque tantùm traderemus  
 aliis præcepta, ad quæ vitam suam dirigerent, verùm  
 etiam vitam nostram ad ea conformatam ostenderemus.  
 Magna sine ulla dubitatione præceptis nostris ex eo ac-  
 cederet auctoritas. Sed, quando id optandum potius,  
 quàm sperandum videtur, quod in fragilibus, in fatibus

arborum, in corporibus animantium, quibus vescimur, facimus, ut resectis & amputatis iis, quæ inutilia sunt; iis, quæ prodesse possunt, utamur; idem in hoc genere Philosophorum faciendum est, ut, rejecta eorum turpi flagitiosaq; vita gravem severamq; doctrinam non arribus tantum, sed multo magis animis combibamus. Non enim, si qui ex Medicis cibo se & potu aliquando ingurgitant, eò illis continentiam præcipientibus, qui sapiunt, minus parent: sed illi quidem, quid agant, non laborant, artis autem ipsius placitis & decretis obtemperant. Nam cum alicujus mores & præcepta congruant ac concinunt: tunc aut utraque laudanda sunt, aut utraq; vituperanda: cum discrepant & dissident: causa nulla dici potest, quin alteram retinendum sit, alteram rejiciendum, horum à diis facta ita distare constat, ut non cælum à terra longius distet: sunt autem facta turpissima: igitur sermones quibus ea ipsa facta damnantur, ac reprehenduntur, dignissimi qui audiantur. Atq; ut medici, quò majorem auctoritatem arti suæ concilient, solent interdum enumerare quosdam è præcipuis auctoribus disciplinæ suæ, qui, quod ita se compararunt, ut præcepta sua non ostentationem scientiæ, sed legem vitæ putarent, diutissimè saluberrimèq; vixerunt: ita nos nihil, si volumus, impediri, quamlibet multos Philosophos nominare, qui, quòd decretis suis paruerint, quasq; leges aliis proponebant, ipsi servaverint, merito sunt apud omnes populos nunquam intermorituram gloriam consecuti. Illi fortassis nominabunt Hippocratem, Aselepiadem, Galenum: quorum primus usq; ad annum centesimum quartum ætate proventus est, alter eò processu artis suæ fiducia, ut ausus sit cum fortuna consensionem facere, ne mediis haberetur, si ullo unquàm morbo tentatus esset: & victor cum ad extremam senectu-

neclutem sine ullo morbo pervenisset, scolarum lapsu  
 exanimatus est: tertius cum imbecilliori valetudine usus  
 esset adolescens, ita eam arte correxit, ut ad septuagesimū  
 annum pervenerit. Nos e Philosophiæ castris ad  
 repellendos ipsius vituperatores primū quidem in a-  
 ciem educemus illud honestatis, illud modestiæ, frugali-  
 tatis, innocentia, fortitudinis, omnis deniq; virtutis spe-  
 cimen & exemplar Sacratem: qui ita locutus est, ut ex  
 eius sermonibus omnes, quæ postea consecutæ sunt Phi-  
 losophorum disciplinæ, fluxerint: ita vixit, ut hodie quoq;  
 nomen illius non hominis, sed integritatis & innocentia  
 nomen putetur. Cui succedit par illud nobile in eodem  
 institutum ludo Xenophon & Plato: quorū uterq; sum-  
 mam in dissimili genere eloquentiæ laudem pari vitæ  
 gravitate cumulavit. Proximè hos Xenocrates: de cuius  
 eloquentia dicit Polemon: de continentia Phryne: de  
 frugalitate & contemptione pecuniæ Alexander, de fide  
 & iustitia universus populus Atheniensis, qui eum, dicto  
 publicè testimonio, ad aras jurandi causa accedentem,  
 una voce revocavit, ac jurare vetuit: parum sibi decorū  
 ratus, tam spectatæ fidei viro, nisi jurato, non credidisse.  
 Inde æternum Alexandri crimen Callisibenes unoq; ver-  
 bo tota vetus Academia, & Lyceum, & illa non tam Mi-  
 conis & Polygnoti picturis, quàm Zenonis & Chryssippi  
 disputationibus nobilitata Porticus, quibus ex omnibus  
 quasi virtutis & doctrinæ officinis innumerabiles viri  
 incertum doctiores, an meliores prodierunt. Agmen  
 claudant Epictetus, Plutarchus, Musonius, ceteriq; illi  
 ætati suppare, quos ita philosophatos accepimus, ut iis,  
 quibus cum vivebant, ad omnia recta & laudabilia non  
 voce magis, quàm exemplo præirent. His copiis facile  
 speramus fore, ut eorum, qui Philosophiam maledictis  
 incessere audent, retundatur audacia. Qui si ita victi  
 erunt,

erunt, ut  
 velint, &  
 pendia f  
 ei dissimile  
 enim & v  
 bus erit la  
 perculfos  
 tate atq; ob  
 sophiam, a  
 allatrabun  
 causa hic a  
 ferriunt,  
 mnes vigi  
 ter propo  
 bus à susce  
 tuti est  
 cilius, &  
 mna esse  
 tis, quæ v  
 dura esse  
 eripiat  
 dum pote  
 quotidie a  
 etiam vitæ

HAB  
N



erunt, ut deinceps in nostrum se numerum aggregari velint, & in ejus ipsius, quam oppugnabant, castris stipendia facere incipiant, victoriam adepti erimus longe ei dissimilem, quam veteres Cadmeam nominabant. Illa enim & victori ludiosa erat, & victo: hæc & victoribus erit letitia, & victis salutis. Sin, cum se fractos ac persulfos videant, permanebunt tamen in eadem pravitate atq; obstinatione animi: & ut ignavi canes, Philosophiam, ad quam propius accedere non audent, eminus allatrabunt; vos tamen, optimi adolescentes, quorum causa hic à me institutus est sermo, quibus mei labores serviunt, quorum ad utilitatem omnes mei conatus, omnes vigiliae, omnia studia referuntur, urgete constanter propositum: neq; patimini vos cujusquam sermonibus à suscepto studio abduci. In ea etatis parte constituti estis, in qua & ingenium ad omnia percipienda docilius, & corpus ad tolerandos studiorum labores firmius esse consuevit. Videte, ut eam iis in studiis collocetis, quæ vobis olim maximo & usui & ornamento futura esse cognoscetis. Atq; ut obrectatoribus nostris eripiat omnem ansam maledicentiæ, conmittimini, quantum potestis, ut virtutis & officii præcepta, quæ ex me quotidie auditis, non tantum excipiat animo, verum etiam vita & moribus exprimat. DIXI.

## De justitiæ laudibus.

### ORATIO IX.

HABITA ROME POSTRIDIE

Non. Mart. Anno c<sup>o</sup> l<sup>o</sup> LXV.



VO D principio me, cum hos libros explicare ingrederer, dicere meministis, accuratam eorum tractationem & intelligentiam

eam ad omnes vite partes utilissimam, tam iis, qui in  
 iure civili excellere, locumq; aliquem, non inter circum-  
 foraneos istos clamatores sed inter veros, & graves, &  
 veterum illorum simillimos jurisconsultos obtinere me-  
 ditarentur, necessariam esse: id & aliqua jam ex parte,  
 quam verum sit, judicare potuistis, & ex iis præcipue,  
 de quibus in hoc libro disputabimus, intelligetis. Ingre-  
 diendum enim nobis est duce & quasi mystagogo Ari-  
 stotele in augustissimum & religiosissimum iustitiae tem-  
 plum: lustranda oculis omnia illius adyta: contemplan-  
 da imprimis ipsius Deæ forma: & tum quæ quantaq;  
 vis illius potestasq; sit: tum quibus ipsa se rebus, quibus  
 ritibus celi gaudeat; cognoscendum est. Hæc illa est, au-  
 ditores, omnium domina & regina virtutum; à qua in  
 omne hominum genus leges & jura manant: quæ be-  
 nefactis honores & præmia, malefactis ignominias &  
 supplicia proponens, studia bonorum excitat, malorum  
 improbitatem coercet. quæ sublata, non domus ulla, non  
 civitas, non hominum inter se societas, non ipsa denique  
 universitas rerum stare ac tueri se punctum temporis  
 passet. Etenim, quoniam hodiernus dies cætera dispu-  
 tationis prælusionem modò quandam habiturus est:  
 dabis mihi hanc veniam, ut, paulò alius hujus ser-  
 monis principia repetens, percurram ea, quæ præcis  
 temporibus, summa sapientia præditi homines de iusti-  
 tia tradiderunt. Iustitia originem e cælo esse dicebant:  
 illic eam & vigere, & ex omni æternitate viguisse: cer-  
 do illic ordine atq; immutabili quadam lege gubernari  
 omnia: idcirco æterna atq; immortalia esse. In iis autem,  
 quæ sub orbem lune subiecta sunt, absolutam quidem  
 illam & omni ex parte perfectam iustitiam materia  
 vitio carni non posse: esse tamen aliquam cælestis illius  
 imaginem alibi expressiorem, alibi minus expressam:

futu-



futurum enim alioqui, ut permiscerentur ac corruerent omnia. *Atq; ut quæ res plura & certiora illius vestigia retineret, ita esse eam perfectiorem, stabiliorem, immortalitati viciniorem: ut pauciora minusq; certa ita minus perfectam, minusq; constantem, pluribusq; casibus atq; meriti deniq; obnoxiam. In elementis hoc primum notari volebant: eaq; dupliciter considerabant: quatenus unumquodq; eorum totum quiddam atq; integrum est: & quatenus ad compositionem quasiq; conglutinationem cæterorum corporum particula quedam illorum assidue permiscetur ac temperantur. Tota igitur elementa nisi sedes ac regiones sibi à natura datas, atq; attributas obtineant, si irruere in alienas & migrare conentur: si ignis proximè sibi suppositam animalem spiritualemq; naturam depascat, & absumat: si aqua non contenta in terminis, quos pepigit Deus, terram operiat & obruat: quis non intelligit, peritura funditus omnia, & talem quandam confusionem, qualem Poëta ante orbem conditum fuisse fingunt, consequenturam? *Quid cum partes eorum copulari ac coalescere ad alia corpora progignenda & constituenda oportet, nonne iustitia quadam temperationis illius moderatrice: pus est: ut tantum cuiusque pro rata portione, quantum satis est, admisceatur? In illa etiam quæ adripartita tempestatum varietate: qua distinctus est annus, idem observari posse dicebant. Quæ cum ita sunt, ut quædam ipsius naturæ quasi lege sancitum est: hoc est, cum & tellus conceptus seminibus hiberno frigore adstringitur, & vernis modicis imbribus ac tepore laxatur; cum & fruges fructusq; arborum æstivis calidibus probè percoquantur, & eodem sub autumnum remittente se paulatim ac frangente mitescunt: tàm & feluberrimus annus est, & maxima rerum ad visum non**

cessariarum ubertate ac copia insignis. Cum coner à fit,  
 rium & caritas existit annona, & variis morborum  
 generibus omne genus animalium tentari solet. Cumq;  
 unusquisq; nostrum duabus ex partibus conjunctus con-  
 ereretur sit, corpore & animo: earum partium ex utraq;  
 qua justitia injustitiæq; vis esset, liquidò perfici posse  
 adserabant. Omnia enim mala, omnia damna, omnem  
 perniciem & corporibus & animis ex injustitia eve-  
 nire: justitiâ salutem, incolamitatem, bona deniq; omnia  
 effici ac contineri. Nam cum in corporibus quatuor sint,  
 qua quatuor elementis proportionè respondeant, ignis  
 flava bilis, aëri sanguis, aqua pituita, bilis atra ter-  
 ra: quamdiu hæc cum æquabilitate quadam inter se  
 permixta sunt; valemus ac rigemus: cum eorum aliquod  
 aut potentius, aut infirmius: aut plus aut minus justa  
 est, aut se à communione cæterorum segregavit: con-  
 fluctamur variis morbis, tandemq; interimus. Quæ de  
 re principis Medicorum Hippocratis in libello de natu-  
 ra hominis hæc verba sunt: Corpus hominis habet in se  
 sanguinem, & pituitam, & bilem duorum generum, fla-  
 vam & nigram: ex iis omnibus ipsius corporis natura  
 est: eis sit, ut & doleat, & bene valeat. Bene igitur va-  
 let, cum ea moderatè inter se affecta sunt & tempera-  
 tione & potestate, & copia: maximeq; permixta sunt:  
 dolet astem, cum eorum aliquod aut plus aut minus  
 est, aut in corpore secretum, neq; cum cæteris omnibus  
 temperatum. Hæc Hippocratis verba ipsa expressi: ex  
 quibus intelligimus, in æquabilitate, cuius effectrix ju-  
 stitia est, sitam esse bonam corporis constitutionem. Sed  
 ne aliquidem corpus utiliter ac salutariter sine aliqua  
 imagine justitiæ potest. Nisi enim vis aliqua sit, qua &  
 siccum & humidum alimentum, ubi jam coctum atque  
 confectum & in succum ac sanguinem conversum est,  
 aqua-

æquabiliter distribuatur ac differtiat, atq; id, quod cuique  
 parti aptum & accommodatum est, & quantum opus  
 est, tribuat, neq; alias partes tumidas & redundantes,  
 alias exhaustas & erectas esse patiatur: facile intelli-  
 gimus, hæc tam admirabilis fabrica corporis nostri  
 quantam deformitatem habitura & quam citò ruitura  
 sit. Atq; hæc in corporibus. Quid in animis? quantum  
 bonorum à iustitia, quantum malorum ab iniustitia ef-  
 fici creditis? In quibus cum pars una sit, qua intelli-  
 gimus, qua ratiocinamur, qua proximè ad divinam natu-  
 ram accedimus: altera, quæ rationis ipsa quidem per se  
 particeps nõ est, sed obtemperare tamen rationi potest:  
 cum quod fieri jus est, id sit, hoc est, cõ pars illa superior  
 imperat, & tanquam habenas tenens, currum regit: pa-  
 ret altera, & quò illa cumq; ducet, sequitur: tum omnis  
 honestas, omnis dignitas, omnis officii ac virtutis splen-  
 dor elucet. At cum excusso ac depulso rationis iugos, cu-  
 piditas quasi seditiosus aliquis ac turbulentus civis,  
 fasces arripit, in arcem invadit, mentem de sua sede con-  
 tra jus fasq; deturbat: tum, ut navis discordibus acta  
 ventis: sic hominis vita contrariis & inter se pugnantibus  
 se dissimularum libidinum flatibus agitata, in omnem  
 scelerum ac flagitiorum turpitudinẽ præcepserit. Ipsi  
 igitur, & animarum & corporum instrorũ inter se par-  
 tibus, ut utrisq; benè ac beatè sit, iustitiam quandam in-  
 tercedere, necesse est. Sed idem in societatibus con-  
 vultuq; hominum multò evidentius, multoq; illustrius cernitur.  
 Quomodo enim patrifamilias cum uxore, cum liberis,  
 cum servis quæ prima conjunctiones sunt, convenire  
 poterit: quæ eis omnibus vita erit, nisi & ille iustè im-  
 peret, & hi iustè pareant? Si vir in uxorem injurius ac  
 contumeliosus esse velit, neque eum pro comite indivi-  
 dua vita, pro divinorum humanorumq; omnium societas

fed pro scorto aut pro ancilla habere si uxor sua dome-  
 stica curatione non contenta, implicare se aliis rebus &  
 viri partes praeferere conetur: neque se ei morigeram  
 praebeat: si uterq; liberos in seruorum, seruos in pecu-  
 dum loco ac numero habeat, durioriq; eos quam ius est  
 imperio premat: si liberi parentum, serui dominorum  
 imperium detrectent, eisq; obtemperare ac dicto au-  
 dientes esse abnuant: quis non videt, nullam in domo ta  
 instituta concordiam, nullam benevolentiam, nullam a-  
 nimorum voluntatumq; consociationem, plena perpetuo  
 omnia rixarum, discordiarum, querelarum, contentio-  
 num fore? Ut in qualibet solitudine, in quamlibet vltis  
 ac desertis, & ab omni hominum cultu ac consortio re-  
 motis locis suauior vita, quam in ea domo, unde iustitia  
 exsulet, esse videatur. Ita omnem fructum, omnem dul-  
 cedinem, omnem amabilitatem vitae, vitam deniq; ipsam  
 tollit e vita, qui iustitiam tollit. Egre diamur, si videtur,  
 domo; & in forum ac publicum prodeamus. Quis est  
 omnium, qui eum, quem iniustum esse opinetur, aditu,  
 congressione, sermone dignum iudicet? quin eum, quasi  
 maleficum aliquod & noxium animal, refugiat, aver-  
 setur, odio habeat? quin ejus concursum durum sibi ac  
 tetrum atq; ominosum putet? Quam vis enim omnia vi-  
 tia bonis viris odiosa atq; inuisa sunt: tamen iniustitia  
 praecipue alienat ab iis, in quibus est, aliorum animos:  
 omniumq; sibi odia conflatur, conciliatur, colligit. Ceteris vi-  
 tiis affectos aliquo modo ferimus: quibusdam ignosci-  
 mus: quibusdam non nimis offendimur, quibusdam in  
 hac vita ac morum corruptione etiam oblectamur: pro-  
 digos multi amant: avaros tolerant: multos aliena in-  
 temperantia non offendit: qui voluptates nimis resu-  
 giant, etiam severitatis ac castimonie laudem ferunt:  
 audacium in bello interdum aliquis usus est: timiditate  
 nimis

nimis cupidis vitæ ignescitur: injustus communi omnium mortalium odio flagrat: suis, alienis, civibus, peregrinis, notis, ignotis juxta omnibus in visus, exosus, intolerandus est. Itaque etsi illud omnibus à natura tributum est, ut rarè sua vitia agnoscant, eaq̃ modis omnibus tegere & occultare tenentur, aut etiam eis virtutum nomina imponere: ut se prodigi pro liberalibus, avari pro parcis ac frugi, timidi pro cautis ac consideratis, audaces pro fortibus haberi & prædicari velint: facilius tamen reperias, qui se avarum, timidum, audacem, libidinosum, quam qui injustum esse fateatur. Quin etiam ceteris vitis suis hanc aut defensionem aut excusationem præterdere ac prætexere consueverunt, se in neminè injurios esse. Avarus sum fateor: sed ita, ut mea censerem, suo neminem fraudem. Prodigus: sed cui, ut largiar, eripio? in quem contumeliosus sum? Indulgeo voluptati, hilarè vivo: quidquid animo meo collubutum est, facio: sed quid tum postea? mea libidines nemini nocent. Et ita ille apud Terentium homo impurissimus:

Leno, inquit, sum, fateor: perniciis communis adolescentium:

Perjurus, pestis, tamen tibi à me nulla est orta injuria.

Ridete, quàm odiosa, quàmq̃ abhorrrens à natura sit injustitia: quàm turpe atq̃ invidiosum injuriam facere: cum qui negare non possunt al is se vitiis implicatos atque illaqueatos teneri, dum hoc careant, ferri se non posse tantum, sed propemodum etiam debere arbitrentur. Civitates verò & regna & imperia, quæ res alia nisi justitia aut initio fundare ac constituere, aut postea tam multa secula conservare ac propagare potuissent? Nam & convenerunt homines, & vitam una colere de-

creverunt, cum se a quo jure usuros, & quod suo sibi labore peperissent, eo sine metu fruturos esse, neq; manibus magis, quam legibus à vi atq; ab injuria tutos fore considerent: & quamdiu id observatur, tamdiu amici inter se ac concorditer vivunt: simul atq; ab aequitate disceditur, partes, factiones, secessiones, seditiones, & bella civilia existunt. Praclare, ut omnia Euripides;

Custodia legum civitates continet.

Idemq; alio loco ait, justitia neglectum plerisque civitatibus exitiosum esse. Justitia civitates à parvis & humilibus profecta & principii brevi tempore ad magnam potentiam pervenerunt: injustitia florentissima & opulentissima breviori tempore funditus conciderunt. Neg enim adamantinis illis vinculis, quae Dionysius senior crebro in ore habebat, vi atq; metu, sed justitia & aequitate magna imperia retinentur. Quare sapienter Perse ei ex regis liberis, qui natu maximus erat, quique in spem regni educabatur, cum alios ad virtutem magistros dabant, tum unum imprimis, à quo justitiam doceretur. Pedalius etiam indicam gentem literis proditum est, in sacris publicis nihil aliud à Diis, quam justitiam petere solitos esse: quod eam si consequerentur, affatim sibi bonorum omnium putarent fore. Justitiam enim & perpetuas illius, ut Poëta loquuntur, sive comites sive sorores, veritatem & fidem, pacem & amicitiam, & bonarum artium cultus, & omnium rerum expetendarum abundantiam consequitur. Eam si colerent omnes, nunquam tuba nunquam litui audirentur: arma aut exederentur rubigine, aut in ligones ac vomeres constarentur: belli, dissensionis, inimiciarum ne nomina quidem hominibus cognita essent. Quod scite sanè, & ex patria suae consuetudine Agesilaus expressit: ex quo enim quaesitum esset, ultra esset virtus praestantior, justitiâne an fortitudo;

sudo: hæc, inquit, sine illa tantum ad perniciem valet:  
at, illi si pareant omnes, hujus usus nullus futurus est.

Tutus bos etenim rura perambulat:

Nutrit rura Ceres, almaq; Faustitas:

Pacatum volitant per mare navita:

Culpari meruit fides,

Nullis polluitur casta domus stupris:

Mos, & lex maculosum edomuit nefas:

Laudantur simili prole puerperæ:

Culpam pœna premit comes.

Quemadmodum suavissimè cecinit Horatius: ubicun-  
que iustitia dominatur, illinc fraudes, illinc doli, illinc  
perjuria exsulant: non adulteri, non raptores, non fu-  
res, non sicarii, non venefici, non latrones, non testamen-  
torum subjectores, non obsessores itinerum reperiu-  
ntur: ea deniq; propemodum eveniunt, quæ aurea æta-  
tis hominibus evenisse memorantur. Nam ne tum qui-  
dem aliam ob causam:

Ver erat æternum placidâq; tepentibus auris

Mulcebant Zephyri natos sine semine flores:

Nec renovatus ager gravidis canebat aristas,

quàm quoniam homines,

Sponte sua sine lege fidem rectumq; colebant.

Neque enim debemus illa Poëtarum figmenta, tanquam  
inania modò quædam aurium oblectamenta accipere:  
sed ex eis discere, Deum ipsum favere hominibus justis:  
eorum labores fortunare: eorum conatus, ac consilia  
ad bonos exitus ducere. Nam neque dictu, neque co-  
gitatu fas est, eum, qui summè justus est, aut ipsa po-  
tius iustitia, non esse amicum, benevolum, propitium  
iis, qui ad justitiam omne suum studium conferant, eam-  
que toto pectore sequuntur. Itaque Hesiodus quoque,

non tantum aureus & ad verbum ediscendus Poëta, verum etiam Philosophus imprimis bonus multis verbis persequitur ac perceniet ea bona, quæ à Deo tribuuntur cultoribus iustitiæ, contraq; eas, quæ ab iniustitiæ civitatibus inferuntur calamitates. Illorum enim urbes lætas florere populis, nunquam bello, nunquam fame, nunquam aliis ejusmodi pestibus consistari: hos & fame, & peste, & bello, & aliis innumerabilibus malis iniustitiæ suæ penas dare. Recitarem versus ipsos: nisi Græca quidem huic sermone admiscere nollem: Latine autem me inaffectatam quandam illorum iucunditatem pari gravitate conjunctam assequi posse diffiderem. Quod si hæc non essent, sicq; iniusti quidem abundarent omnibus copiis, in summa opum atq; honorum affluentia viverent, fortunam sibi arbitrio suo fingerent ac temperarent: justos a. odium, contemptus, egestas, exilia, orbitates, damna omnia sequerentur: tenere i. a. mea mordicus deberemus id, quod à Platone divinitus & religioni nostræ convenienter traditum ac disputatum est, justos etiam si omnes fortune acerbitates excipiant, semper beatos, iniustos etiam in maximis prosperitatibus secundissimisque rebus infelicissimos esse. Dixi de iniustitiâ, non quæcumq; poteram: neque enim id tempus tulisset: neque omnia in unum locum congerenda ac semel effundenda erant: sed ex infinita copia eorum, quæ dici possunt, quantum satis esse hodiernæ disputationi iudicavi: quotidie autem, ut spero, plura & meliora dicentur. Nunc, quod interdum discretos homines facere animadverti, ut cum ad clausulam orationis ventum est, illa, de quibus egerunt, breviter ac summum colligant, quo ea in uno conspectu posita altius in auditorium animis ac memoria insigant: id ego quoque facere cupio: sed quia ejus artis magistri singularis cujusdam  
arti-




art. scit eam rem indigere ajunt, quod mihi deest, ab  
 alio mutuabor, recitaboꝝ vobis verba quaedam Poli  
 Lucani nobilis Philosophi, unius ex illis veteribus Py-  
 thagoreis, qui tenuerunt eam partem Italiae, quae ma-  
 gna Graecia vocabatur. Quibus verbis summa eorum  
 omnium, quae à me hodie dicta sunt, continetur. *Justitia,*  
*inquit, ceterarum omnium virtutum parens, & alitrix*  
*vocanda mihi videtur: neque sine ea fieri posse, ut quis-*  
*quam aut temperans sit, aut fortis, aut prudens. Est*  
*enim harmonia quaedam & pax totius animi cum apro*  
*& composito motu. Illius autem quanta sit vis, magis*  
*è ceterorum habituum inspectione cognosci potest. Nam*  
*ceterorum utilitates ad unum modum pertinent: hujus*  
*ad omnia, quae composita sunt, & ad multitudinem. Ea*  
*igitur in mundo quidem providentia vocatur, & har-*  
*monia, & iudicium, & mens Deorum, qui ita statue-*  
*runt. In civitate autem pax & bona legum constitutio*  
*merito dicitur. In privata domo, viri quidem & uxoris*  
*mutua concordia, servorum autem in dominos bonus*  
*animus, & vicissim in dominis amica & benevola ser-*  
*vorum procuratio: in corpore autem & animo, primum*  
*quidem ea, quae omnibus carissima sunt, vita, & bona*  
*valetudo, & integritas virium: tam autem sapientia*  
*omnisq; scientia. Quae igitur una & totum & partes ita*  
*regit & servat, efficient omnia inter se concordia &*  
*amica, quid ni communis omnium parens & alitrix o-*  
*mnium suffragis pradicetur? Hac ille. Ego autem ad*  
*hujus virtutis translationem & cognitionem, & ad has*  
*pulcherrimas animorum opulas nobis omnibus ab A-*  
*ristotele paratas vos, auditores, voce, Cogitate, quid*  
*agatis. Virtus qua de agitur, praestantissima est. Qui de*  
*ea scripsit, Philosophus praestantissimus. Unam ex me*  
*quoque tertium argumentum sumi posset ad animos*  
 vestros

vestros excitandos. Sed, quò minus doctrina & ingenio valeo, eò plus laboris ac diligentiae afferam. Nullus autem est, quin adhibito labore efficere aliquid & navare possit. Multum à me operæ jam pridem in hoc libro positum est: multæ noctes vigilatæ, ut ad illius intelligentiam pervenirem: præcipuè olim, cùm in juris civilis studia incumberem: ad quæ hunc librum mirificè utilem esse intelligebam. Non puto me usq; adhuc valde fecisse vestram de me opinionem, neque sæpe id, quod pollicitus sim, non præstivisse. Mihi credite, si quantum ego ad docendum, tantam vos ad discendum diligentiae offeretis, efficiam, ut multos magnosq; fructus ex hujus libri cognitione capiat. DIXI.

De sui cognitione, deque omnibus humani animi facultatibus.

ORATIO X.

HABITA ROMÆ IV. ID. NOVEMB.  
Anno CI<sup>o</sup> ID<sup>o</sup> LXV.

ROESUM olim Lydorum Regem opulentissimum petendi oraculi causa, Delphos misisse accepimus, qui sciscitarentur ex Deo, non leve quiddam & nugatorium, ut antea, cùm clam in eodem abeno testudinem simul & agnum coquens, experiri voluerat, nunquid eorum, quæ agerent homines, Deum lateret: neq; quid se facere oporteret, ut ex se procrearet liberos: neq; ecquid adversus Persas bellum suscipere deberet, neq; deniq; quidquam simile eorum, quæ prius quaesierat: sed rem omnium multo maximam, multoq; dignissimam, in qua cognoscenda plurimum ab omnibus operæ ac studii collocetur: quomodo  
feli-

felicitem consequi, & quid agens, id quod supererat  
 aetatis beatissime transigere posset. Sapienter hoc qui-  
 dem, & non pro ea, qua plerisque in aliis rebus usus est,  
 inconsiderantia & temeritate: quod de via, quae ad sum-  
 mum bonum ferret, neque statuendum sibi ipse, neque cuius-  
 quam hominis fidendum consilio, sed Deum consulendus  
 iudicavit. Responsum autem ei redditum est plane prae-  
 clarum, & illa, quae cum de Apollinis sapientia erat, opi-  
 nione dignissimum: non si maximos auri argentique acer-  
 vos exstrueret, non si multos exercitus aleret, non si  
 terminos imperii sui longè lateque proferret; sed si se ipse  
 cognosceret, ita demum beatum fore. Jam etsi apud nos,  
 qui vera religione inbuti sumus, nihil Apollinis valere  
 debet auctoritas: tamen eiusmodi oracula, quae prae-  
 ceptum aliquod utile ad instituendam vitam continent, ama-  
 re & magnifacere debemus. Constat enim, ea nihil esse  
 aliud, quam insignes quasdam & eximias sapientissimo-  
 rum hominum sententias; quae quoniam divinitus im-  
 missa in eorum animos videbantur, ad Deum refereban-  
 tur auctorem. Quoties igitur audimus Apollinem respon-  
 disse Cræso, beatum eum fore, si se cognosceret: quoties  
 praeceptum eadem de re in templo Delphico inscriptum  
 fuisse legimus; toties illud cogitare debemus, magnum  
 quoddam bonum esse cognitionem sui: cum inter omnes  
 homines omnium aetatum sapientes viros convenerit, in  
 eo positum esse fundamentum felicitatis: neque ulla re u-  
 numquemque nostrum in plura aut graviora mala, quam  
 sui ipsius ignorantia, prolabi. Quod cum ita se habeat, om-  
 nibus viribus elaborandum est nobis, ut cognitionem nostram  
 quando tantum in ea momenti ac ponderi ad beatam vitam  
 situm est, consequamur. Sed in hac re illud primum viden-  
 dum est, quid sit nosse se, ne, eodem secus quam oportet, ac-  
 cepto errore aliquo implicemur. Fieri enim, prorsus non potest,

ut re-

ut resẽ id faciamus, quod jubemur, nisi prius, quid ju-  
 beatur, intelligamus. Hoc autem non alius melius nos,  
 quam Plato docuerit: apud quem Socrates in Alcibiade  
 primo multa disputat, quibus hominem animum esse,  
 non corpus ostendet. Semper enim id, quod aliqua re uti-  
 tur, ab eo, quo utitur, aliud esse. Uti autem homines &  
 partibus corporis sui, ut manibus pedibusque, & toto  
 corpore, ex quo effici, ut, quantum inter hominem &  
 instrumentum interesi, tantum inter artificem & cor-  
 pus intersit: quam sententiam & Aristoteles libro de-  
 cimo Ethicarum comprobavit, & apud Ciceronem li-  
 bro sexto de Republica his verbis Africanus expressit:  
 Mens cujusque is est quisque, non ea figura, que digito  
 demonstrari potest. Quod si homo non corpus est, sed  
 animus: qui jubet, ut nos ipsos noscamus, illud videlicet  
 jubet, ut noscamus animum nostrum. Atque hoc à Plato-  
 ne acceptum ita extulit idem Cicerò lib. Tusculanarum  
 disputationum. Et illud quidem vel maximum, animo  
 ipso animum videre: & nimirum hanc habet vim præ-  
 ceptum Apollinis: quo monet, ut se quisque noscat. Non  
 enim credo, id præcipit, ut membra nostra, aut staturam  
 figuramve noscamus: neque nos corpora sumus: neque  
 ego tibi hæc dicens, corpori tuo dico. Cum igitur, Nosce  
 te, dicit, hoc dicit, Nosce animum tuum: nam corpus  
 quidem quasi vas est aliquod animi aut receptaculum.  
 Duo sunt, quæ hætenus probare studuimus: eximum  
 quoddam bonum esse cognitionem sui, & nosse se nihil  
 esse aliud, quam nosse animum suum. Nunc antequam  
 progrediamur ulterius, illud admonendi estis, unam  
 eandemque rem non uno eodemque modo à diversis artifi-  
 cibus considerari. Angulum rectum, aiebat Aristoteles  
 primo horum librorum, alia ratione considerat Geome-  
 tres, alia Faber. Sic & hominem aliter Medicus, aliter  
 pictor;

Homo est  
 corpus

non sicut  
 corpus

ictor; & a  
 liter Poli  
 uerunt;  
 n expers  
 & æterna  
 is, an unaq  
 uasig dem  
 atum. Nos  
 eligioni no  
 & indubit  
 deramus,  
 virtutibus  
 atura pati  
 lud proposi  
 ozalem Ph  
 umini part  
 erba facian  
 us esse vos  
 mi, que in  
 rto quasi  
 omg jus r  
 d ab is, qua  
 era ad mun  
 hoc loco pro  
 ls, ut me at  
 the veniend  
 eos lavand  
 n alii precib  
 d ulu fore,  
 z, res rogen  
 eploratum  
 aentionem  
 g oniam, si al

pictor; & animum hominis aliter Physicus considerat,  
 aliter Politicus. Physici, quæ sit animorum natura,  
 quarunt simplex, an composita atq; concreta: corporea,  
 an experta corporis, mortalis & caduca; an immortalis  
 & æterna: sitne totus animus in qualibet parte corpo-  
 ris, an unaquæq; illius facultas suam in corpore sedem  
 quasiq; domicilium habeat à cæteris secretum ac sepa-  
 ratum. Nos quæcumq; de iis & talibus ab eis, duntaxat  
 religioni nostræ consentanea, traduntur, tanquam vera  
 & indubitata ponentes, animum eâ tantùm ratione con-  
 sideramus, qua vel depravari & corrumpi vitiiis, vel  
 virtutibus perfici & ad Dei similitudinem, quantum  
 natura patitur, perducì potest. Quare cum hodiè nobis  
 illud propositum sit, ut ex Aristotelis in iis libris, qui ad  
 moralem Philosophiam pertinent, sententia; de animi  
 humani partibus, deq; uniuscujusq; illarum perfectione  
 verba faciamus, (hoc enim potissimum modo præparan-  
 dos esse vos duxi ad cognitionem & intelligentiam eo-  
 rum, quæ in hujus sexti libri explicatione tradentur)  
 certos quasi cancellos circumdabimus orationi nostræ,  
 eamq; suis regionibus ac terminis circumscribemus,  
 ut ab iis, quæ Physicorum sunt abstinentes, ea tantùm,  
 quæ ad munus nostrum propriè pertinent, explicemus.  
 Hoc loco propè supervacaneum esse judico, petere à vo-  
 bis, ut me attentè audiatís. Certè enim ea vobis causa  
 hùc veniendi fuit. Et ut ridiculus fuerit balneator, si  
 quos lavandi causa in balneas ingressos videt, ab eis  
 multis precibus petat, ut lavent; ita ego mihi videor ri-  
 diculus fore, quod facturi hùc convenistis, id si, ut facia-  
 tis, vos rogem. Oratorum iste mos est, qui, etiam cum  
 exploratum habent, se attentissimè auditum iri: tamen  
 attentionem petunt: non quod opus esse eo putent, sed  
 quoniam, si aliter fecerint, adversus artis suæ præcepta  
 fecisse

fecisse se putant. Meum est conari, ut auditu digna adferam; vestrum, ne ea prætervolare patiamini, sed singula diligenter expendentes, penitus demittatis in animos vestros. Mihi, ut ne ad id, quod mearum partium est, præstandum imparatus venirem, provisum est: vos quoque ad me, qua soletis benignitate & attentione audiendum satis vestraapte sponte paratos esse confido. Animi nostri sive partium, sive facultatum bipartita divisio est. Partim enim ipsarum ratione præditæ sunt, partim rationis expertes. Ac ratione quidem præditas eas vocamus, quæ ex omni animantium genere in solis hominibus; rationis autem expertes, quæ etiam in bestiis atque ex aliqua parte in stirpibus reperiuntur. Rationis expertes (ab eis enim exordiri & ab infimis quasi per gradus ad summa contendere decrevimus) duplicem ipsæ quoque habent varietatem. Aliæ enim sunt, quæ vitam continent; aliæ, quæ animal constituunt. Quæ vitam continent, tres sunt: quas illa & in rebus inveniendis acutissima, & in eisdem appellandis disertissima Græcorum natio vocat τὸ ζῆν τὸν οὖν, τὸ αἰσθάνειν, τὸ ἰσθάνειν. Nos quia vetera quidem Romana vocabula, quibus hæc exprimamus, non habemus, his autem, quæ postea cusa sunt, uti propter quandam, ut verum fatear, stultam & ineptam religionem non audemus, unum in plura spargere, ac diducere cogimur, dicimus ἔνυμν νουτρού, vim nutriendi, vim augendi, & vim procreandi. Hæc omnes non in animalibus modò sunt, verum etiam in stirpibus. Quæ autem constituunt animal, duorum ipsa quoque generum sunt. Partim enim cognitione quadam & apprehensione, partim appetitione & declinatione cernuntur. Illas νοῦσικας Græci, has ὀρετικὰς vocant. νοῦσικὰς in animalibus sunt duæ, sensus & phantasia: utendum enim est hoc, quando Latino caremus.

Sen-

ibus appre  
rsa, nisi q  
lignum pr  
hoc lignum  
m, sed hu  
percipit e  
ut posteri  
e ei adjunc  
us, sed ro  
sus autem  
n tactus in  
is desiderat  
mas quæ d  
ac continet  
s sensus ex  
dulce: &  
ad quod p  
litur: dum  
ntum, & i  
antasi sep  
ntur, quæ p  
detur: ut c  
debat. H  
od earum ple  
cane: quon  
late facere  
quendo fug  
cimur. Nan  
a comitetur  
nica est, alte  
al sit, in qu  
cunda, & f  
clæus dicitur

ensibus apprehenduntur singula tantum, non etiam u-  
 iverfa, nisi quatenus sunt in singulis. Non enim lapidem  
 at lignum propriè ac per se videmus, sed hunc lapidem  
 & hoc lignum: aut potius neq; hunc lapidem neq; hoc li-  
 num, sed hujus lapidis aut ligni colorem. Sensus enim  
 non percipit essentiam, ut Ciceronem locutum esse ajunt,  
 iver, ut posteriores locuti sunt, substantiam: sed ea tantum,  
 quæ ei adjuncta sunt: neq; r'sam aut videmus, aut olfa-  
 cimus, sed rosæ odorem olfacimus, colorem videmus.  
 Sensus autem sunt, ut notum est, numero quinque: quo-  
 rum tactus in omnibus est animalibus, ceterum alii in  
 aliis desiderantur. Phantasia rerum sensu perceptarum  
 formas quasdam, & ut Græci loquuntur, typos recon-  
 dit ac continet: ac præterea judicat de quibusdã, de qui-  
 bus sensus exteriores judicare non possunt: ut hoc flavis  
 esse dulce: & hunc, qui accedit, esse Socratem. Sensus in  
 eo, ad quod propriè percipiendum aptus est, nunquam  
 fallitur: dum & intervallum moderatum sit, & instru-  
 mentum, & id, quod interjicitur, probè affectum. Ad  
 phantasia sæpè fallitur: ut cum in picturis eminere vi-  
 dentur, quæ plana sunt: ut cum remus in aqua inflexus  
 videtur: ut cum canis Æsopeo imago carnis in aqua caro  
 videbatur. Hanc inesse in bestiis vel ex eo cognoscimus,  
 quod earum pleræq; & meminerunt & somniant: ut equi,  
 ut canes: quorum neutrum sine ea, de qua loquimur, fa-  
 cultate facere possent. Ex eis nascuntur illæ, quas in per-  
 sequendo fugiendoq; cerni, & Græcis ἰσχυράς vocari  
 diximus. Nam cum omnem sensum voluptas aut mole-  
 stia comitetur: quarum altera naturæ consentanea &  
 amica est, altera adversa & inimica: fit, ut nullum ani-  
 mal sit, in quo non insit naturalis appetitio eorum, quæ  
 jucunda, & fuga eorum, quæ molesta esse videantur.  
 ἰσχυράς δὲ αὐτῶν Aristotelis Interpretes Hammonius,

*Eustratius, & alii vulgo, duas tantum faciunt, impulsionem & duorum. Sed intelligendum est, in omnibus animalibus existere, & ex bono presenti letitiam, & ex eo, quod nondum adepti sunt cupiditatem, & aegritudinem ex presenti malo, & metum ac declinationem, si mali quid imminere videatur. Hac Stoici, ut me tertio ab hinc anno ex hoc ipso loco dicere memini, propria hominis, non ei cum ceteris animalibus communia esse voluerunt. Neque enim metuere bestias, sed quasi metuere, nec cupere, sed quasi cupere: eodemque modo neque vera ipsas letitia, neque vera molestia affici, sed utriusque imaginem modo quandam ac similitudinem habere. Quam opinionem ut stultam & deliram exagitant Plutarchus, Galenus, Porphyrius, & alii. Sed Stoici, si dogmatum suorum constantiam ac convenientiam retinere ac conservare vellent, ita dicere necesse habebant. Hac enim omnia ita definiiebant, ut ex opinione nasci dicerent: ex opinione boni presentis, letitiam, ex opinione mali presentis, molestiam; ex opinione boni imminetis, cupiditatem; ex opinione mali imminetis, metum. Cum igitur opinio in solis sit hominibus, sequebatur, ut ea quoque hominum propria essent. Sed verius est hac omnia convenire etiam in bestias: neque ex opinione tantum consistere, sed etiam ex sensu aut phantasia boni mali vel aut presentis aut imminetis. Omnes igitur illa facultates, de quibus hactenus diximus, in mutis quidem animalibus ita sunt rationis expertes, nullam ut proventus cum ratione habeant aut communionem, aut societatem. In homine ea, quae Graecorum lingua *λογιστικὰ* nominantur, etsi ratione praedita non sunt, rationem tamen audire, & ejus obtemperare imperio possunt. Quorum utrumque nobis paulo enucleatius explicandum videtur. In eis igitur non inesse rationem, ex eo quivis facile*

acile intelligi potest: ac si enim, metum in omnibus animalibus aliter sit, quod si adhibita, a ex Aristotele per dicitur. Hic dicitur. Hac Libentium in pessimis, haec inimi nostri duplex ratio ut nulla pro Tales autem generandi, tunc nobis nulli modo vis est coptione gaudeo: eo cum rationis ex tione expernibus mo pifunt, & quod sepe tinentem a Ovidii Metaphora; det



facile intelligat, quod ratio ipsa secum pugnare non potest: et saepenumera laetitiam, molestiam, cupiditatem, metum rationi aduersari videmus. Rursum esse eis omnibus aliquam cum ratione communionem, id indicio est, quod suscepti praeter rationem animi motus, ratione adhibita, aut disponuntur, aut mitigantur. Itaque recte ex Aristotelis sententia dicitur, τὸ τῆς ἡμετέρας ψυχῆς ἄλογον διότι εἶναι, τὸ ἰσὺν αὐτῆς ἀπὸ τῆς ἄλλοθεν εἶναι κατ' ἰδέαν τὸ πρὸς λόγῳ καὶ οὐκ ἔστιν ἡ δὲ ἄλλοθεν ἰσὺν εἶναι, φησὶ, ἐστὶ δὲ πρὸς λόγον. Hec Latine ita expeditur & ut ita dixerim, rotundè explicari non possunt. Sed nihil difficile amanti,

Libenter hos & omne militabitur

bellum in vestrae spem gratia. Conabor, si qua ratione possim, haec ita Latine eloqui, ut intelligantur. Earum animi nostri facultatum, quae ratione carere dicuntur, duplex ratio est. Quaedam ita sunt rationis expertes, ut nulla prorsus eis intercedat cum ratione communitio: Tales autem sunt quinque, vis alendi, vis augendi, vis generandi, sensus, & phantasia. Nam haec omnes & communes nobis sunt cum multis animantibus, & ratione nulli modo dirigi possunt. At ea duae, quarum in altera vis est concupiscendi bonum propositum, ejusque adaeptione gaudendi, in altera declinandi malum imminens, & eo cum jam urget, dolendi, suapte quidem natura rationis expertes sunt, sed quodam modo tamen rationis participes dici queunt. Quibus eas argumentis rationis expertes esse cognoscimus? Primum quod his omnibus modis afficiuntur etiam bestia. Nam & concupiscunt, & letantur, & metuunt, & dolent. Deinde quod saepenumero cum ratione pugnant: ut cum incontinentem alio ratio, alio cupiditas trahit. Qualis est Ovidii Medea, quae se ait videre quidem & probare meliora; deteriora autem sequi. Nullo autem modo fieri potest.

potest, ut eadem animi pars eodem tempore in contrarias partes trahat. Quare cum aliud ratio, aliud cupiditas trahit, facile intelligitur, aliam à ratione esse cupiditatem. Unde igitur colligimus, eas esse tamen in hominibus rationis quodammodo participes? quoniam eas rationi audire imperium, eiq; parere interdum videmus. Agamemnoni apud Homerum irascitur Achilles: multa iratus dicit, quæ neque eum, cui dicuntur, neque eum, à quo dicuntur, decent. Hinc cognoscas licet, iram à ratione alienam esse. Cum jam eò processisset, ut stricto gladio impetum in Agamemnonem facere pararet, prohibet ratio: quam enim aliam accipiamus Pallada? Atque illi Achilles divinam illam & nunquam delendam ex animis hominum sententiam profert:

ἄνθρωπος ὁφείλει πρὸς τὴν ἰσχυρὰν εἰρήνην  
καὶ μάλιστ' ἰσχυρὰν κεχολωμένον, ὡς ἔδ' ἄμοιρον.

Homini quantumlibet irato, rationem tamen audientiam, ejusq; obsequendum imperio dicit: id enim satius esse. Potest igitur iræ furentis impetus ratione cohiberi, & dicitur esse ab antiquo Poëta, morbis hominum rationem mederi. Sic qui gaudent dolentque, quibus non oportet, aut plus minusve, quam oportet: eodemq; modo qui aut cupidi sunt, aut timidi, aut contrariis vitiis laborant, rationis imperium accipere & conformare, ad illius præcepta possunt. Atq; hoc est, quod Aristoteles primo horum librorum dicebat, illam animi partem ratione quidem carere; sed tamen quodammodo participare esse rationis. In ea igitur sunt omnes eæ virtutes, de quibus in superioribus libris disputatum est: quæ usitate jam & recepto vocabulo mortales nominantur. Sequitur nunc, ut eam animi partem consideremus, quæ suapte natura ratione prædita & hominum propria est: cuius etiam ipsius vires ac potestates antiqui duorum generum esse

Cupiditas differens  
Ratione

Rationis vis

Substantia

esse dixerunt  
ar, quam  
semper  
na malis  
de re & d  
remus, &  
tinentiaq;  
tatis de  
rationem,  
& n, que  
licet. Me  
magna qu  
oculum  
anima, qu  
mus, sens  
sensus, ita  
que sunt  
supra om  
Deus: app  
materia s  
qua illius  
modi, que  
in intimis  
abdit a  
& ab on  
quandam  
cum se ap  
tiocinand  
xu ac con  
virtutum  
σφισσὶν ἑ  
fecta ead  
carit sive

esse dixerunt: *Appetitionis duas, voluntatem & concupis-*  
*centiam, quam vulgò electionem vocant: quarum voluntas*  
*semper tendit ad bonum, concupiscentia variat, & modò bo-*  
*na malis, interdum etiam mala bonis anteposit.* Sed hac  
 de re & diximus multa, cum librum tertium explica-  
 remus, & in librum septimum, ubi de continentia incon-  
 tinentiaq; disputabitur, plura dicenda erunt. Tres cogi-  
 tationis *δύο*, id est, opinionem: *ἄνοια*, quam mentis agi-  
 tationem, Cicerone, nisi fallor, auctore vocare institui:  
 & *ἔσθ*, quem aut mentem, aut intelligentiam vocemus,  
 licet. Mentis cum sensu, ac præcipuè cum sensu oculorū  
 magna quadam similitudo est: unde & sæpè Aristoteles  
 oculum mentis vocat: & dictum est id esse mentem in  
 animo, quod oculum in corpore: & ut suo loco ostendi-  
 mus, sensum ac mentem interdum confundit. Ut enim  
 sensus, ita mens quoq; extremorum est: sed sensus eorum,  
 quæ sunt inferiora demonstratione, mens eorum, quæ  
 supra omnem demonstrationem. Mente apprehenditur  
 Deus: apprehenduntur mentes illæ ab omni contagione  
 materiæ separatæ: apprehenduntur mundi, & eorum,  
 quæ illius ambitu continentur, primordia, cæteraq; ejus-  
 modi, quæ multis magnisq; obscuritatibus involuta &  
 in intimis rerum omnium parentis naturæ recessibus  
 abscuta & retrusa, *ἰς* demùm perfectè patent, qui puro  
 & ab omnibus libero cupiditatibus animo, cœlestem  
 quandam in terris vitam agunt. Ad illud mentis lumen,  
 cum se applicuit, & admovit *ἄνοια* in qua inest vis ra-  
 tiocinandi, & ex aliis alia colligendi, ex eorum comple-  
 xu ac conjunctione existit, & exoritur illa omnium  
 virtutum suprema, quam magnificentissimo vocabulo  
*σοφία* Græci, Latini Sapientiam, nominarunt. Ea per-  
 fecta cadere in hominem non potest: recteque judi-  
 cavit sive *Thales Milesius*, sive quis alius (non enim

inter omnes convenit) solum Deum esse sapientem. Sed tamen priscais temporibus, qui de Deo rebusq; divinis, qui de mundi origine, qui de abditis rerum causis discebant, earumq; rerum cognitione ceteris excellere videbantur, eos sapientes vocabant. Sapientiam autem esse dicebant cognitionem divinarum humanarumq; rerum, & causarum, quibus ea continentur. Primus Pythagoras arrogantiam verbi fugiens, non Sophon se, id est, sapientem, sed Philosophum, i. e. sapientiae amantem esse professus est: ab eoq; deinceps qui se isdem, quibus ille studii dederunt, Philosophorum appellatione retinuerunt. At mente in rebus tam sublimibus, tamq; arduis uti, paucissimis hominibus datum est. Pleraq; pars in foedissimo eodemq; tenacissimo corporearum cupiditatum caeno haerentes, & quasi clavis quibusdam, ut Plato loquitur, terrae affixi, ad divina & caelestia ne aspirare quidem possumus. Quod cum ita sit, in omnibus tamen hominibus lucent quasi scintillae quaedam illius luminis: quibus fit, ut principia disciplinarum, & communes illas sententias, quas *ἀρχαίαι* aut *κοινὰς ἐπιτάξεις* vocant, ita videamus, quasi ea, quae cernuntur oculis, eisq; sine causa firmitus etiam ac certius quam illis, quorum causam tenemus, assentiamur. Ad quos cum se admovit *ἡ ἀλόγιστος*, & ex illis alia quaedam necessario collegit, efficitur *ἐπιστήμη*, id est, scientia, quam esse ajunt cognitionem rei per primam, propriam & necessariam causam. Quid mens proprie, quidq; *ἀλογία* sit, diximus, simulq; paucis tam sapientiae tum scientiae originem ostendimus. Quarum utraq; ad eam vim mentis pertinet, quam Graeci *διάνοια* à contemplatione vocabulo *ἡ θεωρητικὴ* vocant. Est enim & altera, quae ab iis dicitur *ἡ πρακτικὴ* v. s. aut latiori nomine & aptiori ad omnia complectenda, *ἡ βίη*, *ἡ ἐπιείκεια*, quasi tu dicas mentem, quae non simplicem, ut illa,

illa, v  
seat, se  
ad op  
videm  
munes  
peten  
minun  
ab inj  
itemq;  
ad vici  
primu  
alia ex  
tim lo  
accur  
rum,  
omniu  
nestat  
virtut  
excogi  
illa, q  
de ca  
mutti  
nus, p  
incert  
men et  
frenat  
omnia  
pro sap  
mines  
siffino  
incert  
tur: m  
ratio

illa, veritatem sibi propositam habeat, in eaq̄ acquiescat, sed referatur præterea aliò, ut ad actionem, aut ad operis alicujus molitionem & effectiorem. Hac autem videmus duce natura, aut certe facile percipimus communes quasdam sententias de rebus bonis & malis, expetendis & fugiendis: cujusmodi sunt, tuendam esse bonum inter ipsos societatem: colendam esse justitiam: ab injuria abstinendum: vim vi repellere jus fasq̄ esse: itemq̄ alias, quæ quasi principia sunt ac semina artium ad vitam necessariorum. Ad hæc principia, cum accessit primum *Agroica*, quæ, ut dixi, alia cum aliis comparans, alia ex aliis nectens progreditur ac provehitur paulatim longius: deinde diuturnus usus & experientia cum accurata & diligenti animadversione ac notatione eorum, quæ eveniunt in vita, exsistit illa magistra vitæ, omnium bonorum consiliorum præceptrix, omnium honestarum actionum moderatrix, omnium moralium virtutum dux gubernatrixq̄ prudentia, eademq̄ illa vi excogitata, aucta, & ad summum perducta sunt artes illæ, quibus aut nullo modo, aut certe non satis commodè carere poteramus. Reliqua est opinio, varium & multiforme monstrum quoq̄ non Proteus aut Vertumnus, plures induerit species. Quanquam enim in rebus incertis & fortuitis proprium illius munus est: non tamen eis se fimbis continet: sed indomita quadam & effrenata licentia per omne genus rerum temerè ruens, omnia permiscet atq̄ perturbat. Interdum etiam sese pro sapientia, pro scientia, pro prudentia venditans, homines nimium fidentes sibi in gravissimos ac perniciosissimos inducit errores. Huic igitur, quoniam fallax, incerta, & instabilis est, nullius virtutis origo tribuitur: nisi quod bona opinio de iis, quæ sciri possunt præparatio quadam est ad scientiam: bona opinio de rebus

*Prudentia.*

*Opinio, & Gaudia.*

agendis, utiliter ad comparandam prudentiam antecedit. Immo verò, ut in disciplinis quædam ponuntur, quibus sine ulla dubitatione credendum est: ita ait Aristoteles opinionibus ac sententiis senum, & eorum quos longa & multiplex rerum experientia cautos ac providos effecit, in consilio capiendo & in instituenda vita maximam fidem habendam esse: eas enim eandem vim ac prudentiam, quam illa principia ad scientiam obtinere. Dixi breviter, ut proposueram, de omnibus humani animi facultatibus: & quanquam hanc totam disputationem quotidianis verbis & inornato dicendi genere contexui; tamen confido, eam vobis non minùs gratam fuisse, quàm si omnes undique flosculos colligens, omnes ditendi lepores ac festiuitates aucupans, concinno quodam ac modulato verborum sono aures vestras demulcere studissem. Potestis autem facillè perspicere ex iis, quæ dicta sunt, quibus de rebus in hoc sexto libro explicando disputaturi simus. Nam cum in superioribus libris, earum virtutum, quæ sunt in illa parte animi, quam per se ratione carere, sed rationi tamen parere posse diximus, natura pertractanda sit: in hoc de virtutibus illius superioris ac diuinius partis, hoc est, de intelligentia, sapientia, scientia, arte, prudentia, sed potissimùm de prudentia differemus. Quid igitur? finemne statim faciam, (id enim à me jam expectari video) an priusquam desino, ad hæc toto pectore amplectenda paucis vos cohortabor? Ego verò ita faciam, neq; committam, ut aut ad ineundam, aut ad persequendam pulcherrimam & fructuosissimam studiorum viam, ullo aut loco aut tempore, mea vobis cohortatio defuisse videatur. Dubitatis igitur, adolescentes, quin ad harum rerum cognitionem adipiscendam omnis vobis diligentia suscipienda, omnis labor perferendus, omnis corporis voluptas negli-

neglig  
 cienda  
 plerim  
 summa  
 doctri  
 vestim  
 Quid  
 dum in  
 dianis  
 licenti  
 gnition  
 plurim  
 manar  
 tie sci  
 quem  
 usu po  
 lectent  
 me aud  
 cogniti  
 At nos  
 tos esse  
 histori  
 alius  
 lingua  
 putati  
 mus. G  
 tidie G  
 aureum  
 alius? D  
 cis, non  
 diendis  
 bus, ab  
 rum al

negligenda, omnia aliarum rerum cura ex animo eji-  
cienda sit? Ubi, quæso, istam egregiam indolem, quam in  
plerisque vestrum videmus, ubi istud ingenium ad omnia  
summa natum, ubi istam partem ætatis, ad concipienda  
doctrinæ virtutisq; semina omnium aptissimam, aut ho-  
nestius, aut suavius, aut fructuosius collocare poteritis?

Quid enim est, quo quisquam oblectari, quo ad discen-  
dum invitari atq; allici possit, cujus non in hisce quoti-  
dianis disputationibus nostris copiam reperire aliquam  
liceat? Est, quem arduarum rerum & remotarum à co-  
gnitione vulgi accurata tractatio capiat? Talia nobis  
plurima in animi partibus excutiendis, in principis hu-  
manarum actionum evolvendis, in patefacienda sapien-  
tiæ scientiæq; natura, necessariò tractanda erunt, Est,  
quem non tam ardua & sublimia, quam in quotidiano  
usu posita, & ad instituendam vitam accommodata, de-  
lectent? Utilissimis ad vitam præceptis aures eorum, qui  
me audient quotidie personabunt. Est, cui antiquitatis  
cognitio & veteris hystoriæ commemoratio iucunda sit?  
At nos quidem scitis vix ullum præceptum tradere solito-  
s esse, quin ei illustrando repetitâ ex Græca Romanaq;  
hystoria, exemplorum lucem adhibeamus. Poëtarum  
alius amœnitate ducitur? Nos verò ex optimis utriusq;  
linguæ Poëtis pulcherrima quæq; libantes, perpetuò di-  
sputationes nostras ejus quasi salis adpersione condi-  
mus. Græcam linguam amat aliquis? Aristotelè bis quo-  
tidie Græcè loquentem audiet: qui ea lingua dictus est  
aureum orationis flumen fundere. Latinam anteponit  
alius? Dabimus nos quidem operam, ut ex optimis Græ-  
cis, non pessima Latina faciamus: ne quis à nobis au-  
diendis, tanquam in latine loquendo non satis diligentibus,  
absterreatur. Omninoq; quicumq; tantâ huc animo-  
rum alacritatem tantamq; discendi cupiditatē adferent,  
quan.

quantam ego rerum optimarum varietatem, & quantum perspicue docendi studium adferam, faxo, nunquam eis veniat in mentem, quod docenti mihi assiduam operam dederint poenitere. DIXI.

Pro Alfonso II. Duce Ferrariæ,  
&c. ad Pium IV. Pont. Max.

ORATIO XI.

NON EST HABITA.

**S**I quis est, qui scire cupiat, Beatissime Pater, quanto gaudio per fusus sit Alfonso II. Ferrariæ Dux, posteaquam te in summum istum & cælo proximum dignitatis, atq; amplius-  
dinis gradum communi Patrum omnium voluntate ac iudicio sublatum esse cognovit: is, si orationem meam cogitatione sua subsequi, quasque ille gaudendi causas habuit, earum unaqueque quantum ponderis ac momenti habeat, diligenter expendere voluerit, simul & id, quod cupit, intelliget. & mihi, si forte illius gaudii magnitudinem verbis exæquare non potuero, ignoscendum potius, quam succensendum putabit. Nam cum ea dicendo tractanda sunt, quæ nullo verborum genere satis exprimi possunt, acris et intelligentis estimatoris est, non dicentis imbecillitatem accusare, sed eo ipso potius argumento uti, ut id quod agitur, singulare quiddam & eximium esse iudicet, quod ad id exprimendam nulla potuerit satis vehemens atq; illustris oratio reperiri. Alfonso autem secundus, ut insignem quandam lætitiâ perciperet ex eo, quod sapientiæ tuæ summa totius Ecclesiæ gubernatio delata esset, cum iisdem illis causis adductus est, quæ cæteros quoq; principes Christianos admirabili  
ob eam



ob eam rem voluptate cumulârunt, tum aliis etiam quibusdam ad se proprie pertinentibus, quæ in communi omnium gaudio gaudium ipsius majus, & insignius reddunt. Ac primum quidem gratissimum ei, atque optatissimum accidit, illi potissimum summam rerum conceditam esse, qui per omne anteaactæ vitæ spatium talem se præstitisset, ut tanquam perfectum & absolutum antiquæ illius innocentia, & integritatis exemplum omnium prædicatione commendaretur. Quis enim per illum, cuius locum in terris obtines, rerum omnium præpotentem Deum, multos jam annos ad istam sanctissimam sedem proventus es, te uno iis omnibus virtutibus, quas bonum, & omni ex parte absolutum principem habere decet, oratorior? Qui cum intelligeres, animum humanum duabus præcipue rebus perfici, & ad illud, ex quo ductus es, divinitatis exemplar proximè accedere, cognitione primum & intelligentia earum rerum, quæ digne sunt, in quibus studium collocetur: deinde procurandis hominum commodis, iisq; actionibus suscipiendis, ex quibus quam maximus fructus ad quam plurimos perveniret: jam inde à principio ita vitam instituisi tuam, ut perpetuò ad eos, quos dixi fines, omnia retulisse, neque unquam ullum temporis punctum, mentis aciem ab eis deflexisse videaris. Itaq; totum illud adolescentia tempus, cui & cõmuni hominum consuetudine, & quadam prope ipsius nature tacita lege major quædam licentia tribui ac permitti solet, à te, non in remissionibus animi, neque in eis voluptatibus, quibus ætas illa plerunq; etiam sine reprehensione capitur, positum, sed in assidua præstantium doctrina virorum consuetudine, diligentissimòq; cum omnium honestarum artium, tum earum præcipue, quæ populorum rectoribus necessariae sunt, per investigationem consumptum est. Neq;

verò

verò te ab eo, quod tibi proposueras, curriculo, aut deterrere postea laboris asperitas, aut avocare voluptatum blandimenta potuerunt. Qui semel ad solidam & immortalam gloriam recto itinere contendere penitus imbibisses, omnia tibi, dum eò, quò institueras, pervenires, contemnenda, & pro nihilo putanda esse duxisti. Nimirum illam tu virtutis pulchritudinem, quam Plato, si cerneretur, mirabilis sui amoris excitaturam esse dicebat, non corporeis, sub quos illa non cadit, sed iis, qui, si nulla cupiditatum nubes opposita est, multò perspicatius & acutius cernunt, animi oculis videras: ejuſq; desiderio incensus, nisi adepta ea, vitam ipsam tibi acerbam, atque insuavem fore statuebas. Igitur cum Patavii primum, deinde Bononia, defixus in præstantissimarum artium studio, primam ætatis partem exegisses, iisq; adolescens egregiè navata in studiis operæ: insignibus atque ornamentis affectus esses, quæ amplissima in eis civitatibus tribui solent: iudicasti tibi jam esse ex domestico illo, & umbratili vitæ genere, quod ad illud usq; tempus flagrantissimam illam cognitionis & doctrinæ sitim explere cupiens, necessariò colueras, in solem, quod dicitur, & in pulverem prodeundum: tempus esse, ut præclara illa semina, quæ diligenter subactò ac præparato animo colueras, omni ratione foveras, alueras, auxeras, efferrent tandem ipsa se, & fructus expectatione dignos hominum generi afferrent. Nec enim te fugiebat, omnem cognitionem, quam nulla consequeretur actio, mancam quodammodo & inchoatam esse: qui se ita studiis abdidissent, ut nihil ex eis ad utilitatem publicam protulissent, eo nunquam magnoperè commendatos sæpe etiam reprehensos ac vituperatos fuisse. Quapropter in patriam reversus, ut, quæ te prima urbs nascentem gremio, & sinu suo exceperat, eadem quoq; primos per-

perciper  
controve  
e commu  
diremist  
cium S  
bim Me  
inquã, q  
tutis inf  
principi  
honorum  
tutis sue  
nenda de  
aliquem  
in quo sp  
princeps  
perio be  
antè gust  
nisi, ubi  
monia, &  
& omne  
ris reb  
miro in  
cerrimo  
fuisse, cu  
dentiam  
primum  
staverit  
gustissim  
adsciver  
que face  
eloquent  
cum hor  
rit, ita

perciperet industria tuæ fructus, non tantum magnas  
 controversias inter principes civitatis ortas, cum illi  
 te communi consensu iudicem sumpsissent, sapientissime  
 diremisti, verum etiam sedatis gravibus illis inter Fran-  
 ciscum Sfortiam Mediolani Ducem, & Joannem Jaco-  
 bum Medicem fratrem tuum discordiis, pacem, pacem  
 inquam, quæ nihil optabilius est, nihil salutaris, civibus  
 tuis insperantibus reddidisti. O felix, & auspiciatum  
 principium! O præclare positum rudimentum! Quid non  
 bonorum ab eo sperare poterant cives, qui primum vir-  
 tutis suæ specimen pace, & privatim, & publicè compo-  
 nenda dedisset? Sed videlicet illa tanta virtus majorem  
 aliquem campum, in quo excurreret, majus theatrum,  
 in quo spectaretur, requirebat. Roma te, Roma urbium  
 princeps jam tunc ad se vocabat, & sub cujus olim im-  
 perio beata futura erat, sejus præsentis virtutem tantò  
 antè gustare, ac cognoscere cupiebat. Romam igitur ve-  
 nisti, ubi virtutis tuæ tam multa, tamq̃ luculenta testi-  
 monia, & pace, & bello dedisti, ut Paulus III. P. M. quem  
 & omnes confitentur & res ipsa loquitur, cum in ceteris  
 rebus rara quadam & exquisita prudentia, tum  
 miro in pernoscentis hominum ingeniis acumine, & a-  
 cerrimo in p̃nderandis cujusq̃ meritis judicio præditū  
 fuisse, cum in plurimis maximi momenti negotiis pru-  
 dentiam, fidem, magnitudinē animi tuam expertus esset,  
 primum quidem de Epidaurio Archiepiscopatu cohonest-  
 averit: deinde verò absentem Reipublicæ causa in au-  
 gustissimum & sanctissimum Cardinalium Collegium  
 adsciivit. Hic ego si, quod Poëta solent, idem nobis quo-  
 que facere liceret; Nestorem mihi aliquod, aut Ulixen  
 eloquentiæ flumen optarem: ut quemadmodum unā  
 cum honoris amplificacione, tua semper virtus accre-  
 vit, ita mea quoque in explicacione laudum tuarum,  
 quasi

quasi per gradus attolleretur, & seipsa grandior, ac sublimior fieret oratio. Vix enim fas videtur de rarioribus inusitatisque rebus dicentem, usitato, & quotidiano genere sermonis uti. Sed in hac conscientia tenuitatis meae una me cogitatio subleuat, quod apud eos me dicere intelligo, qui rerum à te divinitus gestarum non testes modò ac spectatores, sed existimatores etiam & exornatores fuerunt. Nam quo die tot amplissimi & illustrissimi Cardinales, non inconsulto aliquo & subito animorum impetu, sed post accuratam in Conclavi aliquot mensium deliberationem, ad deferendam tibi summam in Ecclesia potestatem conenserunt, eodem die aper tissimum iudicium de perspecta sibi & explorata tua omnis generis praestanti & eximia virtute fecerunt. Quare non est mirandum, si te tali Pontifice creato, Alfonso secundus Ferrariae Dux, qui studium quoddam incredibile erga hanc sacrosanctam Sedem à maioribus suis quasi hereditarium accepit, tanto ea ex re gaudio affectus est, quantum neque meam, neque cuiusquam oratione exprimi potest. Nam ad eas laetitiae causas, quae communes ipsi sunt cum cæteris omnibus Christianis Principibus, non parvi quoque ponderis aliae accedunt. Primum quod, Ecclesiae cliens cum sit, omnes opes ac facultates suas huius sacrosanctae Sedis auctoritate nixas & fundatas esse non ignorat: ut etiam hoc nomine impendio magis omnibus, quae ad ejus dignitatem pertinent, affici debere videatur. Deinde qui & patrem habuerit amplitudinis tuae studiosissimum, & ipse non patris magis imperii, quam illius in te observantia hereditatem creverit, sciat quod praeterea è suis omnibus neminem esse cuiuscunque ordinis, qui non eodem planè animo sit, semper quod fuerit, qui quod honori tuo ex animo, atque ex illa summa voluntate non fauerit, cui dubium est,

quin

quin is, f  
tuit, acc  
voluptat  
lustrissim  
sum Du  
lia, affir  
at, qua  
univers  
stuisse?  
disset, neq  
praesens  
advolut  
deret, n  
tris sui o  
animis  
Quam q  
tate, par  
Pater, a  
antea, se  
tus, te p  
in fide  
tia, ver  
re usitat  
DIENT  
nas mod  
tam pr  
de

quin is, facta ad gloriam tuam ea, quæ maxima fieri po-  
 tuit, accessione, incredibilem quandam ex eo hauserit  
 voluptatem? Postremo, qui sese haud ita pridem cum il-  
 lustrissimo Principe Cosmo Florentinorum & Senen-  
 sium Duce, gentili tuo, ducta in matrimonium illius fi-  
 lia, affinitate devinxerit, cur non immortaliter gaude-  
 at, qua ex gente ipse uxorem acceperit, ex eadem, qui  
 universam Ecclesiam cum summo imperio regeret, ex-  
 stitisse? Ille verò statim accepto nuncio sese in viam de-  
 disset, neque ullam moram interponendam putasset, quin  
 presens tibi gratularetur, pedibusq; tuis suppliciter  
 advolatus in tua potestate esse se ac semper fore osten-  
 deret, nisi prius percussis & afflictis, nec opinata pa-  
 tris sui optimi ac præstantissimi principis morte, suorum  
 animis aliquid consolationis adhibendum esse duxisset.  
 Quam quidem excusationem partim inevitabili neces-  
 sitate, partim naturæ pietate subnixam, à te, Beatissime  
 Pater, a quo animo acceptum iri confidit: quodq; multò  
 antea, si licuisset, facturus erat, ad pedes tuos prostra-  
 tus, te patrem ac dominum agnoscit, tibi se suaq; omnia  
 in fidem & clientelam tradit: & ut unà cum senten-  
 tia, verborum quoque formulam apud majores hac in-  
 re usitatam retineamus, DEBITAM TIBI OBE-  
 DIENTIAM PRÆSTAT; seq; semper non ad fortu-  
 nas modò suas, verùm ad sanguinem quoque & vi-  
 tam pro huius sanctissimæ Sedis dignitate profun-  
 dendam paratissimum fore, omni assevera-  
 tione confirmat.



Pro Alfonso II. Duce Ferrariæ,  
&c. ad Pium V. Pont. Max.

ORATIO XII.

HABITA ROMÆ XV. KALEND.  
Quinct. Anno cIo Io LXVI.

**I**N COMMUNI omnium Christianorum Principum gaudio, quo eos optatissima summi honoris ad te concordibus horum amplissimorum Patrum suffragiis delati fama cumulavit, PII V. Pontifex Maxime, si præcipuam quandam ac prope singularem Alfonsi II. Ferrariæ Ducis lætitiā extinxisse dixerō, vereor ne quis id magis ex veteri, & quotidiana omnium consuetudine, quàm quod ipsi præter ceteros gratum id ac jucundum acciderit, à me dictum arbitretur. Ita enim jam usitatum est, ut omnibus Pontificibus, omnium Principum nomine eadem illa dicantur, ut & eos, qui audiunt verisimile sit ea modò sibi videri audire, qui cuilibet alii eundem adepto honorem dicerentur: & ii qui dicunt non tam ex suo sensu orationem depromere, quàm ex vetere aliquo libro soleunem, & certis conceptam verbis gratulandi summis Pontificibus formulam recitare videantur. Neque verò dubitari potest, quin æquissimum atq; honestissimum sit, quemcumq; hic plenissimus ordo ad Ecclesiæ gubernacula admoventis, quod totum illud negotium non humanis consiliis, sed divini Spiritus instinctu, atque afflatu administrari certissimum est, ejus ut ceteri quoque Principes libentissimis animis imperium accipiant, auctoritatem agnoscant, leges observent, se suaque omnia ejus potestati tradant ac permittant: cum denique, qui

DEO

Deo max  
simum qu  
illa est  
que sibi  
pium: c  
mum ju  
verant:  
& quan  
tifex, no  
quosdam  
causis m  
fonsum  
telligant  
tiam su  
per suis  
quod ve  
Pater, p  
tissimum  
mandari  
vero, q  
pter qu  
ptatem  
cari ali  
cantur, i  
pterea q  
libenter  
atq; etia  
me, ut q  
ac dissen  
ac deliba  
atq; obte  
ter, illu  
qua ad

Deo maximè placuit, sibi quoque gratissimam acceptis-  
 simumque esse profiteantur. Sed tamen & longè alia  
 illa est animorum alacritas, cum homines eum, quicum-  
 que sibi rector divinitus sibi datus est, libenter ac-  
 ciunt: alia cum quem semper ipsi eo munere dignissi-  
 mum judicarunt, quemque semper toto pectore opta-  
 verant, eum divino quoque iudicio probatum vident:  
 & quanquam omnium publicè interest, qualis sit Pon-  
 tificex, non est tamen obscurum, esse quosdam populos,  
 quosdamque Principes, quorum id privatim multis de  
 causis maximè intersit. Ex quibus ut unum esse Al-  
 fonsum secundum Ferrariæ Ducem omnes homines in-  
 telligant: neque vulgarem illam, aut mediocrem lati-  
 tiam fuisse, qua ipse accepto Pontificatus tui nuncio  
 per fusus est, idque eò dici, non quòd ita dici solet, sed  
 quòd verissimum sit: constitui, si per te liceat, Beatissime  
 Pater, primum quidem breviter exponere, cur tibi po-  
 tissimum boni omnes communibus votis istum honorem  
 mandari & optaverint, & optare debuerint, deinde  
 verò, quas privatim causas Alfonsus habueris, pro-  
 pter quas eximiam quandam ex eo perceperit volu-  
 ptatem. Sed quoniam prior orationis meæ pars expli-  
 cari aliter non potest, quin de tuis laudibus nonnulla di-  
 cantur, idque cum aliqua tua molestia fieri necesse est; pro-  
 pterea quòd, ut quisque laude dignissimus est, ita minimè  
 libenter laudes suas audire consuevit, supplex à te etià  
 atque etiam peto hanc veniam, Pater optime ac sanctissi-  
 me, ut quæ de virtutibus tuis toto orbe jam pridè sparsa  
 ac disseminata sunt, ea me strictim ac modicè attingere  
 ac delibare patiaris. Vos autem, patres amplissimi, oro  
 atque obtestor, ut si me sublimia humiliter, ampla tenui-  
 ter, illustria inornatè tractantè, & ex innumerabilibus,  
 quæ ad dicendum suppetunt, plurima præmittentem,

pauca proponentem verius, quam exponentem audie-  
 ris: coguetis cum animis vestris, neq. posse quempiam  
 in tam ubere materia omnia persequi, neq. ea, quae satis  
 per se splendida & magnifica sunt, ornatu verborum  
 indigere, & mihi eam imprimis cautionem adhibendam  
 fuisse, ne sanctissimi ejusdemq. modestissimi Principis pa-  
 trisq. nostri aures, quanquam verissimis, & omnium  
 sermone celebratissimis: inusitatis tamen, & longè mul-  
 tumq. supra exempla vulgaria positis laudibus suis of-  
 fenderentur: Atque equidem, Beatissime Pater, ut mea  
 tibi quantum in me situm est, minimè molesta sit oratio,  
 abducam, & avocabo eam à persona tua & de te reti-  
 cens rem tantum ipsam excutiendam considerandamq.  
 proponam. Si quis igitur reperiretur, qui ab ipso ineun-  
 tis aetatis principio illud arduum ac cum labore ad vir-  
 tutem directum iter ingressus, hoc robore animi, atque  
 hac indole continentiae esset, ut omnia blandimenta vo-  
 luptatum respuens, & aspernans, nihil in vita expeten-  
 dum, aut magnificandum putaret, nisi quod esset cum  
 laude & cum dignitate conjunctum, seq. iam tum à cor-  
 pore quàm maximè abstrahens ad divinarum rerum  
 cognitionē cura omnino studioq. raperetur: quis non facile  
 auguraretur, ex illa herbescentis adhuc, seq. paulatim  
 exserentis ingenii teneritate magnas aliquando virtu-  
 tis ac sapientiae fruges exstituras? Quod si idem, cum se  
 paulum jam corroborasset, ut planè liber ab omnibus  
 impedimentis iter sibi destinatum expeditius conficeret,  
 secederet, segregaretq. se à commercio vulgi, & solita-  
 riam vitam amplexus, nomen daret in eam sedalitatē,  
 quae, ex quo primum instituta est, perpetuum quoddam  
 inexhaustae fecunditatis seminarium hominum & do-  
 ctrina & virtute praestantium fuit, quis non in ea spe,  
 quam jam antea concepisset, magis ac magis confirma-  
 retur?



retur? Jam verò si multos annos in eodem ordine ita vixisset, ut non æqualibus modò suis, aut minoribus natu, sed ipsis senioribus exemplum innocentie, & integritatis esset, nullam unquam ullius turpitudinis aut flagitii, ne tenuissimam quidem suspicionem dedisset, neque in casti gaudis aliorum delictis remissus esset; & tamen aliis omnibus faciliùs ignosceret, quàm sibi: pium ac iustum bellum indixisset, cum omnibus vitiis, tum præcipuè pravis, & veræ ac Catholicæ religioni contrariis opinionibus, multos mortales, aut errore lapsos, aut ab aliis in fraudem inductos revocasset in viam, obstinatos, & pertinaces, ne eorum contagio bonis abesset, repressisset legum habenis, & omnes vires suas ad eos exterminandos contulisset, ejusq; rei causa nullam offensionem, nullam simultatem, nullum odium, nullam denique capitis lincationem sibi unquam defugiendam putasset; nemo, ut opinor, inveniretur, qui non tantum illud virtutis & constantie lumen in excelso aliquo & illustri loco collocandum arbitraretur. Ad hæc omnia si judicium & auctoritas acris alicujus, ac severi Pontificis accederet, qui nulla prorsus alia re, quàm illa præstanti virtute commotus, eum virum, de quo loquimur, nihil tale ambientem ac ne cogitantem quidem, in sacrosanctum Cardinalium Collegium adscisceret, isq; se in illo dignitatis gradu constitutus, eundem toto decennio præstaret, quem in aliis vitæ partibus præstisset, quis non ei bonus Pontificatum maximum spe & votis omnibus destinaret? Quis non omnes Christiani nominis & animi provincias gaudio triumphaturas, florentesq; beatas futuras, tali sibi dato gubernatore consideret? Si hæc in extremis Gallie aut Hispanie, aut etiam remotioris alicujus provincie finibus dicerem, pro certo tamen haberem cognitum iri ab omnibus, te, Pie Quin-

de, eum esse, quem mea jam dudum notaret ac designaret oratio. Nam quæ tandem vitæ tuæ pars non ejusmodi fuit, ut in ea cum semper reperirent boni, quod imitarentur, nihil reperire possent improbi, quod calumniarentur? Majori tu & tranquilliori animo paupertatem tulisti, quam ceteri divitias ferant. Nunquam tu honores secutus es: sed recto semper itinere gradientem, & de sola virtute sollicitum, de aliis rebus non laborantem, ipsi te ultrò sunt honores consecuti. Nihil te Cardinalatus dignitas immutavit; nisi quod ut tua virtus à pluribus cognosceretur, effecit: eandem, quam privatus, comitatem, atq; affabilitatem, eundem cultum, eandem vitæ ac disciplina severitatem retinisti. Una erat omnium vox, neminem esse, qui majore libertate sententiam diceret, qui minùs ad gratiam loqueretur, qui quæ vera rectaq; erant constantius, aut animosius tueretur. Itaq; non in sermone tantùm, sed in vultu ipso ac nutu tuo magna inesse putabatur auctoritas. Tanto igitur, & tam repentino omnium consensu Pontifex renunciatus, ut si cui fortè adhuc dubium fuerat, hominùmne iudicio, an divino numine summi Pontifices crearentur, quod tamen nemini unquam bono dubium fuit, ea tota dubitatio proximis comitiis sublata esse videatur. Non enim fumosæ majorum imagines, non invidiosa divitiarum magnitudo, non blanditiæ principum commendationes viam tibi ad Pontificatum munierunt: eadem illa virtus, quæ te ab ipsis incunabilis susceptum perpetuò comitata erat, seriùs omninò & votis nostris, & meritis tuis; sed tamen in isto te tandem celsissimo dignitatis inter homines Deo proxime solio, suis ipsamet manibus collocavit. Et hæc quidem omninò omnibus Christianis & principibus & populis ingentem letitiam attulerunt. Quas autem causas habuerit Alfonsus II. eur

ex eo pr  
ut expu  
Reipubl  
tamen  
qui reg  
posui, e  
zificis in  
vè princ  
magis a  
ad eos,  
Apostol  
nobilissi  
à Ponti  
dem du  
semper  
serit: c  
religion  
rum prin  
precipu  
suo Alf  
nescius  
simus C  
mo fave  
venire c  
simò plu  
ipsum, t  
cum ita  
mos ac  
mum lab  
posuit, n  
riæ Duci  
jores ip  
runt, to

ex eo præcipuum quoddam gaudium caperet, sequitur  
 ut exponam. Non est dubium, quin totius Christianæ  
 Reipublicæ intersit, quàm optimos Pontifices creari, sed  
 tamen id magis quodammodo pertinet ad eos populos,  
 qui reguntur ab ipso Pontifice, quàm ad illos, qui procul  
 posui, etiam si in iis, quæ ad religionem pertinent, Pon-  
 tificis imperio parent, in cæteris tamen à Regibus aliis-  
 vè principibus gubernantur: itidemq; inter principes:  
 magis ad eos, qui sunt in fide ac clientela Ecclesiæ, quàm  
 ad eos, quibus nulla talis intercedit cum hac sancta &  
 Apostolica Sede coniunctio. Cùm igitur antiquissima, &  
 nobilissima Principum Estensium familia & antiquitus  
 à Pontificibus Romanis Ferrariam acceperit, & ab eis-  
 dem ducali nomine atque auctoritate decorata fuerit,  
 semperq; ex eo in huius sanctæ Sedis patrocinio perman-  
 serit: constat, cuiusmodi Pontifices sint, quàm amantes  
 religionis ac iustitiæ, eorum magis, quàm multorū alio-  
 rum principum, interesse. Deinde cùm ex aliis multis &  
 præcipuè ex illustrissimo Cardinali Ferrariensi patruo  
 suo Alfonso II. de tua præstanti virtute cognosset: neq;  
 nescius esset, quanto opere & is, & frater suus illustris-  
 simus Cardinalis Estensis dignitati tuæ verè atq; ex ani-  
 mo faverent, fieri nullo modo poterat, ut non & idem e-  
 venire cuperet, quod & patrum, quem semper meritif-  
 simò plurimi fecit, & fratrem, quem æquè amat ac se-  
 ipsum, tanto studio procurare intelligebat. Postremò,  
 cum ita natura comparatum sit, ut eos quisq; ornatissi-  
 mos ac florentissimos esse cupiat, quorum causa pluri-  
 mùm laboravit, in plurimãq; se ac maxima pericula ex-  
 posuit, necesse est, insigniter caram esse Alfonso Ferr-  
 riæ Duci, huius sanctæ Sedis dignitatem, pro qua ma-  
 jores ipsius tot labores susceperunt, tot d. serissima adie-  
 runt, toties de vita fortunisque omnibus dimicârunt.

Nihil augendi aut amplificandi causa loquar, Pater Beatissime: sed id tantum optima fide testabor, quod si opus sit, certissimis ac locupletissimis auctoribus probare nullo negotio possum: si ea minutatim persequi velim, quae à principibus Estensibus pro Apostolicae Sedis auctoritate, ac totius Italiae salute fortiter facta sunt, non dies modo me, sed vox ipsa viresque deficient: Sed, ut omittam ea, quae nimis antiqua videri possunt (siquidem mille jam anni, & eo amplius sunt, cum haec nobilissima familia floret, aliosque assidue ex aliis Principes perpetua quadam serie propagat) illud certe praetermitti non potest, quod cum Fridericus Abenobardus à Gregorio Nono damnatus atque hostis iudicatus, ob idque implacabili adversus Ecclesiam Romanam odio flagrans, per Italiam immanissimi latronis more baccharetur, vastaret agros, oppida diriperet, depopularetur, incenderet, non sexui, non ordini, non aetati ulli parceret, eade sanguine completeret omnia, administrumque ac satellitem crudelitatis suae haberet Eccellinum, quem non tam inter sceleratos tyrannos, quam inter tetras, & immanes belluas, numerare merito possumus: utriusque copias non tam numeroso, quam valido exercitu fudit, ac fugavit AZO Nonus Marchio Estensis. Quin etiam cum Salinguerra Taurellus, qui Eccellini sororem in matrimonio habebat, eius in omni scelere geminus erat, Ferrariam vi & armis occupatam & oppressam teneret, miserorumque civium cervicibus praedo crudelissimus incubaret, eiusdem AZonis virtute, & armis Ferraria ab illius tyrannide vindicata est. Cujus rei causa primum quidem universus populus Ferrariensis AZonem ipsum dominum, ac principem suum consulavit, deinde verò Pontifices, habita ratione & sumptuum, quos ipse in liberanda Ferraria fecerat, & beneficii, quod ab ea Apostolica Se-

des acceperat, eandem illam urbem plerisque ejusdem habendam ac regendam concesserunt. Neque unquam, quoties aliqua sese obtulit occasio, recusarunt principes Estenses, dum pro Ecclesia propugnarent, se suamque omnia prompto animo in discrimen opponere. Quae omnia aliaque ejusdem generis plurima non Ferrariensium tantum annalibus, quorum hac in parte fides alicui fortassis suspecta esse possit, sed optimi cuiusque illorum temporum aut etiam inferiorum scriptoris monumentis prodita, & testata sunt. His virtutibus domus Estensis ad tantam gloriam jam pridem per venit, ut summi Pontifices, ut Imperatores, ut Hungaria, ut Galliae Reges, aliique potentissimi Principes pulchram sibi ac decorant illius affinitatem judicarent. Haec causae sunt, Beatissime Pater, cur Alfonso I. qui neque pietate in Deum, neque observantia erga Sedem Apostolicam, neque ulla denique virtute cuiquam ex majoribus suis cedere meditatur, te Pontifice declarato, incredibile quoddam ex ea re gaudium coperit. Neque quidquam libentius fecisset, quam ut ad te primo quoque tempore veniret, & sanctissimis pedibus tuis advolutus quantoperè tibi, & huic sanctae Sedi devotus addictusque sit, modis omnibus declararet, nisi id temporum ratio prohibuisset. Sed cum ita evenisset, ut felicissimi Pontificatus tui principium in id tempus incidisset, quo ipse uxorem domum duxerat: judicavit te pro tua singulari clementia non iniquo animo laturum, si prius cepta nuptiarum solennia celebraret, ac cum uxore unum, aut alterum mensem commoraretur: deinde ad debitum officium tibi praestandum veniret. Nunc autem aliud interea multo gravius obiectum est impedimentum. Nam cum sceleratissimus ille religionis nostrae hostis Turcarum tyrannus numerosissimo exercitu Hungariae immineat, generosif-

*simus Princeps, qui admirabili studio ardent incedendi  
 assidue per vestigia majorum suorum, Maximiliano, Im-  
 peratori uxoris, suæ fratri, sponte se in belli, ac discrimi-  
 nis societatem obtulit, eiq; pollicitus est, simul atque  
 accersitus esset, se ad eum nullâ interjectâ morâ, cum  
 quantis pisset copiis, esse venturum. O vis virtutis, quid  
 non in pectoribus verè generosis efficit? Non dulcedine  
 patriæ, quam abitu suo mœstam & parentem relin-  
 quit, non nuper ductæ uxoris caritate, quæ sibi eo dis-  
 cendente à visceribus suis distrabi ac divelli videtur,  
 non hostis feritate, non periculi magnitudine retineri  
 fortissimus Princeps potest. Valeant, inquit, valeant  
 alia omnia, ubi Christiana Reipublica defensio agitur,  
 indignus sim, majoribus meis, si quidquam ei antepo-  
 nendum putem. Verebatur autem, si huc iter cœpisset,  
 ne interea accideret aliquid, ut statim regredi, atque in  
 Hungariam proficisci necesse haberet: neque dubitabat  
 fore, ut hæc excusatio sua à te quoq; Beatissime Pater,  
 non modò acciperetur, verùm etiam commendaretur.  
 Sed quod ipse si licuisset præsens facturus erat, idem  
 nunc per hunc illustrissimum Principem ac Marchionem  
 Franciscum Estensem patrum suum facit: quo deligere  
 neminem poterat, in quo plus inesset vel fidei vel au-  
 thoritatis. Per eum igitur, Beatissime Pater, Alfonso  
 II. Ferrariæ Dux eam, quam debet TIBI, ET SANCTÆ  
 SEDI APOSTOLICÆ OBEDIENTIAM PRÆSTAT, SE  
 SUAQUE OMNIA TIBI TRADIT AC CONSECRAT, SEM-  
 PERQUE SE IN TUA ATQUE HUIUS SANCTÆ SEDIS  
 potestate fore sanctissime pollicetur. Tu eum vicissim,  
 Beatissime Pater, ut ipse te sine ulla dubitatione factu-  
 rum esse confidit, paternâ benevolentia complectere: &  
 quemadmodum ipse semper omnes vires suas ad defen-  
 dendam tuam, & Apostolicæ Sedis dignitatem studio-  
 sissime*

*firmè conferret: ita tu eum totamq̃ unã familiam Estensem, eximium nobilitatis Italicae florem, non tuendam modò tibi, ac conservandam, sed amplificandam etiam indies ac cobonestandam iudicato. DIXI.*

**Pro Carolo IX. Rege Christianissimo ad Pium V. Pont. Max.**

**ORATIO XIII.**

**HABITA ROMÆ ANNO  
cdo Io LXVI.**

**S** I EORUM, quæ oratione tractantur, magnitudo & præstantia non aliunde, quàm ex eius, qui de eis differit, ingenio & dicendi copia penderetur: magnoperè mihi verendum esset, Beatissime Pater, ne hodierno die, in hoc augustissimo & ad dicendum amplissimo orbis terrarum loco, splendor, ac dignitas maximarum pulcherrimarumq̃ rerum, quarum explicandarum munus mihi mandatum est, ingenii mei tenuitate & orationis inopia imminueretur. Diciturus enim, hujus clarissimi viri Oratoris ad te regii jussu, quantum gaudium Rex Carolus IX. te Pontifice declarato, perceperit, intelligo mihi faciendum esse, ut veteri atque usitato, de singulari atque eximia pietate, qua Reges nostri, multis ab hinc seculis præ cæteris omnibus perpetuò floruerunt, breviter differam: & non omnia quidem, quod infinitum esset, sed aliqua tamen eorum, quæ illi tum pro religione, tum pro hujus sanctæ Sedis defensione piè fortiterque gesserunt, commemorem: ostendam deinde,

quam.

quanto studio atque ardore animi, Rex noster jam nunc in hoc ineuntis adolescentiæ flore, per illorum vestigia gradiatur: quamque sibi hujus præcipue laudis principatum appetat ac concupiscat: quibus expositis, illud quoque facile intelligetur, quantæ ipsi curæ esse debeat Ecclesiæ status: qui cum, secundum Deum, ex Pontifice potissimum pendeat: quanto per te tota viri, his in turbulentissimis temporibus divinitus Pontificis, creato, sibi præter ceteros gaudendum arbitretur. Quæ omnia si quis ita se tractare posse confidat, ut rerum magnitudini orationis pulchritudo respondeat: eum oportet aut ita exercitatum esse in dicendo, ut facultate sua fretus, nihil sibi difficile atque arduum putet, aut ita inexercitatum, ut errore ductus, rerum pondera & momenta satis acute atque intelligenter perspicere ac judicare non possit. Neque mihi nunc alia ulla res periculosa ac debilitata hac cogitatione animum erigit ac confirmat, quam quod apud te dicendum est, Beatissime Pater, qui & ea sapientia es, ut, quanti quæque res sit, ex natura ipsius, non ex iis, quæ de ea dicuntur, ponderes; & ea lenitate ac mansuetudine, ut eis, qui potius, quam officium deserant, ejus onere opprimi malunt, facile ac libenter ignoscas. Mihi verò memoria vetera re-potenti, & mentis oculos per antiqua Regum nostrorum desora circumferenti, non unde incipere, sed ubi desinere debeam, statuere difficile videtur. Tanta est enim rerum ab eis gestarum magnitudo, tanta copia, ut neque possit quisquam, ne si mentiri quidem velit, majora confingere, neque vera consecrari, omni tam brevi temporis spatio persequi: sed aut ab ipso multa, aut ipsum à tempore deseri necesse sit. Nam quæ tandem gens in toto orbe terrarum nominari potest, quæ semel susceptam

JESU CHRISTI Salvatoris nostri religionem majore

con-



constantiam puram incorruptamq; servaverit? Quae plu-  
 res atrocioresve illius hostes aut extinxerit, aut belli-  
 ca virtute domitos errorem suum deponere, seq; ad Ec-  
 clesiam societatem recipere coegerit? quae Apostolica Sedi  
 laboranti tam sepe subvenerit, eamq; Tyrannorum ini-  
 quitate & injuria oppressam non in pristinam modo di-  
 gnitatem restituerit; sed tam multis ornamentis affe-  
 cerit, tam firmis praesidiis muniverit? Omnia, quae ab  
 aliis regibus, aut gentibus in hoc genere gesta sunt, si  
 unum in locum collata cum iis, quae nostri gesserunt,  
 comparentur, & numero eorum & magnitudine ob-  
 ruerentur. Mille jam anni sunt, & aliquanto antepius  
 cum Hlodoveus, qui postea Hlodovicus vocatus est,  
 primus Regum nostrorum, salutaris aqua ablutus, no-  
 men in Christi militiam dedit. Neque diu cunctatus sus-  
 cepto bello in Visigothos, pertinacissimos haereseos A-  
 riana defensores, eos commisso in Pictonibus praelio vi-  
 cit, regemq; eorum Alaricum manu sua interfecit. Neq;  
 multo post haud procul Burdigala reliquias eorum  
 confecit in campo, qui ex eo etiam hodie Campus Aria-  
 nus vocatur. Itaq; ob id factum Anastasius Imperator,  
 honoris causa, tunicam ei purpuream, sive, ut tum lo-  
 quebatur, blatteam misit, simulq; coronam auream ma-  
 gni ponderis, admirabili opere perfectam, multis in-  
 gentis pretii gemmis, unionibusq; collucentem: atq; eum  
 per legatos non consulem modo ac patricium, sed defen-  
 sorem Christiani nominis, sed liberatorem imperii, sed  
 generis humani patrem vocavit: felicem praedicens,  
 cujus patissimam manu divina providentia illos urbis  
 Romana eversores, provinciarum vastatores, Dei ho-  
 minumq; hostes cadere voluisset. Ille, ut principem verò  
 magnanimum decuit, munera quidem Imperatoris non  
 repudiavit: sed illum, quam dixi, coronam augustius  
 quid-

quiddam & magnificentius esse duxit, quàm ut cuiquam mortalium conveniret: dignam rem sacrario, dignam, quæ non humano usui, sed divino cultui addiceretur: Itaque eam summa cum veneratione, in templum Lateranense missam, D. Petro Apostolorum principi consecravit. Nimirum ut belli principia ex solo divini cultus studio extiterant, ita victoriæ insignia non alibi, quam in celeberrimo aliquo templo, collocari par fuit: ut omnibus seculis in illo nobili manere, non tam illa clarissimarum gemmarum multitudo, quàm Hlodovæi regis pietas religioq; fulgeret. Neque se tantò patre parum dignum præstitit Childebertus: qui Almaricum Alarici filium, cui etiam sancienti fœderis causa sororem Hlodildem in matrimonium dederat, cum in paterna impietate perstare, ideò in uxorem, quam abducere à Catholica religione non poterat, injuriam ac contumeliosum esse cognosset: bello eum persequi non prius destitit: quàm & Tyrannum ipsum obruncavit, & populos, qui ei paruerant, ab Arianae opinionis pravitare revocavit: O sancta bella, quæ non ad vivus hominis ambitionem, aut avaritiam explendam, sed ad veram & Catholicam religionem latius spargendam suscipiebantur! O felices victorias, quæ & victoribus immortalem gloriam, & victis eternam salutem afferebant! sed ita magna & memorabilia sunt, quæ mihi se ad dicendum offerunt, ut, cum singula intueor, nihil eorum sine flagitio prætermitti posse existimem: ita multa rursum, ut, cum universa contemplor, plurima mihi necessariò omittere esse cognoscam. Dagoberti tamen primi singularem eximiamq; pietatem tacitus præterire non possum: qui, & edicto proposito omnes, qui fidem Catholicam non amplecterentur, intra certam diem, aut Gallie finibus excedere, aut capitis supplicio affici jussit: & in

& in reli  
more na  
mortem  
cello qu  
cenos, fe  
gentem  
judinem  
paucissim  
tantur.  
ditos, &  
superstiti  
Saraceno  
bonensem  
eorum e a  
fecit. Il  
bus suis  
Longoba  
nominis f  
guenda su  
diutius d  
nus, Beat  
plissimi,  
à contem  
Etenim,  
Et, cum  
Italiam f  
Ravenna  
cupasset, S  
ab impera  
esset, const  
tum unum  
laturus e  
frustrata

& in reliquis vitæ partibus ita se gessit, ut, qui honores  
 more nostro relatis in divos haberi solent; eos illi post  
 mortem Ecclesia decreverit. De Carolo autem Mar-  
 tello quid primum, quid postremum eloquar? Ille Sara-  
 cenos, ferocissimam, & Christiano nomini inimicissimam  
 gentem profligavit, quorum infinitam quandam multi-  
 tudinem uno ad Ligerim prælio cecidisse, cum e nostris  
 paucissimi desiderati sint, historicorum monumenta te-  
 stantur. Ille Frisias, impio salsorum Deorum cultui de-  
 ditos, & à Christiana religione abhorrentes, repudiata  
 superstitione, Christo initiari coëgit. Ille Visigothos &  
 Saracenos conjunctis copiis bellum renovare, & Nar-  
 bonensem provinciam occupare ausos aggressus, agros  
 eorum eadaveribus stravit, fluvios eorum sanguine in-  
 fecit. Ille cum Gregorius III. Pontifex maximus, re-  
 bus suis diffidens, opem ejus implorasset, Luitprandum,  
 Longobardorum Regem, ab hac urbe obsidenda, sola  
 nominis sui auctoritate deterruit. Sed non omnia per se-  
 quenda sunt. Vocat enim nos ad se Pipinus, neque ma-  
 diutius de rebus suis tacere patitur. Hic ille est Pipi-  
 nus, Beatissimæ Pater, ille, inquam, Pipinus, Patres amo-  
 plissimi, à quo est Pontificum maximorum auctoritas  
 à contempni vindicata, opes auctæ, potentia stabilita.  
 Etenim, ut ab optimis auctoribus memoriæ proditum  
 est, cum Aistulphus Rex Longobardorum universam  
 Italiam sub imperium subungere meditaretur, jamque  
 Ravennam, & magnam præterea Flaminie partem oc-  
 cupasset, Stephanus Secundus Pontifex, cum prius opem  
 ab Imperatore Constantino petisset: atque ab eo neglectus  
 esset, consilium cepit eundi in Galliam ad Pipinum: il-  
 lum unum & ea pietate esse, ut auxiliū sibi libentissimè  
 laturus esset, iis viribus, uti facile posset. Neque enim sua  
 frustrata est opinio, Nam Pipinus & illum excepit in  
 omni-

omnibus honoribus, qui maximi poterant excogitari, usque eò, ut ei obviam profectus, tria millia passuum pedibus confecerit, manu sua frenum equi, quo ille vehebatur, tenens; & cum Alpes incredibili celeritate superasset, transportato in Italiam exercitu, tantum terrorem intulit Aistulpho, ut, collatis signis depugnare non ausus, Ticini se manibus tueretur. Ubi tam diu obsessus est, dum se omnia, quae abstulerat, restitutum, neque unquam Pontifici molestiam exhibiturum, interposito etiam iurejurando, fidem daret. Qua postea neglecta, cum, longè lateq; omnia populatus, postremò hanc ipsam urbem obsidione cinxisset; Pipinus, qui tanquam re confecta, in Galliam redierat, in Italiam denuò reversus, virtute & armis perfecit, ut Aistulphus supplex easdem conditiones denuò acciperet; neque prius pedem ex Italia movit, quam praefectura Ravennatum, finibus longè maximis, utpote quibus & Flaminia & Emilia tota contineretur, Pontifici restituta est. Exstat adhuc tabula marmorea in turri, cui Borgiae nomen est, in qua haec omnia olim honoris ergò incisa & perscripta fuisse constat. Ita enim in ea adhuc legitur.

PIPINUS PIUS PRIMIS AMPLIFICANDÆ ECCLESIAE VIAM APERUIT ET EXARCHATUM RAVENNÆ CUM AMPLISSIMIS. Pars tabula, in qua reliqua scripta erant, aut casu aliquo, aut temporum, aut hominum injuria confracta est. At aenea quidem & marmorea monumenta conficere ac consummare longinquitas temporis potuit. Pipini certè gloriam nulla unquam delebit vetustas, nulla inobscurabit oblivio. Sentio tantas res multò brevius multoq; exilius à me tractari, quàm dignitati atq; amplitudini ipsarum conveniret. Sed quis modus futurus erat, si quae sic quoque vix à me percursa sunt, iis in singulis immo-

immo-  
Caroli  
bi can-  
reles  
lescen-  
num  
inter-  
rent,  
lo per  
leges  
agrat  
Desid-  
molir  
ficam,  
addit  
praeter  
m succ  
Ecclesi  
ore lan  
suscep  
plena  
exerc  
nascen  
randis  
obstup  
ne pecc  
reptam  
rem, mu  
& illo  
alterius  
dovien  
Philipp  
recenti

immorari, atque insistere voluissem? Nunc quoque si de  
 Caroli Magni laudibus differere vellem, quantum se mi-  
 bi campus aperiret? Dicerem Aquitaniam, in qua hæ-  
 reses denuò efferre se & subcrescere cœperant, ab ado-  
 lescentulo perpurgatam. Dicerem immanissimam Saxo-  
 num gentem, semper victam, semper rebellantem, cum  
 inter se constantia Caroli, & illorum perveracia certa-  
 rent, vix tandem continuo triginta trium annorum bel-  
 lo perdomitam, & abjecto idolorum cultu CHRISTI  
 leges accipere coactam. Dicerem Italiam vincendo per-  
 agratam, dignitatem Hadriani Pontificis vindicatam,  
 Desiderium Aistulphi successorem, cum eadem, quæ ille  
 moliretur, oppressum: additam ditioni Pontificiæ Cor-  
 sicam, additos ducacus Spoletanum & Beneventanum,  
 additum quidquid Lucam & Parmam interjacet. Neque  
 præterirem reditum in Italiam, & Leonem III. Hadria-  
 ni successorem in sedem, & fractis & obtritibus hostium  
 Ecclesiæ viribus, restitutum. Illa verò quanto pleniore  
 ore laudarem: relicto amplissimo & florentissimo regno,  
 susceptum iter impeditissimum, & difficultatis ac periculi  
 plenum, & ducto per tam varias gentes validissimo  
 exercitu, terram illam, quæ vagitus JESU CHRISTI  
 nascentis excepit, quæ eum concionantem audivit, admi-  
 randis operibus certissima divinitatis suæ signa dantem  
 obstupuit, spectavit sublatum in crucem, & suo sangui-  
 ne peccata nostra expiantem, ex impiorum manibus e-  
 reptam & recuperatam? Talia quamlibet multa dice-  
 rem, multa tamen necessario præterirem, summa omnia,  
 & illo nobili Magni cognomine majora. Quod si vellem  
 ulterius progredi, & tum quæ priscis temporibus Hlu-  
 dovicus Pius, Philippus primus, Hludovicus Crassus,  
 Philippus Augustus, Divus Hludovicus, alii reges, tum  
 recenti memoria Franciscus primus, Henricus secun-  
 dus,

dus, Franciscus secundus religionis & sedis Apostolicæ  
 causa fecerunt, exponere: commemorarem, quàm multi  
 ex eis ad eam defendendam in Italiam cum exercitu ve-  
 nerint: quàm multi Pontifices laborantibus rebus suis  
 in Galliam confugerint: quàm multa Concilia, cum alibi  
 nusquam possent, in Gallia tutò ac liberè celebraverint,  
 multorum dierum multorumq; voluminum, non unius  
 horæ & unius orationis negotium esset. Ob quæ omnia  
 semper summi Pontifices & quoscunq; potuerunt hono-  
 res habuerunt regibus nostris, & ex omni antiquitate  
 in scriptis suis omnibus exquisitissimis laudibus extu-  
 lerunt. Exstat epistola D. Gregorii ad CHILDEBERTUM  
 regem, cuius hoc principium est: QVANTO CÆTEROS  
 HOMINES REGIA DIGNITAS ANTECELLIT, TANTO  
 CÆTERARUM GENTIUM REGNA REGNI VESTRI  
 CULMEN EXCELLIT. Innocentius III. REGES GAL-  
 LORUM, PRÆ CÆTERIS TOTIUS ORBIS REGIBUS,  
 ait, SEMPER APOSTOLICÆ SEDI, ut ipsius verba po-  
 nam, OBSEQVIOSOS, ET DEVOTOS EXTITISSE. Hono-  
 rius III. eosdem OPPOSUISSE SE TANQVAM MURUM  
 INEXPUGNABILEM PRO POPULO CHRISTIANO. Gregorius IX.  
 REGNUM GALLIÆ, ait, ESSE QVASI  
 PHARETRAM, QVAM CHRISTUS SIBI CIRCA FEMUR  
 ACCINXIT, EX QVA SAGITTAS ELECTAS EXTRAHENS,  
 IPSAS, UT SIBI GENTES, ET REGNA SUB-  
 IICIAT IN ARCU, ita enim loquitur, BRACHII  
 POTENTIS EMITTIT. REGEM GALLIÆ Gre-  
 gorius I. RBGEM CATHOLICUM, ET PRÆ-  
 CELLENTISSIMUM FILIUM SUUM; Gre-  
 gorius IX. CHRISTIANISSIMUM INTER  
 OMNES CHRISTIANOS; Innocentius IV. CA-  
 THOLICUM PRINCEPEM ET CHRISTIA-  
 NIS-

NISSI  
 INCI  
 CIFE  
 IEN  
 CHR  
 FID  
 CAT.  
 aomin  
 obtiner  
 ges noy  
 tatione  
 riculid  
 igitur  
 studio  
 tat, qu  
 dere,  
 dem tr  
 mulatu  
 per se n  
 Cathar  
 pientiss  
 tur. I  
 annis p  
 ex pulc  
 taria sa  
 bentiss  
 rulo an  
 patefac  
 & indol  
 indicare  
 facile ca  
 M. dist

NISSIMUM REGEM; *Urbanus IV.* PRINCIPEM  
 INCLITA DEVOTIONE PRÆCLARUM, PRIN-  
 CIPEM CHRISTIANISSIMUM PRÆCEL-  
 LENTIUM MERITORUM, ATHLETAM  
 CHRISTI STRENUM, ET SOLICITUM  
 FIDEI CHRISTIANÆ DEFENSOREM VO-  
 CAT. *Quæ omnia honoris & dignitatis plenissima  
 & omnia, & illum, quem tot seculis obtinuerunt, atque  
 obtinent, inter omnes Reges principem locum, Re-  
 ges nostri, non aut ambitione sua, aut aliena assen-  
 tatione consecuti sunt: sed ipsi suis laboribus, suis pe-  
 riculis, suo sudore ac sanguine compararunt. Ab his  
 igitur majoribus ortus Carolus IX. nihil aliud sibi  
 studio habet, nihil aliud dies noctesque curat ac cogi-  
 tat, quàm quomodo possit eorum quàm similis eva-  
 dere, & quam nobilitatem à majoribus accepit, ean-  
 dem tradere posteris suis insigni aliqua accessione cu-  
 mulatum. Quam ad rem divinus adolescens & ipse  
 per se naturali quodam impetu animi fertur, & assiduis  
 Catharinæ matris, omnium, quas hodie sol adificat, sa-  
 pientissimæ, ac præstantissimæ mulieris vocibus incita-  
 tur. Itaque in his acerbitatibus, quas superioribus  
 annis pertulit Gallia, habuit tamen aliquod solatium  
 ex pulcherrimo spectaculo, matris omnia recta & salu-  
 taria suadentis, & filii omnibus maternis consiliis li-  
 bentissimè obsequentis. Quàm multa ex eo adhuc pue-  
 rulo audita sunt voces, erumpente foràs, seque jam tum  
 patefaciente natura, quæ & excellens acumen ingenii,  
 & indolè virtutis omnia mox egregia exempla edituræ  
 indicarent? Quorum ego si nonnullas proferre insitiã,  
 facile convincam, neque Cyri illius veteris, neque Alexandri  
 M. dicta quædam in pueritia, quæ in admiratione sunt,*

ullo modo esse cum Caroli dictis, comparanda. Sed nihil dictis opus est, ubi facta ipsa loqui quodammodo videntur. Quis est enim hodie in terris locus, qui non audierit, quibus haud ita pridem Gallia procellis, ac tempestatibus agitata sit? Nam cum inaudita quadam ante hoc tempus calamitate, multorum ex nostris hominibus animos nefaria quaedam & execranda opiniones occupassent, atque in eis insedissent, ut ipsi nihil sibi non terzandum putarent, quo nobilissimum regnum ab Ecclesiae communione, & ab hujus sanctae Sedis obedientia abauderent: tanta ex eo consecuta est rerum omnium perturbatio, ut toti Galliae ultimum, quod impiorum potius capiti sit, venisse exitium videretur. Videre erat eadem in domo filios à patribus, fratres à fratribus, viros ab uxoribus propter hanc de religione dissensionem, capitali odio dissidentes. Neq; se privatis parietibus continuit mali vis. Inita occulta primum, mox etiam aperta adversus Deum, adversus Regem, & Reginam, adversus omnes recte sentientes scelerata consilia. Perditi quidam ac nefarii homines, quos illa furens turba, quasi nuper caelo delapsos novi Evangelii doctores, sequebatur, convocatos suos, nocturnis concionibus ad contemnendos magistratus, ad regium imperium tollendum, ad occupanda oppida, ad eadem & sanguinem, ad rapinas & ad praedas incitabant. Horum vocibus, quasi quibusdam furiarum facibus, cum accensa impiorum pectora essent, itum est ad arma: occupatae improvisè opulentissimae ac munitissimae urbes: interceptae regiae pecuniae: direptae honorum fortuna, ipsi aut expulsi aut occisi: antiquissima & religiosissima templa partim spoliata, partim inflammata: partim diruta & solo aequata: quae dejecta non sunt, in iis ea patrata, quae commemorari sine horrore non possunt. O illorum temporum



vel memoriam ipsam acerbam ac luctuosam: cum de le-  
 gum auctoritate sceleratorum audacia triumphabat:  
 cum prostrata religioni victrix insultabat impietas:  
 cum tremefactis omnibus bonis & optimo quoque pessima  
 omnia metuente, & volitantum huc illuc, & in publicis  
 ruinis bacchantium improborum voces undique audie-  
 bantur. In his tantis malis ac difficultatibus Carolus  
 Rex plura se & difficiliora, propagandæ religionis cau-  
 sa, fecisse ac præstitisse, quàm quenquam alium ex omni  
 memoria principem, verè ac merito gloriari potest.  
 Omnes enim alii in externos bella gesserunt, hic suis  
 bellum inferre coactus est. Alii & à suis & ab alienis  
 adjuvabantur, hunc & sui, & alieni oppugnârunt. A-  
 liis, si vincerent, proposita erat, præter gloriam, imperii  
 ac potentie suæ amplificatio: sin vincerentur, erat, quod  
 se reciperent: Huic, siue vinceret, spectanda magna stra-  
 ges suorum, cum insigni virium suarum immutatione;  
 siue casu aliquo vinceretur, regno fortassis carendum  
 fuit. Et hæc tamen omnia cum non deteruerunt, quo  
 minus urbes suas obsideret, earum mœnia tormentis  
 bellicis quateret, agros popularetur, obsessos commea-  
 tibus intercluderet, prælia, in quibus multi fortissimi  
 imperatores militesque ceciderunt, committeret: omnia  
 denique in solo suo faceret, quæ in hostili fieri solent. Neque  
 ut opinor, aliud bellum ætate nostra gestum est, in quo,  
 quidquid ex utraque parte periret, uni periret. Quam-  
 quam autem messes se suas, ut dicitur, urere intellige-  
 bat: tamen, quoniam integritas religionis aliter con-  
 servari non poterat, omnia sibi perferenda esse statue-  
 bat. Regina autem in illis tumultibus quod studium,  
 quæ sollicitudo, quæ concursationes fuerunt? Quid non  
 illa tentavit, quid non molita est, ut omnia quàm mini-  
 mo damno componerentur: ut & conservaretur Catho-

lica religio, quod semper ei præcipuum fuit, & quàm  
 minimum sanguinis funderetur? In quo fecit rem gen-  
 tili sua nomini mirifice congruentem. Medicata enim est  
 consilio ac prudentia sua communibus totius Gallie  
 malis, & eam se difficilimis temporibus præstitit, ut non  
 jam verius mater Regis, quàm mater regni nominari  
 meritissimè possit. Ejus enim præcipuè, & aliorum regni  
 sui procerum, consiliis, & virtute fortissimorum impe-  
 ratorum, ac militum suorum, quorum alii occubuerunt,  
 alii adhuc superstites sunt, Carolus Rex Galliam ex a-  
 trocissima tempestate servavit, & in eum, in quo nunc  
 est, statum redègit. Quod si nondum omnia, quod velle-  
 mus planè perducta sunt, cogitare debemus: bene agi  
 cum iis, qui tam graviter egrotarunt, cum etiamsi non-  
 dum recuperarunt pristinam firmitatem, salus tamen  
 eorum in tuto est. Etiam prudentes Medici solent ex  
 male affectis corporibus vitiosos humores paulatim  
 educere: ne, si semel universos exhaurire voluerint,  
 quos sanare conantur, occidant. Non est verendum, ne  
 faciliora non perficiat is, qui jam difficiliora perfecit.  
 Idem tandem erit exitus horum tumultuum, qui fuit  
 eorum, quos olim Albingenses D. Hludovici temporibus  
 concitarunt. Duodecim annos natus erat D. Hludovi-  
 cus, cum ad regnum vocatus est. Carolum, aliquanto  
 etiam nimirem natu, fratris mors in regio solo colloca-  
 vit. Tam Blanca Regis mater, & filium sanctissimè edu-  
 cabat, & propter teneram illius aetatem, ipsa Galliam  
 administrabat. Horum numerum utroque ita Cathari-  
 na persancta est, ut omnes nihil perfectius fieri potuisse  
 fateantur. Tum Albigeneses, pueritiam Regis, occasio-  
 nem suam rati, omnia in Gallia permiscere tentarunt.  
 Albigenibus multò teteriores nostrorum temporum  
 hæretici, eadem spe delusi, Regem regno, regnum reli-  
 gione

gione spoliare studuerunt. Illi cum sapere victi, neque quiescere, neque ad sanitatem redire vellent, exstirpandi tandem delicti sunt. Non alia hos quoque fortuna, nisi respiciant, consequetur. Ad errores, Albigeniam confutandos, & ad multorum animos eis liberandos, D. Dominici conciones & vita sanctitas incredibiliter profuerunt. Non minus te, beatissime Pater, qui & in D. Dominici familia educatus es, & illum moribus refers, & singulari in nos Dei beneficio summum in terris auctoritatem obtines, Carolus Rex ad hos exitiosos errores tollendos profuturum esse confidit. Novit enim eximitam integritatem vite tue; novit perpetuum purganda Ecclesia studium novit labores in extirpandis haeresibus ab inveniunt aetate susceptos; novit animum nihil nisi de Deo & de utilitate publica cogitantem. Neque nostris ignota sunt, quae tu ad mores hominum corrigendos, & ad auferendam improbis omnem maledicendi occasionem, & jam fecisti, & quotidie facis. Refrenatas libidines repressam & cohibitam luxuriam, expulsa nequitiae instrumenta, sublatam penitus omnem Ecclesiasticarum rerum nandationem, composuisti, & iussu, & exemplo tuo aliorum mores, mutatam in melius urbis faciem, nos vidimus, illi audierunt. His omnibus ex rebus Carolus Rex incredibile gaudium cepit: & ut quod facis, quam diutissime facere possis, à Deo optimo maximo votis omnibus petit. Quem animum suum ut tibi patefaceret, legavit hinc clarissimum & nobilissimum virum Justum Turnonium, Comitem Ruffionis, magni illius Francisci Cardinalis Turnonii, cujus memoriam & tibi, beatissime Pater, & vobis omnibus, Patres Amplissimi, gratam esse ac jucundam scio, fratris nepotem, hominem, ad omnia uno verbo complectar, suo genere dignissimum: cujus egregiam virtutem & saepe alius, & proxime in illo

memorabili aduersus hæreticos prælio spectatam, Rex ipse amplis & honorificis præmiis prosecutus est, cooptato eo in equites ordinis sui & quinquaginta cataphractis equitibus præesse iussit. Per eum Carolus Rex, Beatissime Pater, sibi, & toti Ecclesiæ de tuo Pontificatu gratulatur: te verum IESU CHRISTI Vicarium, verum Petri successorem, non dubitanter agnoscit: tibi & huic sanctæ Sedi verè atque ex animo, quam debet, obedientiam præstat ac defert: & ut certò sperat, se in omnibus, quæ à te præstari poterunt, à te adiutum, atq; ornatum iri: ita se omnes vires suas ad Ecclesiæ & Sedis Apostolicæ defensionem semper promptissimo animo collaturum, neque hac in re cuiquam mortalium concessurum pollicetur. DIXI.

## Pro Sigismundo Augusto Rege

Poloniæ ad Pium V. Pont.

Max.

### ORATIO XIV.

HABITA ROMÆ XIX. KALEND.

Febr. Anno cIo Io. LXVII.



VANTO opere gavisus sit universus orbis Christianus, posteaquam auditum est, summum honorem, jampridem summis virtutibus tuis debitum, tandem aliquando tibi divinitus delatum esse, PIE Quinte Pontifex maxime, vel ex hoc intelligi potest, quod concepti ex ea re gaudii vis non vicinarum se regionum, ac provinciarum finibus continuit, sed solis instar, omnia, simul ut exortus est sua luce complentis, ad remotissimas gentes, & posita in ipsis Christianæ ditionis finibus regna, admirabili cele-  
ritate

ritate penetravit. Neque verò ei contigit, quod venis  
 solet, qui, cum unde oriuntur, ibi vehementissimi sint, ad  
 longinqua fracti ferè, debilitatiq; perveniunt; sed quod  
 ingentibus, vastisq; fluminibus: quæ, cum ab ortu ipso  
 magna sint, perpetuò tamen aucta, & tumefacta pro-  
 gressu, eò majores undas volvunt, eò amplioribus, ac  
 capacioribus feruntur alveis, quò à fontibus ac capiti-  
 bus suis longius recesserunt. Ut cum aliis permultis no-  
 minibus beatissimum te omnium mortalium prædicare  
 liceat, tum hoc non minimum sit, quod ex honore tibi  
 habito, & ad illos, qui eum tibi decreverunt, immorta-  
 lis gloria, & ad omnes bonos, qui eum tibi delatum au-  
 dierunt, incredibilis lætitia redundarit. Ac ceteri qui-  
 dem viciniores principes, ac populi quanta omnes ani-  
 morum alacritate recentem Pontificatus tuinuncium  
 acceperint, ex legatis, quos ad te, gratulandi causa, suo  
 quisq; tempore miserunt, cognoscere potuisti, hodierno  
 autem die intelliges, etiam in illis regionibus, quibus  
 Christianorum Imperium terminatur, quanto gaudio  
 pii omnes exsultaverint, quas inter se gratulationes  
 fecerint, quanto consensu meliora & prosperiora omnia  
 sperare cœperint, cum, quò jam pridem sanctitatis tuæ  
 fama pervenerat, eodem te in istam celsissimam dignita-  
 tis, atq; honoris sedem ascendisse perlatum est. Poten-  
 tissimus enim, idemq; religiosissimus Princeps, Sigismun-  
 dus Augustus Rex Polonia, quàm jucundus & exopta-  
 tus sibi suisq; populis ejus rei nuncius acciderit, testari  
 cupiens, ea de causa legavit hanc illustrem virum Pe-  
 trum Barzium, Senatorem Regni, ex quo hæc omnia non  
 minus certò cognoscere, quàm si Regis ipsius non os mo-  
 dò intueri, & sermonem audire, verum etiam penitus  
 perspicere intimos sensus animi posses. Is cum mihi man-  
 da verit, ut hodie apud te, in hoc dignitatis majestatisq;

plenissimo cœtu, & de regni antiquitate, atq; amplitudine, & de rebus, quas, multis ab hinc seculis, Polonorum Reges ad Christiani Imperii fines tum tuendos, tum propagandos, sine ulla propemodam intermissione gesserunt, & de ipsius Sigismundi Augusti Regis pietate, animi magnitudine, fortitudine ac constantia, deq; quotidianis pro Christiana Republica laboribus ac periculis dicerem: quæso, obtestorq; te, beatissime Pater, tribue mihi hoc beneficium, ut, dum hæc summarim persequor, orationis meæ cursus aurâ lenitatis ac facilitatis tuæ adjuvetur. Maximas res, memoratuq; ac cognitu dignissimas asseram, & quanquam notas atq; illustres, tum sueptæ splendore ac magnitudine, tum propter regis fortunæ sublimitatem, quæ magnorum & potentum Regum actiones obscuras esse non patitur: tamen ed minus pervulgatas, quod Polonorum gens semper in præclaris rebus gerendis, quàm in iis, quæ gessisset, memorie prodendis, occupatior fuit: semperq; majorum suorum virtutem imitari, quàm celebrare gloriosius duxit. Atque ut, unde proposui, exordiar, & Polonia Rex quàm longè lateq; dominetur, expediam: tota illa Germaniæ pars orienti soli propior, quæ est inter fluvios Guttolum, quem hodie Odram vocant, & Vistulam, qui antiquis temporibus Germaniam à Sarmatia dividebat, & Sarmatia, quantum est à Vistula ad Berythbenem, & à Ponto Euxino usq; ad sinum Venedicum, inter quos plus mille Italica passuum millia interjecta sunt, illius imperio continetur. Regio propè tota æqua, & plana, multis magnisq; fluminibus, & ad fertilitatem, & ad mercaturas, commodissimis irrigua, rebus ad vitam necessariis usq; ad abundantiam dives. Habitatorem autem ea multitudo, ut, cum equitatus regius ex solis nobilibus constat, centum quadraginta equitum millia

millia armare, & in aciem secum, si res ferat, educere Rex Polonia possit. Homines natura fortes & animosi, qui non facile aut voluptatibus molliantur, aut periculis terreantur. Mortem per decus obitam immortalitatis instar; vitam per dedecus retentam, quavis morte pejorem putant. Ignominiam, ut fugiant, nihil non fecerint; ut mortem, nihil. Hæc hominum, hæc locorum ingenia. Cinguntur autem omni propemodum ex parte ferocissimis gentibus, & partim ab Ecclesia cõmunionem dissociatis ac direptis, partim apertis & capitalibus Christiani nominis hostibus, ut in illo confinio, tanquã in communi quadã arce ac propugnaculo, fortissimi viri ad sustinendam & propulsandã barbarorum immanitatẽ, & ad agendas perpetuas pro Christianis omnibus excubias divino consilio constituti ac collocati esse videantur: quod essent ceteri Polonorum virtute testis, Polonorum laboribus quieti, Polonorum periculis tuti. Neq; mihi videor quidquam à suscepto munere facturus alienum, si breviter exposuero, quemadmodum illos DEUS, ante sexcentos abhinc annos, discussis errorum, quibus involuti erant, tenebris, ad Evangelii lucem perduxerit. Quod dum facere ingredior, adeste, quaeso, animis, quicunq; corporibus adestis, & in re maximi momenti divinã bonitatis ac sapientia magnitudinem considerate. Omnes ferẽ magnã & memorabiles in rebus humanis mutationes aliquanto antea aut uno, aut pluribus illustribus ac notabilibus signis divinitus portendi ac præsignificari solent. Cum igitur tempus illud appropinquaret, quo se DEUS Polonis patefacere, eosque impia superstitione purgatos cœlesti doctrina imbuere statuerat: adventantis jam, & instantis salutaris illius mutationis hanc, quam mox audietis, significationem dedit. Imperabat Polonis Ziemomistus Lesci filius, Princeps (quatenus

hæc

hæc convenire in hominem non Christianum queunt) & justitia, & clementia, & beneficentia, & aliarum virtutum laude cumulatus: & in quo nihil præter Christi cognitionem desiderares. Huic, cum multos annos sine liberis esset, graviterque eâ re angeretur, tandem natus est filius, sed oculis captus: ita ut non facile dijudicari posset, majoremne dolorem percepisset ex orbitate, an perciperet ex unici filii cecitate. Omnia remedia, omnes medicorum conatus mali pertinacia elusit. Jam ad septimum annum pervenerat puer, eique patrio quodam ritu primam comam tonderi, nomenque imponi oportebat: cum præter omnium spem subito oculis uti cepit. Incredibili lætitiâ persusus pater convocatos ad se hariolos consulit, quid ex tam admirabili successu filio suo, quid toti Poloniæ portenderetur, respondent, eo imperante, Poloniam mirabiliter illustratum iri. Ex ea spe atque omnia puero nomen inditum Miecislao, quod gentis lingua significabat eum, qui sibi gloriam gladio pariturus esset. Nullo enim alio modo illustrari posse Poloniam, quam bello, & armis cogitabant. Jam adoleverat Miecislauus: jam ad virilem ætatem pervenerat: jam mortuo patre rerum potiebatur: & cæteris quidem virtutibus patri non absimilis, nihil cæteroqui bello egregium aut memorabile gerebat: ita ut tota Polonia, & se credulitatis, & vanitatis vatum suorum responsa damnaret. Sed major quiddam, quam quod illi suspicati erant, parabat. DEUS. Miecislauus, ductis barbarico more septem uxoribus, nullos tamen ex ulla earum liberos procreare poterat. Interea fundente se, ac spargente quotidie latius Christiana religione, pervenerant & in Poloniam sancti quidam viri, qui aut solitariæ vita, ut quietioris, & ad res divinas sine ullo impedimento contemplantas aptioris, studio ducti, aut periculorum metu, in ab-

ditis.



ditis, & remotis sylvarum recessibus delitescentes, Christo, ut poterant, serviebant. Horum quibusdam in animum immittit Deus, ut ad Principem adeant, eique polliceantur & liberos, & alia multo majora, si, repudiato falsorum numinum cultu, Christum verum Deum agnoscere, & traditam ab eo doctrinam suscipere vellet. Ipse quoque divini spiritus repentino tactus afflatu, promptum se, ac facilem salutaribus illorum monitis præbuit. Neglongius res ducta est, quam dum prima ac præcipua religionis nostræ capita edoceretur. Quæ, ut percepit, magna pompa, ac celebritate publicè baptizatus, brevi tempore totam Poloniam ad Christianam pietatem & exemplo suo incitavit, & cohortationibus ac præmiis allexit; & minis ac suppliciis adversus pertinaces propositis perpulit. Tùm demùm cognitum est, quod Miecislaus totos septem annos cæcus fuisset, significatam esse hoc modo diuturnam Poloniæ gentis cæcitatem; quod, omnibus humanis auxiliis frustra tentatis, tandem divino beneficio lucem aspexisset, fore ut populi quoque cæcitas nullâ humanâ ope sanabilis divinitus depelleretur. Neque vana fuit harialorum prædicationis: Eo enim rerum potiente, Polonia splendore divini luminis illustrata est. Notum est autem, interdum fieri, ut etiam superstitiosi, & impii homines, Deo permittente, vera vaticinentur. Neque temerè inditum nomen. Gladio enim sibi & suis gloriam peperit, non quidem ferreo, aut ulla ex alia materia confecto, sed gladio illo utrinque acuto, gladio Spiritus, quod, ut ait Paulus, est verbum Dei. Ut autem ab ea Ecclesia, quæ cæterarum omnium mater ac magistra est, Christiane vivendi leges acciperent, & ex eo fonte haurirent, unde nihil non purum & incorruptum hauriri potest, Legatos miserunt ad Johannem Pontificem ejus nominis tertium decimum,

per

per quos & eum, ut communem totius Ecclesiæ Pastorem, venerarentur, & ab eo sibi peterent Episcopos mitti, à quibus regi, & quæ sibi credenda, quæq; facienda essent, cognoscere accuratius possent. Misit ille Italorum hominum spectatæ probitatis & eruditionis idoneum numerum: qui primi novellas illas ac teneras nuper in horto CHRISTI depectas ac consitas plantas, copiosis sanctorum præceptorum imbribus irrigarunt. Hujus Miecislai soror Adleida, cum Geisa Ungarorum Principi nupta esset, cohortationibus suis perfecit, ut ipse quoque cum tota Ungaria Christi Sacramento adigeretur. Neque verò ejus filius Boleslaus primus Poloniæ Rex, aut majoribus suis laude bellica, aut patri propagandæ religionis studio cessit. Qui suscepto adversus Saxonas bello, & ea, quæ illi dudum Polonis ademerant, recuperaverit, & cum universam illam terram ad Albim & Salam fluvios, & Chersonesum Cimbricam, quæ hodie Dania vocatur, sub Imperium suum subjunxisset, ut ostenderet, eam se victoriam Christo quaesisse, non sibi, nihil in victos acerbè, aut crudeliter statuit: sed cum eos ad accipiendam Christi doctrinam compulisset, fixis memoriæ causâ in Sala ripa tribus ferreis columnis, in Poloniam se recepit. Nunquid igitur ea laude contentus, otio se postea tradidit? Imò verò declaravit, nunquam desidem atq; ignavam esse virtutem: nullas ei esse à præclaris actionibus ferias: fortes & constantes viros honestorum laborum ac munerum perfunctione, non ad quietem invitari, sed ad alia ex aliis assidue suscipienda incitari. Nam cum Prussi aliquot ante annis divum ADALBERTUM interfecissent: ejusq; corpus quidem ipse æquo auri pondere à Barbaris redemisset. (mirum hoc quoq; pietatis argumentum: sed in tanta temporis angustia multa necessariò prætermittenda

da sunt )  
 sisset: unde  
 omnienda  
 tacia esset,  
 for non aliam  
 sis depositis  
 se Pater, ven  
 peratore die  
 and hostes, ad  
 fficientius ba  
 aut, nisi peri  
 cebantur, d  
 pituros suiff  
 tio, Prussi  
 ferant, revo  
 me Pater, in  
 endi vis ac  
 bi non tam  
 ri: ut in sing  
 piose exorn  
 ostentare  
 a tabella  
 enda est, no  
 on summa m  
 scondit, it a  
 popolorum  
 stum unius  
 nda sunt, mu  
 spectanda p  
 rent sui, deli  
 nificare poti  
 e de bello qui  
 Pudicus ad

tenda sunt) cadis autem ultionem in aliud tempus distulisset: tunc demum ratus advenisse tempus illud, cum & punienda eorum audacia, & armis frangenda pertinacia esset, bellum eis intulit, neq; magno negotio victor non aliam eis pœnam imposuit, quam ut erroribus suis depositis CHRISTO initiarentur. Hic mihi, beatissime Pater, venit in mentem, quod olim à quodam Græco Imperatore dictum est, qui à suis in exilium pulsus, cum apud hostes, ad quos confugerat, multò lautius ac magnificentiùs haberetur, quam apud suos; Perieramus, inquit, nisi perissemus. Ita enim, & qui ab illo principe vincebantur, dicere poterant, se, nisi ab eo victi essent, perituros fuisse. Quid ego jam, ut Pamerani à Boleslao tertio, Prussi à Boleslao quarto ad Christum, à quo defecerant, revocati sint, persequar? Rerum me copia, Beatissime Pater, inopem consiliū reddit. Quod si in me ulla dicendi vis ac facultas esset, optarem equidem aliquam mihi non tam uberem ac copiosam ad dicendum materiã dari: ut in singulis ejus partibus accuratè percensendis, copiosè exornandis, artificiosè exaggerandis, jactare atq; ostentare me possem. Nunc enim, ut p̃ctor, cui in exigua tabella ingens aliqua multitudo hominum exprimenda est, nonnullorum vultus tantum atq; ora, multorum summa modo capita ostendit, totum reliquũ corpus abscondit, ita me, cui innumerabilia Pulcorum regum ac populorum æternis dignissima laudibus facta, in angustum unius brevissimæ orationis curriculum concludenda sunt, multa, quæ si pandi explicariq; possent, quasiq; spectanda propam, incredibilem admirationem excitarent sui, delibare modò, & attingere, multa etiam significare potius, quam ostendere, necesse est. Ideoque ne de bello quidem, quod Boleslaus Quintus cognomento Pudicus adversus Iazigas, qui bodie partio Valachi,

par-

partim Ungari sunt, gessit, copiosius dicam: tantum quasi præteriens admonere, eum, cum gentem illam ferocissimam devicisset, illos omnes, quorum virtuti, ut ait veteris Poëta, fortuna belli pepercerat, quasi opima quædam spolia Christo consecrâsse, neque aliud eis, quam ut Christiani fierent, imperâsse. Ad Iagellonem enim Sigismundi Augusti proavum festinat animus, cujus admirabili inusitatâq; virtuti utinam par à me adferri posset orationis genus. Sed ita prorsus existimo: omnes, qui ubique sunt eloquentissimos homines, si communi studio ad eum celebrandum quidquid habent in dicendo virum, conferant, omnia tamen illius dignitate inferiora disturos. Id ita se habere eos, qui me attentè audire non gravabuntur, facile cogituros esse confido. Lituania, beatissime Pater, amplissima, & fortium virorum feracissima regio, cæteris finitimis populis ad religionem Christianam adductis, in veteri superstitione perstabat. Colebant autem ejus provincia homines ignem pro Deo, ei aras, ei templa ponebant, eum summa diligentia in celeberrimis quibusq; oppidis perpetuum esserrabant. Fulmini quoque divinitatem quandam inesse credebant, idq; sua lingua Deum Percunum nominabant. Sed & lucos & selectas quasdam in sylvis eximia proceritatis arbores venerabantur ut Deos. Viperis quoq; & aliis serpentibus eundem tribuebant honorem. Quicquid harum violâset, inexpiabile ab eo scelus conceptum putabant. Cum hoc per se miserabile erat, talem tantamq; provinciam tanto tempore in tanta errorum fœditate versari, tum illud accedebat incommodi, quod gens bellicosa, & ferocissima finitimos sibi Christianos quotidianis incursionibus laceffens, nunquam quiescere patiebatur. Ei genti annos abhinc amplius ducentos viginti imperabat Iagello, idemq; præterea & Samogitiam & magnam

nam Rus  
ceps, & q  
nitia us  
animo ab  
bus mort  
proceres  
erat, in  
Iagellone  
suis velle  
cor daret  
sua provi  
ut nunqu  
Polonia  
est dicere  
gerunt on  
rum popu  
loni. Ips  
christudin  
trimonio  
totamq; r  
oratores  
quibus il  
num. Lon  
dire velle  
& ad rel  
rent Polo  
deliberat  
regno util  
sententia,  
viam mag  
passis à m  
rum mem  
dum. C. H.

guam Ruscia partem obtinebat, fortis & strenuus Prin-  
 ceptus, & quanquam religionis nostrae mysteriis nondum  
 initiatus, tamen, ut qui Christiana matre genitus esset,  
 animo ab ea non prorsus alieno. Cum igitur per id tem-  
 pus mortuo Ladovico Ungariae & Poloniae Rege: regni  
 proceres de Hedvigi ejus filia, ad quam regnum delatū  
 erat, in matrimonium collocanda deliberarent, ecce ab  
 Jagellone legati, qui renunciarent, eum cum omnibus  
 suis velle Christianum fieri, petere, ut sibi Hedvigis u-  
 xor daretur: hoc si fieret, paratum esse omnes dititionis  
 suae provincias cum Poloniae regno ea lege conjungere,  
 ut nunquam divellerentur. Quam lubentibus animis  
 Poloniae proceres eam legationem audierint, nihil opus  
 est dicere. Sustulerunt manus ad caelum, & gratias e-  
 gerunt omnium bonorum auctori Deo, qui tandem illo-  
 rum populorum misertus, eam mentem immisisset Jagel-  
 loni. Ipsa tamen Hedvigis, in qua eximiam formae pul-  
 chritudinem singularis modestia aequabat, nihil de ma-  
 trimonio suo sine matris auctoritate statuere voluit:  
 totamque rem ad illius voluntatem rejecit. Missi ad eam  
 oratores in Ungariam, quod se mortuo viro contulerat,  
 quibus illa responsum dedit pietatis & prudentiae ple-  
 num. Longè à se abesse eam mentem, ut quidquam impe-  
 dire vellet, quod & ad amplificandum regnum Poloniae,  
 & ad religionem latius spargendam pertineret. Cogita-  
 rent Poloni, & in commune consulerent, reque mature  
 deliberata id facerent, quod & DEO acceptissimum, &  
 regno utilissimum putarent fore. De procerum igitur  
 sententia, constituto ad nuptias celebrandas die, Craco-  
 viam magno septus comitatu venit Jagello: & quia for-  
 tassit à matre puer acceperat, sanctos illos Reges, quo-  
 rum memoriam nuper Ecclesia recolebat, ad adorand-  
 um CHRISTUM recens natum non sine muneribus  
 I venif-

venisse, ne ipse quidem immunis ad Christum venire voluit, eiq; pro munere non thus, non aurum, non myrrham, sed fratres suos, quos secum baptizari voluit, sed Lituaniam, sed Samogitiã, sed Russiã, sed omnes uno verbo, quos in potestate habebat, populos obtulit. Quàm iucundum illud non hominibus modò, sed angelis ipsis fuisse spectaculum credimus, cum vir fortissimus ad sacros fontes incredibili alacritate properaret: cum se in vas ad eam rem preparatum cupidissimè immergeret, cum magna & clara voce DEUM & homines testaretur, ut in se aqua illa spargeretur, ita se pro Christo sanguinem suum, ubi res ferret, sparsurum esse. Baptizatus igitur & novo nomine *Vladislaus Jagello dictus*, postridie Idus Februarias, eodem die reginam in matrimonium duxit, neq; multò post consecratus & inunctus, ac coronatus Rex Poloniae, totum eum annum in pacando regno consumpsit. Eo autem anno, qui proximè secutus est, cum ei nihil longius videretur, quàm dum populos suos in Christianorum numerum aggregatos videret, eomitatus uxore & multis principibus viris, multis itè Episcopis ac Sacerdotibus in Lituaniam profectus, quàm multis, quàm certis, quàm inusitatis documentis pietatis suae magnitudinè testatus est? Nam cum populù agrè ab inveterata superstitione avelli videret, ipse omnibus inspeclantibus, manu sua illis, quas aliquando coluerat, arboribus, magnà vi secures impingens, easq; ab radicibus deturbans, tum ingentem vim aquae profundens in illos tamdiu adoratos ignes; Non est, clamabat, non est Deus, quod exscindi ac dejici, non quod extingui potest. O mirificos Deos, quorù alter alteri pro pabulo est, alter alterum absunit. In venenatis a. & mortiferis animalibus, quae potest esse divinitatis similitudo? Agnoscite,

agno-

agnoscite,  
dem alian  
effestore  
tus ignem  
Simul ha  
rat, ediff  
Deo habi  
ris in eor  
dotes, quo  
Lituani u  
fidei nostr  
eamus, ip  
autam, ip  
menos vo  
neq; ullu  
regem ra  
memorabi  
ita igitur  
da Christe  
fionem sm  
giorem m  
bilibus s  
sacramen  
nunc exst  
quid divi  
butarum  
Samogitiã  
eadem illa  
minimè p  
suavitatis  
multos ad  
lam vim h  
labes. Et at

agnoscite, miseri, errorem vestrum, & respiciote, & tandem aliquando mentis oculos ad Deum omnium rerum effectorem convertite: ne dum aeternum (ut falsò putatis) ignem colitis, in alium ignem verè aeternum incidatis. Simul hæc, simul eis religionis nostræ principia, ut poterat, edissererebat, ut eodem tempore & vetus ille ignis pro Deo habitus, exstingeretur, & novus ignis divini amoris in eorum pectoribus accenderetur. Cumq; neq; sacerdotes, quos secum adduxerat, Lituanicam linguam, neq; Lituani ullam aliam intelligerent, ipsemet eos summam fidei nostræ ab Apostolis traditam, quam symbolum vocamus, ipse formulam precandi à CHRISTO JESU institutam, ipse cætera, quæ discere solent ii, quos Catechumenos vocamus, in Lituanicum sermonem convertens, neq; ullum in ea re laborem subterfugiens, edocebat. O regem rari & singularis exempli! O ardorè animi commemorabilem! O pietatem omnibus seculis prædicandam! Ita igitur inflammavit Lituavorum animos, ut ad danda Christo nomina, & ad sacrosanctam illam aquæ aspersionem simul omnes facto agmine concurrerent; seq; longiorem moram pati non posse clamarent. Ideoq; solis nobilibus singulatim baptizatis, cætera multitudo idem sacramentum catervatim distributa suscepit. Quid ego nunc exstructarum ab eo sacrarum adium multitudinè, quid divitiarum Ecclesiastici ordinis hominibus attributarum magnitudinem exponam? Quid susceptos in Samogitia ad Christum traducenda labores, & obita eadem illa munera, quæ in Lituania obierat? Illud verò minime prætereundum est, quod ne regnandi quidem suavitas, maxima illecebra peccandi, quæ sæpenumerò multos adversus alia omnia satis firmos abstulit, ullam vim habuit, ad Uladislai fidem ac constantiam labefactandam. Nam cum Bohemi, quorum animis,

paulò ante Johannes Huß & Hieronymus Pragensis pe-  
 siferum opinionum suarum virus afflaverant, mor-  
 tuo Vencislao rege suo, Legatos ad eum misissent, per  
 quos ei regnum deferebant, multisq; precibus obsecra-  
 bant, ut id aut ipse, aut Vitoudus frater ipsius patruelis  
 susciperet, maximo uterq; animo eorum preces repudia-  
 vit, addita illa nobili, & nunquam satis celebrata voce:  
 Religionem sibi esse, hæreticis imperare. Non patitur  
 temporis brevitatis, ut aut plura de hoc dicam, aut de  
 ejus filio Vladislao tertio Polonia & Ungariae Rege,  
 qui, ut Pontificis maximi auctoritati pareret, cum Tur-  
 cis, quos diu vexaverat, multisq; præliis fuderat, frege-  
 rat, affligerat, redintegrato adversus partas cum eis in-  
 ducias bello, tum quoque magna eorum edita strage, in  
 ipsa tandem acie fortissimè dimicans interfectus est. Ea-  
 demq; me causa cogit, tum alios aliquot reges silentio  
 involvere, tum in Sigismundo primo Sigismundi Augusti  
 patre laudando esse breviorē. Cujus pietatem quidem  
 ac religionē magnificentissima templa partim instaura-  
 ta, & refecta, partim ditata, partim etiam à fundamen-  
 tis excitata, & perpetuum prohibendarum à regno suo  
 novarum opinionum studium, bellicam verò fortitudi-  
 nem tam multæ, tamq; memorabiles de Moscis, Vala-  
 chis, de Tartaris, de Turcis victoriæ, & ut cætera ta-  
 ceam, octoginta Tartarorum millia uno ad Borysthenem  
 prælio prostrigata testantur. Qui cum octoginta duos vi-  
 xisset annos, carus suis, metuendus hostibus, virisq; ve-  
 nerandus, satur vitæ, satur gloriæ, moriens, Sigismun-  
 dum Augustum non regni magis quàm virtutum sua-  
 rum hæredem reliquit. Hic, si præsens adesset, beatissi-  
 me Pater, sanctissimos pedes tuos deosculatus, hac ad te  
 oratione uteretur: Magno gaudio affectus sum, Pater  
 sanctissime, cum te ad Ecclesiæ gubernacula admotum,

& in

& in isto ce  
 cognovi. Q  
 na esse te  
 in his turb  
 Quem in lo  
 bitandum  
 tula optim  
 tircumfessi  
 immanissim  
 seditionib  
 mos facit,  
 liori odio C  
 Turcis diffi  
 ri esse mus  
 sumus, 74  
 renitentib  
 integras se  
 rum omniu  
 prohibendi  
 mus, ut n  
 noceatur.  
 diuturnis  
 At tu, beat  
 pter sancti  
 ritatem pla  
 num compl  
 Christianis  
 ipsum, cui  
 succurre ad  
 gitationes  
 tentiam tu  
 gandos ab e  
 se devincien



& in isto celsissimo inter mortales folio collocatum esse  
 cognovi. Qualem enim jam dudum certa & constanti fa-  
 ma esse te acceperam, tali gubernatore navim Ecclesie  
 in his turbulentissimis tempestatibus egere intelligebam.  
 Quem in locum Christiana Respublica delecta sit, eisi du-  
 bitandum non est, quin tu ex ista edita ac præcelsa spe-  
 cula optimè videas; nos tamen, qui ab hostibus undique  
 circumfessi sumus, certè propius intuemur. Et ab hoste  
 immanissimo ac potentissimo invadimur, & domesticis  
 seditionibus laboramus. Neque ulla res majores ei ani-  
 mos facit, quàm quòd intelligit graviori, & implacabi-  
 liori odio Christianos à Christianis, quàm Christianos à  
 Turcis dissidere. Ita qui conjuncti ac conspirantes terro-  
 ri essemus, divisi ac dissentientes ludibrio & despectui  
 sumus. Jamq; mali vis, invitissimis, & ne quidquam  
 renitentibus nobis, non obscurè per partes usq; adhuc  
 integras serpit. Et alia hoc regna nuper magno bono-  
 rum omnium mærore senserunt, & nos, quanquàm omnia  
 prohibendi causa facimus, per vincere tamen non possu-  
 mus, ut nihil populis nostris vicinitate ac contagione  
 noceatur. Hem, nunquàmne his tot, tam gravibus, tam  
 diuturnis calamitatibus remedium aliquod reperietur?  
 At tu, beatissime Pater, cujus & apud Deum preces pro-  
 pter sanctitatem, & apud homines jussa, propter aucto-  
 ritatem plurimum valent, per illam qua genus huma-  
 num complesteris charitatem, per illam curam quam  
 Christianis omnibus & debes & præstas, per illum  
 ipsum, cujus in terris vice fungeris JESUM CHRISTUM,  
 succurre ac subveni communibus malis, & omnes co-  
 gitationes, omnia consilia, omnem auctoritatem ac po-  
 tentiam tuam confer ad Christianos populos & pur-  
 gandos ab erroribus, & firma ac stabili concordia inter-  
 se devinciendos. Quod igitur Rex ipse per se facere pro-

pter locorum distantiam non potest, id per hunc clarissimum virum Oratorem ad te suum facit: per eum tibi gratulatur, per eum ad te omnes vires ac copias suas defert: per eum tibi & huic sanctæ Sedi obedientiam præstat, quamq; laudem à maioribus suis hæreditariam accepit excubandi assidue pro Christianis, & quicumque hostes Christi atq; Ecclesiæ fuerint, eosdem habendi pro suis, eam se diligentissime ut semper fecit, conservaturum, neque unquam ab eorum virtute degeneraturum esse promittit. Tibi autem, beatissime Pater, cum omnia fausta & prospera precatur, tum quò facilius ea, quæ à te expectantur, perficere possis, illud à Deo votis omnibus petit, ut publico Ecclesiæ bono non minus diu Pontifex vivas, quam te Pontificatu dignum vixisse, omnes, qui verè & incorruptè iudicant, consententur.

DIXI.

De toto studiorum suorum cursu, deque Eloquentia ac cæteris discipliniscum Jurisprudencia conjungendis.

ORATIO XV.

HABITA ROMÆ ANNO  
c1o 1o LXVII.

**N**ON eram nescius, cùm hanc Pandectarum interpretandaram provinciam susciperem, fore, ut multis sermonem darem: quibus mirum ac novum videretur, me, qui tot annos in hoc docendi munere ita consumpsissem, ut eos modò libros attingerem, qui, aut ad eloquentiam, aut ad Philosophiam pertinerent, mutata subito voluntate ad

tra-

tractationem juris Civilis tam longo intervallo redire : à quo me plerique jam pridem animum omnino avocasse, & ad miriora studia, tanquam ad Sirenum scopulos, adhesisse, aut quasi loci cujusdam Homerici, ita illo-  
 rum dulcedine, ac suavitate captum, hujus jam ne per somnum quidem meminisse arbitrarentur. Quibus ut satisfaciam, simulq; vobis omnibus hujus consilii atque instituti mei rationem reddam : etsi non libenter facio, ut de me loquar, tamen antequam progrediar longius, pauca quedam de toto studiorum meorum cursu breviter commemorare constitui; quæ si audire ac cognoscere grave non erit, spero fore, ut gravissimi quidem & eruditissimi homines, quos hinc adesse video, factum meum non improbent : vos autem optimi & studiosissimi adolescentes, etiam fructum aliquem ex hac narratione capiat. Cùm enim, quæ præcipuè res progressus meos retardaverit, meq; decurso jam spatio à calce ad carceres, ut dicitur, revocaverit, cognoscetis : forsitan exemplo meo edocti, melius ipsi vestris rationibus consulatis. Ego igitur, ut primum puer Grammaticorum & Rhetorum præceptis visus sum utcumq; imbutus esse, leviter gustatis dialecticæ principiis; cæteris autem Philosophiæ partibus ne à limine quidem salutatis, nulla Græcæ linguæ intelligentia, nullo rerum usu, nulla antiquitatis cognitione instructus, animum ad Jus Civile appuli; & iis doctoribus, qui tùm illis in locis optimi putabantur, annos aliquot operam dedi. Jamq; eò processeram, ut, quæ tùm præcipuè laudes habebantur, & in argumentando satis acutus, & in respondendo non incautus, & quacumq; de re ageretur, abundè loquax essem : & quod multis palmarum videbatur, multarum legum non intellectarum principia uno spiritu citare, multorum interpretum nomina recensere, multos versus, multas paginas,

multas columnas, porticus etiam, ut opinor, peristylia  
 & intercolumnia, nullo negotio, numerare quamlibet  
 multa possem. Cùm ipse me eo nomine circumspiciebam,  
 meque pulchrum, ac beatum putabam, tùm uno ore om-  
 nines, ut ait Comicus, omnia bona d. cere, & Laudare for-  
 tunas meas, qui tantula etate tantum mihi, ut ipsi pu-  
 tabant, sapientiæ; ut res ipsa docuit, stultitiæ & ina-  
 nium suppellectilem, comparassem. Jam omnes me mei fo-  
 ro & cancellis & subselliis destinabant: magnamq; in-  
 spem venerant, rabulam me aliquem non in postremis  
 fore, confidentem, acrem, contentiosum; præsertim cùm  
 & natura essem firmis lateribus, & voce magna, &  
 quod caput est, illi me quos dixi magistri, si non multum  
 sapere; at certè, quod apud eos pro eodem erat, multum  
 audere, multumq; clamare docuissent. Quid verbis opus  
 est? Inibi jam erat, ut illud vitæ genus ingrederer, cùm  
 Deus (Deus enim fuit: neque hoc mihi ex animo excuti  
 potest) Deus igitur effecit, ut quædam Budæi & Alciati  
 & aliorum ejusdem notæ hominum scripta, quæ nun-  
 quam ante illud tempus adspexeram, in manus meas  
 venirent. Quæ, cùm evolvere cœpissem, passimq; in eis  
 multa reperirem, quæ de magistris meis nunquam au-  
 dissem: multas sententias, quas illi me ratas ac firmas  
 esse docuissent, gravissimis argumentis convulsas ac la-  
 befactatas, multa ex Græcis Scriptoribus deprompta,  
 multa ex antiquitate repetita, quibus in omnibus mihi  
 tenebræ essent: nolite quærere, quid mihi animi fuerit.  
 Visus mihi sum de cælo decidisse: aut in alium quendam  
 orbem delatus esse: neque aliter affectus sum, quàm ege-  
 ni & inopes homines interdum solent, qui cùm totam  
 noctem somniant se divites repente factos esse, ubi diu  
 gemmas, aurum, purpuram dormientes contrectarunt,  
 experrecti, omnia domi suæ obtenta tetis aranearum  
 vident.

vident.  
 ferox, cū  
 dissent,  
 versari,  
 clanculū  
 in Græci  
 & discip  
 perlustr  
 unum ve  
 accurate  
 gens, qui  
 tior fieri  
 tūm in L  
 sapē me  
 otiosi sen  
 rum qua  
 etas ver  
 quàm Ze  
 ut magn  
 nobiliū  
 capita i  
 illos sap  
 manasse  
 toto orb  
 homines  
 qui, me  
 profectu  
 reliquit  
 quam, a  
 tum, au  
 bris orn  
 seponit,  
 me per d

vident. Quid facerem? ego ille paulò antè tumidus & ferox, cum mihi derepente vultus, animus, verba cecidissent: jamq̃ suffusus pudore, verecundarer inter eos versari, qui de me ita magnificè senserant, subduxi me clanculum ex illis, in quibus diu merueram, castris, & in Græciam navigavi: id est, ad Græcarum literarum & disciplinarum magistros me contuli: eademq̃ opera perlustravi etiam vetus illud Latium, id est, omnes ad unum veteres linguæ Latinæ Scriptores diligenter & accuratè per volutavi, sedulo undecunque omnia colligens, quibus mihi Juris prudentia instructior, & ornatio fieri posse videretur. Atque in hac peregrinatione, tum in Lycæi ambulationibus, tum in Academiæ spaciis, sæpè me exercui: neq̃ aut illius è Gargetio delicati atq̃ otiosi senis hortos invisos præterii, quanquam venenorum quam salubrium herbarum feraciores, neq̃ disiectas veteris illius Pœciles, non tam Polygnoti manu, quam Zenonis ingenio nobilitate, reliquias neglexi: Et ut magnam voluptatem capiunt, qui ad magnorum ac nobilium fluminum, Euphratis puta, aut Nili, fontes ac capita ipsa venerunt: juvit me incredib. liter, cum apud illos sapientissimos senes cernerem, quibus ex fontibus manassent amplissima illa Juris Civilis flumina, per quæ toto orbe sparsa atq̃ diffusa, tam multi assidue summo homines ingenio navigarent. Interea, ut pater familias, qui, mercaturæ causa in longinquas terrarum oras profectus, dulcem eximieq̃ animo caram domi uxorem reliquit, sæpè de ea cogitans, sicubi aut gemmam aliquam, aut scitè tornatum anulum, aut monile baccatum, aut segmentatam vestem, aut alia mundi muliebris ornamenta conspexit: studiosè omnia comparat ac seponit, quibus eam domum reversus, maneretur: sic me per omne scriptorum genus vagantem nunquam ea

cura ac cogitatio deserebat, ecquid decerpere ac delibare ex eorum unoquoque possem, quod, cum ad Jurisprudentiam reverterer, ad eam expoliendam & exornandam accommodatum esset. Sciebam enim, quam turpe haberetur, & diu manere, & inanem redire. Quod autem Homerus ait: Ulixem in illo diuturno errore crebro spectare solitum Ithacam versus: itidem ego ad Jurisprudentiam identidem respicebam oculos: & ab ea tam diu abesse me, vix satis aequo animo ferebam. Quin etiam, ne me amceniores illa disciplina usu quodammodo suum facerent, multa saepenumero, faciebam usucapionis interrumpende gratia: quod & mea quaecunque scripta declarant, crebris Jurisconsultorum adspersa sententiis, & quotidiana disputationes, quibus, quoties erat occasio, aliquid ex hac disciplina petitum intexebatur, non obscure indicabant. Nunc, cum mihi videar non ea quidem omnia, quae animo conceperam, perfecisse, sed usque eo tamen progressus esse, ut iis, qui Juris Civilis cognitionem ex ipsis fontibus haurire cupiunt, opis aliquid adferre possim: putavi tempus jam ipsum postulare, ut prodirem, & narrata in hoc genere studiorum operae, specimen aliquod darem. Cur autem Pandectas potissimum extra ordinem interpretari voluerim, causa haec fuit. Videbam eruditissimos in schola viros, quibus docendi juris munus mandatum est, ita se in eo gerere, ut, ipsa si loqui posset Jurisprudentia, non certius, aut copiosius, aut majori cum dignitate videretur explicatura sensus suos, quam ab illis quotidie explicantur. Omnia ex eorum ore profluunt, quae in hac arte, aut cogitari prudenter, aut disputari acute, aut certo definiiri ac statui possunt. Itaque, cum in omnibus habeam, quod admirer, in nullo habeo, quod desiderem. Sed illi tamen, quod dignitati suae, ei, quam meritissimo obtinent,

tinent,  
petuò  
verfari  
ut huma  
conter  
Plane  
oportet  
Philoso  
nihil at  
requir  
ut ad ju  
cederet  
Cogita  
mederi  
aliis fo  
neglect  
Imper  
gregar  
aliqui  
genda  
quoru  
bor. Q  
ra spec  
fit, non  
est in h  
menti,  
verba,  
epimus  
borum  
bis exp  
libi ait  
fatis in  
& apu

tinent, auctoritati consentaneum sit, intelligentes, per-  
 petuò in gravium & arduarum questionum tractatione  
 versantur: exquisitam singularum vocum explicatione;  
 ut humile quiddam, neque satis dignum, in quo tempus  
 conterant, aut prætermittunt, aut modicè attingunt.  
 Plane & si ad eos audiendos ii tantùm accederent, quos  
 oporteret, id est, qui prius in Grammaticorum, Rhetorù,  
 Philosophorum scholis diu multumq; exercitati essent:  
 nihil amplius, quàm quod ipsi cumulatissimè præstant,  
 requireretur. Nunc, quod ego me principio fecisse dixi,  
 ut ad jus audiendum aliarum omnium artium rudis ac-  
 cederem, in eo vereor, ne etiam hodie à plerisq; peccetur.  
 Cogitavi igitur, si pro mea virili parte huic incommodo  
 mederi studerem, neq; invidiosum id mihi, neque inutile  
 aliis fore. Nam neq; invidiam habet ullam, quod ab aliis  
 neglectum jaceat, id sumere: & in exercitu non tantùm  
 Imperatorum & tribunorum ac centurionum, sed &  
 gregariorum militum, & calonum quoque ac lixarum  
 aliquis usus est. Neque, si gubernatorum in navi re-  
 genda præcipuum est munus, non ii quoque utiles sunt,  
 quorum in sentina exhaurienda omnis consumitur la-  
 bor. Quamquam si id, quod res est, fateri, si recta & ve-  
 ra speciosis, ac fucatis antepone, si quanti res quæ  
 sit, non quanti vulgò fiat, spectare volumus; multò plus  
 est in hac pura & simplici verborum explicatione mo-  
 menti, quàm plerique fortasse suspicarentur. Nam cum  
 verba, ut ait Aristoteles, sint eorum, quæ animo con-  
 ceepimus, notæ: fieri nullo modo potest, ut, qui vim ver-  
 borum non percipit, eam sententiam, quæ illis ver-  
 bis expressa est, assequatur. Itaq; & idem Aristoteles a-  
 libi ait, eos, qui, quid quoq; verbo propriè indicetur, non  
 satis intelligunt, in rebus judicandis sæpenumerò falli;  
 & apud Platonem Cratylus ex verborum intelligentia  
 cogni-

cognitionem rerum pendere dicit. Et quis tandem est, qui nesciat, patrum avorumque nostrorum memoria, cum perversa quaedam ac pestifera opinio invaluisset, nihil cultum orationis, nihil historia veteris notitiam ad eos, qui graves ac serias disciplinas tractarent, pertinere; Græcas verò literas etiam impedimento esse, quantæ & quàm densa caligo universum propè terrarum orbem oblexerit? quantaque verborum neglectum, rerum ignorantia consecuta sit? Sed quid necesse est huic rei aliunde argumenta petere? Illi ipsi, quorum libros quotidie terimus, veteres Jurisconsulti in explicandis legibus, Senatusconsultis, edictis prætorum aut ædilium, constitutionibus, decretis, epistolis principum, quam, quæso viam rationemque tenuerunt? Nempe in patefacienda singularum vocum vi ac proprietate tam multi tamque assidui sunt, ut magnam industriæ suæ partem in eo consumere videantur. Quod prolatis ac productis ipsorum loci probarem, si quàm facile, tam necessarium esset. Antistium Labeonem Jurisconsultum nobilissimum tam alicubi valde commendasset Gellius, ad postremum addit: Latinarum vocum origines rationesque percullerat: eaque præcipue scientia ad enodandos juris laqueos utebatur. Hos me sequentem duces, nemo, ut opinor, meritiè culpaverit. Quam igitur interpretandi viam nobis Ulpianus, Paulus, Gajus, Marcellus, ceterique juris Antistites præiverunt, eam sequemur, & eorum vestigiis, quantum vires nostræ ferent, insistentes, summa ope conabimur, efficere, ut neque prætermittamus necessaria, neque inutilia consecremur: & quotidie tamen aliquid minimè vulgare minimeque contritum adferamus. Quod ut jam nunc perspicere possitis, dum ad titulum de justitia & jure interpretandum accedo: quæso, diligenter attendite. DIXI.

Cur

Cur

HAB



ea ne fa  
que nu  
hac in  
Nam in  
cum ali  
scitis, s  
eo ani  
me po  
eodem  
satis a  
satis ja  
satis  
utunq  
qui &  
fiores  
animo,  
& cum  
carent,  
commer  
clari op



Cur ad munus docendi, quò se  
spontè abdicaverat, revoca-  
tus sit,

## ORATIO XVI.

HABITA ROMÆ PRIDIE KALEND.  
Mart. Anno c<sup>o</sup> l<sup>o</sup> l<sup>o</sup> LXIX.



UOD antiquitus à sapientissimis viris dictum  
est, non licere cuiquam mortalium quid fa-  
cturus, aut non facturus sit, certò pronun-  
ciare: quòd in vita multa eveniunt; tùm ut  
ea ne facias, quæ facere decreveris: tùm ea ut facias,  
quæ nunquam facere constitueris: id ego & sæpè ante-  
hæc in aliis, & in me ipso nuper verissimum esse cognovi.  
Nam in hoc publicè docendi munere quinquennium jam  
cum aliqua hominum approbatione versatus, eo me, ut  
scitis, superioribus mensibus spontè abdicaveram: idq̃  
eo animo, ut, quod ex me sæpè auditum est, nunquam  
me postea eandem provinciam suscepturum, nunquam  
eosdem labores denuò subiturum putàrem. Cogitabam,  
satius esse desinere quàm deficere: me, si ve placuissem,  
satis jam spectatum esse: si ve displicuissem, plus satis:  
satius esse cum desiderio, quàm cum satietate discedere:  
utcunq̃ esset, tradendum quasi cursu aliis lampada,  
qui & laboris patientiores & doctrinæ copia instru-  
ctiores, institutam hæc & inchoatam à nobis majore  
animo, quàm viribus jurisprudentia cum eloquentia,  
& cum antiquitatis cognitione conjunctionem ex ædifi-  
carent, ad summumq̃ perducerent. Mibi, ad nominis mei  
commendationem, abundè videbatur tanti ac tam præ-  
clari operis, aliqua saltem fundamenta jetisse, & præ-  
stando

stando, quod possem, alios qui plus possent, ut experiri  
 vellent, exemplo meo excitasse. Jamq̄ totus in eo eram,  
 non ut me languori quidem ac desidia dederem: qui sem-  
 per ignavorum vitam mortemq̄ juxta aestimassem: sed  
 ad eas artes mecum incolendas ac celebrandas refer-  
 rem, quibus usq̄ à puero deditus fui: & ad mandandas  
 literie cogitationes quasdam meas, quibus efficerem,  
 conarer quidem certè, ut quod mihi otii Hippoliti Car-  
 dinalis Ferrariensis studiorum ac fortunarum mearum  
 patroni summa liberalitate conceditur, ejus aliquis fru-  
 ctus non ad presentes modo & eos, qui nunc sunt, sed &  
 nunc ad externos, & olim ad posteros perveniret. In hac  
 me cogitatione desixum, & tanquam in portis, compli-  
 catis velis, cæterisq̄ armamentis omnibus compositis  
 quiescentem, vestra, Cardinales Amplissimi, auctoritas  
 expergisci denud, & subductam jam navim mutato con-  
 silio, deducere, & vela ventis pandere coegit. Quæ mihi  
 res èo mirabilior visa est, quod non deerant homines &  
 ingeniosi, & eruditi, & exercitati, qui vobis ad hoc ma-  
 nus obeundum ultrò studium atq̄ operam profiterentur  
 suam, quorum etiam unum à me ipso verè atq̄ ex animo  
 commendatum esse memini. Itaq̄, ut in historiis est, eos,  
 qui M. CATONEM in prætura petitione superârunt,  
 ipsosmet mirari solitos, quod se tali viro populus Roma-  
 nus prætulisset: sic fateor, mihi mirum visum esse, quid  
 ita vobis potius libuerit, me alia jam omnia cogitantem,  
 etiam cum aliqua ad vetus honorarium accessione re-  
 vocare: quàm in locum meum aliquem ex iis sufficere ac  
 substituere, qui id in beneficii loco petebant. Quod ego  
 neq̄ ita me ignoro, ut mihi tribuam, ac non vestra potius  
 humanitati, quàm ulli merito meo acceptum feram; &  
 tamen non debeo esse, aut ad versus dignitatem meam,  
 aut ad versus vestra judicia improbè curiosus. Nam,

sive

si ve aliquid esse in me, cur hic honos mihi habendus esset, iudicâstis, potius enim ac contendere debeo, ut vestram de me opinionem rebus confirmem, quam ut verbis refellam: si ve, quod magis credo: vestra tantum in eo humanitas & quædam erga me voluntatis propensio valuit, non minus optabile, aut honorificum duco; à vobis amari, quàm magna aliqua si ve eruditione, si ve eloquentiâ præditum judicari. Illud quidem neq; reticere, neq; dissimulare possum, recentem istam vestræ erga me voluntatis significationem magnum mihi onus imposuisse, magnam curam & sollicitudinē, magnam vigilandi, laborandi, contendendi omnes industriæ meæ nervos necessitatem attulisse. Non enim mihi tantum elaborandum est, ut, si quam mihi existimationem superiorum annorum labores, vigiliæq; pepererunt, eam conservem ac tuear: sed multò magis, ut vestra de me iudicia sustineam, & aliqua saltem ex parte respondeam illi expectationi, quam de me, verisimile est, in multorum animis pondus auctoritatis vestræ concitavit. Quod quidem me studiosissimè constantissimeq; facturum vobis omnino adseveratione confirmo, daturumq; operam, ut hæc, quæ nunc cincti ac circumfusi estis, studiosorum adolescentiæ multitudo, si nulla alia re, ac certè industria & assiduitate vix alium quemquam à vobis ad rationes suas accommodatorem huic muneri præfici potuisse fateatur. Sed jam tempus esse videtur, ut specimen vobis aliquod exhibeam ejus rationis ac viæ, quam & usque adhuc in docendo tenui, & nisi vos aliud jubeatis, deinceps perpetuò tenere decrevi. Quod dum facio, date mihi, obsecro, hanc veniam, ut avertam à vobis orationem, atque ita differam, quasi si tantum adessent, quorum causa me rude jam, ut arbitrabar, donatum, in hanc arenam demuò revocandum censuissetis. DIXI.

De

# De Doctoris officio, deq; modo Jurisprudentiam docendi.

## ORATIO XVII.

HABITA ROMÆ PRID. NON. NOVEMB. Anno dno 15 LXXIX.

**M**AIOREM indies fructum capio ex hoc consilio atq; instituto meo, exornandi Juris Civilis, neq; lautius modò ac nitidius, sed distinctius etiam & ad rudiorum captum accommodatius, quàm pleriq; vulgò solent, explicandi. Nam etsi satis intelligo, non tantum mihi esse vel virium vel auctoritatis, quantum ad hoc, quod animo concepi, quodq; omnibus votis expeto; planè perficiendum requireretur: jurat tamen, tanti ac tam præclari operis qualiacumq; fundamenta jacere experiri, si fortè alios rebus omnibus instructiores commovere, & ad eandem cogitationem suscipiendam excitare possim: efficere deniq; ut quicumq; olim de hoc meo conatu verè judicare & poterunt, & volent, quid vis mihi potius, quàm aut in deligenda rectè docendi ratione ac via iudicium aut in eadem aliis monstranda voluntatem defuisse fateantur. Quibus enim rebus ejus, qui quamcumq; artem docere instituit, officium contineri arbitror, eas ut præstarem, & alias semper & præcipuè, ex quo libros Pandectarum explicare ingressus sum, magno mihi studio elaboratum est. Ac ne quis fortè querat, quæ tandem illa sint, in quibus & multum opere posuisse me dico, & multum penandum esse omnibus, qui docendi munus, ita ut oportet obire ac sustinere meditantur: exponam ea, ut poterò, breviter, vobisq; potestatem faciam, ex iis, que

que hoc  
quid à m  
exigere  
prehend  
esse, qui  
bet: cu  
propria  
quod ag  
docendi  
conscien  
& emuc  
ut in de  
artem q  
loco dig  
bus, ab  
dine non  
nihil om  
esse statu  
præstare  
virium  
accedat  
industri  
perpetuo  
nibus r  
quadrin  
quorum  
sunt, ut,  
floritate  
& mult  
runt libr  
ordine or  
rent, uar  
loquendi

qua hodierno die de doctoris officio dicam, existimandi  
 quid me in posterum non expectare tantum, sed etiam  
exigere debeatis. Existimo igitur duobus verbis com-  
 prehendi posse munus ejus qui docet: videndum enim ei  
 esse, quid doceat, & quomodo. Prius illud eam vim ha-  
 bet: curandum esse ei, primum ut vera doceat; tum ut  
 propria ejus artis, in qua versatur, aut certo cum eo  
 quod agitur conjuncta & coherens. Modus autem  
 docendi is est, ut perspicue doceat: quod duabus rebus  
 conficitur, ordine, & genere sermonis ad res enodandas  
 & enucleandas accommodato. Hæc omnia qui præstet,  
 ut in docendo & vera tradat, & pertinentia ad eam  
 artem quam docet, & ea ita distinguat, ut suo quidque  
 loco digerat ac collocet, & verbis propriis, significanti-  
bus, ab eorum, qui pure ac nitide loquuntur, consuetu-  
dine non abhorrentibus efferat, atq; eloquatur, ei ego  
 nihil omnino ad summi ac perfecti doctoris laudem de-  
 esse statuo: qui autem cum ea plene quidem & absolute  
 præstare non posse se agnoscit, eo tamen quicquid habet  
virium confert, ut ad eas laudes quam potest proximè  
 accedat, dignissimum esse, cujus honestissimos conatus, &  
 industriam ad præclara tendentem, bonorum omnium  
 perpetuus applausus approbatioq; comitetur. In his o-  
 mnibus variè peccatum esse video à multis eorum, qui  
 quadringentos ferè ab hinc annos jus civile tractarunt:  
 quorum etiam nonnulli tanto apud multos in pretio  
 sunt, ut, quasi Atlantis humeris cælum, ita eorum au-  
 thoritate hujus artis dignitas sustineri puterur. Nam  
 & multa sepe pro veris falsa docuerunt: & referse-  
 runt libros suos alienissimis quæstionibus: & sine ullo  
 ordine omnia tradiderunt: & cum Latine loqui nesci-  
 rent, novum quoddam & monstruosum sibi confinxerunt  
loquendi genus, ut si veteres illi Pauli, & Ulpiani, &

Papiniani & ceteri juris antistites reviviscant, multis  
 interpretibus eis opus futurum sit, ad eos qui scripta  
 sua interpretati sunt intelligendos. At cur falsa quidem  
 pro veris tradiderint, non negaverim alias quoque fuisse  
 causas: duas tamen precipuas fuisse arbitror: ignora-  
 tionem antiquitatis, & perversum quoddam studium  
 contradicendi. Etenim cum tota Reipublica atque imperii  
 Romani facies ita versa atque immutata esset, ut nullum  
 retineret veteris forma vestigium, aliae consuetudines  
 essent, aliae leges, alia religio, alii magistratus, alia judi-  
 cia: extincto autem lumine Latinarum & Graecarum  
 literarum, omnia densissimis ignorantiae tenebris sepul-  
 ta atque obruta tenerentur, fieri nullo modo potuit, quin  
 homines ejus Reipublicae ignari, cujus leges & jura  
 tractabant, tanquam in illi nocte sine lumine erran-  
 tes, saepe offenderent, saepe laberentur, saepe quovis po-  
 rius, quam quo instituerunt; pervenirent. Ad quod in-  
 commodum cum aliud accessisset, ex prava quadam am-  
 bitione, quae multorum ex illis animos occuparat, ut in-  
 decorum putarent, cuiquam assentiri, ac tum demum  
 sibi pulchri ac beati viderentur, si superiorum placita  
 labefactare ac subvertere; ipsi autem aliquid, quod ante  
 se nemo dixisset, adferre potuissent: quasi clavum cla-  
 vo, sic opinionem opinione trudentes, eò tandem rem  
 perduxerunt, ut, cum receptum sit, in rebus judicandis  
 communem interpretum sententiam sequendam esse,  
 saepenumero, quae in plures probata sit, in tanta discre-  
 pantia ac varietate dubitetur. Scitum autem est, quod  
 ait Plato, semper inter se consentire eos, qui aliquid sci-  
 unt. Nam neque sciri potest nisi quod verum est: neque in  
 quaque re verum esse amplius uno potest. Jam, quod se-  
 cundo loco posui, multas saepe ab eis inculcatas quae-  
 stiones, neque juris civilis proprias, neque ad id quod in mani-  
 bus

bus erat, ullo modo pertinentes, id quia verum sit, dubium nemini unquam futurum est, qui eorum scripta vel per transennam, ut dici solet, adspexerit. Nisi forte querere, quæ sit potestas, ablativi, ut loquantur, absoluti, aut gerundii, aut relativi, **QUI, QUÆ, QUOD,** & similia, quæ vel referre piget, Grammaticorum non est potius quam Jurisconsultorum: aut quæ sit ratio definiendi, quid intersit inter definitionem & notationem vocabuli, quando liceat argumentari ab enumeratione partium, non Dialectici potius, quàm juris civilis professores, docere debent; aut denique innumerabilia, quæ eorum commentarios legentibus passim occurrunt, non melius & verius ab iis artificibus, quorum propria sunt, explicantur. Nam de ordine quid dicam? quem *Ordo.* semper sapientissimus quisque plurimi fecit: cui tantum tribuerunt quidam ex veteribus Philosophis, ut summum ac supremum hujus universitatis parentem // atque opificem Deum dicerent in orbe condendo nihil aliud præstitisse, quam quod confusas & permixtas inter se rudis materiæ partes discrevissent, certoq; ordine suis quamque in sedibus collocasset. Impia opinio, fateor. Omnia enim non tantum digessit ac disposuit, sed ex nihilo effecit ac procreavit Deus. Sed tamen ex eo intelligi potest, quæ illorum de ordine opinio fuerit, quantamque vim in eo inesse crediderint: cum à quo nihil amplius quàm confusas mundi partes in ordinem adductas esse dicebant, eum tamen ipsi quodque cum cæteris verissimo nomine parentem ac conditorem omnium rerum vocarent. Exstat præclara *Ordo* sententia apud Xenophontem in Oeconomico, nihil esse aut pulchrius, aut ad usum commodius quàm ordinem: nihil contra aut ad spectu foedius ac deformius, aut quod plura omnibus rebus incommoda adferat, quam

quàm confusionem ac perturbationem. At nostri illi cum dialecticam aut non didicissent, aut ita didicissent, ut non didicisse exstaret: quibus, quæso, modis omnia miscuerunt? qualem nobis, cuius generis præceptorum fraginam reliquerunt? Ut si quis rusticus hordeum, triticum, viciam, legumina in unum acervum conferat, non illius acervum commentariis existimem perturbationem fore. Mibi quidem, cum in eos inspicio, sapissimè Ovidiana illa de Chao in mentem veniunt:

Quæq; erat & tellus, illic & pontus, & aër.

Non aliter enim apud hos, ubi verbi causa, de auctoritate magistratum agitur, dicetur etiam aliquid de testamento, ubi de emptione & venditione differitur, aliquid de pœnis, aut de auctoritate tutorum inseretur: nihil est denique quod certam sedem ac domicilium habeat: nihil quod non alienissimo æquè facile ac suo loco pertractatum repriatur. Inde illæ crebræ ex uno in alium locum reiectiones: cum te, quod hic agendum ac tractandum erat, id jubent ex alio petere, in quo tale quidquam agi, nunquam, nisi admonitus, divinare potuisses. Prorsus ut si quis pater familias vestem non in vestiario, sed in arca panaria conderet: panem ex puteo hauriret, pisces in nemore, lepores in piscina inclusos haberet. Apud Aristotelem primo Physicorum recensetur opinio veterum quorundam, in quibus fuit & Anaxagoras, qui quidlibet in quolibet inesse dicebant: idq; exprimebant hemistichio quodam, ut opinor, Empedoclis, *ἢν ἐν πανὶ πᾶσι τὰ πάντα*. Hoc an in Physicis verè dicatur, viderint, qui illa tractant: in talium certè interpretum commentariis verissimè dici potest. Atq; hoc sunt etiam, qui eos de industria fecisse dicant, ut artem juris obscuriorem, ac difficiliorem cognitu redderent, & ad ceteros labores illum quoque adderent, quo excarnificarent

discen-



discentium ingenia, pervolutandi sæpè illas ingentes li-  
 brorum moles, & omnia alieno loco potius quærendi  
 quàm suo. Quod si verum est, (nam ego quidem aliam  
 potius fuisse causam suspicor, neq; ita de eis malè sentio,  
 ut, cum melius possent, noluisse credam) sed tamen si ita  
 est, non obscurum est, quàm eis pro tam sancto atq; ho-  
 nesto proposito gratiam debeamus. Ultimus locus erat  
 de genere dicendi, quo dixi eos, quidquid docent, uti de-  
 bere nitido, perspicuo, usitato, tali denique, ut sine ullis  
 salebris, sive ulla asperitate influat in aures animosq;  
 discipulorum, eisq; se non adscita fucisq; ac pigmentis qua-  
 sita, sed naturali pulchritudine ac suavitate commen-  
 det. A quo ii, quos dico, quàm longè omnes absuerint,  
 quis non videt? Et sunt tamen qui eos defendant: ut  
 nulla est tam mala causa qua patronos non inveniat:  
 dicuntq; eloquentiam in eo qui jus docet non requiri: sa-  
 tis esse si artem suam teneat: ejus præcepta dum tradat,  
 quibus ea verba pronunciet, nihil interesse. Citant et-  
 iam in eam rem verba quædam Ciceronis, quibus ait, se  
 in Philosopho eloquentiam, si adferat, non aspernari: se  
 careat, non admodum requirere: Nimiùm delicatos esse,  
 qui in tanta præclarissimarum rerum copia etiam ver-  
 borum concinnitatè requirant: & perinde facere, ac si o-  
 ptimos & saluberrimos cibos fastidiret, nisi in auro aut  
 in gemmis apponerentur. Tum præterea facilius intel-  
 ligi ac percipi, quæ qualibuscunq; verbis sine delectu ef-  
 feruntur, quàm si quis in eisdem pura ac Latina ora-  
 tione exprimendis elaboraret. Postremò, usu hoc jam &  
 experientia compertum esse, quibus verborum cura est,  
 eos ex succos ferè, & aridos, & ex sanguines, & gram-  
 maticos potius aut ludimagistros, quàm veros & solidos  
 jurisconsultos evadere: cum contra, qui magno & forti  
 animo contempserunt sermonis delicias, & illud horri-  
 dum,

*rum, incomptum, agreste, rusticatum dicendi genus ad-  
 marunt, ii demum juris ac legum cognitione impleant  
 pectus; in consultationibus, in foris, in subselliis regnent,  
 in omnium majoris momenti controversiarum disce-  
 ptatione ac dijudicatione dominentur. Quibus ut respon-  
 deam, primum dico, non existimare me eloquentiam, ne-  
 que ad jus neq. ad ullam omnino artem tractandam, ne-  
 cessario requiri: ne ad illam quidem ipsam, qua fieri elo-  
 quentes putantur. Multos enim accepimus, cum ipsi e-  
 loquentes non essent, optimos tamen aliis ad eloquentiam  
 duces ac magistros fuisse: qualem in Græcia Hermoge-  
 nem, in hac urbe Quintilianum fuisse ajunt. Et Aristo-  
 teles, si se ad dicendum contulisset, fortasse multos ha-  
 buisset superiores, quo tamen eloquentiæ præcepta ne-  
 mo unquam melius, aut perfectius tradidit. Munditiam  
 quidem sermonis non in artibus modo docendis, sed et-  
 iam in congressibus & in familiari colloquio ab omni-  
 bus ingenuis & paulo liberalius institutis hominibus  
 requirendam puto. Non gemmas, non aurum, non em-  
 blemata requiro. Et tilibus æquo animo cænare possum:  
 præsertim si epulæ sint, ut ais, exquisitæ: sed illa ipsa fi-  
 dilia tersa sint, niteant, appetentiam potius quam vo-  
 mitum concitent. An tu convivatorem feras, qui quam-  
 libet laucos cibos in vasis cæno ac luto conspurcatis ap-  
 ponat? Nam quod ajunt, facilius intelligi quæ ita dicun-  
 tur: credo equidem hoc inter ipsos verum esse. Balbi enim  
 balbos, ut est in proverbio, melius intelligunt. Ingenii  
 quidem adolescentes, in Ciceronis, Caesaris, Plauti, Te-  
 rentii & similibus libris exercitati: & Latine lingua  
 intelligentes, novos sibi de verborum significatione  
 commentarios conquirant oportet: cum accessari sunt  
 ad illas mixobarbaras cantiones. Neq. enim una saltem  
 lingua est, qua loquuntur, sed deterrimus quidam cin-  
 nus*

us ex fact  
 rum vacu  
 it, allium  
 am: ut q  
 ur, super  
 us; illa san  
 nimet. Ege  
 scentes & a  
 disciplinis e  
 um magisti  
 unt, retule  
 Improv  
 Preffit h  
 Quod aute  
 unt, non p  
 vater, cui  
 pro Deum  
 lo, in hac  
 cuiquam se  
 suo grege i  
 tius, quan  
 sum Duar  
 omitto: ad  
 que, qui ju  
 ut ad rem p  
 ad docend  
 quis: Quid  
 Non ausim  
 illud quid  
 paratum e  
 ria sunt, &  
 diligentiam  
 tius detine

nus ex fœdissima barbararum, peregrinarum, inaudit-  
 tarum vacuum colluvione, olens, ut servus ille Plantinus  
 ait, allium, hircum, barbam, suem, canem, capram, commi-  
 stam: ut quemadmodum odor, qui ex Averno afflaba-  
 tur, supervolantes aves necare solitus dicitur, ita illud  
 pus, illa sanies, illud virus optima quæque ingenia exa-  
 nimet. Ego quidem certè multos novi optimos adole-  
 scentes & acutissimo ingenio præditos, qui cum in aliis  
 disciplinis exercitati, ad artem se juris accingerent, ta-  
 lium magistrorum incondita voce perterrefacti, refuge-  
 runt, retulerunt pedem:

Improvisum aspris veluti qui sentibus anguem

Pressit humi nitens, trepidus & repente refugit.

Quod autem quasi firmamentum defensionis suæ po-  
 nunt, non posse quemquam magnum jurisconsultum e-  
 vadere, cui ulla faciendæ ac poliendæ orationis cura sit,  
 præ Deum immortalem, etiãne hoc tam erudito secu-  
 lo, in hac tanta luce ac splendore disciplinarum omnium  
 cuiquam se persuasuros putant? Quemquamne ex illa  
 suo grege inquinatè ac contaminatè balbutientium po-  
 tius, quàm loquentium proferent, quem cum Alciato,  
 cum Duareno, cum Connano comparare audeant? Sed hoc  
 omitto: ad id, quod institueram redeo. Dixi quatuor esse,  
 quæ, qui jus docent, præstare debeant, ut vera doceant,  
 ut ad rem pertinentia, ut ordise, ut genere dicendi apto  
 ad docendum, id qui non præstarent, culpavi. Dicit ali-  
 quis: Quid tu te igitur ea præstiturum esse profiteris?  
 Non ausim tantum de me, aut mihi, aut vobis polliceri.  
 Illud quidem non dubitanter adfirmo, neque planè im-  
 paratum esse me ab iis, quæ ad id efficiendum necessa-  
 ria sunt, & ut aliquid olim præstitisse dicar, summam  
 diligentiam adhibiturum. Sed, ut diei tempus est, diu-  
 tius detinendi non estis. Die crastino conabor viam

vobis munire ad titulum de Pactis minore negotio intelligendum. Dicam cur de pactis agatur hoc loco: tum quid sit pactum, quæ pactorum divisiones: qui quibus pacisci possint: quæ sint pactorum effectus. Hæc erastine disputationis capita futura sunt. Inde ad ea jurisconsultorum veterum fragmenta, quæ in hunc titulum relata sunt, sigillatim interpretanda veniemus. DIXI.

## De auctoritate & officio Judicum.

### ORATIO XIII.

HABITA ROMÆ POSTRIDIE NOVEMB. Anno dno 1661.

**C**ONSTITUERAM hodie, nullâ, ut Gajus noster loquitur, præfatione factâ, ad tractationem earum rerum, quas hoc anno docere institui accedere: idq; & vobis utilis, & mihi convenientius fore arbitrabar: nisi me amici quidam, quorum & iudicio, & auctoritati plurimum tribuo, de fixa jam statutaq; sententia deductum, sibi potius quàm mihi, hac in re morem gerere coëgissent. Neq; tamen eis planè adensus sum: sed, ut Homericus Jupiter, partem ejus quod petebant concessi, partem negavi. Nam quod contendebant, ne statim in ea, quæ hujus artis propria sunt, ingrederer, sed anniversarii laboris quasi vestibulum populari aliqua & magis ad omnium sensus accommodata disputatione exornarem, in eo non gravatè ipsorum voluntati acquievi: quod auctores erant, ut aliquod mihi undecunque argumentum sumerem, quamlibet remotum & alienum ab eo quod ageretur, popolare modò, & plausibile, & in quo ostentare

vini

vim ac copiam dicendi liberet, id ut ipsos à me obtinere  
 fierem, ipse à me non potui obtinere. Vix ista faciebam  
 adolescens, cum & omnes vias perveniendi ad aliquam  
 eloquentiæ famam studiosè conquirerem, & iis in arti-  
 bus exercerer, quas qui tractant, in eis hæc non ferri  
 modò, sed & requiri solent. Hæc verò ætate, & hac qua-  
 licunque hominum opinione de me, & suscepto munere,  
 quod ab omni vanitate longissimè abesse debet: si puero-  
 rum aut sophistarum in morem de comenda ac pingenda  
 oratione sollicitus sim, & sine ulla necessitate eas mihi  
 ad dicendum materias deligam, in quibus bellè ac com-  
 modè aliquid dicere posse videar, ineptis fortasse gra-  
 tum faciam; quos semper fucata & inania omnia, ma-  
 gis quàm vera & solida delectant: gravium certè ac  
 cordatorum hominum non effugiam justam ac meritam  
 reprehensionem. Obsequamur igitur amicorum peti-  
 tioni: sed ita, ut ne obliviscamur, quid deceat. Explica-  
 turus sum eam partem Digestorum, in qua de iudiciis  
 disseritur. Sed prius dicam nonnulla de ipso munere ju-  
 dicandi, quantum in eo sit auctoritatis, quantum pende-  
 ris & momenti ad totius Reipublicæ felicitatem; tum,  
 qualem esse eum oporteat, qui ei muneri rectè, & pro  
 dignitate præfutura sit: quæ in iudicando servanda,  
 quæque fugienda videantur: quæ omnia à nostris qui-  
 dem partim modicè attinguntur, partim ut certa & in-  
 dubitata ponuntur: à Philosophis autem, unde nostra  
 fluxerunt, accuratè ac copiosè pertractari solent. Di-  
 cam autem non oratorio more, sed hoc nostro scholasti-  
 co, & umbratili, & sedato, non ad permovendos ani-  
 mos, sed ad docendos, non ad faciendos elamores, sed ad  
 silentium potiùs & attentionem obtinendam idoneo. Ita  
 me duas res consecuturum esse confido, ut & amicorum  
 petitioni, si minus plene, ac certè aliqua ex parte satis-

fiat: & hoc quamvis ex alia arte accersitum disputa-  
 tionum mearum caput cum cetero corpore satis aptè ac  
 concinnè coherere videatur. Tanta igitur est, ut hinc  
 potissimum exordiar, in omni civitate eorum, qui judi-  
 cii præsumunt, auctoritas, ut ex eis potissimum Republi-  
 ca felicitas aut infelicitas pendeat. Etenim verè dixe-  
 runt veteres, legem esse animam civitatis, & perinde  
 felicem, aut infelicem evadere unamquamque civitatem,  
 ut bonis malis vè legibus temperata est. Utor hic legis  
 nomine magis ad populi consuetudinem, quàm ad veri-  
 tatem: scio enim, si qua mala lex sit, eam ne legis quidem  
 nomine dignam esse. Sed si tantum positum est in legibus:  
 legum autem ipsarum nullus est usus, nisi sint, qui eas  
 consequantur ac custodiant: & legum ministri ac cu-  
 stodes magistratus, unde eos nomophylacasi lato vocat:  
 magistratum porro præcipua virtute exercendis judi-  
 cii cernitur: constare opinor, qualia in civitate judicia  
 sint, talem esse totius civitatis statum. Imò verò ea pri-  
 ma fuit antiquissimis temporibus causa congreganda-  
 rum civitatum: ut essent, qui vim coercerent, tenuiores  
 à potentiorum injuriis defenderent, suum cuique tribue-  
 rent, juris æquabilitatem inter omnes proportionè tue-  
 rentur. Hanc originem creatorum regum fuisse; quod  
 vetustissimum in terris imperii nomen est, Herodotus,  
 & ab eo mutuatus Cicero tradunt. Itaque reges ipsi anti-  
 quitus judicabant, ut Minos, cujus singularis iustitia ju-  
 dicem cum veterum opinione, etiam apud inferos fecit:  
 ut Tenes cultus apud Tenedios pro Deo: quem cum secu-  
 ri insulam ex se dictam obambulare solitum tradunt:  
 eoque percutere, quos causa discussa, injuriam fecisse co-  
 gnovisset. Ut Philippus Macedo, quem etiam patienter tu-  
 lisse accepimus; oburgatum ab ancilla: cui audiendæ  
 sibi esse otium negaverat: cum illa retulisset, ne regnaret  
 igitur,

igitur, si audiendis ac dijudicandis causis vacare nolle.  
 Et per diu, qui Hebræorum populo summo cum imperio  
 præerant, non reges, sed iudices vocabantur: ut intelli-  
 gamus nihil esse tam regium quam iudicare. Sive enim  
 privata iudicia inspiciamus: verè ait Cicero, omnes omninè  
 pecunias positas esse in potestate eorum qui iudicant: si-  
 ve publica, omnium civium non fortuna modò, sed digni-  
 tas, existimatio, salus eorum, qui iudicia publica exer-  
 cent, fidei, religionisq; commissa est. Sapien-  
 tissimus homo Democritus duabus rebus Rempublicam contineri di-  
 cebat, pœnâ & præmio: earum autem rerum utraq; in  
 eorum manu est, qui munus sustinent iudicandi. Magna  
 igitur adhibenda cautio est in iudicibus deligendis: eo-  
 rumq; & singulari quadam prudentia, & spectata pro-  
 bitas esse debet, ne si, aut errore ducti, aut cupiditate ab-  
 reпти, permissâ sibi potestate, secus quam decet, utantur,  
 ipsa civitatis fundamenta subvertant. Ac veteres quidè  
 illi paucissimis verbis iudicis officium concludebant: cum  
 ita dicerent, legem esse mutum iudicem, iudicem a. legem  
 loquentem. A bono n. iudice ita pror-  
 sus omnia iudicari oportet, ut lex ipsa, si loqui posset, iudicaret: atq; ita le-  
 gem & iudicem inter se conspirare, ut sit lex quasi ani-  
 ma iudicis; iudex, quasi vox legis. Et, quemadmodum  
 Aristoteles ait, legem esse mentem cupiditatis expertem,  
 ita optandum esset, ut ejusmodi iudices reperirentur,  
 qui, omni cupiditate spoliati, mente tantùm ac ratione  
 disceptandis controversiis uterentur. Sed talia optare  
 licet, sperare non licet. Nimis enim verum est, quod in  
 quodam cantico posuit SIMONIDES, perdifficile reperiri  
 hominem  $\pi\epsilon\tau\epsilon\gamma\iota\omega\nu\sigma\ \delta\epsilon\iota\delta\ \psi\acute{o}\nu\sigma$ . Huic incommodo sapien-  
 tissimi quique veterum quacunque potuerunt reme-  
 dia compararunt. Inter quos Aristoteles censuit, in  
 bene instituta civitate, omnia, quoad ejus fieri posset,  
 legi-

legibus comprehendenda: quàm paucissima autem in potestate atq; arbitrio iudicum relinquenda. Cujus rei tres ab eo sanè graves causse adferuntur. Una, quòd multò major numerus necessarius est iudicum, quàm eorum qui leges ferant. Facilius autem est paucos bonos & prudentes viros reperire, quàm multos. Altera, quòd longius tempus datur legem aliquam laturis, quàm de certo aliquo negotio ac controversia cognitaris. In majori autem temporis diuturnitate major est penitus pervidendi veri facultas. Tertia, quæ omnium potentissima est, quòd leges & in futurum proficiunt, & universè ac generatim feruntur, ut neque gratia, neq; odio locus esse possit. At judicia & de presentibus negotiis, & de certis personis exercentur, ut & gratia, & odio, & invidia, & miseratione, & ratione proprii alienijus commodi, aut incommodi, facillimè abduci à vero iudicis animus queat. In iudiciis autem diligendis illud præcipuè observandum est, ut boni viri elegantur; in quò veteres ita diligentes fuerunt, ut sæpe in libris nostris viri boni nominæ non alijs quàm iudex intelligatur. Et Horatius narrat patrem suum, cùm sibi virtutis & officij præcepta traderet, laudandarum ætationum exempla ex iudiciis potissimùm sumere solitum esse. Sic me, inquit:

Formabat puerum dictis: & sive jubebat,

Ut facerem quid: habes actorem, quo facias hoc:

Unum ex iudiciis selectis objiciebat.

Et alibi cùm viri boni quasdam quasi notas enumerando percenseret, hanc inter præcipuas ponit:

Quo multæ, magnæq; secantur iudice lites.

Ac videte quantoperè veteres illi Romani, eos, qui res iudicabant, ab omni improbitatis suspitione puros esse voluerint. Notationi atq; animadversioni censoria non tri-

tribuebatur  
censoribus  
honore  
senatus  
tamen,  
cum mori  
ti essent  
cibus con  
tes ad tan  
causse ad  
tum nihil  
ait Horat  
quem ut  
at diu vir  
cium stat  
mentes su  
rationem  
sus in iud  
potest.  
egre de  
ad iudic  
cessario  
tiam ad f  
integritat  
servabat  
homines  
enim pler  
paupertat  
dum vide  
muneris  
considerat  
argument  
expende



tribuebant auctoritatem rei iudicata: neque si quis à  
 censoribus senatu motus esset: propterea ei aditum ad  
 honores denegabant. Quinimò quosdam à censoribus  
 senatus eiecit, ipsos postea censors fuisse legimus. Sed  
 tamen, ut omnis etiam levissima suspicio abesset à judi-  
 cum moribus, lege Julia repetundarum qui senatu mo-  
 ti essent iudices non poterant dari. *Ætas* etiam in judi-  
 cibus consideranda est: neq; enim idonei sunt adolescen-  
 tes ad tantum munus sustinendum. Cujus rei tres ferè  
 causse adferri solent. Una, quòd de moribus adolescen-  
 tum nihil adhuc certò sciri potest. Mutantur enim, ut  
 ait Horatius, in horas. Et improbum quidem esse ali-  
 quem ut agnoscas, vel unus dies sufficit, ut ait Theognis:  
 at dixi vixerit oportet, de ejus probitate certum judi-  
 cium fiat. Altera, quod in juvenibus magna & vehe-  
 mentes sunt animi commotiones, quas illi sæpius, quam  
 rationem sequuntur. Postrema, quod longus rerum u-  
 sus in iudice requiritur, qui cadere in adolescentem non  
 potest. *ἡ γὰρ, αὐτὸν Πλάτων βιβλίῳ τρίτῳ τῆς Ῥηγορίας, ἀπὸ τῆς  
 ἐξουσίας τοῦ ἀποκρινομένου ἐπιπέμπει.* Neq; verò quilibet senex  
 ad iudicandum aptus est. Non enim ut prudentia ne-  
 cessariò ætatem requirit: ita ætas necessariò pruden-  
 tiam adfert. Sed is demum, cui ante acta vitæ cursus &  
 integritatis, & prudentiæ opinionem comparavit. Ob-  
 servabatur & illud antiquitus, ne egeni & exhausti  
 homines faciliè ad iudicandum admitterentur. Cùm  
 enim pleriq; à Theognidis sententia non abhorreant, &  
 paupertatem omni ratione fugiendam putent, veren-  
 dum videbatur, ne sæpe tales iudices non tam rationem  
 muneris sui, quàm magnitudinem munerum alienorum  
 considerarent: neve libentiùs in nummorum, quàm in  
 argumentorum, quæ utrimq; adferrentur ponderibus  
 expendendis occuparentur; & utrius gravior esset  
 manus,

manus, ejus causam quoque meliorem videri pronun-  
 tiarent. Atque ob eam causam iudices non tantum ex  
 moribus & ex etate, sed etiam ex censu legebatur: quod  
 Romanis alicubi objicit Tertullianus: Cumque juris juran-  
 di religio maximum & sanctissimum fidei vinculum me-  
 ritò apud omnes existimetur, iudicaturi prius jurabant,  
 se ex legum præscripto iudicaturos: cujus rei frequens  
 apud Demosthenem, & alios mentio est. Ne verò legum  
 verbis callide, & subdole interpretandis ab earum sen-  
 tentia & voluntate discederent, adderent, τὴν πρῶτην τὴν  
 δικαιοσύνην, ut apud Demosthenem, aut quod idem valet,  
 τὴν ἀεινήν, ut apud Aristotelem in Rhetoricis, & apud Ju-  
 lium Pollucem in libro octavo relatam est: quo signifi-  
 cabant, se ita leges interpretaturos, ut rationi & equi-  
 tati maximè consentaneum videretur. Quin etiam, ut  
 majore divini numinis metu perfunderentur, iudica-  
 bant in loco sacro. Quamvis enim Deus omnibus locis  
 præsens est, ejusque, ut ait Aratus, omnia plena sunt: in  
 consecratis tamen locis magis omnes nescio, quo modo  
 illius præsentia commovemur. Atque hanc consuetudinem  
 antiquissimam fuisse, Homerus ostendit: qui iudices in  
 Achillis chypeo sculptos & senes fuisse ait, & in sedilibus  
 lapideis sacro in loco consedissee, οἱ δὲ γέροντες, inquit, οὕτως  
 ἐπὶ ξυστοῖσι ἀγοῖσι, ἵσθῃ ἐνὶ νόκλῳ. Summa autem in eo adhi-  
 benda diligentia est, ut tollantur omnes occasiones, quæ  
 possunt efficere aliquem animi motum, quo iudex abducatur à vero. Nam quod de amore ait Theocritus, pul-  
 chra ei videri, quæ pulchra non sunt, idem absolute de  
 toto talium commotionum genere dici potest: prout quisque  
 affectus est, ita res ei alias atque alias videri. Arquatis,  
 ait Varro, & veterinos omnia lutea videntur: febricitan-  
 tibus amara, quæ dulcia: aliter omnibus de rebus  
 ebrii, aliter sobrii, iudicant. Idem putandum est evenire

iis omnibus, quorum animus aut amore, aut odio, aut  
 ira, aut invidentia, aut deniq; aliquo modo occupatus est.  
 Docent Philosophi, si sensus de rebus sibi objectis vere  
 iudicaturus sit, oportere ipsum sentiendi instrumentum,  
 quod illi *αισθητικον* vocant, *κριντικον*, id est, omni qualitate,  
 earum saltem, de quibus iudicandum est, vacuum esse.  
 Sic & iudicis animum in sola veritate defixum ab omni  
 perturbacione purum ac liberum esse oportet. Male ve-  
 rum examinat omnis corruptus iudex, ait Horatius.  
 Quoniam ergo nemo, ut omnia molliatur, exsuere ac de-  
 ponere insitum atq; ingeneratum omnibus sui amorem  
 potest: ideo veteres neminem rei suae idoneum iudicem  
 esse voluerunt: quod & apud juris nostri auctores saepe  
 legitur: & ante eos ab Aristotele, & in Ethicis, & in Po-  
 liticis dictum erat. Nec de filii quidem negotio idoneus ju-  
 dex est pater. Amat enim eum ut partem sui. Et quam-  
 vis reperiuntur patres quidam, qui de filiis severissime  
 iudicarunt, ut in externa historia Zeleucus: in Romana  
 Brutus, Manlius, alii: usitatus tamen est, patres in fi-  
 liorum peccatis connivere. Sed hac de re alio loco plura  
 dicentur. Corruptuntur iudices etiam donis: & ea cau-  
 sa fuit, cur iis legibus, quae de pecuniis repetundis latae  
 sunt, punirentur, qui ob rem iudicandam pecuniam ac-  
 cepissent. Narrat Plutarchus, Thebis olim positas in  
 publico fuisse iudicum statuas, easq; sine manibus: quod  
 indicio esset, nihil eos a quoquam accipere debere: ejus  
 autem, qui iudicio praesideret, etiam sine oculis: quod  
 ipso personarum aspectu iudices interdum a recto ab-  
 duci arbitrarentur. Antonius certe apud Ciceronem  
 gloriatur, M. Aquillum, in manifesto repetundarum  
 crimine, hoc potissimum a se artificio liberatum, cum  
 eum mactum ac sordidatum produxisset, tunicamq; ejus  
 a pectore discidisset, & citatrices adversus vulnere,  
 quae

quæ ille pro Republica acceperat, ostendisset. Ita iudices, quem absentem fortè damnassent, eum, ad spectum ipsius commoti, liberarunt. Eodem artificio multis ante annis usus erat Hyperides, qui, ut narrat Athenæus, cum Phryne meretrix pulcherrima rei capitalis argueretur, atque ita teneretur, ut argumentis purgari non posset: cum multa pro ea dixisset, ad postremum statuit eam in conspectu iudicum, & pectus ejus papillasque nudavit: qui ad spectum tantum potuit, ut, quam omnium sententiis damnatum iri opinio erat, omnium suffragiis absoluta discesserit. Ex quo institutum est, ut Ariopagita noctu iudicarent. Cujus rei præter ceteros auctor est Lucianus. Sed & quò judicia integriora & incorruptiora essent, nomina ipsa eorum, de quibus ageretur, in Ariopago recitari solita, quidam tradiderunt. ut, nulla prorsus personarum ratione habita, de rebus tantum ipsis iudicaretur. Multum etiam in judiciis pervertendis potest eloquentia: neque prorsus mentiebantur veteres illi magistri, qui se docere profitebantur, quo modo causa inferior, dicendo superior fieri posset. Cui enim nota sunt verba Ciceronis in causa Cluentiana, objectas à se iudicibus teuebris glorientis? ideoque rectum erat illud eorundem Ariopagitarum institutum, apud quos Oratores præconis voce nihil verborum extra rem facere, & neque Proœmiis uti, neque Epilogis juebantur. Sapienter quoque Anastasius & alii posteriores Imperatores constituerunt, ne cuiquam administratio patriæ suæ sine speciali jussu principis permitteretur. Arbitrati enim sunt id, quod est, unumquemque necessarium in patria sua multis cogitationibus, ad finitibus, necessitudinibus implicatum teneri: usque omnibus rebus iudiciorum religionem ac severitatem impediri. Eodem pertinebant permixta antiquo more alternae iudicum reje-

rejectione  
 ti; ac pro  
 tur. T  
 jores no  
 ne pecun  
 inter ad  
 iudices,  
 constitut  
 nam non  
 ro exem  
 dum, ej  
 paternae  
 moria re  
 perpetu  
 quem ad  
 tantum  
 rum, ne  
 utriusq  
 Platone  
 idem. E  
 nis, qui  
 interro  
 gram re  
 plane me  
 vocantur  
 dum sit,  
 Scyllam p  
 ita in hon  
 ac lenita  
 data est d  
 ius tribu  
 majorē la  
 lata esse

refectiones; ut è iudiciis omnis omnino suspicio inclina-  
 ti, ac propendentis in alterutram partem animi tollere-  
 tur. Neminem, ait Cicero pro Cluentio, voluerunt ma-  
 jores nostri non modò de exiimatione cuiusquam, sed  
 ne pecuniaria quidem de re minima, esse iudicem, nisi quò  
 inter adversarios convenisses. Expediret etiam in eos  
 iudices, qui se corrumpi siviissent, gravissimas penas  
 constitui: ut fecisse Cambysen ait Herodotus, qui (uti-  
 nam non singulari, sed in omnem posteritatem duratu-  
 ro exemplo) supra iniusti iudicis corinuum in loca disse-  
 ditum, ejus filium ac successorem sedere iussit: ut eum à  
 paterna improbitatis imitatione, paterni supplicii me-  
 moria revocaret. Omnino autem iudicibus iria in animo,  
 perpetuò habenda esse arbitror. Unum, ut cogitens,  
 quemadmodum ipsi de aliis iudicant, ita de se non alias  
 tantum homines, sed ipsum DEUM iudicaturum. Alte-  
 ram, ne prius sententiam ferant, quam diligentissime à  
 utriusq; partis iura cognoverint. Merito laudatur à  
 Platone illud Hesiodi, *μη δὲ δίκης δίκας ἄνθρωποι πύθη*  
*δικάων.* Et elegans est illud Philippi, ut opinor, Macedo-  
 nis, qui cum altera aure oclusa accusatorem audiret &  
 interrogatus, cur id faceret, dixit, se eam servare inte-  
 gram reo. Postremum illud est, debere quidem iudicem,  
 planè medium esse: idè enim *μετρεῖν*, ut ait Aristoteles,  
 vocantur. Sed tamen, si in alterutram partem inclinan-  
 dum sit, ut Circe dicebat, minus periculi esse, si navis ad  
 Scyllam potius paulù inclinaret, quam si ad Charybdim;  
 ita in hominibus puniendis minus mali esse in clementia  
 ac lenitate, quam in severitia, & acerbitate. Nam etsi lau-  
 data est apud veteres prætoris cuiusdam severitas, cu-  
 jus tribunal scopulum reorum vocabant, multò tamen  
 majorè laudè haberet illa vox Neronis, si ex animo pro-  
 lata esset, aut si ipse in eadem mansuetudine perstitisset,

qui subscripturus sententia capitis in quendam; Uti-  
nam, inquit, nunquam didicissem literas. Et M. Anto-  
nini illud præcipue commendatur, quod pœnas legibus  
definitas semper usque ad aliquem modum mitigabat.  
Pleni sunt libri nostri talium sententiarum: Benignius  
interpretandæ sunt leges, quod voluntas earum conser-  
vetur. Et, interpretatione molliendæ sunt pœna potius,  
quàm exasperandæ. Non possum hoc loco præterire di-  
ctum quoddam vetustissimi Oratoris Antiphontis: εἰ δέοι  
πὶ ἀμαρτεῖν, τὸ ἀδίκως δὴπλόσασθαι ἢ τὸ ἀδίκως δὴπαλίσασθαι.  
τὸ μὲν γὰρ ἀμαρτεῖν ἐστὶ τὸ δὲ ἀδίκως δὴπολεῖν, ἀσέβημα. Cujus  
sententiæ similem quandam ex libris nostris suo loco  
proferemus. Dixi de auctoritate & officio iudicum, non  
quæcunque poteram: neque enim id aut res postulabat,  
aut tempus patiebatur: sed ea tamen, quæ dixi, neque  
aliena, neque inutilia fuisse confido. Quid præstiterim,  
vos ipsi iudices eritis. Si quis erit, qui me contendat de-  
buisse statim ad ea, quæ Juris Civilis propria erant, ac-  
cedere: ab eo peto, ne mihi veniam neget, quod ego ami-  
cis rem non magni momenti petentibus negare non po-  
tuerim: nõve sit ita difficilis creditor, ut in crastinum  
expectare nolit, cum præsertim ipsi Jurisconsulti sub  
eo, quem explicaturi sumus, titulo tradant, in mora  
modici temporis non magnum damnum  
inesse censer. DIXI.



ORA-

MA  
HA

Q

M.  
PO

ris au  
zum f  
tores  
Christi  
tefact  
argun  
posse  
Deo, b  
tia, q  
sunt: c  
nobis  
baris  
runt, q

## ORATIO XIX.

MANDATU S. P. Q. R.  
HABITA IN ÆDE SACRA

B. Mariæ Virginis.

QVÆ EST IN CAPITOLIO,  
in reditu ad urbem

M. ANTONII COLUMNÆ  
POST TURCAS NAVALI PRÆ-  
lio victos.

IDIBUS DECEMBR. ANNO  
cIo Io LXXI.

**S**I ULLA POST HOMINUM MEMO-  
riam parta victoria est, in qua & admirabi-  
lis se divini numinis potentia ostenderit; &  
quid fortium virorum virtus, quid singula-  
ris auctorum prudentia valeat, cognitum ac declara-  
rum sit: in hac certe, quam superioribus diebus Impera-  
tores ac milites nostri ex immanissimo ac deterrimo  
Christiani nominis hoste retulerant, ita hæc omnia pa-  
tes facta sunt, ut nunquam majoribus, aut illustrioribus  
argumentis, aut illustrata esse, aut in posterum illustrari  
posse videantur. Quare & immortalis ac præpotenti  
Deo, hujus tanti boni, ut aliorum omnium, auctori, gra-  
tia, quantas maximas animus noster capit, agendo  
sunt; & fortissimis, ac clarissimis viris, qui periculum à  
nobis omnibus vitæ suæ periculo depulerunt, qui bar-  
baris in nos irruentibus iter corporibus suis occluse-  
runt, qui pestem ac perniciem, quam illi nobis machina-  
bantur,

bantur, in ipsorum capita converterunt, quin illorum temeritatem consilio, furorem fortitudine, audaciam virtute superârunt, novi atque inusitati honores pro nova ipsorum atque inusitata virtute tribuendi. Quod enim tantum ac tam singulare honoris genus reperiri, ac excogitari potest, quod non & aliis, qui egregiam in hoc bello Republica Christiana operam navârunt, & tua imprimis, M. ANTONI COLUMNA, virtuti rebusq; gestis, & ab aliis CHRISTIANIS populis, & præcipue à populo Romano debeatur? Cujus universi quod sis erga te studium, quæ voluntas, neque tibi unquam aut dubium aut obscurum fuit; & tamen nuper apertissime cognoscere potuisti, cum, tuo in urbem ingressu, tantus ad te omnium ætatum atque ordinum concursus factus est, tanta effusa omnis generis multitudo, ut ipse septem colles, ipsa urbis moenia, si natura pateretur, sedibus suis relictis, obviam tibi prodire cupere viderentur. Quacunque inefferas, faustis acclamationibus omnia personabant: omnes redundantem & foras erumpere gestientem lætitiâ ore, oculis, manibus indicabant: omnium in te uno figebatur obtutus: omnes te, non ut unum ex principibus civitatis, sed ut firmissimam ac solidissimam Romani nominis ac dignitatis columnam intuebantur. Cælum ipsum manifestò favit honori tuo: cum quod aliquot dies antea triste ac nubilum fuerat, ingressuro te, ita derepente nitere cœpit, ut illa subita serenitas facillè omnibus indicârit, honores, qui tibi haberentur, etiam cœlestium iudicio comprobari. Nunc quoque, quanta hoc augustissimum templum frequentia hominum compleverit, vides: qui omnes eo animo huc convenerunt, ut CHRISTO JESU VICTORI ET VICTORIAM DATORI, UT BEATISSIMÆ VIRGINI, UT CÆTERIS COELITIBUS, QUORUM AUXILIO HANC



VICTORIAM SINE ULLA DUBITATIONE ACCEPTAM FERRE DEBEMUS, im propter fusos ac fugatos hostes, im propter te saluum ac sospitem in patriam reductum, ritè, ac piè, ut debent, gratias agant. Reatum, te, M. ANTONI, propter cuius et abeuntis periculum, et redemptis salutem, templa complentur. Meminimus omnes, superioribus mensibus, te ad bellum profecto, quæ totâ urbe fuerit trepidatio, quæ sollicitudo, qui pavor. Quamvis enim et duces delecti erant fortissimi ac sapientissimi, et ex toto propemodum orbe Christiano flos ipse nobilitatis conuenerat, et præcipua Italiae atque huius urbis ornamenta ac columina in exercitu versabantur: tamen eâ magis metuebantur varii bellorum et ancipites casus; quod, si quid aut propter vim tempestatum, aut propter hostilium copiarum magnitudinem, aut quo alio eventu grauius accidisset: nulla reliqua spes erat, illum amplius atate nostra talem exercitum posse denuò comparari. Vagabatur autem toto mari infinita quædam latronum multitudo, nostro sanguine cruenta, nostris spoliis onusta: qui et semper aliàs suopte ingenio feroces, et ium maxime propter recentes victorias spe atque animis inflati, tantos sibi spiritus, tantam arrogantiam sumpserant, ut classem quidem nostram à se spiritu ipso difflatum iri; eâ verò disiectâ, quasi ianua quadam effracta ac reuulsa, omnes sibi Christianorum portus, omnes insulas, omnem oram maritimam apertam fore arbitrarentur. Augebat timorem nostrum, quod anno superiori eas Deus alienata à nobis, propter peccata nostra, uoluntatis suæ significationes dederat, ut non injuria trepidarem, ne ille meritò nobis iratus, per hostes nominis sui à populo suo pœnas repetere decreuisset. Sed ô cæca hominum iudicia. O abstrusa et recondita Dei consilia.

Dei bo,  
notus

*O bonitatem ac clementiam ipsius perpetuo prædicandam. Verè Dominus est, qui vulnerat & medetur: percutit & manus ejus sanabunt: qui mortificat & vivificat, qui deducit ad inferos, & reducit: Pro paterna sua misericordia, castigans castigavit nos, sed morti non tradidit nos. Respexit ad lachrymas, ad jejunia, ad eleemosynas, ad preces Ecclesiæ suæ, ad quæ omnia PIUS V. ET NOMINE ET RE SANCTISSIMUS PONTIFEX; toto illo tempore, alios omnes, & præcepto & exemplo suo incitabat. En senex sanctissime, & veterum illorum Pontificum simillime, scelerum ultor, justitiæ cultor, veteris disciplinæ restitutor, cui bono publico, his miseriis ac turbulentis temporibus, Ecclesiam suam gubernandam commisit Deus: hic est fructiva lachrymarum atque obsecrationum tuarum: tui fletus pepererunt nobis hoc gaudium, tua quotidiana sacrificia hæc nobis à Deo victoriam imperârunt. Metis exsultans, quod lachrymans seminasti. Te novo Moyse manum in cælum tollente, novus hic Josua superabat Amalechitas. Tu mentem in Deo, nostri milites in barbarorum corporibus tela figebant. Confirmabant illorum dexteræ preces tuæ, & hostilium gladiatorum cuspidem retindebant. Itaque quanto plus nobis dedit DEUS, quàm petebamus? Nos timidi vota faciebamus, ut hostium classis, cum adventare nostram, auditum esset, quàm celerrimè se ad suos reciperet: quo post tot editas strages, timuisse tamen, & exspectare ausa non esse nostrorum impetum videretur. Nam illud propè immodicum videbatur optare, ut & congregarentur, & se barbari, nostrorum virtute cognita, in fugam darent. Quod si ad efficiendam aliquam imaginem speciemq; victoriæ, aliquot illorum naves depresso, aliquot captæ, numerus aliquis captivorum liberatus esset: abundè omnes non exspectationi*

tioni modò, sed optatis quoque nostris satisfactum fore  
 arbitrabamur. Ut autem sine magna nostrorum clade,  
 amplius quadraginta hostium millia caderentur: ut de-  
 cem & eò amplius millia caperentur: ut centum nona-  
 ginta quinque illorum triremes, aliq̃ complura navi-  
 giorum genera in nostrorum potestatem venirent: ut  
 plus quindecim captivorum nostrorum millia libera-  
 rentur: ut ex tanta illorum multitudine vix unus perfidus  
 pirata, & unus item scvissimi prædonis Ariadenti  
 filius fuga elaberentur, qui ad superbas immani illius  
 Tyranni aures acerbissimum minimeq̃ ab ipso expecta-  
 tum tantæ cladis nuncium adferrent, quis unquam no-  
 strum non dicam sperare, sed propemodum optare ausus  
 est? Præcurrit fortitudo vestra spes nostras: quæque  
 nos, ne frustra optaremus, verebatur, ut ea frustra ho-  
 stis optaret, admirabili Dei beneficio & vestra singula-  
 ri virtute perfectum est. Illud verò memorabile &  
 animadvertendum, neque fortuito accidisse, sed justissi-  
 mo DEI judicio effectum esse credendum est: quod quò  
 duo ex illa impura fœdissimorum mancipiorum colluvie  
 maximas minas jactare; qui uni ex omnibus Christia-  
 norum vires maxime despiciere soliti erant: ut etiam  
 apud illum stolidum ac furem Dominum suum ausu  
 essent gloriari, se centum triremibus, quicquid usquam  
 CHRISTIANORUM esset, undiq̃ exterminaturos: ii potis-  
 simum cum ad manus ventum est, ita subito perterre-  
 facti sunt, ut ware ipsum angustum eis esse ad fugam  
 videretur. O NONÆ OCTOBRES quàm faustum ac fe-  
 licem, nobis posterisq̃ nostris vestri memoriam reliqui-  
 stis. Quis non eorum, qui prælio non interfuerunt, ne  
 sibi liceret spectasse, quæ illo die gesta sunt, annum unum  
 de consequentis vitæ suæ spatio, si fieri posset, ademptum  
 veli? Solem ergo ipsum sita vivam, in tam pulchro spe-

Elaculo, ut Josue olim adversus Amorreos pugnante,  
 substitutum fuisse arbitror: nisi tanta fuisset vincendi  
 celeritas, ut, qui nihil metuebant, id unum metuere vi-  
 deretur, nisi prius ad vesperasceret, quàm omnes hostes,  
 aut cæsi, aut capti, aut fugati essent. Quanam igitur sta-  
 tua, qui arcus, quæ columna, quæ trophæa vobis exci-  
 tari poterunt, viri fortissimi, quæ non dico paria esse  
 meritis vestris, sed eorum pariem adumbrare aliquam  
 possint? qui futuri sunt usq; ad discreti ac copiosi historia-  
 rum scriptores, qui cum ad **NAUPACTEAM VICTO-**  
**RIAM** ventura fuerit, non potius metuant, ne quid de il-  
 lius magnitudine deterant, quàm eam se verbis exa-  
 quare posse confidant? Semper enim justum minuendâ  
 metum faciunt ea, quæ amplificandi spem sua magnitu-  
 dine sustulerunt. Vos exultantem barbarorum auda-  
 ciam compressistis: vos maria illis clausistis, nostras  
 aperuistis: vos flammam atq; ferrum, vos eadem, ineen-  
 dia, rapinas, libidinem, à Christianorum vita, tectis, for-  
 tunis, corporibus arcuistis: vos à templis sacrilegia: ab  
 oppidis direptionem, ab agris vastitatem depulistis: per  
 vos cruentata ac tepesacta maria illorum sanguine re-  
 fundârunt: per vos vicina litora illorum, aut fauciorû,  
 aut orientium incondita ululatibus personârunt: vo-  
 bis magistro didicit noster miles vincere, barbarus vin-  
 ci: vobis Christianorum alii vitam debent, alii liberta-  
 tem, omnes securitatem. Durum, fateor fuerat, audire,  
 tam multa oppida à nefariis latronibus capta, tam mul-  
 ta incensa: tam multas regiones vastatas: abducta in  
 servitutem tam multa hominum millia: sed, si Christi po-  
 tentia, si Christianorum fortitudo aliter apud Barbaras  
 gentes illustrari, quàm post tot acceptas calamitates,  
 non poterat, propè est, ut exclamem, tanti fuisse. Certè  
 quidem ut verni temporis clementia & amœnitas mi-

nus hilararet animos nostros, nisi eam hyemis rigor &  
 asperitas antecessisset: ita minus omnes hujus victo-  
 ria jucunditatem ac dulcedinem sentiremus, nisi eam  
 eorum superiorum temporum tristitia, & acerbitate com-  
 pararemus. Neque verò eos tantum, qui ex illo nobis  
 omnibus salutari pralio, re bene gesta, incolumis re-  
 verterunt, omnibus maximis honoribus debemus affi-  
 cere: sed eorum quoque memoriam grato animo amplissi-  
 mieque laudibus prosequi, quos in illo conflictu fortiter  
 dimicantes, non tam vis hostium perculit, quam ille ipse,  
 pro quo pugnabant, sibi pignoratus est CHRISTUS. Qui  
 si, ut credibile est, prius Christiano ritu expiatus, ac cul-  
 pis omnibus solutus, tunc verò in DEUM tantum intuen-  
 tes, & in eo mente ac cogitatione defixi, vitam pro il-  
 lius gloria projecerunt, eodem illo temporis puncto, an-  
 gelorum legionibus stipati, triumphantes in cælum e-  
 volarunt. O vos beatissimos, qui sanguinem vestrum pro  
 eo fudistis, qui prior ipse pro vobis suum sanguinem fa-  
 derat: qui mortem naturæ debitam, pro vitæ auctiore  
 potissimam reddidistis. Illi impij, quos tum concidebatis,  
 cum concidistis, & mortem oppetierunt cum ignominia,  
 & mortui pœnas nunc ad inferos luunt: vos verò &  
 extremum spiritum victores cum gloria effudistis, &  
 mortali conditione vitæ in immortalitatem commutata,  
 piorum estis æternam sedem & locum consecuti. Beata  
 vita, quæ tali morte conclusa est: beata mors, quæ tali  
 vitæ principium dedit. Sed ut ad te, M. ANTONI, me a iam  
 revertatur oratio, neque populus Romanos ignorat, neque  
 unquam ulla ignoratura est aut gens, aut ætas, hujus  
 immortalis gloria multò tibi plus, quam pro virili parte  
 debere. Tu jam inde à principio, cum à sanctiss. Pontifice  
 Pio Quinto hujus saluberrimæ Principum Christianorum  
 conjunctionis fundamenta jacerentur, ad eam rem ex

ipsius sententia conficiendam, plurimum laboris, opera,  
 auctoritatis contulisti. Tu cum classi Pontificiae summo  
 eum imperio praefectus esses, in Siciliam profectus: inter  
 ea dum JOHANNES AUSTRIUS non mea tantum, sed om-  
 nium praedicatione major adolescens: cujus in totam  
 Christianorum classem summa erat auctoritas ac pote-  
 stas, eodem perveniret, & milites, & classarios studio-  
 sissime exercuisti, & ut omnium rerum ad maximum  
 bellum necessariorum copia suppeteret, perfecisti. Tu,  
 quoties de summa re deliberatum est, eas sententias  
 dixisti, quae summam prudentiam cum summa animi ex-  
 celsitate conjunctam indicarent. Tu cum offensiones  
 quaedam intervenirent, quae rem in summum periculum  
 adduxerant: iratorum animis, sapientissime cepto consi-  
 lio, & gravi atq; accommodata ad tempus oratione mi-  
 tigatis ac compositis, nascentis mali occasionem sustu-  
 listi. Tua cohortatione inflammati milites ad pugnam  
 exarserunt: tuum in ipsa pugna exemplum secuti, omnia  
 pro Christo pericula contempserunt. Pervenit, ac per-  
 clarus est usq; huc tuarum immortalitate dignarum vo-  
 cum sonus: OPTIMIS AUSPICIS GERI QUaecunqve  
 PRO CHRISTIANA RELIGIONE GERERENTUR: BAR-  
 BARICAM AUDACIAM CEDENTIBUS INSTARE, IN-  
 STANTIBUS CEDERE: NOSTRORUM ET VICTORIAE  
 ET MORTI IMMORTALEM GLORIAM PROPOSITAM  
 ESSE: illo duce atque auspice, cujus brachia in cruce  
 pendentis effigies, e summo regis irremis eminens, no-  
 stros animaret, terreret hostes, de secundo praelii exitu  
 nemini esse dubitandum. *Audivi, audivi* ipse de fortissi-  
 mo viro, cujus eximia virtus & saepe alias, & in hoc  
 bello vel maxime spectata est, quicq; tuorum in hac expe-  
 ditione consiliorum, ac laborum particeps fuit, quam  
 praeclearum tibi, quamq; honorificum testi. monium tri-  
 buerit

buerit DIVINUS ADOLESCENS JOHANNES AUSTRIUS; post  
 pridie ejus diei, quo debellatum est: cum apertè præ-  
 dicaret, tuam in hac sancta belli societate constanda  
 præter ceteros laborem ac studium; in deliberando pru-  
 dentiam & altitudinem animi; in re gerenda fortitudi-  
 nem, & alacritatem exstitisse: te & committendi prælii  
 consuforem, & comparandæ victoriæ adiutorem sibi  
 præcipuum fuisse. *Quæ cum omnia magna & præclara  
 sint, multò tamen à te majora, & præclariora populus  
 Romanus expectat.* Properant, M. ANTONI, nostra  
 omnium vota, quique animis præsentis gaudii magnitu-  
 dinem capere vix possumus, rerum à te gestarum præ-  
 stantia, quasi quibusdam aliis sublata, cogitatione & spe  
 multò jam ulterius provolamus. Non satis est impulsisse  
 hostem: prosternendus & opprimendus est, antequam  
 se novis opibus copiisq; renovarit. Extorquenda sunt  
 vobis ex illius bellæ faucibus impioꝝ dominatu am-  
 pla illa & optima regna, in quæ, à Romano Imperio di-  
 stracta atq; divulgata, nullo jure, injustissimus possessor in-  
 vasit. *Tendit vobis Judæa supplices manus & palmas,*  
 quarum feracissima est, vestris victorius triumphisq;  
 despondet: obtestaturq; vos per eum, quem ex purissimæ  
 matris utero mirabiliter exeuntem excepit: cujus ve-  
 stigiis impressa, cujus admirandis operibus nobilitata,  
 cujus sparsa pro nobis omnibus sanguine irrigata est,  
 ne se diutius patiamini indigna Christi hostium servi-  
 tute oppressam teneri. *Duce olim columna Judæi ex  
 dura ac diuturna servitute extracti sunt. Utinam  
 nostris quoque temporibus Judæa ipsa dūce COLU-  
 MNA ex multò duriori multoq; diuturniori servitute  
 extrahatur. Proditum est literarum monumentis,  
 imperante Constantino, Constantini Magni filio, visam  
 esse*

esse in cœlo sub specie crucis ingentem COLUMNAM  
 CORONATAM, quæ longè lateq; collucens, à monte  
 olivarum usque ad eum montem, ubi Christus, pro no-  
 bis omnibus morbo affectus est, perungeret. Declaran-  
 dum est tibi, M. ANTONI, rebus ac factis, tam insi-  
 gne prodigium ad te, & ad gentem tuam pertinere. An  
 verò gentes quædam antiquis temporibus, propter  
 violata majorum suorum sepulchra gravissima bella  
 susceperunt: nos JESU CHRISTI Domini ac Dei  
 nostri sepulchrum, monumentum salutis nostræ, pignus  
 resurrectionis nostræ, ab immundis canibus tamdiu te-  
 neri, eisq; ludibrio esse patiemur? Itē potius optima  
 omnibus generosæ ac fortes animæ: ite accensa divini  
 gloriæ studio pectora: continuate victorias: connec-  
 te triumphos: invidete posteris vestris gloriam ejus  
 terræ, ex qua salus nostræ prædit, ab inmanibus bel-  
 luis receptæ ac recuperatæ. Ubi melius sanguis spar-  
 gi potest? ubi melius vita deponi? ubi verior ac soli-  
 dior gloria comparari? O Christe, te appello. In tua  
 manu bellum & pax: in tua manu victoria; in tua  
 manu regum ac populorum corda sunt. Inspira nostris  
 ardorem pugnandi: da eisdem vim facultatemq; vin-  
 cendi; immitte eam mentem principibus ac populis, qui  
 nondum in hanc sanctam societatem nomina dederunt, ut  
 id primo quoq; tempore facere maturent: non quod tu,  
 qui omnia potes, aut eorum opera, aut nostra ad hostes  
 tuos obtendos egeas: sed ut omnes, qui tuo nomine  
 gloriantur, in partem aliquam veniant ejus gloriæ,  
 qui ex nominis ac cultus tui propagatione capietur:  
 & quando urbem Romam imperii sedem ac domicilium,  
 Ecclesiam Romanam religionis firmamentum esse vo-  
 luisti; da Pio Quinto Pontifici, da populo Romano hoc  
 manus, ut in hanc potissimam urbem, & ad hunc potis-  
 simum

simum  
euniumHA  
PE

In f


 Patres  
 turbar  
 tem, t  
 randu  
 vim di  
 lam lon  
 piofi ad  
 Care ac  
 præcipu  
 ratum q  
 floruisse  
 cendo, se  
 me anim  
 ris diffie  
 ut & n  
 ra ipsa,



simum Pontificem parte tam nobilis victoria aliquando  
 evincens adferatur. DIXI.

## ORATIO XX.

HABITA ROMÆ IN ÆDE DIVI

PETRI IN VATICANO V. ID. MAI.

Anno dō Iō LXXII.

In funere Pii V. Pont. Max. qui  
 obiit Kalend. Maj. ejusdem  
 anni.

**D**ICTURUS ex veteri consuetudine de Pii  
 Quinti sanctissimi, & in omni virtutum ge-  
 nere summi Pontificis laudibus, in hoc orbis  
 terrarum augustissimo, nobilissimoq; confessu,  
 Patres amplissimi, maximoperè commoverer, ac con-  
 turbarer animo, tum ob virium mearum imbecillita-  
 tem, tum ob brevitatem temporis mihi ad me compa-  
 randum dati: Si existimarem aut ullam in quoquana-  
 vim dicendi meritis ipsius parem posse reperiri, aut ul-  
 lam longitudinem temporis sufficturam ei, qui tam co-  
 piofi ac multiplicis argumenti partes omnes pertra-  
 ctare ac persequi veller. Sed cū & omnibus, & vobis  
 præcipue, qui propius illum cognovistis, notum explo-  
 ratumq; sit, iis illum supra ceteros mortales virtutibus  
 floruisse, quarum præstantiam, non dicam exæquare di-  
 cendo, sed assequi cogitando difficile atq; arduum sit: ipsa  
 me animosiores atque alacriores facit suscepti mune-  
 ris difficultas: cogitantem, quod mihi necessario eveniet,  
 ut & multa memoratu dignissima prætermittam, &  
 ea ipsa, quæ attingam, jejuniis multò atque exiliis,  
 quàm

quàm pro ipsorum dignitate, percurram, idem cuilibet quamlibet exercitato, & omnibus rebus ad dicendum instructo homini eventurum fuisse. Ac quoniam auguratur animus: eum jam in aeternas illas beatorum sedes evectum, & cum Deo conjunctum, quæ hoc tempore à nobis dicuntur, quæque fiunt, audire atque intueri: eundem in hoc munere obeundo modum tenebo, quem tenerem, si ipse, mortali adhuc corpore indutus, præsens adesset: ut & eo genere orationis utar, quo ipsum præcipue oblectari solitum novimus, non pigmentis ac fucis oblieto, sed severo ac solido: & ea sola in ipso commendem, quæ ipse in rebus humanis sola commendanda ducebat. Qui ethnicorum more vixerunt, ethnicorum more laudantur: ego tam sancto, tamque Christiano principi nullam laudem convenire arbitror, nisi verè ac propriè CHRISTIANAM. Itaque in quibus exaggerandis, & amplificandis veteres plurimi erant, & à quibus ferè hujus generis orationum principia ducebant, patriæ claritatem, quam etiam quidam ex illis primam partem felicitatis esse dixerunt nobilitatem generis, opes, ac copias, ea nos, etiam si verè ac copiose id facere possemus, in talis tamen viri laudibus numeranda non dicemus. Quanti hæc sint, declaravit ipse Christus, qui totius orbis Dominus, obscurum & ante id tempus ignobilem pagum, in quo nasceretur elegit: Deus & Dei filius, faber & fabri filius haberi voluit: rex omnium, in paupere tugurio natus, non habuit ubi reclinaret caput. Immodò verò ii demum gloriosi mihi præter ceteros, atque illustres videntur, etiam si hæc humanarum rationum monumentis expendere libeat, qui DEO tantum freti, ea, quæ inter homines summa habentur, sine ullis ejusmodi præsiidiis, sua sibi virtute pepererunt. Pulchrum est enim ita abundare, ut nemini quidquam de-  
beas;

beas ita illustrare alios, ut nihil ipse splendoris ac claritatis ab aliis mutuatus esse dicaris. Sed, his ommissis, quæ semper sapientissimus quisque contempsit, jam quasi thesaurum quendam rerum pulcherrimarum, ac pretiosissimarum aperiens, spectandumque proponens, evolvam & explicabo vera illa & divina bona, quæ semper illum bonis amabilem, improbis formidabilem, utrisque admirabilem, reddiderunt. Qui statim ab ipso inuentis ætatis principio, cum, & divino lumine collustratus, & domesticâ, ut credibile est, institutione commonefactus, iis, qui in seculo viverent, difficilem esse in cælum viam judicasset, impulsu Spiritus sancti, fugit à patria inferiori ac terrestri, ut Abraham, iterque illud arripuit, quod ad illam superiorem ac cælestem tendenti tutius, atque expeditius esse intelligebat. Fugit ut Loth; neque post tergum respexit; cum sciret, eos, qui manu ad aratrum apposita respiciunt retrò, aptos non esse ad regnum Dei. Fugit ut Jacob, & in ea demum terra conquevit, in qua vidit scalas, per quas itur in cælum. Dedit enim nomen in laudatissimam illam D. Dominici sodalitatem; in qua, ut primum instituta est, tanquam in optimo ac fertilis agro, eodemque bene ac diligenter subactò, & excolto, viri & doctrinæ magnitudine, & vitæ sanctitate præstantes, nunquam alii aliis succrescere, alii ex aliis continenter propagari ac profeminari desierunt. In ea ita vixit, ut juvenis senibus, iuero veteranis, novitius exercitatis, tanquam exemplum continentie, tolerantie, frugalitatis, obedientiæ, omnis denique virtutis proponeretur. Neque verò cæpit quidem ita vivere, sed in eo non perstitit; neque perstitit quidem, sed non longius progressus est; neque progressus quidem, sed in medio cursu defatigatus. Immo verò totum vitæ spatium ita transegit, ut, cum jam pridem ad summam virtutis perfectionem per-

pervenisse judicaretur, ipse tamen quotidie seipso melior ac perfectior cerneretur. Cum autem alia in hoc viro admirabilia fuerunt, tamen singulare studium conservanda veræ, ac Catholicæ religionis, adversus eos, quæ illam ulla ex parte labefactare conarentur, implacabile odium semper eluxit. Quibus cum ille perpetuum bellum gerens, ne punctum quidem temporis in vita ab eis vexandis, & exagitandis conquievit. In aliis erratis condonandis, atque ignoscendis, quanquam & sui & aliorum severissimus censor, non ita se durum atque inexorabilem præbebat: qui ab Ecclesia descivissent, nisi aut ipsos erroribus, aut ipsis orbem purgaret, vitam sibi acerbam atque insuavem esse ducebat. Exedebat animum ipsius zelus Ecclesiæ: neque quisquam unquam verius idem, quod olim David, dicere potuit. Nonne qui oderunt te, Domine, oderam, & super inimicos tuos tabescebam? Perfecto odio oderam illos. Ergo cum è munus in eos inquirendi publicè mandatū esset, quas ille potentum inimicitias, quas minas, quæ pericula, quas vitæ ac capitûs dimicationes sibi, dum illos modis omnibus persequitur, defugiendas putavit? quas non potius ultrò ac cupidè appetiit? quam sæpe ab illis periturus, à Deo mirabiliter servatus est? Ut de eo dici possit, quod alicubi ait Cyprianus; Non animum martyrio, sed martyrium animo defuisse. Ob hæc tanta ac tam præclara in Christianam Rempublicam merita, primùm creatus Episcopus Nepesinus, deinde à Paulo IV. in vestrum, Patres amplissimi, Collegium adscitus, atque aggregatus, quanta cum dignitate dignitatem illam sustinuerit, quid opus est, præsertim apud vos agentem, pluribus verbis exponere? Quantum ei prudentiæ & acuminis ad videnda ea, quæ vera, & recta essent, quantum animi, & libertatis ad eadem proferenda, quan-

tum auctoritatis ad obtinenda semper fui? Nihil unquam ille in dicenda sententia aut metui, aut gratia dedit: nunquam ad cuiusquam voluntatem orationem suam accommodavit: nunquam quidquam veritate prius, aut antiquius habuit. Itaque vulgo etiam dicebant, nihil ab eo precibus peti oportere: preces enim apud eum neque ad iusta impetranda necessarias esse, neque ad iniusta extorquenda efficaces. Quod si quidam ex veteribus Romanis eo nomine felix habitus est, quod ab eo nemo ullam rem improbam petere auderet: quid hunc dicemus, quem omnes, qui quid petaturi erant, in quo vel minimum turpitudinis inesset, tanquam scopulum quendam refugiebant? Ut autem divino consilio vestris suffragiis, in Pii Quarti locum susceptus est, tanta subito extitit honorum alacritas & exultatio, tanta improborum fuga & trepidatio, ut neque illi quidquam sibi optatus potuisse contingere, neque hi usquam se iam in id posse consistere arbitrentur. Cernere erat bonos hilares & erectos, tristes improbos & abjectos: illos gaudio triumphantes, hos de consciscendo sibi voluntario exsilio consilia inter se communicantes: illi gratulationem ad templum convolabant, hi ad spectum hominum lucem vitabant: illos sublatos in caelum, hos amandatos infra terram putares. Neque verò multis edictis aut programmatibus opus fuit ad pestes quasdam hominum ex urbe pellendas. Ut sol exoriens nebulas disjicit, ut ventus aream purgat: ita nomen ipsum novi Pontificis dissipavit improbos, & urbem terra illa impurorum hominum colluvione purgavit. Jam in ipso Pontificatu qualis fuerit, si quis subtilius requirere instituat, ita reperiet, multis seculis nullum Pontificem fuisse, quid ad veteres illos, Sylvestrum, Gregorium, Leonem, ejusdemque generis alios, vivendi ratione, & consuetudine

pro-

propius accesserit. Primum enim si privata & domestica spectemus, eandem in victu cultuq; parcimoniam retinuit, quibus à principio se, cum adhuc in monasterio esset, assuescebat. Eadem jejunia erant, eadem preces, eadem statis anni temporibus à certis ciborum generibus abstinentia, eadem interioris vestitus asperitas; neque quisquam unquam intemperans tanto studio voluptates corporis consecutus est, quanto ille eas perpetuo repudiavit. Imò verò, quarum Ecclesiæ constitutionum propter senectutem, aut propter imbecillitatem corporis gratia plerumque petentibus fieri solet, iis ut ipse se solveret, quamquam & affecta ætate, & corpore admodum imbecillo nunquam tamen adduci potuit. Quotidiè ferè sacrificabat; si id non poterat, omnino tamen sacrosancto Missæ sacrificio intererat. Nunquam ex ejus ore verbum unum prodit, quod non aut ad Dei laudem, aut ad eorum qui aderant emendationem pertineret. Sic quanquam adhuc in terra positus, versabatur in celo: & cum hic nobiscum viveret, jam tamen civis erat Sanctorum & domesticus Dei. Tota quoq; ejus familia ad exemplum Domini composita erat: cumq; multis in locis familiares principum sumptuoso vestis genere, arrogantia & contemptu ceterorum, licentia & dicendi & faciendi quidquid collibuit, distingui ab aliis soleant, hic suos ita instituerat, ut nulla re magis quam modestia singulari, & præcipua quadam sanctimonia vite à vulgaribus discernerentur. Atque hæc privatim. Publicè autem quot quantaq; beneficia & in hanc urbem, & in totam Christianam Rempublicam contulit? Revocavit veterem Ecclesiasticam disciplinam: quæ ita jam obsoleverat, vix ut ejus imaginem in veterum scriptis agnosceremus. Judiciorum severitatem, quam jam improbissimus quisq; aut eludere, aut percurrere solebat,

bat, ren-  
culam  
ciis, ben-  
qui sum-  
audean-  
riiæ co-  
opera  
versus  
tem, &  
repreh-  
suos, &  
usq; eo  
duxerit  
eximio  
bus nec  
avarit-  
ac mag-  
quoque  
glorie  
innum-  
nita ih-  
stiani-  
bus sin-  
le, & o-  
celebr-  
Remp-  
Rege v-  
cas ger-  
landar-  
cipes Cl-  
tum an-  
calorib-  
sororis

bas, renovavit; cumq̄ acrioribus remediis egere hoc se-  
culum judicaret, propositis etiam acerbioribus suppli-  
ciis, hominum libidinem audaciamq̄ frenavit. In quib̄s  
qui sunt, qui eum ut nimis severum, ac rigidum culpare  
audeant, & ut molles ægroti de medicamentorum amara-  
ritie conquerantur, facere id non possunt, quin eadem  
opera de sua nequitia & levitate fateantur. Nam si ad-  
versus extraneos tantum severitate adhibuit, in se au-  
tem, & in suos remissus, atq̄ indulgens fuit, tum sane hos  
reprehensores audiamus: sin & domi, & foris, & in  
suos, & in alienos sui se similem præbuit, neq̄ quengua  
usq̄ eò carum habuit, ut ad ejus peccata connivendum  
duxerit: fateamur, id quod res est, severitatem illam ab  
eximio quodam justitiæ studio profectam, his temporibus  
necessariam ac salutarẽ fuisse. Jam eum & ab omnĩ  
avaritia ac sordibus longissime abfuisse, & liberalitate  
ac magnificentia excelluisse, & res ipsa loquitur, & id  
quoque, qui propter eas quas dixi causas parum ejus  
gloriæ favent, confitentur. Cui rei argumento est, &  
innumerabilium privatorum inopia sublevata, & infi-  
nita illa vñ pecuniarum, quæ omnibus propè orbis Chri-  
stiani partibus aliqua difficultate pressis, ac laboranti-  
bus sine ulla cunctatione subvenit. Illud verò immorta-  
le, & omnium gentium omniumq̄ seculorũ prædicatione  
celebrandum beneficium, quo universam Christianam  
Republicam affecit, inita & constituta cum Philippo  
Rege verè Catholico, & cum Venetis, belli adversus Tur-  
cas gerendi societate, quis unquam satis pro dignitate  
laudaverit? Quam in societatem, ut ceteros quoq̄ prin-  
cipes Christianos perduceret, cum alia multa molitus est:  
cum anno superiori, periculosissimo tempore, maximis  
caloribus, eum quem semper meruissimo unice dilexit,  
sororis suæ nepotẽ, Michaelem Cardinalem Alexandrinũ,

sibi sanguinis quidem conjunctione proximum, sed virtutis imitatione propiorem, in cuius adpectu, ac colloquio acquiescebat, cum quo cogitationes ac consilia sua communicabat, in quo maximum posteritati suae praesidium collocarat, eum igitur legatum in Hispaniam, in Lusitaniam, in Galliam misit: neque ejus, quem tanto per se amabat, vitam in apertum discrimen exponere veritus est, dum ne quid intentatum relinqueret, quod ad Christi gloriam & ad Christianorum utilitatem pertineret. Haec ego cum laudo, Patres amplissimi, vos laudo. Magna enim vestra laus est, aliorum quidem, quod ex corpore vestro talem principem elegistis; aliorum vero, quod vos talis princeps in amplissimum ordinem adlegit. Singulares principis nostri virtutes Deo Opt. Max. singulari felicitate cumulavit, datis ei de duplici genere hostium duabus maximis pulcherrimis & victoriis, altera terrestri de iis qui in Gallia, & à Christo, & à rege defecerant; altera navali, cujus recens adhuc memoria est, sempiterno Christiani nominis hoste, Tarcarum tyranno, sed & haec & alia plurima, quae sciens prudensque ne longior sum, praeter eo, historiarum scriptores monumentis suis commendabunt aeternitati, mihi autem breviter de ipsius exitu, ac migratione ex hac vita dicendum est: ut intelligant omnes, vitam ita laudabiliter actam, non minus laudabili fine esse conclusam. Duo sunt, quae, cum ad extremum vita ventum est, etiam spectata virtutis viros de gradu deicere interdum solent, doloris acerbitas, & mortis metus. Et sunt tamen, qui quamdiu à se mortis pericula abesse confidunt, dolorem satis forti animo ferunt. Sunt etiam, qui, dum ne gravi, & diuturno dolore crucientur, imminentem mortis necessitatem satis aequo animo expectant. Qui autem utrumque praesertim, ut neque doloris acerbitate ac diuturni-

urnitate  
entis mor  
tam forti  
Qua laus  
mmium c  
ta totos a  
maxima  
llam voc  
requentiss  
dum add  
pso morb  
exhorruit  
nimi pert  
se, ut dir  
lit; praeci  
duas aper  
Anam, que  
ves, hoc es  
sanctam E  
horum fo  
contipere  
cramenta  
liam vitam  
dam morb  
culum, co  
templa m  
leus morb  
partem p  
rum relic  
post visum  
& praecip  
motus, flu  
& secuta



ruitate frangatur, neque adventantis, atque immin-  
 nentis mortis metu terreatur, ei pectus incredibili qua-  
 dam fortitudine armatum esse ac munitum necesse est.  
 Quæ laus si cui unquam merito tributa est, huic certè  
 omnium confessione tribuenda est. Qui cum quadragin-  
 ta totos dies tantam vim doloris perpeffus fit, quanta  
 maxima cadere in hominem potest, nunquam tamen  
 ullam vocem parùm se dignam emisit: sed illud in ore  
 frequentissime habuit, Domine adde sanè ad dolorem,  
 dum addas & ad patientiam. Mortem autem sibi ab  
 ipso morbi principio certam, atque exploratam ita non  
 exhorruit, ut de ea sine ulla prorsus aut vultus, aut a-  
 nimi perturbatione loqueretur: planeq; ostenderet eam  
 à se, ut dicitur Paulus ait, in lucro poni. Ac ne cui dubium  
 fit; præscivisse eum, sibi ex illo morbo moriendum fore,  
 duas apertas, atq; illustres ejus rei significationes dedit.  
 Unam, quod Cardinalem Alexandrinum pridie Parasce-  
 ves, hoc est, vicesimo nono ante ipsius obitum die, sacro-  
 sanctam Eucharistiam sibi porrigentem, & usitata ver-  
 borum formula utentem, jussit insistere, & ita verba  
 contipere, ut in iis tantùm fit, qui sanctissimum illud Sa-  
 cramentum pro viatico accipiunt, ut paulò post ad a-  
 liam vitam commigraturi. Alteram quòd cum, ob quan-  
 dam morbi levationem, depulsum ab eo esse mortis peri-  
 culum, constans opinio esset, septem illa præcipua urbis  
 templa invisere voluit, ejusq; itineris, quanquam viri-  
 bus morbi gravitate ac longinquitate dejectis, magnam  
 partem pedibus confecit, aperte profitens, velle se eo-  
 rum reliquias postremum videre, quos se non multò  
 post visurum esse speraret in cælo. Mortem autem illius  
 & præcesserunt multa prodigia, terræ fremitus, terræ-  
 motus, fluminum inundationes, crebri fulminum jactus,  
 & secuta est tanta populi consternatio, ut ejus deside-  
 rium

riam vix longo tempore mitigari posse videatur. Sed nos quidem alienissimo Reipublicæ tempore optimo & præstantissimo principe orbatî sumus: ille autem, ut confidimus, è tenebris, ac vinculis corporis in lucem libertatemq; productus, promissam piis omnibus possidet hereditatem: ita ut mors ipsius, si sortem nostram respiciamus, cultu & lamentationibus; sin ipsum, cultu & gratulationibus prosequenda sit. Vos verò, Patres amplissimi, quos jam unos maestâ tanti gubernatoris obitu intuetur Ecclesia, quorum ex auctoritate ac suffragiis, secundum Deum, tranquillitas temporum & salus Reipublicæ pendeat, consulite quàm primam rebus afflictis, & ex vestra nobilissimo corpore ac Collegio, aliquem ejusmodi Ecclesiæ rectoram deligite, qui & sedare possit anærorem ex hujus morte conceptum, & voluntate, prudentia usus rerum, auctoritate aptissimus sit ad perficienda pulcherrima ac præstantissima opera, quæ pro opera hujus morte imperfecta atque inchoata manserunt. DIXI.

## De via & ratione ad eloquentiæ laudem perveniendi.

### ORATIO XXI.

HABITA ROME NON. NOVEMB.

Anno clō Id LXXII.

**H**IS civile me non vulgari via, sed nova quadam, & ante me in his quidem scholis inusitata ratione tradere ingressum, & in opere institutoq; pulcherrimo quartum in annum, magna auditorum frequentia, magna animi contentione versantem, vestra, Cardinales amplissimi, in medio carsis insistere, aliudq; munus suscipere coëgit auctori-

tas.

tas. Nam, cum homo eruditissimus, qui tradendis eloquentie preceptis in hac urbe consenuerat, & adstricta valetudine, & ipsa jam lateate otium ac quietem postulante, missionem à vobis honestissimam impetrasset, nec ei facile successor idoneus reperiri posse videretur, mihi potissimum mandandum esse ab eo de relictam provinciam censuistis. Parebo libens, ut debeo, auctoritati vestre: neq. mihi quidquam unquam à vobis imponatur aut laboris, aut oneris, quod non ego prompto atq. alacri animo subeam: quaeque mihi à vobis imperata erunt, nunquam aut aspernabor ut nimis humilia, aut ut nimis ardua extimescam. Vestrum est discernere ac statuere, quam à quoz nostrum hujus quasi Resp. literariae partem administrari ac procurari velitis: nostrum, parere & mandata vestra subsequi, neq. unquam nobis ita placere, aut tantum nobis tribuere, ut de vestro iudicio iudicemus. Equidem quod ad me attinet, neque ullam artem, quae quidem hominis ingenii studia digna sit, sordidam & abjectam esse duco; & hanc ad quam tradendam nunc vocor, semper nihil solum existimavi: & si aliter sentirem, fortassis tamen non vererer imitari Laconem illum, qui in convivio extremoloco iussus accumbere, conviatoris ingenium ac iudicium commendavit, qui rationem excogitasset, quae illi quoq. loco dignitatem compararet. Non enim tantum, ut valgo dicitur, magistratus virum ostendit, & in luce hominum collocat, sed etiam saepe magistratus is qui eum genuit, exornat. Epaminondas forunt, cum à cripibus suis Telearchus creatus esset: is apud Thebanos magni momenti magistratus: non detrectasse, sed dixisse ita gesturum, ut deinceps Telearchia honoratier haberetur. Atque ita effectum est. Tantum enim Epaminonda valuit auctoritas, ut post eum Telearchi perpetuè creati

sint ex principibus civitatis. Hæc & talia dicerem, si in  
 eloquentiæ professione parum inesse dignitatis existi-  
 marem. Sed & de re ipsa, & de me longe mihi alia opi-  
 nio est. Quamvis enim non inficior, magnum me semper  
 amatorem atq; admiratorem disertæ atq; ornatæ ora-  
 tionis fuisse: studioq; in eam rem operam dedisse etiam,  
 si vultis aliquando imposuisse populo, & apud eos qui  
 me cum deterioribus comparabant, in aliquam non in-  
 fantis, neq; indiserti hominis opinionem venisse: vereor  
 tamen, ne exemplo meo comprobem id, quod tradunt  
 rei militaris scriptores, etiam veteranos milites pro ty-  
 ronibus habendos, cum diu à pugnando cessarunt. Sed  
 quoniam id tantum à me expectari ac requiri puto,  
 primum ut vobis, adolescentes, indicem ac commonstrem  
 eas vias, quibus ad eloquentiam posse arbitror perve-  
 niri: deinde ut ad superandam earum difficultatem,  
 quantum in me erit, si quid modò erit, neq; autem mul-  
 tum, neq; tamen nihil omninò fore confido, auxilio sim:  
 suscipiam, ne subibo paulò majore cum fiducia onus id,  
 quod mihi si meum perpetuum publicæ utilitatis stu-  
 dium divinæ benignitatis aura comitetur, utcumq; posse  
 videor sustinere. Ut enim, si quis homo egens ac tenuis,  
 alios se collocupletaturum esse profiteatur, ridiculus  
 sit: sin id tantum polliceatur, ostensurum se, quam viam  
 insistere debeant, qui rem facere cupiunt, nihil tamen  
 alienum atque abhorrens à fortuna sua suscipere vi-  
 deatur: sic ego, si ea me traditurum dicere ausim, quibus  
 eloquentes fieri possint, meritò irridear, cum ipsi mihi  
 eorum perexigua pars suppetat; sin id tantum dicam,  
 posse me iis, qui eloquentiæ studio tenentur, vias que  
 ad illam ferant ostendere, & ad id quod adamârunt  
 consequendum aliquid opis afferre: causse, ut opinor,  
 nihil sit, cur me quisquam aut nimium mihi adsumere,  
 atque

atque arrogare dicat, aut ea polliceri, quæ præstare non  
 possim. Nolite autem, auditores, existimare, me vulgare  
 aliquid vobis & in medio posuim polliceri, cum polli-  
 ceor, me vobis itineris ducem ad eloquentiam fore: neq;  
 ita eloquentia nomen accipite, ut vulgò accipi consue-  
 vit. Hodie enim ut quis vulgaria Rhetorum præcepta  
 utcunque didicit, & in Ciceronis scriptis tantum posuit  
 operæ, ut, adhibito Nizoli libro, possit orationem aut  
 epistolam scribere, cuius tum singula voces, tum ipsa et-  
 iam structura, & collocatio Ciceronem oleat, proinde  
 magno eorum consensu, qui nihil altius, aut sublimius  
 cogitant, eloquentis nomen assumit. Itaque, si de quo-  
 piam istorum percunctère, num Platonem, Aristotelem,  
 Theophrastum legerit: denique num Philosophiam at-  
 tigerit, negabit: se enim, reliquit aliis Philosophiæ stu-  
 dio, eloquentiæ gloria contentum fuisse. Quid Herodotum,  
 Thucydidem, Xenophontem quam diligenter, stu-  
 diosèq; versaverit? Aliquid se fortasse ex eis libasse di-  
 cet, sed properantem & aliud agentem, & qui unam  
 modò spectaret eloquentiam. Certè igitur Hæmerum  
 quem ut cæterarum ingenuarum artium, ita eloquen-  
 tiæ quasi fontem quendam, esse dicunt, Sophoclem, Euri-  
 pidem, à quo optimè alii eloquentiam, ipsi eloquentiæ  
 magistri prodiderunt, cæteros denique Græcos & Lati-  
 nos Poëtas accuratè pervoluisti. Quem tu mihi in-  
 quit, Hæmerum, quem Sophoclem, quas nugæ nomi-  
 nas quasi ego Poëta, non Orator, esse voluerim. Nisi  
 rum, igitur, cum à te omne aliud scriptorum genus ab-  
 dicasses, in illis eloquentiæ luminibus Lysia, Hyperide;  
 Andocide, Isæo, Isocrate, Demosthene, quam plurimum  
 olei consumpsisti, in eis egregium aliquod studium è. No-  
 cæsti, eos, sæpè relegens in saccum ac sanguinem conver-  
 tisti tuum. Imò, inquit, quorundam ex istis vix ipsa no-

mina agnosco: alios à Cicerone meo commendari memini, qui mihi solus in amoribus ac delitiis fuit, quem ego, admirabili quodam eloquentiæ studio inflammatus, nunquam ex oculis, ex manibus, ex sinu deposui: cuius in scriptis ita diligens ac sollicitus fui, ut, quemadmodum nummi aurei aut argentei à plumbeis tinnitu ipso dignoscuntur, ita ego voces Ciceronianas ab iis, quæ Ciceronis non sunt, sono ipso discernere ac diiudicare possem. Bene sit, inquam, istis auribus tuis tam delicatis, tamq̃ eruditis: sed cur, quæso, cum Ciceronem tanti facias, eos, quos tantoperè ab eo laudari videbas, non attingisti? Istos, inquit, legissem, si Gracè eloquens esse voluissem. Latine quidem eloquentiæ laudem affertanti satis esse unus Cicero visus est. Quæ ista, malum, Latina eloquentia est, aut quando quisquam veterum istud iter ad eloquentiam tenuit? Mibi quisquam eloquentiam vocat, cum genera causarum, & nomina figurarum, & vulgaria quædam præcepta de conformandis orationis partibus, & huiusmodi naniæ didicerit, voculas ex Cicerone collectas conjungere, & ex eis quasi tessellis junam ac famelicam orationem contexere, sedulo caventem ne quid dicatur, quod non antè Cicero dixerit? Picarum & Psittacorum ista eloquentia est, auditas voces iterare ac reddere, neq̃ quidquam unquam dicere quod sit verè ac propriè tuum.

Aliud antiqui vocabant eloquentiam, qui nisi de civilibus negotiis ornate ac copiose loqui posset, qui dicendo animos audientium flecteret, qui admirationem concitaret, qui modò clamores faceret, modò circumfusam multitudinem stupore defigeret, neminem eloquentem vocabant. Itaque qui se dicendi magistros profitebantur, multa de ratione argumentandi, multa de virtutibus ac vitiis, multa de permotionibus animi, multa

de re-

de veterum institutis, ac legibus, multa de ratione instituendarum ac gubernandarum civitatum disputabant, sed propterea non Rhetoras, aut, qua tunc usitata erat ipsorum appellatio, Sophistas, sed gloriosiore ac magnificentiore nomine Politicos nominabant. In quo etsi eos Aristoteles coarguit, ipse tamen docet, Rhetoricen quiddam esse ex Dialectica & ex Politica constatum atque compositum: & opus Rhetorices esse ait in rebus omnibus, quae in consultationem cadunt, omnia videre, quae ad fidem faciendam accommodata sunt. Tribus autem praecipuis capitibus contineri ait, si ita dicamus, ut, qui audiunt, bonos viros esse nos opinentur. Si eorum animi motus quosdam concipiant ad id, quod volumus efficiendum atque obtinendum accommodatos: si id quod probare volumus, aut demonstremus, aut demonstrare videamur. Ut autem Dialecticus, non ille ex scholastico pulvere clamator odiosus ac molestus, sed verus ac germanus Dialecticus duobus ad probandum instrumentis utitur, syllogismo & inductione: sic etiam compar ac geminus, & in dissimili genere simillimus orator duo alia habet, quae duobus illis ex altera parte respondeant, enthymema quod syllogismo, exemplum quod inductioni. His duobus armatus est, his pugnat, his suam & aliorum dignitatem tuetur: neque sine magna copia enthymematum & exemplorum ad omnem dicendi materiam comparata, eloquenti nomen sustinere quisquam potest. Enthymematum copia à Philosophis, exemplorum à Poëtis & historiarum scriptoribus petitur: neque quisquam oratoris, aut eloquentis nomine dignus evaserit, qui non prius omnia Philosophorum scripta, quae quidem ad formandos mores & ad tractandam Remp. pertinent, omnem historiam veterem, omnes antiquos & Graecos, & Latinos Poëtas diligenter & accuratè pervolvisti.

*Magnum labor, dixerit aliquis. Fateor: sed magnum &*  
*id, quod hoc labore petitur. Et verum est, quod ait Ha-*  
*ratus: nil sine magna vita labore dedit mortalibus. Ad*  
*hanc facultatem, consequendam ego me vobis, Audito-*  
*res, quantum vires meae ferent, ducem ac comitem pro-*  
*fiteor. Restrares agitur vobis, ut ille ait Comicus se-*  
*nex, senitis vobis occatis, vobis eisdem metitis, vobis*  
*denique, sic pariet letitiam labos. Et debitis me quoti-*  
*die causa vestra efficienitem, quacunque potero, canan-*  
*tem, etiam ea, quae non potero. Alite vos quoque, studium*  
*meum attentione vestra: & dum etas apta est ad la-*  
*bores, perferendos, dum animus nullis aliis curis occu-*  
*patur, dum caetera, quae ad capiendum ingeni cultum*  
*requiruntur, affatim suppetunt, nolite committere ut*  
*utilitas vestra, quae & Gregorio Pontifici Maximo, &*  
*amplissimis Cardinalibus, quibus ille munus hoc de-*  
*mandavit, & nobis omnibus tanta cura est, a vobis, a*  
*quibus minime decet, negligatur. Equidem pro mea vi-*  
*rili parte nullo loco vobis deero: docebo, admovebo, in-*  
*stabo, urgebo, excitabo, nonnunquam etiam, si res ita*  
*poscere videbitur, objurgabo atque increpabo. Nolite ex-*  
*spectare, dum vobis aduler, Contemnam vos, si vos li-*  
*teras contemnetis. Sin eas amabitis: & amabo, ipse*  
*commoda vestra ex animo, & ut vos me vicissim meri-*  
*to ametis, operam dabo. Sed, ut diei tempus est, diu-*  
*rius detinendi non estis. Secundum librum Tufcaba-*  
*narum disputationum explicare decrevi. Cras id fa-*  
*cere incipiam. Polliceor autem vobis, qui me at-*  
*te audient, curaturum me, ut eis*  
*operae suae ratio constet.*

DIXI.

Pro



## Pro Carolo IX. Galliarum Rege

Christianissimo ad Gregorium XIII.

Pont. Max.

## ORATIO XXII.

HABITA ROMÆ KALEND. JANUAR.

Annō dō 15 LXXII.

**S**I procius quisque propugnatione ac defensione plura pericula subit, plus excepit acerbitatem, pluribus quasi procellis ac tempestatibus agitatus est: plus gaudii ex iis, quæ ad retinendam atque amplificandam illius dignitatem pertinent, ad eum pervenire credendum est: dubitare non potes, Beatissime Pater, quin Carolus Rex, te Pontifice creato, tantò ceteros Reges eximia quadam percepti ex eare gaudii magnitudine superaverit, quãtò non hujus modò memoriæ, sed omnium ætatum ac seculorum Reges gravi ac diuturna susceptorum pro Sedis Apostolicæ auctoritate laborum ac discriminum perpeſsione superavis. Quò tibi gratior esse debet ac iunctundior gratulatio, quæ tibi hodierno die fit ejus Regis nomine, qui eum, pro incredibili studio atq; observantia et caritate sua, primus omnium hoc officio fungi cuperet: his tamen difficultatibus, quæ omnibus nota sunt, impeditus non prius tibi gratulari potuit, quam divino consilio contigit, ut possis tu quoq; ei vicissim verè ac meritò gratulari. Etsi autem, quæ proximè in Gallia pro religionis gesta sunt, propter summam illius regni nobilitatem atque amplitudinem toto jam orbe celebrantur: neque locus, neque regio in terris ulla est, quæ non plena sit & laborum ac miseriarum, quas

annis pertulerunt: & virtutis ac felicitatis, quae nuper  
 usus Carolus Rex, maxima ex parte eos in veterem sta-  
 tum vindicavit: quia tamen neque Regis nostri & nomi-  
 ne, & re Christianissimi pietas in Deum, quam ipse om-  
 nibus notam testatam esse vult, ulla ex re melius co-  
 gnosci; neque ullum dicendi argumentum hoc quidem  
 tempore reperiri potest, in quo plus aut dignitatis, aut  
 delectationis inesse videatur: peto à te, Beatissime Pa-  
 ter, ut hoc temporis, quod mihi ad dicendum tua beni-  
 gnitae conceditur, in harum potissimum rerum tracta-  
 tione consumi collocariq; patiariis. Quis igitur in Gallia  
 rerum status fuerit, quo tempore Carolus Nonus ad Re-  
 gni gubernacula morte fratris admotus est, omnes fa-  
 cile recordamur. Nam, quae mali via jam tunc Henrico  
 regnante, in venis ac visceribus Galliae concepta ac con-  
 clusa latuerat, cuique optimus ille Rex, ob perpetuò de-  
 plorandum inopinatae mortis eventum, remedium ad-  
 hibere, cum maximè euperet, non potuerat: eadem cum  
 se sub Francisco secundo commovere cepisset: & ab eo  
 quoque intempestiva morte praerepto, compressa modò  
 & cohibita, non etiam extincta & sublata esset ad ex-  
 tremum universa se ingresso regnare Carolo, effudit. Ut  
 autem aqua impetus saxorum lignorumve oppositu diu  
 retentus ac retardatus, si fortè tandè ea, quae obstabant,  
 aut sublata, aut perrupta & disiecta sunt, multò major  
 ac vehementior esse consuevit; ita illi hominum omnia  
 turbare cupientium cœtus, quos ad id tempus legum ac  
 regum terror tanquam vinclos infrenatosq; tenuerat,  
 fractis postremò repagulis furere ac bacchari per nobi-  
 lissimum regnum, & in summa impietate summâ licentiâ  
 nacti, divina humanaq; omnia cadibus & incendiis mi-  
 scere ceperunt. Atq; ut antiqui fictis fabulis memoriæ  
 prodiderunt, Hercule recens nato, duas ad eum inusi-  
 tate

datae magnitudinis angues supernè lapsos esse, qui iacentem adhuc in cunis opprimerent: hoc novo Hercule (Qui enim adhuc adolescens tot iam monstra perdomuerit, meritissimo huius nominis honore affisi potest) regni habenas tractare aggresso, infinita quaedam non è superiore loco demissa, sed ex inferis emersa exstitit anguium vis, qui & pestilenti afflatu suo omnia contaminare, & terribilissimum virus suum longè lateq; spargentes, non ipsi modò regi adhuc puero, & regnum & vitam, adimere, sed & ex toto regno verum Dei cultum, quo uno aeternae vitae spes continetur, exterminare conarentur. Qui divini quidem numinis metu iam pridem projectos; legum autem & iudiciorum auctoritate, tum maxime propter infirmam regis aetatem contempta ac conculcata, quam stragem, quas calamitates, quam vastitatem, quot inaudita crudelissimorum facinorum exempla in Galliam intulerunt? Horret ac refugit animus ea memorare, quae post illas pestes ac furias ab humani generis hoste immixtas, contigerunt: profanata, everisa, incensa templa: aras sacerdotum caede maculatas: abstractas ex sedibus suis virgines Deo sacras, direptas urbes, campos manantes sanguine, fluviorum cursus humanis corporibus impeditos: ludentem excarnificandis hominibus feritiam, feritatem, ne conditis quidem mortuorum ossibus ac cineribus abstinentem. Quis usque eò Gallicis, aut potius Christiani nominis hostis est, qui illa sine lachrymis aspicere potuisset? O Gallia, Gallia, tot virorum fortium, tot egregiorum principum, tot summorum Pontificum, qui tantà cum laude Ecclesiae DEI praesuerant, parens. Tunc illa es, quae susceptam à Christi & Apostolorum discipulis fidem nunquam peste a deserueras? quae non à tuis tantum, sed ab aliorum quoque finibus haereticos aliosq; hostes nominis Christiani tam saepe depuleras?

Quae

Quæ Europam, Africam, Asiam, gestis pro Christi fide  
 bellis nobilitaveras? quæ violatam ab aliis Sedis Apo-  
 stolice dignitatem tam sepe restitueras? tam firmis  
 presidis sepe seras? tam multis ornamentis affeceras?  
 quæ urbem Romam ab imminente direptionis & excidii  
 periculo tam sepe libera veras? Verè enim hoc, Beatis-  
 sime Pater, verè & sine cuiusquam injuria gloriari pos-  
 sumus: duabus præcipue laudibus homines nostros, post  
 Christum natum, supra ceteras gentes perpetuò flo-  
 ruisse, quòd & Christianæ religionis non conservandæ  
 tantum, sed etiam propagandæ studiosissimi, & ad acci-  
 pienda omnia regum suorum imperia paratissimi sem-  
 per fuerunt. Omnes autem illarum pestium conatus ed-  
 dirgebantur, ut & à Deo, & à Rege abductam Galliam,  
 earum, quas dixi, laudum utraque spoliarent. Quod, si  
 utrumque consequi ac perficere non possent, certè qui-  
 dem ut eam à summorum Pontificum cultu, & à Roma-  
 na ac Catholica Ecclesia communione divellerent. Hoc  
 præcipue irubebant: hoc spectabant: hæc eis à princi-  
 pio mens hoc consilium ac propositum fuit. Neque verò  
 dissimulantes ferebant, conquereuros se, & ut prius, re-  
 gis Imperio parituros, dum Romani Pontificatus au-  
 thoritas, & Gallia tolleretur. Quin etiam, si se Rex ab hac  
 sancta sede dissociare vellet, promptam ei & facilem  
 viam ad suos regni præferendos, & ad finitimas pro-  
 vincias sub Imperium suum subiungendas ostentabant.  
 Sed magis & à natura ipsa ad honestatem conforma-  
 tus animus, nec asperitatibus terrori, nec ulla utilita-  
 tis specie à recto vocari potest. Rex fortissimus & ma-  
 joribus suis dignissimus, qui PIETATIS AC JUSTITIÆ  
 gloriam ita etiam puer adamasset, ut ipsis earum virtu-  
 tam in minibus quasi pro simbolo utatur, omnia sibi  
 prius perferenda statuit, quàm quidquam committen-  
 dum,

dum, quo earum alterutra, vel minima ex parte violari videretur. Repudiatis igitur omnibus improborum consiliis ac suasionibus, magno ille quidem cum dolore ac cruciату animi, sed tamen, ut qui corruptas ac vitiatas corporis sui partes, aliis omnibus frustra tentatis, urunt postremo, aut secant, ne earum contagio ceteris obsit, cum jam in lenioribus remediis nulla spes esset, ad acriora descendere, & vim quodammodo visceribus suis inferre coactus est. Intestinum ac domesticum bellum, in quo omnia, quæ cogitari possunt miserrima, insunt, necessarium ei adversus suos suscipiendum ac regendum fuit: & rana restinguendus ignis, ne tota Gallia eodem incendio conflagraret. Commissa multa prælia: multa casa hominum milli, sæpè fusi ac profligati hostes: Rex tamen clementissimus, & suos, si qua ratione posset, prolatando potius ad sanitatem perducere, quam delere ac perdere cupiens, eis conditionibus acquieverat, quas æquissimas etiam iniquissimi judicarent. Pacata ac composita omnia videbantur: jamq; spes erat, plerosq; ex illis miseris agnituros errorem suum, & ad Ecclesie gremium suapte sponte redituros: Cum illi patriæ prædones, ac parricidæ, qui totam propè Galliam insepultis suorum corporibus obruerant, quasq; sepelierant, quorum ipsi gladii assuesacti trucidandis insontibus, assidue cædem sanguinemq; sitiebant, parùm se ante actæ vitæ responsuros judicârunt, nisi palmas illas, quarum adhuc cruda & recens memoria erat, novi sceleris accessione cumlarent. Agebant illos præcipites, & ad supplicium rapiabant pœnæ eorum, quæ tam multa adversus Deum & homines impiè nefarieq; commiserant: is illi agitati, & à mente consilioq; deducti, veriti non sunt adversus illius regis caput ac salutem cõjurare, à quo post tot atrociora facinora, non modò veniam consecuti erant,

sed etiam benigne & amanter excepti. Quae conjuratione sub idipsum tempus, quod patrando sceleri dictum ac constitutum erat: divinitus detecta atque patefacta, conversum est in illorum sceleratorum ac sedifragorum capita, id quod ipsi in regem & in totam prope domum ac stirpem regiam machinabantur. O noctem illam memorabilem, & in fastis eximiae alicujus notae adjectione signandam, quae paucorum seditiosorum interitu regem a praesenti caedis periculo, regnum a perpetua civilium bellorum formidine liberavit. Quae quidem nocte stellas equidem ipsas luxisse solito mihi videtur: & flumen Sequanam majores undas voluisse, quod citius illa impurorum hominum cada vera evolveret, & exoneraret in mare. O felicissimam mulierem Catharinam regis matrem, quae cum tot annos admirabili prudentia parique sollicitudine regnum filio, filium regno conservasset, tum demum secura regnantem filium adspexit. O regis fratres ipsos quoque beatos: quorum alter, cum, qua aetate caeteri vix adhuc arma tractare incipiunt, ea ipse quater commissa praelio fraternos hostes fregisset ac fugasset, hujus quoque pulcherrimi facti praecipuam gloriam ad se potissimum voluit pertinere; aliter, quanquam aetate nondum ad rem militarem idonea erat, tanta tamen est ad virtutem indole, ut neminem nisi fratrem in his regendis a quo animo sibi passurus fuerit anteponi. O diem denique illum plenum letitiae & hilaritatis, quo tu, Beatissime Pater, hoc ad te nuncio allato, Deo immortali, & divo Hludovico regi, cujus haec in ipso pervigilio evenerant, gratias acturas, indictas a te supplicationes pedes obiisti. Quis autem optabilior ad te nuncius adferri poterat? aut nos ipsae quod felicius optare poteramus principium Pontificatus tui, quam ut primis illis mensibus tetram illam caliginem nobis genti insignentori capere potentem te Pontificis, animi spolis tua praesentibus sanctissimae potentissimae sinceritatis quidem esse: cae observatione admissimorum locum eos potentem contentam ditae inter hoc loco illi percipere pridem diversae reddidit quam nihil eos, quantum befactarationes

lignem, quasi exorto sole, discussam cerneremus: Hoc ille  
 nobis portendebat ac praesignificabat dissectus draco,  
 gentis tuae, beatissime Pater, nobilissimū ac pulcherrimū  
 insigne: fore, ut immanis ille draco, aut illa potius mul-  
 torū capitū hydra, quae non paludē aliquā Lernaem; sed  
 potentissimū & opulentissimū regnū tamdiu obsederat,  
 te Pontifice dissecaretur. Nunc igitur cōtemplare, quaeso,  
 animo novū illum Davidē, cōsi ac prostrati Gigantis  
 spoliis ac sanguine decorū: Eumq; hilari vultu ad gonus  
 tuae provolutum, ita tecum loqui existimato: Ego, Pater  
 sanctissime atq; optime, cum majores meos, maximos &  
 potentissimos Reges, accepssem omnes usq; à Hiodoveo in  
 sinceritate atq; integritate religionis Christianae, ne uno  
 quidē excepto, plus mille annos firmē ac constanter per-  
 sistisse: eosdemq; praecipua quadam erga Sedem apostoli-  
 cā observantia periculisq; ac laboribus pro illius defen-  
 sione aditis, & illud, quo nullum pulchrius est, Christia-  
 nissimorū nomen, & primariū inter Reges Ecclesiae filios  
 locum consecutos: statim à puero illud mihi proposui, ut  
 eos potius, aut adaequare, aut etiā, si fieri posset, superare  
 contenderē, quā cōmitterē, ut nō satis respondere tra-  
 dita mihi ab illis gloria judicaret. Itaq; & Pium V. dum  
 inter homines fuit sanctissimē ac religiosissimē colui, &  
 eod ad meliorem vitam vocato, cum primū audivi te in  
 locū illius esse successū, tanto gaudio affectus sum, quanti  
 percipi, aut cogitari maximum potest. Multa enim jans  
 pridem de tuis in omni genere praeclearis virtutibus au-  
 diverā, quae de isto honoris amplissimi fastigio dignissimē  
 reddidissent. Prudentiam, quam nihil fallere, justitiam,  
 quam nihil inflectere; fidem & constantiam erga ami-  
 cos, quam nulla temporum asperitas imminuere, aut la-  
 befactare potuisset. In colendo Deo pietatem sine simu-  
 latione; in regendis hominibus severitatē sine superbia;

in administrandis negotiis & sine festinatione diligentiam, & sine tarditate gravitatem. Movit etiam me subita illa totius Cardinalium Collegii in decernenda tibi summa potestate consensus: quæ neque sine certa & explorata opinione virtutis tuæ, neque sine singulari divinæ providentiæ afflatu potuit contigisse. Magna spes tenet, fore, ut sub tali Pontifice in ovile Christi gentes, & quæ veram religionem nondum acceperunt, aggregentur, & quæ ab ea desciverunt, denuò congregentur. Quam ad rem perficiendam omnes meas & regni mei opes tibi libentissimè defero, ea fide, quam rebus in regno meo gestis satis jam & tibi & universo orbi, ut arbitror, approbavi; simulq; tibi & APOSTOLICÆ SEDIS, QUAM DEBEO OBEDIENTIAM PRÆSTO ATQVE EXHIBEO, ET PRÆSTITURUM ATQVE EXHIBITURUM IN PERPETUUM SPONDEO. Neque dubito fore, ut à te vicissim quæcunque ad meam & regni mei dignitatem pertinebunt, non tantum intacta & inviolata conserventur, sed etiam, ubi occasio tulerit, augeantur. Hæc, quæ tibi Rex ipse, Beatissime Pater, præsens dicere cuperet; quia id non poterat, per hunc illustrem virum Nicolaum Rambolleti Dominum, equidem ordinis regii, unum ex intimis Consiliariis suis, custodiarum suarum præfectum, Caroli Cardinalis Rambolleti fratrem, & naturæ, & viriute germanum significanda censuit. Quanquam enim facile intelligebat, hæc eadem te ex præstanti viro, pariq; dignitate prædito Francisco Barone Feralio, Oratore apud te suo cogniturum: non tamen sibi visus est suam in te colendo pietatem satis declaraturus, nisi hujus rei causa propriam ad te legationem destinasset.

DIXI.

De



## De utilitate, jucunditate ac præstantia literarum.

## ORATIO XXIII.

HABITA ROMÆ XV. KALEND. NOVEMB. Anno c<sup>lo</sup> l<sup>o</sup> LXXIII.

UM mihi à summis viris, quorum auctoritate, atque imperio nostra omnium studia diriguntur, mandatum esset, ut hodierno die, quo, ut scitis, more majorum, noster hic quasi

Musarum exercitus quotannis lustrari solet, de præstantia literarum & earum artium, quæ literis continentur, aliquid publicè dicerem, quo juvenum animi ad earum amorem incitarentur: quod prius facere debueram, sed inconsulto quodam obsequendi studio abreptus non feceram, cæpi oneris suscepti magnitudinem, cum viribus meis sollicitè comparare. Atq; interdum quidem ita ratiocinabar, ut mihi nihil arduum, aut difficile impositum crederem. Nam, ut Cyrenæus Poëta facile ait esse omnibus Apollinem laudare, in quo tot, tantaq; laudum argumenta sint, ita facile videbatur homini quamlibet infanti atque indiferto laudare eas artes, quas verè ac meritò benorum fontes nominare possumus. Neq; enim dubitabam, quin omnium concessu multò justius artibus nostris, quàm illis, de quibus id Xenophon dixit, bonos hujus nominis tribueretur. Cogitabam etiam, tum demùm in summa me difficultate versaturum fuisse, si eas aut, quod nefas est, vituperare justus essem: aut earum dignitatem abjicere & extenuare dicendo: nullum enim sanè argumentum, quod quidem alicujus momenti esset, ad eam rem reperire potuissem.

Quod, si Socrates praesente Phaedro amorem vituperaturus, facere id non audeat, nisi sibi prius pallio caput obnupserit: multò me magis verecundari par fuisset, in tanto eruditissimorum hominum cœtu declamantem adversus eas artes, quarum omnes dignitate ac pulchritudine, ita incensi estis, ut sine earum tractatione ne vitare quidem ipsam jucundam putetis. Nunc, ut idem ille sapientissimus senex factu facile esse ait Athenienses Athenis laudare, quod, quæ quisq; amat, ea libentissimè laudari audit: sic & ipse mihi videbar, facilem & expeditam provinciam suscepisse commendandi ac celebrandi apud vos ea, quæ vobis omnibus in amoribus ac delitiis esset constaret. Sed interdum occurrebant alia, quæ me commoverent, nec quieto esse ac securi animo sinerent: Nam & in tam ubere ac copiosa materia necesse est, uniceque audientium multa in mentem venire, quæ commode dici queant; neque fieri potest, ut quidquid omnes cogitant, dicat unus: & ea est hominum natura, ut, cum quis, quod ipse dixisset, id ab eo, qui dicit, omissum videt: non hoc quoque dici potuisse, sed hoc potissimum dici debuisse contendat. Ita dum pro suo quisque captu, quid ipse dicturus fuerit, cogitat, & alia propè omnia fastidians, dum id unum dicatur, avidè expectat: quidquid dixeris; semper videberis omisisse præcipua: & omnia communia ac contrita dixisse, quod ea non dixeris, quæ si dixisses, ipsa quoque aliis obsoleta & vulgaria viderentur. Ut melior hac in parte sit eorum conditio, qui aridis ac sterilibus in argumentis versantur: quorum, si ve abundarunt, laudatur ingenium: si ve defecerunt, materiae jejunitas accusatur: cum contra: ubi ampla dicendi seges est, quidquid allatum est, ubertati materiae adscribatur, quidquid omissum est, tibi. Ego verò quomodo aut quidquam allaturum esse me sperem, quod

novi-

novita  
mea  
omni  
rum,  
tius ac  
randu  
sunt h  
gratia  
ratem:  
tum est  
ribus a  
ipso m  
viri pr  
barum  
blation  
mollis  
eodem  
cum fe  
ruque a  
fis, qui  
sus; si  
ve sple  
adstru  
bilis r  
ducti p  
rum die  
ac conc  
quicun  
quibusd  
versari  
intermij  
de integ  
mendati

novitate audientium animos teneat, cum iis in rebus mea versatura sit oratio, in quibus præstantissima se omnium ætatum ingenia exercuerunt: aut ita dicturum, ut non innumerabiles alii iisdem de rebus ornatus ac copiosius dixerint? Sed mihi neque valde laborandum est, ut nova conquiram: non enim cantilenæ sunt hæ, quibus novitas, ut ait Telemachus, conciliat gratiam: sed præcepta, quibus vetustas addit auctoritatem: & si vera, utilia, apta ad id, quod mihi propositum est, digna hujus loci auctoritate, digna vestris auri- bus attulero, quibus ea cumque verbis extulero, hoc ipso me satis ornate dixisse arbitrabor: Agite igitur, viri præstantes, & cum aliis nominibus, tum præcipue harum de quibus dicere ingredior artium cultu & tractatione clarissimi: agite studiosi adolescentes, quorum mollis adhuc; & tenera ætas in ejusdem gloriæ spem eodem quasi lacte Musarum educatur, cognoscite mecum felicitatem vestram, qui instinctu quodam afflatuque divino ad eas potissimum artes animum appulsi, quibus, si ve quis utilitatem sequatur, nihil fructuosius; si ve oblectationem, nihil suavius ac jucundius: si ve splendorem ac pulchritudinem, nihil illustrius, aut ad struendam nominis immortalitatem firmiter ac stabilibus reperiri potest. Nam si veteres illi, qui errore ducti plures esse Deos opinabantur, quem cuique eorum diem consecrarent, eo laudes ipsius commemorare ac concinere solebant: multò nobis justior causa est, quicunque iisdem honestissimarum artium studiis, quasi quibusdam sacris initiati sumus, cum hic nobis anniversarius dies majorum sapientia & auctoritate, ad intermissam per aliquot menses earum exercitationem de integro repstendâ constitutus sit: cur ab earum commendatione principium ducere debeamus, easque celebrare,

quas nobis vicissim aliquid celebritatis allaturas esse  
 confidimus. Meminisse autem debemus, idcirco id san-  
 dum, atq; angustum locum ad hanc rem delectum esse,  
 ut & in laudandis artibus Deum ipsum laudemus, qui  
 ut alia omnia bona, ita eas quoque hominum generi de-  
 dit: & publicè contestemur, ac profiteamur studia omnia  
 laboresq; nostros & Deo auctore, atque auspice suscipi,  
 & ad ipsius gloriam, tanquam ad finem nobis omnibus  
 præcipuè propositum, referri. Unde igitur, in tanta eo-  
 rum, quæ se ad dicendum offerunt copia, potissimum ex-  
 ordiar? An ab eo, quod semper apud gravissimos quosq;  
 gravissimum fuit, antiquitatis testimonio? Quæ cum ar-  
 tes omnes bonæ sint; nam si quæ malæ artes dicuntur,  
 immeritò eis artium nomen tribuitur: has tamen no-  
 stras proprio ac peculiari nomine bonas artes vocavit:  
 easdemq; artes ingenuas, artes liberales: quod alias  
 aut à servis, aut ab hominibus servitio præditis ingenie  
 exerceri, has unas ab ingenuis ac liberis excelsi con-  
 sentaneum judicaret. Quinetiam cum Græci earum co-  
 gnitionem, sua lingua tali quodam vocabulo affectissent,  
 ex quo id modò intelligeretur, statim à pueritia dan-  
 dam eis operam esse: majores nostri, ut plerq; melius  
 ac sapientius: qui totum hoc artium genus, humanita-  
 tem vocârunt: credo, indicantes, non multò minus inter  
 homines talibus disciplinis expolitos, & vulgus alio-  
 rum, quam inter cæteros & pecudes interesse. Homines  
 enim duabus præcipuè rebus à cæteris animantibus  
 discernimur, ratione, & nationis interprete oratione:  
 quarum utraque in eis, qui harum artium expertes  
 sunt, rudis quodammodo & inchoata: qui eas penè pe-  
 nitens combiberunt perfecta in illis, atque absoluta est.  
 Aristippus quidem, cum quæsisset quidam ex eo, quid  
 boni filio suo allatura eruditio esset: Si nihil aliud, hæc  
 certè,

certè, inquit, quod in theatro lapis in lapide non sedebit. Idemq; alteri qui cum sibi nimium magnam mercedem posci pro institutione filii videretur, dixerat; ista pecunia servum mihi emere possum. Tu verò, inquit jocans, etiam eo amplius: si unum emeris, duos habebis. Significabat videlicet, quorum collustratus doctrinarum luce non esset animus, eos lapidum, non hominum, aut, si fortè inter homines, servorum, non ingenuorum loco ac numero esse habendos. Ac mihi quidem hac tota de re cogitanti, quatuor omninò esse viæ videntur, quarum unam aliquam à principio ætatis capessere, postea persequi propè necesse sit: ex quibus ne dubium quidem esse potest, quin ea, quam ipsi ingressi estis, longè multumq; aliis omnibus anteponenda videatur. Nam qui ista ætate sunt, partim otio se atque ignavia dedunt, mollemq; vitam ac voluptariam sequuntur, ii præsertim quibus amplum patrimonium est: partim si angustior sit res, quam ut nihil agentes ferat, dant se ad artem aliquam factitandam: alii qui excelsiore sunt animo, armorum tractationem, & militaris rei gloriam sibi proponunt: alii denique animum ad literas & ad hæc mitiora studia appellunt. Quid igitur istis turpius aut abjectius, qui torporem ac desidiam amplexi, vitam luxu atq; inertia transigunt, nihil agentes quo se homines esse testentur? Qui, ut Phæaces illi Homerici:

Non pugnis duræve exercent membra palestra:

Sed mensam & citharæ strepitum, dulcesq; choreas.

Stragulaq; & molles curant post balnea lectos:

Margitæ illius simillimi, de quo idem Homerus:

Non fodere ille bonos, duris vè lignonibus arva

Vertere, non ulli vivebat idoneus arti.

Sic enim & hi neque domi, neque militiae, neque privatim, neque publicè, neque sibi, neque aliis utiles, ita vitæ

curriculum conficiunt, ut, veluti naves nullum sui vestigium relinquunt. Qui mihi, si Deus placet, quod nihil agant, quasi non pudere parum sit, etiam gloriantur. Alii, inquit, in opere occupati sunt, nobis majorum nostrorum virtute est, unde otiosi laute splendideque vivamus. Quid majores vestros nominatis? qui si vestri similes fuissent, vos hodie in postremis jaceretis. Si, quales vos estis, tales ipsi fuerunt, indigni sunt qui nominentur: sin alii, vos indigni, qui eos nominetis. At, videte, quantum operè à sapientissimi poetae Hesiodi judicio vestra oratio discrepet, Laborem ille & industriam nemini, languorem & ignaviam omnibus turpem esse confirmat. Praclare Cicero: Mibi quidem, inquit, qui nihil agit, esse omnino non videtur. Nam & Physici docent, quae cuique rei causa est, ut sit, eandem ei esse causam, ut aliquid agat. Sed omitamus hos molles & delicatos, neque eos ex somno, cui tam libenter indulgent, excitemus: teneamusque id quod à sapientissimis viris proditum est, nihil esse inertiae sedius: otio aliis vitia: otium, ut non gravissimus Poeta gravissime tamen cecinit Catullus, non privatio modo hominibus, sed & regibus, & prius beatis urbibus exitium causam fuisse. Cum igitur otiosa & ignava vita ne vita quidem habenda sit, videamus, num ad aliquam potius aliarum artium, quam ad literas, animum adicere praestet. Equidem cum mente ac cogitatione perlustrò eas artes, quibus cum hisce studiis nostris, aut nulla, aut non magna communio est, ex iis quidem quae ita necessariae sunt, ut eis civitas nullo modo carere possit, duas praecipuas iudico, agriculturam & mercaturam: ex iis autem, quae ad ornamentum civitatis, & ad animos honesta voluptate perfundendos pertinent, duas minime sordidas, minimeque illiberales, picturam, & statuariam. Nam quod boni unaqueque civi-

civitas percipere ex suo & patrio solo potest, id agricultura educit, atq; elicit; quo eget, id aliunde mercaturæ importat. Ita civitas sine alterius ope ne suis quidem opibus fruitur; alterius beneficio, fruitur etiam alienis, Pictorum autem & statuariorum opera & voluptatis atq; admirationis habent plurimum, & quæ liberalium artium nota est, ingenii, non corporis, viribus constant: & ad conservandam clarorum virorum memoriã, ceterosq; ad eorum imitationem incitandos non immerito magnam vim habere creduntur. Sed tamen quis ausit harum artium ullam cum literarum studio comparare? Nisi forte majus est agrum, quàm ingenium, colere, aut sacra in terram semina, de partive surculi, quam ingenia præceptis Philosophiæ consita, ampliores, aut uberiores fructus ferunt. Mercatura autem vel si tenuis est, sordida est: vel si ampla, tot exposita periculis, ut merito ille olim Laco negaverit, optabilem sibi videri fortunã, quæ rudentibus apta esset: cuiusmodi autem sit, tota ferè ad quæstum, & ad lucrum refertur. At literarum tractatio & dignitatis plenissima est, & quietis; & eas opes consecratur, quæ nec furem, nec prædones timent, nec incendiis, ruinis, naufragiis obnoxia sunt, nec ullis deniq; casibus eripi possunt. Jam v. quæ Apellis aut Protogenis tabulæ, cum Homeri pictura quæ Phidias; aut Praxitelis statuæ cum literarum monumentis conferri queant? Quos ipsos hodie ignoraremus, nisi solidiorem ac diuturniorè gloriã essent cõmendatione scriptorũ, quàm artis suæ operibus consecuti. Nam quæ illi artificio suo elaborarant, & solius corporis effigie exprimebant, & uno tantum spectabantur in loco, & eam naturã habebat, ut ea, si nihil aliud, ipsa certe longinquitas temporis confectura, ac consumptura esset. At eruditorum hominum lucubrationes, & clarorum virorum non formam

modò

modò corporis, sed ingenia, mores, consilia, res gestas, subiciunt oculis. & in eisdem quibus orbis ipse terrarum, terminis, ac regionibus continentur, & tantam vim habent, ut illa ipsa aliorum omnium humanorum operum confectrix venustas his unis non modò nihil detrahat, sed maiorem indies comparet, ac conciliet dignitatem. Trecentas sexaginta Demetrio Phalereo statuas æreas populus Atheniensis anno uno, eog, non toto posuerat: quibus omnibus DEMETRIUS ipse superstes fuit. At quæ ipse sibi monumenta ingenii ac doctrinæ magnitudine exstruxerat, ea & multis post ipsam seculis viguerunt; & cum p. stea densa quædam & opaca nox omnem propè disciplinarum lucem exstinxisset, ex oculis erepta, incredibile desiderium sui in omnium eruditorum animis reliquerunt. Elatè & magnificè de se, ut solet, Pindarus, sed tamen verè. Statuarium esse se negat, qui multas statuas edolet una defixas in basi: sed quos ipse cantibus suis celebret, eorum famam, terræ marique spargi ac disseminari. Sed erunt fortasse qui vitam militarem huic nostræ pacatæ, atque umbratili anteponendam putent. Mibi quidem fortium virorum virtutem detrectare, aut conari, ut quidquam ex eorum gloria deteram, neq, propositum est, neq, fas videtur. Potius omnibus, qui dicendo aliquid possunt, omnem industriam ad eos celebrandos conferendam censeo: & hoc ipsum numero inter præcipua bona, quæ ab artibus nostris in vitam hominum manant: quod earum ope præclara illorum facinora ad immortalem posteritatis memoriam consecrantur. Sed tamen si quis secum in animo reputet, quæ vita sit ejus nominis, qui, modicis opibus instructus, in literarum studio molliter ac placidè convescat, & quæ ejus, qui ab adolescentia armis tractandis assuetus, sub dio sæpius, quàm sub tecto, sub pellibus

sæpius,

sapius  
biter  
aures  
terius  
person  
hujus  
templ  
stili g  
tus &  
redie  
quanti  
nutric  
Neq, v  
fructu  
nibus  
regena  
expug  
quema  
hic qu  
gatur  
trucia  
ne sua  
duxer  
ram li  
lus est  
Itaque  
rent, si  
sent, q  
quarun  
verò t  
optimu  
sequer  
sanguis



sapius, quam domi somnum capiat, vix dubium fore ar-  
 bitrer, utra melior & magis expetenda sit. Alterius  
 aures tubarum & lituorum & cornuum clangore, al-  
 terius Musarum concentu & Apollinis fidibus assidue  
 personant: illius oculi cæde & sanguine, & incendiis;  
 hujus admirabilium naturæ operum adspectu & con-  
 templatione pascuntur. Ille aut in ipso ætatis flore ho-  
 stili gladio transverberatur, aut mancos ac debiles ar-  
 tus & insignem cicatricibus vultum referens, domum  
 redit; hic ut animo ita & corpore integer, vultum, nisi  
 quantum rugæ, canisq; venerationis addiderunt, etiam  
 nutriti agnoscendum, perfert ad ultimam senectutem.  
 Neq; verò minus gloriosa, aut minus hominum generi  
 fructuosa hujus quam illius opera. Occupatur ille in fi-  
 nibus imperii proferendis, hic in finibus cupiditatum  
 regendis & coercendis: novit ille quemadmodum urbes  
 expugnentur, hic quemadmodum gubernentur: ille  
 quemadmodum injuria aut repellatur, aut reponatur:  
 hic quemadmodum & accipiat æquo animo, & negli-  
 gatur: dicit ille, quam multos homines manibus suis  
 trucidaverit: hic quam multos à cæde faciendâ, oratio-  
 nē suâ revocaverit: ille quam multos in servitutem ab-  
 duxerit, hic quam multos à servitute vitiorum in ve-  
 ram libertatem perduxerit: illius usus nisi in bello nul-  
 lus est, hujus opera, & in bello, & in pace salutaris.  
 Itaque si homines inter se amicè ac concorditer vive-  
 rent, si Dei ac naturæ jussu sequerentur, si denique ii es-  
 sent, qui esse deberent, jacerent omnes artes belli, ut  
 quarum inter justos iustus usus esse non possit, nostræ  
 verò tum demum florerent, ac vigerent, tum demum eas  
 optimus quisque summa corporis & animi contentione  
 sequeretur. Neque verò quenquam ita esse arbitror  
 sanguinarium, cui non præoptanda videatur nullius  
 empty

empta lacrimis gloria, neq. ullo, nisi puro illo ac limpi-  
 ão Agamppes rore irrigata, quàm tabo & cruore obli-  
 ta & multa strage ac cladibus comparata. Multa con-  
 sulto prætereo: quòd mihi, non tam, & copiam & va-  
 rietatem consecèter, laborandum est, quàm ut effugiam  
 satietatem. Quis enim unquàm tanta ubertate ingenii,  
 tanta dicendi copia præditus reperietur, qui literas ita  
 laudare possit, ut non semper, cum plurima dixerit, plu-  
 ra tamen omisisse videatur? Omnia, quæ homines in vi-  
 ta expetunt, cujuscunq. tandem generis illa sint, nulla  
 re certius, aut facilius, quàm eruditione ac literis, ac-  
 quiri, conservedari, amplificari queunt. Est qui rei fami-  
 liaris angustia pressus, ex ea expedire se, & ad modera-  
 tas opes: sine ulla turpitudine, pervenire cupiat (Quæ ad  
 id conscientium via aut honestior, aut expeditior, aut  
 facilior est? Quam multos ex tenui & exsili patrimo-  
 nio, aut juris scientia, aut medendi arte fretos, ut eas  
 potissimum nominemus, paucis annis ad maximas divi-  
 tias pervenire vidistis? Nam quod plerique vulgato jam  
 proverbio dicitant ex omni nostrarum artium numero  
 duas modò illas frugiferas esse ac fructuosas, ceteras  
 cultoribus suis decoquere, ac decollare in eos vanitatis  
 illos, ac mendacii facilè res ipsa coarguit. Nota est hi-  
 storia de Thalete Milesio, qui cum à propinquis objur-  
 garetur, quòd omne tempus in sapientie studio poneret,  
 quòd ad faciendam pecuniam, in qua illi posita putabant  
 omnia, nulli usui esset: vultis, inquit, ostendam vobis, posse  
 hominem huic studio deditum, si ei commodum sit, di-  
 vitem fieri, & hanc esse, si quis velit, ad quæstum ac  
 compendium vel maxime compendiarium viam? Cum  
 illi se velle dixissent, homo, qui ex astrorum scientia,  
 magnam eo anno olearum ubertatem prævideret fore,  
 multo antè exiguo pretio cum contrà licitaretur nemo.

omnia

omnia  
 duxit  
 casses  
 Philo-  
 ribus,  
 ea faci-  
 nonne  
 peperit  
 ris ergo  
 stituta  
 apifex  
 gloria  
 tus, cum  
 ac mag-  
 opulens  
 que me-  
 Seneca  
 sibi opu-  
 & erue-  
 incredi-  
 premit  
 ceptus ta-  
 nio Ner-  
 M. Cra-  
 Craffi o-  
 gear,  
 cendum  
 si quis  
 rum art-  
 ex eo po-  
 magnos  
 us, qui n-  
 atque p-

omnia Chiorum, ac Milesiorum præla ac trapeta con-  
duxit: quæ cum postea suo tempore, quanti voluit: elo-  
casset, magnamq; ex eo vim pecuniæ collegisset, ostendit  
Philosophos non tam rem facere non posse, quam maio-  
ribus, ac præstantioribus cogitationibus occupatos, de  
ea facienda non laborare. Quid Leontinus Gorgias?  
nonne Rhetorices professione, & maximas sibi divitias  
peperit, & tantam gloriam, ut ei vivo ac videnti hono-  
ris ergo, aurea statua in Apollinis Pythii templo con-  
stituta sit? Quid ille qui eloquentiæ quasi mercator, atq;  
epifex quidam habitus est Isocrates? non & summa  
gloria fuit, & iis epibus, ut ter ad triarchiam voca-  
tus, cum eam bis effugisset, ad postremam splendidissimæ  
ac magnificentissimæ obierit? ad eam autem non ferè nisi  
opulentissimus quisq; ac locupletissimus adigebatur. Ne-  
que mendicus erat, optimus pessimi principis magister  
Seneca, neq; de jure consulebatur. Et tamen quantas  
sibi opum vim homo externus, & alienigena eloquentia  
& eruditione confecit? Scio, hæc, quod dicam, quibusquam  
incredibile visum iri. Sed tamen, si vera sunt, quæ literis  
proditæ sunt, haud scio an ullus hodie tota Italia Prin-  
ceps tantas opes habeat, quantas in Senecam quadrien-  
nio Nero congeffit. Nam cum ex veteribus illis Romanis  
M. Crassus opulentissimus fuisse dicatur: Senecæ opes  
Crassi opibus duplo majores fuerunt. Propè est ut pi-  
geat, in hac parte tamdiu immoratum esse: sed tamen di-  
cendum fuit aliquid adversus stultitiã eorum, qui ajunt,  
si quis jurũ scientiã, & artem medendi excipiat, cetera-  
rum artium nostrarum sterilem esse culturã. Qui error  
ex eo potissimum natus est, quod doctrina medicritas  
magnos efferre fructus non potest. Itaq; excellendum est  
iis, qui magna & præclara concupiverunt. At nos simul  
atque paulùm ultrà prima elementa progressi sumus,  
falsa

falsa de nobis opinione tumefacti, quia non in nos continuo opes, & honores congeruntur, jacere literas clamitamus. Non jacent literæ: non jacent; neq; jacuerunt unquam: & si antea iacuissent, GREGORIO XIII. Pontifice non jacebunt. An ille, cum & omni doctrina instructissimus sit, & ad illos veteres atq; usitatos nostros & literarum patronos, Joannem Moronum sacrosancti Collegii Decanum, priscae majestatis absolutissimum exemplar, cujus in ipso nutu plurimum auctoritatis residet, cujus est vultu ipso, atque oculis elucet gravitas humanitate condita: Aloysium Cornelium Camerarium hominem plenum officii, & ad omnium animos ac voluntates devinciendas ipsis Gratiarum manibus factum: & illa duo ornamenta seculi firmamenta literarum, domicilia virtutis, & eruditionis Gulielmum Sireletum & Franciscum Alciatum, & eos igitur, quorum jampridem in fide, ac clientela eramus, cum proximè eum, quem pleno gradu per sua vestigia incedentem videt, quemque optimo jure cordi suo charissimum habet, fratris filium PHILIPPUM S. SIXTI Cardinalem addiderit, eumq; florentis ætatis commendationem à literarum patrocinio ducere voluerit; qui tali argumento declararit voluntatem erga nos suam, is, metumimus, ne literas aut egere, aut jacere patiatur? Sed ut unde digressus sum, redeam, atque id quod institui, absolvam. & ad facultates ac copias sine dedecore parandas accommodatæ sunt literæ, & multò magis colendæ iis, qui opibus abundant: ne, si id facere neglexerint, instrumentis sibi à Deo ad virtutem datis per inertiam abusi esse dicantur. Eademq; ratio est & eorum quibus clari, & eorum quibus obscuri parentes obtigerunt. Nam neque illi ullo majori, aut illustriori ornamento condecorare, & ut Homeri verbo utar, coronare possunt nobilitatem à

majori  
facili  
collocat  
trum v  
ceda: e  
armis  
floreli  
fuerat  
cium ab  
bus scri  
indigna  
hec ve  
mas, si  
runt?  
quam o  
regum  
genere  
pra om  
runt? O  
cibiade  
bus vi  
liaritat  
chelaus  
miliarit  
ter, etia  
eum R  
Quid ti  
Syracu  
plura e  
minum  
regnant  
verint,  
sunt eor

majoribus acceptam; neque hi ex tenebris ulla ratione  
 facilius mergere, seque in luce, atque in oculis omnium  
 collocatos, à contemptu, atque ab oblivione in perpe-  
 tuum vindicare. Rex erat ac Regis filius Alexander Ma-  
 cedo: & viam sibi ad summam claritatem ac potentiam  
 armis quotidie munebat. At is & plus se debere Ari-  
 stoteli, à quo eruditus, quàm Philippo, à quo genitus  
 fuerat, & cuius in regnum successerat, prædicabat: &  
 cum ab illa divulgatos esse libros quosdam arduis de re-  
 bus scriptos accepisset, ægrè tulit; ac generosa quadam  
 indignatione motus, epistolam ad eum scripsit, in qua  
 hæc verba sunt: Nam qua re post hæc cæteris præstabi-  
 mus, si quæ à te edocti sumus, ea omnium communia e-  
 runt? Ego autem malim optimarum rerum scientia,  
 quàm opibus & potentia cæteris antecire. Hac igitur ille  
 regum stirpe ac sanguine editus. Obscurissimo autem  
 genere ortus quam multos nominare possumus, quos su-  
 pra omnes omnium fumosas imagines litera colloca-  
 runt? Obstetricis filius erat Socrates. Num igitur eo Al-  
 cibiades nobilior? Euripidis matrem vendendis oleri-  
 bus vitam tolerasse accepimus. At ipse & regum fami-  
 liaritate usus est, & ita clarus fuit, ut hodie magis Ar-  
 chelaus ex Euripidis, quàm Euripides ex Archelai fami-  
 liaritate noscatur. Tympanistria fuit Æschinis ma-  
 ter, etiam si Demostheni credimus, vulgati corporis. At  
 eum Rex Macedonum Philippus quantoperè coluit?  
 Quid tibicinis filius Pindarus? quanta in gratia apud  
 Syracusarum Regem Hieronem fuit? Sed quid hujus rei  
 pluræ exempla conquiram? Signantur eruditorum ho-  
 minum nominibus tempora: ut minus sæpe, quibus illi  
 regnantibus vixerint, quàm qui eis florentibus regna-  
 verint, querere soleamus. Neque tamen hæc præcipua  
 sunt eorum bonorum, quæ percipiuntur ex literis; sunt

Q

alia

alia longè majora longèq; diviniora. Literæ inditos nobis à natura honestatis igniculos excitant: luxuriantes quasq; fruticantes cupiditates stringunt ac coërcent, easq; rationis finibus regnat: abducunt à vitiis, duces & magistræ sunt ad virtutem: prosperis in rebus ornamento sunt, solatio aduersis: neque illis exultare atque efferri suos, neq; his frangi ac deprimi sinunt: eam deniq; tranquillitatem animi efficiunt, quam multi finem bonorum esse dixerunt. Crates quidem Thebanus interrogatus, quid sibi superesset ex Philosophiæ studio, notissimo versu respondisse dicitur: Chœnix lupinum, & mentis à curis quies. O magnum & extelso animo præditum virum. Quod aliis regna & imperia non adferunt, ut soluto ac libero animo sint, id ipsi, propter literarum, & Philosophiæ commercium, chœnix lupinorum adferebat. Quod sitam multa tamque præclara bona literis ac disciplinis continentur: si ipsis nominibus ac vocabulis restata est vetustas, earum cognitionem & hominibus, & liberis atq; ingenuis hominibus dignissimam esse: si & ignava vita homine indigna est: & nullo in studio melius, quàm in literis industria collocari potest: si ad opes ac potentiam, si ad honores ac dignitates via optimè literis sternitur: si eisdem & animi tranquillitas, & nominis æternitas comparatur: quid statis, adolescentes, aut cur oblatam vobis tanti boni consequendi occasionem effugere atq; evolare patimini: cur non aliis omnibus curis & cogitationibus ex animo abjectis atq; abdicatis, in hanc unam toto pectore incumbitis? Non hoc sedendi, ut ait Bachylides, ac cunctandi tempus est. Non enim ex plano ac facili gloria hæc petitur, neq; lata, ut ait Propertius, via currere ad Musas datur. Non frustra eas antiqui in arduo atq; edito monte habitare dixerunt: Laborem & sudorem &

vigilias

vigilias in earum atrio ac vestibulo excubare voluit  
 Deus: qui, ut dicebat Epicharmus, labore omnia prope  
 bona hominibus venalia proposuit. Ego autem, ut libe-  
 re vobiscum agam, valde vereor, ne, cum plerisque ve-  
 strum alia omnia abunde sint, mollitia multi & laboris  
 odio à studiis avocentur. Itaque quibus verbis Homericæ  
 Pallas Nausicaan è somno excitat, quam segnem, & i-  
 gnavam vocat, quod vestes magni pretii, sibi emptas à  
 parentibus, neglectui habeat, easque illotas ac sordidas  
 iacere patiatur: surgere igitur eam jubet, & ad eas ab-  
 luendas cum prima luce proficisci, præsertim cum instet  
 tempus nuptiarum: usque merito multos è vobis aliquis  
 quotidie objurgaverit. Surge quamprimum miser, & ex  
 animo torporem atque ignaviam excute. Quid tu istud in-  
 genium, quod tibi à communi omnium parente Deo, mul-  
 to qualibet veste pretiosius datum est, situ ac sordibus  
 obsolescere, quasiq; rubigine obduci pateris? cur non po-  
 tius diluculo ad illos proficisceris omnibus obvius & ex-  
 positos doctrinarum fontes, quibus te mersans, ex quibus  
 arbitrato tuo hauriens pectus & purgatum vitiorum  
 maculis, & multa præclarissimarum rerum cognitio-  
 ne madidum referas? Præsertim cum puerulus amplius  
 non sis, sed ea jam appropinquet ætas, qua tibi in lucem  
 atque in conspectum hominum prodeundum est. Hinc enim de-  
 mum multo magis quam unda illa dicit, & tibi paries  
 gloriam, & parentum pectus gaudio latius comple-  
 tis. Sed jam longior, quam par erat, fui. Cogitate, obsecro  
 vos, languidis ac remissis omnia difficilia, navis & indu-  
 stris omnia per via, ac facilia esse. Deus optimus maxi-  
 mus, cui quæcumque hic acta dictaque sunt, grata & accepta  
 esse cupio, vobis omnibus eum animum inspiret, ut hæc,  
 ad quæ vos hortatus sum, tam sequi velitis, quam con-  
 sequi potestis. DIXI.

## ORATIO XXIV.

HABITA ROMÆ ANNO  
D<sup>o</sup> M<sup>o</sup> LXXIV.In funere Caroli IX. Gallorum  
Regis.

**H**OC igitur unum restabat adflictis ac penē  
prostratis infelicis Gallie rebus, ut Carolus  
Rex, quo se illa recreabat ac solabatur uno,  
de quo cogitans, in quem intuens omnium  
quas excepit, acerbis memorem deponere, cum  
bonorum animos ad aliquam spem quietis erigere cœpisset, in ipso ineuntis adolescentiæ flore, acerba atque immatur a morte raperetur? O fallaces hominum spes? O incerta vota? O lubrica & ancipitia humana vitæ curricula. Merito lachrymis oculi omnium madent: merito omnia planctibus gemitibusq; circumsonant: merito undique querelæ & lamentationes exaudiuntur. Tu ipse, Beatissime Pater, cuius & in prosperis rebus spectata moderatio est, & in adversis animi magnitudo, in tanto casu cohibere dolorem non potes: quasq; lachrymas gravitas & constantia retinere ac frenare consueverat, eas nobilissimi omnium Regni miseratio, & paternæ charitas elicit. Plantq; alis in rebus querenda est fortitudinis ac constantiæ laus: in tam gravi vulnere, tam dubiis ac formidolosis Christianæ Republicæ temporibus accepto, immanis quædam duritia esset, non flere, non ingemiscere, non commoveri. Qualem enim, quantumq; Regem, & quanta, non dicam indole, quod tamen in homine adolescente satis esse videretur; sed quanta omnium regiarum virtutum copia præditum amissimus?

Quem

Quem  
plur  
locasse  
rate, q  
erum  
fig: fi  
n. del  
senten  
in an  
set, cu  
is: &  
humana  
ac sen  
res de  
tor De  
sapien  
cilus,  
his pr  
rum p  
stitit,  
blicitis  
consil  
emnie  
cognit  
Poloni  
que à  
De pi  
quod  
THOL  
dicen,  
ingeni  
nis, &  
tum es



Quem cum divina providentia, annos natum non amplius decem, in illo celsissimo majorum suorum folio collocasset: quantas ille jam tum, quamque crebras, in illa aetate, qua nihil cogitare, nihil loqui, nisi leve, ac ludicrum solet, inusitatae cuiusdam & inaudita prudentiae significationes dedit? Incredibile dictu est, quam saepe ille in deliberationibus publicis sapientissimorum senum sententias puerulus ante verterit, quaeque illi dicere in animo habebant, ea prior ipse protulerit: nemo ut esset, cui non, in tanta annorum immaturitate, tanta mentis, & consilii maturitas divinum potius quiddam quam humanum videretur. Est certe, est aliqua vis originis ac sanguinis: quosque magnis ac nobilibus populis Rebores destinavit praepotens ille rerum omnium Moderator Deus, in eis plerumque virtus non expectat annos: sapientiaque, semina eorum animi & comprehendunt facilius, & tempestivius adulescunt. Jam quae laus in filii praecipua est, reverentia adversus parentes, & eorum praecipis ac monitis obtemperatio, ea ille ita praestitit, ut nunquam omnino neque privatis, neque publicis in rebus voluntas ipsius a sapientissima matris consilio discreparit: Quid? in fratres quanta, quamque semini ex parte prodens charitas? Quod & semper alias cognitum est, & proxime cum ab HENRICI Regis in Poloniam proficiscentis amplexu avelli non poterat, seque a vita relinqui, quod ab eo relinqueretur, putabat. De pietate autem in Deum; & de ardentissimo studio, quod semper habuit conservandae ac propagandae CATHOLICAE RELIGIONIS, quid ego nunc plura & praedicem, aut quid res in omne aevum omnium scriptorum ingenia fatigaturas exornare in hac mediocritate ingenii, & in his temporis angustiis coner? Cui enim ignotum est, aut cui notius, quam tibi, Beatissime Pater, vo-

bisq; omnibus, Patres amplissimi, quos ille labores per-  
 tulerit, quibus difficultatibus conflictatus sit, quæ peri-  
 cula subierit, quibus damnis se, regnūq; suum sponte  
 multaverit, dum quidvis satio esse ducit, quàm ut quid-  
 quam in Gallia, se vivo, de Christiana Religionis integri-  
 tate minueretur? Qui quot annos regnavit, totidē con-  
 tinenter pro fidei defensione pugnavit. Etenim tetra il-  
 la natio perditorum ac profligatorum hominum, qui  
 fraudibus ac mendaciis suis nuper delapsa de celo &  
 sibi solis patefactæ veritatis nomē obtendunt: qui, quòd  
 ad legem Dei, cupiditates suas dirigere gravantur, le-  
 gē Dei, ad cupiditates suas detorquere conantur: quorū  
 conspirationes sub HENRICO II inita, sub FRANCISCO  
 II. leviter patefactæ susceptis à CAROLO Regni babe-  
 nis, aperte se ac propalam effundentes, potentissimum,  
 dum per illos licuit, Gallia Regnum omni scelere ac cru-  
 delitate lacerarunt, non tam id agebat, quanquam id  
 quoque, ut Regiam auctoritatem convelleret, quam ut  
 Regnum ab Ecclesiæ communionē d. velleret. At ille ge-  
 nerosi seminis adolescens, qui amorem DEI & Eccle-  
 siæ cum ipso nutrici lacte suxisset, tota q̄ mente penitus  
 combibisset, articulatim se prius concidi ac comminui  
 passus esset, quam à recta illa regula patriæ & avitæ  
 religionis abduci. Itaque dum purgare Regnum suum  
 illis pestibus nititur, dum illius hydra & in suam &  
 aliorum perniciem contumacis aspidū renascentia ca-  
 pita amputare conatur: quatuordecim, tot enim regna-  
 vit annos in perpetuis bellorum fluctibus: & in perpe-  
 tua Regni ac vitæ suæ dimicatione transegit. Ut, nisi pul-  
 cherrimum illud CHRISTIANISSIMI cognomen à majori-  
 bus suis hæreditarium accepisset, id ipse sibi posteris q̄  
 suis sua virtute peperisset. Quin etiam, cū capitales  
 quidā ac nefarii homines dicerent, facilem ei esse & ex-  
 pedi-

peditam viam non modò ad pacandam Regnum suam,  
 sed etiam ad fines illius sine ullo labore amplificandos  
 ac proferendos, si remittere aliquid de tanto illo vetustæ  
 religionis conservandæ studio vellet: magno animo aver-  
 satus ac detestatus illorum consilia, omnes, sibi coronas,  
 omnia regna, omnia imperia sordere dixit præ illa im-  
 mortalitatis corona, quam sibi in cælo repositam esse  
 consideret: Cumq; eum exaggeranda hostium multitudine,  
 ac viribus perterrefacere vellent: Dominus, inquit,  
 Dominus ipse eos interficiet spiritu oris sui. Propè super-  
 vacaneum videri potest, cum de tam Christiano Principe  
 verba faciã, quanta illius erga Sedem Apostolicã ob-  
 servantia fuerit dicere. Quo n. quisq; Christum ipsium  
 sanctius & religiosius colit, eò studiosius & magis ex ani-  
 mo Vicarios ipsius colat, necesse est. Quo modo ille de Pio  
 V. cuius memoria in benedictione est, & sentiebat, &  
 loquebatur? Quem sibi non hominem, sed angelum quẽ-  
 dam humana inter mortales specie versantem videri di-  
 cebat: cuius monitus tanquam cælestia quedam oracula  
 reverebatur. Nam de te, Beatissime Pater, qui succes-  
 sor illius omnium votis expetitus, divino consilio dele-  
 ctus, tam subita tamq; admirabili totius sacrosancti Col-  
 legii consensione declaratus es, quam magnificè in omni  
 sermone prædicare solitus esset, dicerem: si quam faci-  
 lè præstas, ut ab omnibus uno ore lauderis, tam liben-  
 ter eos, à quibus laudaris, audires. His ille artib; ita si-  
 bi honorũ omnium animos voluntate sive devinerat,  
 ut, quãquã ex ejs; ætate & temperatione corporis, pro-  
 babiliter spectare poterãt, diu se illig; virtute fructuosos  
 cuperent tamen omnes, si fieri potuisset, partẽ aliquã vi-  
 tæ suæ conferre ac contribuere, & annũ sui vitæ illius pro-  
 rogare. Sed nihil in humanis reb; firmũ, nihil stabile, nihil  
 diuturnũ reperiri potest. Dũ conducere nos vult DEUS,

terram nobis, non pro domicilio, sed pro diversorio da-  
 tam: hanc, quæ vita dicitur, non tam vitam esse, quàm  
 iter ad vitam: in cælo, non in terra, nobis esse spem desi-  
 gendam ac collocandam, agit at omnia arbitrati suo, &  
 quæ solida ac firmis nixa radicibus putantur, ea mo-  
 mento temporis vertit. Cùm vexata tot calamitatibus  
 Gallia paulùm tolleret oculos, & DEI ac Regis sui per-  
 duellibus partim fractis ac domitis, partim captis ac  
 comprehensis, tandem aliquandã se post tot mala respi-  
 raturam sperare inciperet: ecce tibi lenta & omnem  
 fallens medicorum industriam febris, vires adolescentis  
 immortalitate digni, & nati ad relinquendam omnibus  
 bonis perpetuum desiderium sui, ita paulatim attrivit  
 ac labefactavit, ut ad postremum inevitabilem ei attu-  
 lerit ex hac vita migrandi necessitatem. Quod ubi per-  
 crebuit, qui tùm plangor omnium, quæ complorationes,  
 quæ lamentationes fuerunt? Alius sibi scindebat capil-  
 lum, alius lacerabat genas, alius pectus & humeros  
 crebris ictibus verberabat; alii interire amores ac de-  
 litias Gallie, alii cadere columen religionis, alii Catho-  
 licorum presidium, dejici, alii alia, quæ diversis diversa,  
 non diversus suggerebat dolor, miserabiliter quere-  
 bantur. Ipse unus interritus, & æquissimo animo exitiũ  
 divinæ voluntatis expectans, cùm matrem, uxorem, fra-  
 trem, ceterosq; propinquos ad se convocari jussisset: pri-  
 mùm quidem Sacramenta, quibus morituri præmuniri,  
 & Deo conciliari solent, omnia & poposcit, & magna  
 cum animi submissione ac divinæ majestatis veneratio-  
 ne suscepit: deinde verò contestatus, eò tantùm sibi mo-  
 lestam esse mortem, quod fratrem suum, tùm Poloniae,  
 mox etiam Gallie Regem futurum, moriens complecti  
 non posset: cetero qui gaudere se, quòd tantum succes-  
 sorem habiturus esset, cujus singulari & tot jam docu-  
 mentis

mentis comprobata virtute non dubitaret fore, ut res Gallie feliciter componerentur: interea obtestari, atque obsecrare matrem, ut regni gubernacula susciperet, quaque prudentia Regnum sibi tot annos conservasset, eadem fratri suo conservaret: sese jam tunc omnem potestatem regiam in eam, usque ad fratris reditum, transferre: hortari ceteros, ut ipsius primū, deinde fratris, cum revertisset, imperio amanter ac fideliter obtemperarent: precipue autem, ne quid unquam prius aut antiquius haberent conservatione Catholice religionis: ex ea bona omnia fluere; ea neglecta collabi ac concidere omnia. Sed jam valete, inquit, & mei memores este. Ego enim ad DEUM vocor: quem ut equiorem ac placabiliorem peccatis meis judicem experiar, vestris me omnium adiuvandi precibus postulo. Hac fatus, deficiente jam, & moribunda voce, tuū, CHRISTE JESU, nomen invocans, tuum sanctissima Virgo apud filium opem implorans, ad vos, ut confidimus, evolavit. Ac, si quidem ipsum spectemus, gratulari ei potius quam lugere debemus. Regnum enim terreſtre cœlesti, laborem quiete, mortalitatem immortalitate mutavit. Quod mortuus est, humanæ fragilitatis est; quod ita mortuus, divinæ cuiusdam felicitatis. Bonæ certamen certavit: cursum consummavit, fidem servavit. Aut jam coronavit eum Deus, aut brevi, tuis, Beatissime Pater, & totius Ecclesie precibus adductus, coronabit corona justitiæ, quam promisit diligentibus se. At illam tot Regum matrem, toties jam custodem ac conservatricem Regni, ipsa sua felicitate miserandam quò nunc, quò tandem esse animo ereditis? Quæ ex summis honoribus summos dolores consecuta, ter jam, & in viro, & in duobus filiis mortua, vitæ suæ superstes, toties ore suo eorum clausit oculos, à quibus claudi cupiebat suos: tam sepe eis officia præsti-

rit: quæ sibi ab eis præstari maluisset. Quid illa fortissi-  
 marum domina gentium Gallia quæ sibi eodem funere cū  
 Rege suo efferrī visa est: quæ jacet adhuc percussa &  
 attonita tanto vulnere, metuens, ne illius atrocitate, et-  
 iam illa, quæ consanuisse videbantur, recrudescant. Pro  
 Deus optime maxime, etiam cū ulcisceris, benefices; et-  
 iam cū pœnas exigis, misericors: quibus tam gravibus  
 culpis tam diuturnam in se iram tuam Gallia provoca-  
 vit? Quatuordecim jam anni sunt. & eò amplius, cū il-  
 lud potentissimum & memoria nostra florentissimum  
 Regnum perpetua bellorum civilium serie ita & ab alie-  
 nis & suis vexatur, ac diripitur, ut de eo jam dici pos-  
 sit, quod scriptum est apud Prophetam: Residuum eruce  
 comedit locusta: & residuum locusta comedit bruchus:  
 & residuum bruchi comedit rubigo. Atq; ut magis in-  
 telligatur, id divina ultione fieri, quoties mihi esse vide-  
 tur, ut jam jamq; componatur ac tranquilentur omnia  
 in ipso, ut ita dicam, portu frangitur navis. Properat  
 HENRICUS II. pacem cum PHILIPPO Rege Catholico qui-  
 buslibet conditionibus facere, ut, expeditus belli curis,  
 hujus mali nascentis semina elideret. In ipso ejus rei con-  
 natu ac molitione, inopinata morte sublatus est. Sub  
 FRANCISCO II. conspiratione detecta, spes objecta erat,  
 fore, ut, paucorum supplicio cæterorum audacia in per-  
 petuum reprimeretur: Ante ipse mortuus est, quàm de  
 fontibus comprehensis supplicium sumeretur. Nunc nu-  
 per eò rem perduxerat CAROLUS NONUS, ut omnes  
 instare finem malorum existimarent. Aliter Deo visum  
 est: qui HEINRICO III. Gallia & Polonia Regi, quem  
 tam multis tamq; illustribus argumentis sibi charissimū  
 esse declaravit, hanc felicitatem, ut speramus, reservare  
 maluit. Neq; dubium est, hoc ita eventurum, si omnes  
 nos à vitis nostris aversi, quæ DEI placandi certissima  
 ratio

ratio est, t  
 ue obsec  
 CARO  
 HENRICI  
 uidem lu  
 vile suum  
 nus omni  
 DIXI

ADS  
 CIII.  
 HENRI  
 legis, h  
 LUDOV  
 Equite  
 Regis  
 V



Principib  
 honorem  
 to ac tibi, u  
 n fide, &  
 is defenst  
 & fore, p  
 tibi delata  
 ructū nece  
 eg tibi, qu

ratio est, tota mente convertamur ad Deum, eumque assidue obsecremus, ut compeſcat iram suam: & quando CAROLUM in sinum, ut speramus, suum excepit, HENRICI III. ductu, sub GREGORIO XIII. raptores quidem lupos interfici, oves autem, quæ aberrarunt, in ovile suum reduci velit. Ita eveniat, Domine JESU, cui laus omnis & gloria debetur in omnem æternitatem.

DIXI.

## ORATIO XXV.

AD S. D. GREGORIUM  
XIII. PONT. MAX. NOMINE  
HENRICI III. GALLIÆ ET POLONIÆ  
Regis, habita Romæ in Consistorio publico,  
LUDOVICO CASTANÆO RUSBIPOCÆO,  
Equite Ordinis Regii, viro illustri, ejusdem  
Regis nomine obedientiam præstante,  
VIII. Kalend. Quintil. anno  
cis is LXXVI.

**R**ATUS quidem ac jucundus tibi esse debet,  
BEATISSIME PATER, eorum omnium Lega-  
torum adventus, qui hunc à Christianissimis  
Principibus mittuntur: tum ut tibi summum in terris  
honorem gratulentur: tum multò magis, ut se Chri-  
sto ac tibi, ut par est obedire, manere in officio, præstare  
in fide, & vires, & copias suas ad Apostolica Sedis  
defensionem semper promptas ac paratas & esse,  
& fore, profiteantur. Nam & ex illa ipsa divinitus  
tibi delata dignitate, majorem à te capi jucunditatis  
fructum necesse est, cum ea ceteros quoque letari perspicias:  
neque tibi, qui communis Christianorum omnium Pater es,  
ulla

ulla ex re verius ac solidius gaudium obijci potest, quàm  
 eum filios dignitatis tuæ studiosos, auctoritati tuæ dedi-  
 tos, præceptis ac monitis tuis obtemperandi cupidos vi-  
 deas. Sed tamen omnibus seculis ea Gallorum Regum  
 in Pont. Max. asperrimis ac difficillimis temporibus pro-  
 merita fuerunt, ut multis nominibus eorum & studium  
 atque obsequium præcipua quadam charitate comple-  
 tendum, & legati æquissimis animis audiendi, & dicta,  
 factaq; omnia singulari quadam paternæ voluntatis  
 propensione in optimam partem accipienda videantur.  
 Quoties enim in hoc amplissimo nobilissimoq; confessu  
 Reges Gallie nominantur, toties in omnium animis me-  
 moria renovatur, & officiorum, quæ illi longè plurima,  
 longèq; maxima in hanc sanctam Sedem contulerunt: &  
 honorum, quos ab ea vicissim eximios, pro sua in eam  
 eximia pietate retulerunt. Si quis autem Rex unquam  
 fuit, qui propter virtutis ac rerum gestarum magnitu-  
 dinem exquisitissimis honoribus officendus esset: eum  
 se iam nunc in ipsa adolescentiæ flore HENRICUS TER-  
 TIUS Gallia & Poloniae Rex præbuit, nihil ut de eo tam  
 honorifice dici possit, quin id iam pridem virtus ipseus in  
 omni genere spectata superarit. Quò te libentius ac-  
 cepturum esse confidimus eam fidem, venerationem,  
 obedientiam, quam talis tantusq; Rex hodierno die per  
 clarissimum & omni laude cumulatissimum virum Lu-  
 dovicum Castaneum Ruspipozæum, Equitem ordinis  
 Regi, Oratorem ad te suum, tibi, BEATISSIME PATER,  
 & Sedi Apostolica præstat. Cujus enim Regis nomen à  
 summo Ecclesie Pastore & Governatore, audiri liben-  
 tius debet, quàm ejus, qui cum hæreditario jure princi-  
 pem inter Christianos Reges locum majorum suorum  
 virtute partium, obtineat, ita per eorum vestigia gradi-  
 tur, ut quantum ab eis omnibus splendoris accepit, tax-  
 tun-



tuudem ipse unus facile afferat uniuersis? qui, cum ad-  
 huc adolescentulus ac propè puer esset, ita sæpè, ita for-  
 ziter, ita feliciter aduersus hostes Ecclesiæ dimicauit, ut  
 eorum astus consilio eluserit, temeritatem virtute do-  
 muerit, pertinaciam constantia fregerit. Quàm sæpè eo  
 sibi per hostiles cuneos omnia ferro peruia faciente, ex  
 hostium ipsorum tantæ, tamq̃ præmaturæ virtutis ad-  
 miratione defixorum manibus tela irrita ceciderunt?  
 Quàm sæpè cominus ab eis petitus, ita mirabiliter ser-  
 uatus est, ut Deus ipse sua manu ictus in eum directos  
 depellere, & telis ac tormentis vim nocendi adimere vi-  
 deretur? At ille laudis & gloriæ cupidus, vitæ ac san-  
 guinis prodigus, Dei memor, immemor sui, in victoria  
 salutem, in virtute victoriam, in vita ob talem causam  
 in omne discrimen exponenda virtutem positam iudi-  
 cabat. Itaque cum generosissimi adolescentis non iam  
 prælia, sed victoria, ac triumphus numerarentur, iam q̃  
 totum terrarum orbem tam inusitata tamq̃ inaudita  
 virtutis fama peragrasset: fortissima ac bellicissima  
 Polonorum gens eum sibi Regem concordibus suffragiis  
 adoptauit. Quo ille nuncio abstractus ab ingentibus, ac  
 penè ad exitum perductis, liberandæ ac purgandæ Galliæ  
 cæptis, in regnum virtuti suæ ultrò delatum profici-  
 scens, quacunque iter fecit, omnes & Principes & po-  
 pulos sui amore & admiratione compleuit. Vix dum  
 noui & à se expetiti Regis suauitatem Polonia gusta-  
 uerat, cum secuta CAROLI NONI Regis acerba, & per-  
 petuis lachrymis prosequenda mors, res in Gallia com-  
 pagni cæptas, maioribus denuò procellis inuolvens to-  
 tius Regni statum in ultimum discrimen adduxit. Cele-  
 riter igitur è Polonia periclitantis & Regem suum im-  
 plorantis Patriæ voce revocatus, cum easdem illas dis-  
 sensiones, quæ Galliæ Regnum propè subuerterant, non  
 modo

modò non sedatas, aut mitigatas, sed auctas etiam ac corroboratas offendisset: corruptos ac depravatos ob bellorum longitudinem mores: multorum animos, etiam ex iis, qui se Catholicos esse profitebantur, studio partium infectos: plena omnia licentiæ, plena rapinarum, plena scelerum, plena hostium, & externorum & domesticorum: eadem tamen, qua semper fuerat animi præsentia ac magnitudine: tuo etiam BEATISSIME PATER & consilio & auxilio fretus, bellum repetit ac redintegavit: diuq; viris equisq; ut dicitur, tentavit efficere, ut vi & armis perdomita contumacium & regni perturbatorum superbia, pax & quies tandem aliquando fessæ tot calamitatibus Galliæ redderetur.

Sed ut animadvertit, nihil ea ratione, quam tamdiu tenuerat profici, ac potius Regno & Religioni vehementer officii, quæ jam multis in Gallia locis labasceret, à plerisq; etiam penitus exularet: interea uri ac vastari agros; oppida diripi: omnia itinera latronum ac prædatorum cohortibus obsideri. Regni vires quotidianis cædibus ac stragibus enervari: opes immensis sumptibus exhauriri: innumerabilem vim terribiorum facinorum in utroq; exercitu quotidie perpetrari: extremam cladem ac perniciem imminere, nisi maturè subveniretur: aliud sibi consilium necessariò capiendum iudicavit. Optimus ac mitissimus Princeps, qui sanare vellet suos, non perdere, idem fecit, quod prudentes medici solent: qui cū uestionibus, sectionibus, inedia, detractione sanguinis, non morbum, sed agrotum ipsum confici ac profligari vident, ad aliam curandi rationem confugiunt; & fomentis ac remediis mollioribus & victu paulò copiosiore indulgentes, malunt agrotum cum aliqua parte morbi alere, quàm utrumque simul è medio tollere. Maluit igitur & ipse in tanto tamque manifesto interi-

eius periculo, ei parti suorum, quæ adhuc superesset ignoscere, quàm committere, ut brevi ne superessent quidem, quibus ignosceret. Cùmq; cogitaret, illum ipsùm rerum omnium præpotentem Deum multa à quibus non probet: ipse quoq; in tantis angustiis multa à quibus animo & voluntate longissimè abhorret, inter ea tamen sibi toleranda esse statuit, tum aliquid melius eveniret. Certè enim, BEATISSIME PATER, frætus ea spe, quàm in Deo primùm, deinde ex omnibus mortalibus te potissimùm collocavit, melius aliquando fore confidit. Multa oratione conficiuntur, quæ ferro nunquam confici possent. Sæpè quos severitas frangere non potuerat, clementia inflexit. Equi adversus frænâ contumaces interdum sessore habentis remittente consistunt. Multi, qui terrore & malo domari non possunt, indulgentia & facilitate mitescunt. Pugnabitur adversus eos, qui à nobis dissident precibus, assiduè, & privatim & publicè ad Deum fufis. Piorum & eruditorum concionatorum vox, præcipuum instrumentum Dei ad inferendam in animis hominum fidem, quæ in plerisque Gallie partibus armis oppressa conticuerat, liberè jam toto regno audietur. Licebit impia & pestifera dogmata rationibus & argumentis confutare ac redarguere: vera ac salutaria confirmare & constituere Catholicæ Religionis usus & exercitatio, quæ multis ex locis indignissimè sublata & expulsa erat, restituetur ac renovabitur. Dabitur à nostris opera, ut vita ac morum suorum exemplo ad bonas partes alliciant, & ad sanitatè perducant eos, quos armorum vis magis ac magis usq; adhuc efferavit. Rex ipse unà cù fratre, forti ac strenuo, Catholicæ Religionis studiosissimo Principe, concordibus ac consociatis animis auxiliè omnia facient, quæ ad errores ex animis suorum

e vel-

evellendos accommodata esse arbitrabuntur. Catharina Regum mater, summa prudentia & consilio prædita mulier, & liberorum amans ultra consuetum matribus modum, cujus è sinu pax hæc prodiit, cujus præcipue opera & laboribus constata & conciliata est, omne ingenium, quò plurimum valet, omnemq; auctoritatem suam conferet ad filios in fraterna concordia perpetue continendos, & ad populos ejusdem religionis communiione devinciendos. Rex quidem ipse, quod maximi momenti est, non tam nomine, quam re & animo, & tota vivendi ratione Christianissimus, vitam sibi potius eripi patietur: quam fidem: neq; unquam degenerabit à majorum suorum nota testataq; virtute: & quam tibi, BEATISSIME PATER, ac sedi Apostolica, verè atq; ex animo obedientiam præstat, eam se constantissime præstaturum usque ad extremum spiritum pollicetur. DIXI.

## ORATIO XXVI.

In funere Pauli Foxii Archiepiscopi Tolossani, Regis Galliarum  
Oratoris.

AD GREGORIUM XIII. PONT. MAX.  
ET AD SEDEM APOSTOLICAM; Habita  
Romæ, in æde sancti LUDOVICI IV.  
Kal. Junii c<sup>o</sup> 10 LXXXIV.

**S**icut opum ac potentia, sic eruditionis ac sapientia heredes à magnis ac præclaris viris institui possent, is demum PAULO FOXIO idoneus laudator reperiretur, quemcunque ipse sibi earum virtutum successorem esse voluisset. Nam nec in quo amplior & uberior omnium laudandarum

gratum

artium leges effloruerit, nec in quo vis & copia dicendi maior, quam in eo exstiterit, ex omni memoria nostra deligi quiquam potest. Quò mihi magis ac difficilius onus impositum esse video, in hoc ornatissimo consessu de laudibus ipsius verba faciendi: quod neque unquam subire ausus essem, nisi & mea me multis abhinc annis suscepta adversus eum observantia, ut id facerem, adduxisset, & eorum, quorum imperium delectare non poteram, auctoritas cœgisset neque nunc ei me ferendo parem fore considerem, nisi mihi, quod vix dictu credibile est, ipsa levamento ac solatio esset difficultas. Nam si quenkam alium de PAULO FOXIO pro ipsius dignitate dicere posse existimasset, valde me puderet in eum locum conscendisse, unde nihil aliud viderer præstuisse, quam ut summi viri laudes inopia dicendi detererem: nunc cum satis intelligam, quod mihi eventurum est, ut oratio mea longè multumq; infra ipsius dignitatem jaceat, idem cuilibet quamlibet copioso & exercitato homini eventurum fuisse, facile patior delectum potissimum esse me, cujus prædicatione quasiq; præconio admirabilium ipsius in omni genere virtutum, ad eos, quibus illæ fortè minus notæ fuissent, qualiscunque cognitio perveniret. Sed quoniam & multa mihi ac præclara dicenda, & in unius semiboræ curriculum omnia concludenda sunt, ad res ipsas veniam, neq; committam, ut ex tam brevi tempore pars à me ulla in rebus non necessariis consumpta videatur. Primam igitur si generis nobilitas quidquam ad commendationem pertinet, per hoc affirmare possumus, non multas gentes in universo terrarum orbe reperiri, quæ cum gente FOXIA vel antiquitate, vel rerum gestarum gloria comparari queant. Quæ cum ipsa per se nobilissima est, tum hoc nobilior quod cum potentissimis Regibus & Imperatoribus mul-

triplici se jam pridem affinitate devinxit. Nā ut recu-  
 sora taceam, neq̄ illa repetam, quæ quingentos serè ab-  
 hinc annos à COMITIBUS FOXIIS gesta, & nobilium  
 scriptorum consignata monumentis, nulla unquam ob-  
 literabit atas, his certè centum proximis annis tres ex  
 gente Foxia nobiles ac potentes reginæ exstiterunt: E-  
arum prima est Anna, JOANNIS Foxii Candale Comitis  
filia, quæ Ladislaus Bohemæ & Ungariæ Regi in matrimo-  
nium collocata, filiam ex eo sibi cognominem sustu-  
lit, uxorem postea Imperatoris FERDINANDI, matrem  
Imperatoris MAXIMILIANI, aviam ejus qui nunc feli-  
citer imperat RODOLPHI. Secundo loco nominabo  
Catharinam, Gastonis quinti filiam, Reginam Navarræ,  
quæ in regnum, in quod FRANCISCO Thæbo fratri suo  
succefferat, dotale ad JOANNEM ALBERTIUM detulit:  
quæ ex matrimonio natus est Henricus Rex, avus Hen-  
rici, à quo hodieq̄ idem regnum hæreditario jure obti-  
netur. Sed & illius in viciis Gastonis, ducis Nemoren-  
sis, qui dum vixit, terror hostium Gallici nominis fuit,  
qui fulminis in morem hostiles turmas disjicere, qui  
quacunque intedebat, victoriam in manibus gestare vi-  
debat, qui semper vincere assuetus, postremò ad RA-  
VENNAM, dum pro LUDOVICO XII. avunculo suo for-  
tissime dimicat, etiam moriens vicit, ejus igitur Gasto-  
nis sororem, Germanam nomine, Ferdinandi Castellæ  
Regis matrimonium tenuisse, natissimum est. Neque hoc  
loco reticenda est Margarita Foxia, Gastonis Quarti fi-  
lia, quæ FRANCISCO Duci Britannie nupta, Annam ex  
eo suscepit, Caroli Octavi primùm, deinde etiam Ludo-  
vici Duodecimi uxorem, ex qua nata est Claudia uxor  
Francisci Primi, mater Henrici Secundi, avia ejus, qui  
hodie regnat, & ut speramus ac cupimus, diutissimè ac  
felicissimè regnabit Henrici. Sed aut hæc satis sunt ad o-  
 sten-

stendendam summam nobilitatem gentis Foxia, aut non video, quid satis esse possit. Ex hac tam illustri gente natus est PAULUS FOXIUS anno Christi M. D. XXVIII. patre Joanne Carmanii Comite, matre Magdalena Cau-penia, nobilissimus quidem utraq; stirpe, sed in gentem virtute sua cumulum ad veterem suorum gloriam additurus. Natus autem est ea non oris modo ac vultus, sed totius corporis pulchritudine, ut ex ipso aspectu imago quadam ingenita virtutis atque honestatis emicaret. Vidi equidem illum & adolescens adolescentulum, & vir virum, & senex senem: mea enim quam illius, biennio ferè grandior erat ætas, neq; quenquam unquam videre memini, in quem verius conveniret id, quod Græci de Alcibiade prædicant, in omnibus ætatis partibus æquè gratam ac jucundam ipsius formam fuisse. Ingenium ad omnes honestas disciplinas docile, & ad eas percipiendas ita factum, ut qua discerebat, non tam accipere à magistris, quam ipse ex se parere, & eorum reminisci quodammodo ac recordari, ex illa veteris Platonis sententia, videretur. Mores etiam tum in illa ætatis teneritate graves, severi, compositi, & humanitatis tamen ac facilitatis condimento temperati: ut eis quibus cum una erat, & incredibili quadam jucunditate conciliaret sibi, & exemplo suo, ab omni improbitate revocaret. Deniq; ut in herbescenti segetum viriditate certa propè spes futurae messis apparet, sic nemo tunc erat, qui non eum à puero, qualis postea fuit, tamen facile auguraretur fore: justum, integrum, continentem, abstinentem, amantem pacis ac concordia, veracem, apertum, simplicem, ad omnium potius peccata, quam ad sua conniventem. Literarum studia ita puerulo adamavit, itaq; in eo postea constantè persèvit, ut id nunquam à publicis negotiis diverticulū perpetuò habuerit.

ut quidquid ab eis dabatur omni, semper in literis omne  
 consumpserit. Græcis igitur & Latinis literis Lutetia  
 diligenter excultus, ibidemque in Philosophiæ studio ma-  
 gna cum cura exercitatus, Tolosam se ad percipiendam  
 jurisprudentiam contulit, quo in studio tantos brevi  
 tempore progressus fecit, ut adhuc adolescens publice  
 de utroque jure, magna cum omnium admiratione re-  
 sponderit, eosque honores consecutus, qui amplissimi; con-  
 fecto studiorum curriculo deserni soleat, incredibili ho-  
 minum concursu jus civile docuerit: cum ad eum inusi-  
 tata quadam dicendi facultate, de obscuris dilucidè, de  
 confusis ac perturbatis ordinatim ac dispositè, de dubiis  
 enucleatè differentem, etiam ii, qui diu magna cum lau-  
 de docuerant, discendi causa quotidie convenirent. Indo  
cum in aulam regiam venisset, ita statim HENRICO II.  
Regi, acri ac perspicaci ingeniorum existimatori, ita cæ-  
 teris principibus viris carus atque acceptus fuit, vix  
 ut quisquam unus uni carior foret, quàm unus hic uni-  
 versis. Ipse verò & officia obibat diligentissimè, neque  
 ullum diem abire patiebatur, quo non & regem & cæ-  
 teros principes salutaret, & cum eis sermonem conse-  
 reret, & eos, quò opus erat, deduceret ac reduceret: ne-  
 que tamen, quod plerique omnes aulici faciunt, reli-  
 quum tempus otiose & inutiliter absumebat: sed repe-  
 titis de integro studiis, Platonis præcipuè & Aristotelis  
& Xenophontis ac Plutarchi, & cæterorum ejusdem  
 notæ libros ad formandam vitam, & ad rationem gu-  
 bernandæ Reipublicæ pertinentes, ita studiosè per volu-  
 tabat, ut eos in suctum ac sanguinem suum converte-  
 ret, omniaque eorum præcepta in numerato haberet, qui-  
 bus non ad inanem loquacitatem, sed ad danda capiend-  
 aq; de rebus maximis consilia tempestivè uteretur.  
Historiæ quoque multum operæ ac studii dedit, gnarus il-

lustria



lustria praecepta nulla re magis, quam exemplis illustribus confirmari. Itaq; tum sacram, tum profanam, tum veterem, tum novam, tum domesticam, tum externam ita pertractaverat, ut quacunq; de re dicere ingressus esset, optimis & accommodatissimis exemplis ad confirmandum id quod volebat, nunquam non abundaret. Quid de temporum ratione, quid de terrarum situ, quid de populorum institutis, ingenis, moribus, foederibus, quid de quarundam gentium inter se aut naturali consensione aut odio vetere & ingenio loquar? quarum ille omnium rerum tantam notitiam habuit, ut id unum tota vita egisse videretur. His omnibus artibus instructus, cum jam ad obeundas legationes esset aptissimus, antequam tamen ullam earum susciperet, ex usu suo fore ratus est, si in amplissimo Senatu Parisiensi per tempus aliquod versaretur, ibiq; disceptandis quotidie maximi momenti negotiis, firmiora & solidiora sapientiae fundamenta jaceret, seq; illi praestantium virorum cœtui quasi recoquendum & expoliendum daret. Qua ipsius voluntate cognita, confestim Rex HENRICUS eum in Consiliariorum numerum adlegit: in quo hic etiam praecipuus honos habitus est, quod cum in eo Senatu plura sint inter se distincta auditoria, quorum ad supremum non nisi gradatim pervenitur, PAULO FOXIO jus inter primos assidendi, dicendaq; sententia statim à principio tributum est. Ibi verò partam sibi antea juris intelligentiam assiduo tractandorum negotiorum usu ita perfecit ac perpoliit, ut brevi tempore principem inter Jurisconsultos locum obtinuerit, cum eos quidem qui in libris consenuerant, seq; uni cognitioni dederant, usu & exercitatione rerum forensium: eos autem qui se magis ad usum forensium applicuerant, eruditionis copia & magnitudine: aut potius, si aperte id

quod res est, extincta jam invidia, profiteri volumus: utrosque utraq; laude superaret. Prima inde legatio in Scotiam fuit sub id tempus, quo Maria Regina Scotia, mortuo FRANCISCO II. viro suo in regnum suum reverterat. Ubi FOXIUS ea fundamenta jecit & tuendi regni & conservanda religionis, in quibus si postea pari fide ac consilio edificatum esset: fortassis hodie neq; Regina miserabiliter captiva teneretur, neq; status religionis laboraret. Illinc cum redisset, anno M. D. LXI. Legatus in Angliam missus est, ubi quadriennium integrum, tanta fide ac diligentia, tanta dexteritate ac prudentia, tanta perseverantia ac solertia in munere suo versatus est, ut magis interea in Gallia motibus excitatis, nihil Angliæ Regina struere, nihil moliri, nihil machinari potuerit, ad conatus eorum, qui à Deo & à Rege rebellaverant adjuvandos, quod non ipse detexerit ac patefecerit, Regisq; indicaverit, eiq; viam ac rationem ostenderit, qua perniciosae Elizabethæ consilia mature praeveniret & occuparet. FOXIUS præcipue consilio occultisq; monitis, inita est à Rege ratio extorquendi ex Anglorum manibus celeberrimi ac munitissimi portus Gratiarum, quo illi sibi hæreticorum opera iradito Galliam ab ea parte obsessam tenebant. FOXIUS consilio repertum est, quomodo Rex ea pactione quâ HENRICUS II. fecerat, de restituendo Angliam intra certum tempus Calicis solveretur: utq; obsides eorum nomine dati, dimidio ejus pecuniæ, qua Rex de paciscendâ f. culi atem dederat, redimerentur. Illud verè commemoratio dignissimum, quod quamdiu in Anglia fuit, nullam unquam diem intermisit, quin, quamlibet fremente Regina sacrosanctum Missæ sacrificium domi suæ celebrari jusserit: ad quod clam a vidè conveniebat ac concurrerebat, magna & Anglorum & exterorum CATHOLICORUM multitudo, quos ille fovebat, consolabatur,

pro-

protegebat, quorum omnium arx, portus, presidium,  
 perfugium erat: à quibus non tantum mala multa imi-  
 nentia depulit, sed effecit etiam, ut multa damna, quæ  
 eis data erant, restituerentur. Ob quæ merita, ubi pri-  
 mum ex Anglia revertit, in sanctius atq; interius Regis  
 consilium adlectus est. Secuta legatio Veneta: in qua nõ  
 tantum Regi cumulatissime satis fecit, sed etiam illis sa-  
 pientissimis Patribus, universæq; Venetæ civitati iucun-  
 dissimam virtutum suarum memoriam reliquit. Cujus  
 legationis expleto tempore, cum in aulam redisset, in-  
 ter togatos Regis consiliarios, & tranquillis & turbi-  
 dis rebus, unus semper è principibus fuit: cum doctri-  
 na, & usu rerum, & prudentia excelleret: neg. sibi quid-  
quam, præter sincerum Dei cultum, dignitatem & utili-  
tatem regiam, allevationem vexati tot acerbitatibus  
populi, in dicenda sententia proposuam haberet. Inde  
sub finem anni M. D. LXXIII. legatus de rebus gravis-  
simis & ad Summum Pontificem, & ad plerosq; Italiæ  
Principes, quæ sibi mandata erant, illa toties exper-  
ta fide ac dexteritate transegit. Interea cum Gallici  
rumultus utcunque compositi viderentur, missus est à  
Rege ad Heinricum Regem Navarra, qui tunc in A-  
quitania erat, ut eum auctoritate ac præsentia sua in  
officio contineret. Quamquam autem vitari nul-  
lo modo potuit, quin anno post novæ turbæ conci-  
tarentur, tantum tamen PAULI FOXII virtutis  
perfectum est, ut, cum quibuscunque aliis in locis  
hereticorum factio potentior erat, divini cultus ne ve-  
stigia quidè relinquerentur, everterentur templa, sacer-  
dotes crudelissime contrucidarentur: Agini, quæ urbs,  
secundum Burdegalem, Aquitanie principatum obti-  
net, & in toto eo tractu, rebus divinis libere opera da-  
retur, starent facta tecta templa, sacerdotes ab omni

contumelia & injuria tui forent: sacra & Catholica conciones nunquam intermitterentur: cum & publice & privatim FOXIUS Catholicis animos faceret, eosq; ad bene sperandum excitaret: ita ut eorum protector, conservator, parens uno omnium consensu haberetur: Scripsit ea de re Clerus Aginensis ad virum summa dignitate præditum CAROLUM RAMBOLLETUM Cardinalem, petens ab eo, ut hæc omnia summo Pontifici diligenter exponeret, eiq; omni asseveratione confirmaret, quicquid templorum, quicquid sacerdotum, cæterorumq; divino cultui mancipatorum hominum in ea provincia maneret, id omne secundum Deum, unius PAULI FOXI virtuti auctoritatiq; deberi. Sepe igitur in magnam vitæ discrimen adductus est, cum iniquo animo ferrent milites à templis depraedandis cupiditatem, à Sacerdotibus mactandis crudelitatem suam unius hominis auctoritate prohiberi. Multa prætereo memoratu dignissima: sed mihi non tam orationis conquirenda copia est, quam vestra satietas refugienda. Decernitur ei à Rege legatio ad summum Pontificem: ita tamen, ut priusquam in eam proficisceretur, unà cum Catharina Regis matre Aquitaniam, Galliam Narbonensem, Provinciam, Allobroges obire, in singulis oppidis consistere, ac conventus agere, resq; perturbatas, quantum temporum ratio ferret, optimè ac commodissimè componere juberetur. Quid ego nunc dicam, quàm salutare iter illud fuerit, aut quantam afflictis rebus levationem attulerit? Catholica religio multis in locis, à quibus exulabat, restituta, Bona sua, & exercendorum munerum suorum facultas Ecclesiæ ministris reddita, multorum animi, qui nutabant, confirmati. Multa munita loca in Regis potestatem redacta, audita populi querimonia, adhibita ea remedia multis, malis quæ superiorum temporum


cala-

calamitate importata erant. Quarum omnium rerum  
 laus Deo primùm, deinde PAULI FOXII prudentiæ  
 magna ex parte tribuenda est. Regina Regis matre Lug-  
 dunum usque deducta. Romam iter cepit: ibi ita se mo-  
 resq; suos, totamq; antea vitam Pontifici probavit,  
 ut ab eo decoratus sit Archiepiscopatu Tolosano, ad  
 quem ipse multis ante annis miro honorum studio effla-  
 gitabatur. Neq; dici potest in obeundi Legati munere  
 quantopere, & Pontifici, & Regi, & omnibus summis  
 pariter ac infimis gratus acceptusq; fuerit, integritate  
 vita, summa vultus ac sermonis comitate, promptissi-  
 mo ad opem ferendam animo, sive quis auxilio, sive  
 consilio indigeret. Quanquam autem nulla ei pars æta-  
 tis à magnis memorabilibusq; rebus vacaverat, exigua  
 tamen omnia videri poterant; prout ea erant, quæ agi-  
 tabat animo, si quando in Galliam redire, & Ecclesiam  
 sibi creditam præsens gubernare potuisset. Ambigerat  
 enim penitus in mandata sibi provincia, ad TRIDENTI-  
 NI Concilii præscriptum omnia revocare & ex gere, o-  
 mnem munerum ECCLESIASTICORUM nundatio-  
 nem, fœdasq; illas, sed nimis usitatas eorum fiducia-  
 rias anticipationes funditus tollere, dissolutos ac diffu-  
 ontes Ecclesiasticorum mores severis legibus coercere  
 ac constringere, clericorum seminaria instituire, tem-  
 pla eversa erigere, ruinosâ fulcire, redditus Ecclesiasti-  
 cos injustis possessoribus eripere, Xenodochiorum ac  
 collegiorum præcipuam curam suscipere, & perficere,  
 ut eorum, qui illa fundassent atq; instituissent, mens ac  
 voluntas diligenter ac religiosè observaretur, omnia  
 deniq; summo studio facere, quæ ad honi & inculpatè  
 præsulis officium pertinerent. Sed ô spes hominum fra-  
 giles, ô fallacia consilia. Hæc cum tum maximè medi-  
 tantem, & ea una in cogitatione noctes diesq; defixum,


morbus gravior & mortifer occupavit. Cujus primam  
 impressionem expertus est adstans ad aram, cum solen-  
 ni die, quanquam principium quoddam leviter commotus  
 valetudinis sentiens, abstinere tamen à re divina faci-  
 enda noluisse. Quem cum & medicorum cura, & singu-  
lari victus temperantia depulisse jam videretur; haud  
 ita multò post, cum ad hominis GALLI de magna re sua  
 periclitantis causam adjuvandam, ut erat in omnes of-  
 ficiosissimus, iniquo & alieno tempore accurrisset, domum  
 ut redit lassus, denudò decubuit; nec aliud ei postea mor-  
 bi quam vitæ finis fuit. Quo autem ille animo morbum  
sevientem, quo mortem certam jam & iminentem tu-  
lit? quot quantosq; moribundus animi verè Christiani  
significationes dedit? Qua submissione animi peccata sua  
confessus, eorum sibi veniam à Deo & à Pontifice dari  
petiit? Qua veneratione sacrosanctum Christi Corpus  
excepit? Quàm placidè ac patienter sacro oleo perun-  
ctus ac delibutus est? Quibus omnibus Sacramentis ar-  
matus ac munitus, cum toto morbi tempore, non tantò  
quamdiu sui compos erat, sed etiam cum propter vim  
morbi in capite grassantem aliquo mentis errore affice-  
retur, sic quoq; tamen nihil aliud quàm CHRISTUM,  
CHRISTUM DEUM suum, in ore perpetuò habuisset, ad  
eum quem spirabat unum, quo fidebat uno, ut quidem  
speramus ac cupimus, evolavit. HEM PAULE FOXI, quã-  
tam quamq; iustam multis mærendi occasionem morte  
tua obtulisti. Et si tua quidem causa, nihil est quod lu-  
geamus. Tu præclarè ac laudabiliter vitæ cursum con-  
fecisti. Tu in maximis honoribus perfunctus es, ut te  
semper homines majoribus dignum judicarent. Tu au-  
tem laceffere te invidiam virtute constantiaq; superasti.  
Tu, quod ii, qui olim habiti sunt sapientissimi, in aliqua  
felicitatis parte posuerunt, in ipso senectutis limine ere-  
 ptus,

ptus, impendens deterioris ætatis incommoda morte  
 vitasti. *Is tuus tu* iudicium maximi faciebas GREGO-  
 RIUS PONT. MAX. & vitam tuam summè probavit, &  
 mortem non modò honorificentissimis verbis, sed etiam  
 lacrymis prosecutus est. *Omnium erga te ordinum*  
 caritatem satis hæc ipsa principum virorum, quæ ad  
 eobonestandum funus tuum convenit, multitudo decla-  
 rat. *At Talase* dolendum, quæ similem tui pastore nun-  
 quam fortassis habitura, prius te spoliata est, quam  
 vigilantia tua fructum ullum percipere posset. *Dolen-*  
*dum* Regi, qui tam duris temporibus, tanta fide, tanta  
 prudentia præditum Consiliarium amiserit. *Dolendum*  
*Ecclesie*, quæ labantibus in Gallia rebus suis magnum  
 auxilii spem in auctoritate tua collocarat. *Sed omnibus*  
 in rebus divina voluntati acquiescendum est. *Nos,*  
 quod unum tibi præstare possumus, & colemus me-  
 moriam tui, & te fuis ex animo precibus adjuvare  
 conabimur sperantes fore, ut ipsi vicissim  
 tuis precibus adjuvemur.

DIXI.



EPI.



EPISTOLARUM.

M. ANTONII MURETI  
PRESBYTERI,  
ET CIVIS ROMANI.

LIBER PRIMUS.

M. ANTONIUS MURETUS  
JOANNINICOTIO V. CLAR.

Consiliario Regio S. D.

EPISTOLA PRIMA.

**M**ULTE cause sunt, JOANNIS NICOTI, vir clarissime, propter quas magnorum & illustrium virorum epistolæ expetantur. Sunt quas sermonis nitor & elegantia, & nativa quædam pulchritudo, nullo ut videtur, artificio exculta, nullis pigmentis colorata commendat: Sunt contra, quæ & verborum & sententiarum minimè vulgato genere cultum & artificium ostentent. Nonnullæ etiam ita scriptæ sunt, ut historiam quasi quandam contineant eorum temporum, quibus ii, qui illas scripsere, vixerunt. Atque hæc, si ve à disertis, & ingenuarum artium scientia ex-politis hominibus prodierint, tantò cupidius leguntur: si ve etiam ab iis, qui lepore ac festivitate dicendi caruerint, non tamen propterea negliguntur. Historia enim, ait Plinius, quoquo modo scripta delectat. Graves quædam & Philosophicæ, officii præcepta tradunt; falsas



sas opiniones evellunt ex animis; quanta in virtute di-  
 gnitas; quanta in vitiis turpitudine sit, docent: quo in ge-  
 nere Seneca excellit. Quaedam etiam si ad res modò pri-  
 vatas & familiaria negotia pertinent, excitant tamen  
 hominum studia, propter eorum, à quibus scripta sunt,  
 auctoritatem. Natura enim comparatum est, ut quos  
admiramur ac magnificimus, eorum omnia maxima  
minima cognoscere cupiamus. Recte, ac verè Xeno-  
 phon, virorum virtute præstantium non seria modò, sed  
 & joca digna esse ait, quæ memoria commendantur. Es-  
 certè si vascula quedam, quibus illi usi erant, & alia quæ  
 in eorum supellectile ac frivolis fuerant, mortuis ipsis  
 cupidos emptores invenerunt: quomodo lucernam Epi-  
 cleti mille drachmis, Protei Sticici baculum talento  
 venditum accepimus: multò magis eorum quamlibet  
 tennes & exiles epistolæ in pretio esse debent. Sed ego  
 hæc omnia mecum agitans, causam tamen reperire nul-  
 lam queo, cur aliquem epistolarum mearum librum  
 videre, multi istic, ut scribis, elegantis ingenii homines  
 concupiscant. Sive enim Latinas literas amant, & ad  
 aliquam Latinæ scribendi facultatem pervenire cu-  
 piunt, quisquamne est, qui cum extent Ciceronis, Sene-  
 cæ, Plinii epistolæ, non dicam ex meis, sed ex cujus-  
 quam, qui his mille annis vixerit, Latinæ linguæ, aut  
 integritatem, aut copiam sibi petendam putet? Idem et-  
 jam de illo qualicumq; scribendæ epistolæ artificio dixe-  
 rim. Quid enim aut Plinio limatius; aut Seneca gra-  
 vius, aut Cicerone in omni genere perfectius optari po-  
 test? Gravidarum mulierum morbus ille fuerit, quæ  
 neglectis bonis ac salubribus cibis, cinere se nonnunquã  
 & carbonibus pascunt. Ne res quidem ipsæ adduce-  
 re, aut invitare quemquam possunt ad epistolas meas  
 cupide legendas. Homo enim privatus, qui ita in libris

ac literis consenuerim, nullam & unquam attigerim  
 Reipub. partem, nullam unquam epistolam scripsi, nisi que  
 ad mea non magni momenti negotia pertineret. Quis  
 autem ego sum, ut, quod postremo loco posui, auctori-  
 tate quisquam adductus mea res meas cognoscere cu-  
 pias? Mitto jam, quod cum in cæteris, tum in hoc præci-  
 pue genere ita negligens sum, ut epistolas uno impetu  
 fusas, raro admodum bis legere; certè quidem nun-  
 quam bis scribere, sed ut primum fluxerunt, liturarum  
 sæpe ac macularum plenas ad amicos mittere soleam.  
 Itaque multum negotii habui in iis, quas ad te nunc mi-  
 to, colligendis. Nam præter paucas, quas familiares qui-  
 dam mei descripserant, cætera ab iis ipsis, ad quos missæ  
 erant, aut ab iis, in quorum manus, mortuis ipsis per-  
 venerant corroganda, quasi que ostiatim conquirenda  
 fuerunt. Quas non ullo ordine aut personarum, aut  
 temporum (neque enim res tanti videbatur) sed ut  
 quæque allata erat, & cum eis nonnullas ad me, à viris  
 doctrina & auctoritate præstantibus scriptas, in unum  
 volumen congerendas curavi, ut tua vel voluntati  
 obsequerer, vel auctoritati obtemperarem. Tantum  
 enim & amicitie nostræ, & prudentiæ tue in maximis  
 muneribus publicis obeundis jam pridem spectata tri-  
 buo, ut nulla in re tibi aut volenti negare, aut fraudenti  
 adversari fas putè. Quare quid à me postules, aut quid  
 me facere jubeas, ipse videris: certe quidquid postula-  
 veris: quod quidem in me situm sit, consequeris. Hoc au-  
 tem æquiore animo passus sum extare aliquas Epistolas  
 meas, quod quedam multis jam abhinc annis editæ sunt  
 pro meis, de quibus scribendis, ego ne per somnium qui-  
 dem unquam cogitavi. Confluxerat eas is ipse, qui  
 tanquam à me ad se missas divulgaverat, homo audaci-  
 sus ille quidem, sed improbus, & natura nocendi ac ma-  
 le-


*lesacienti cupidus; Cùm plurima & maxima officia, quibus à me affectus erat, summis injuriis compensare vellet. Qua de re olim à me graviter objurgatus, multis tñ lacrymis à me veniam petiit, laqueo digna commississe se fassus, cùm ei sermoni HADRIANUS TURNEBUS, & JOHANNES AURATUS, presentes interessent. Sed mitamus hæc. A te pro amicitia nostra peto, des operam, ne quid istic excudatur pro meo, quod meum non sit. Quid enim futurum est, nisi coërceatur istorum audacia, qui superioribus mensibus Poëma quoddam de laudibus IOANNIS AUSTRIACI, quod ego nunquam legeram, pro me ediderunt. In quo & mihi & ei, cuius illud pëma est, imposita insignis injuria est. Nunc tua potissimã fide, diligentia, auctoritate, voluntate erga me fretus, nihil tale post hac eventurũ esse confido. Vale, ROMA, 9. Kalend. Septembr, M. D. LXXIX.*

## JOHANNES NICOTIUS LIBEL.

LOR. SUPPLIC. IN REGIA MAG.

Marco Antonio Mureto Viro  
eruditissimo, S. P. D.

### II.


*Em periculi mei me fecisse ex te audio, quo est flagitatione mea, quas ad plerosq; amicos tuos dedisti literas, tandẽ in manũ hominũ venire finas. Ergo v. m. MURETE, id, quid periculi sit non sanẽ video: extidisse tibi quidẽ certẽ, singularis hujus erga literatos omnes beneficii gratiã facile perspicio, qui istam clavã de manibus me tibi extorsisse tam ingenuẽ fateare. Nulla n. mehercule earum, quas memoras causa satis justa, ad premendũ tibi unquam fuit. Nã quam jam inde ab adolescentulo, unus è nostris hominibus, Romanam illam*

amplitudinem ac dignitatem. & quovis scribendi, & toto ipsius vitæ genere ita sis consecratus, ut fato tuo civitate etiam Romana donatus fuisse videare, quisquam quæso, erit, qui, quum tuas epistolas leget, non ex orationis venustate (Romana ista quidem prorsus) & eximiarum atque præstantium rerum tractatione, singulararem & voluptatem, & fructum capiat? Quæ tu summe doctus, ad præstantes omni probitate atque eruditione viros scripsisti, quotidieque quin scribas, efficere plane nequis, non ex earum quidem commentationum genere sunt, quibus non amplius quod vis, quam familiarium Epistolarum nomen, merito debeatur. Literatorum, MARCE ANTONI, ac studiis, doctrinaque deditorum virorum inter ipsos, per literas consuetudo, quidpiam egregium atque excellens semper habuit, perpetuoque habitura est. Id aded quidem, ut illorum, qui olim extiterent, etiam οὐπίστη ac δειπνῶν in rebus opera & oleo nostro dignis esse ducamus. Fuit, eritque quoad quidem mortales terram colent, cuius seculo, rerum & publicarum & privatarum, tum earum quoque, quas neutrarum expertes facile dixeris, sua quædam norma ac ratio, quam, qui id ætatis degunt, multo certe magis è re sua condiscant, perceptamque usurpent, quam quæ longè antea ætatis exiitit. Memini quidem me, quum in Lusitania Christianissimi Regis Legatus essem, non tam in rebus Legationis illius commodè gerendis antiquis vel sæderibus, quæ cum Lusitanorum Regibus, nostris alim intercessere, vel Annalibus utriusque gentis versandis, quàm quorum ætati ferme suppare sumus, adiutum ac sublevatum fuisse. Enim verò MURETE, nonnihil haud ita dispar, in ipso etiam scriptorum genere contigit. Nam quum ad consuetudines hominum inter se instruendas atque ornandas, quæ viri omni do-

Strina

Strina et  
tur, ma  
colenda  
follem, v  
eventat  
rum qu  
gunt, qu  
profectu  
eiusmod  
nere, ac  
tu, ne t  
muis pl  
ris; per  
tio, ea le  
faturum  
etiam p  
bes, dilig  
vis. Quo  
per sum  
suum ef  
disse, ut  
haud fat  
enim scr  
tum vis a  
Sunt, mi  
mam ne  
Quos tu,  
propter  
feras op  
cessitis u  
dia, quæ  
supplicio  
obscuro

Firina eruditi, cum sui similibus per litteras colloquuntur, magnoperè conducant; ipsa autem consuetudinum colendarum ratio ac disciplina, nequaquam in atates solùm, verùm etiam propè iam in annos singulos varia eveniat: non tam aut Ciceronis quidem ipsius, aut aliorum quos refers, Epistolis, qui nunc inter homines agunt, quàm aut tuis, aut eorum qui tui sunt similes, qui profectò perpauca sunt, adjuvabuntur. Non sunt denig eiusmodi: tuæ Epistola, quæ seclis innumerabilibus manere, ac, ut Scaevola agebat, canescere nequeant. Itaque tu, ne tibi desis, valdè te hortor atq; moneo. Meo res amnis plane, quandoquidem ita tibi cavere velle videris, periculo esto: Etsi verò id me tutò jubere facile sentio, ea lege tamen ac conditione quodvis periculum abfuturum promitto, si quod nunc agis, id tu multò debine etiam protinus ages, quæq; in isto genere posthac scribes, diligenter ac summa fide ad me perferenda curaveris. Quod autem scribis, partum à malevolo, nescio quo, per summam fraudem, suppositum tibi fuisse, qui falsò se tuum esse dictàrit, id equidem aded immeritò tibi accidisse, ut debeo, magnoperè doleo. At herclè, illo mihi haud satis insidiosè eam fraudem adornàsse videtur. Quis enim scripta tua legerit, vix alterius cujusquam, quantum vis affabre effectum commentum, pro tuo agnosceret. Sunt, mi MURETE, pestes quædam hominum, per summam nequitiam ac inertiam, aliena laude dolentium. Quos tu: cui quidem benè beateq; vivendi ratio constat, propter magnitudinem & animi & ingenii, moderatè ferre oportet. Hujusmodi ego hominum monstra, à læcessitis ulciscenda minimè esse censeo, quibus ipsis invidia, quæ miserrimè peruruntur, satis superq; perenni supplicio est. Nam monstro sanè haud absimile est, in obscuro Patriam jacere malle, quàm ferre æquo animo,

lumen ei à præstantiore quæpiam præferri. Haud sanè luminosior usquam Gallia nostra futura erat, quò illum animo fuisse intelligo, quàm quantum ille sua face ei præluere potuisset. Non, ut in prædiis urbanis, æquè in litterarum morùmque studiis, ne altius quis tollat, actio ullo unquam jure prodita apud ullum unquam populum fuit. Quin *τὸ ἀγαθὸν πάντες αἱ πόλεις ἐπιείκως ἐθέλουσι*, tuus ille, aut si certe das, etiam noster in *Νίνομαχέαις* docet. Nihil planè erat, quod male volus ille jure queri posset, si *tu, doctrina singulari ac ingenii vi admirabili, in sublime te efferens, ipsius (qui ne in secundis quidem fortasse consisti) fenestellis officiebas*: quàm ipsi pariter altius tollendi, omnium gentium institutis ac moribus, jus esset. Ut ille mihi prorsus ignovner, ne dicam nefariè, sibi prospexisse videatur, quæ Patriæ, is qua ambo & nati & educati, quo summo ornamento es, eris que dum Latina loquentur literæ, id *ἀπὸ τοῦ φρονήσεως*, damno sibi existimârit. Sed illum jam missum facio. Tu verò, mi MURETE, qua animi magnitudine polles, hanc fraude tibi injuriam factam magnificè contemne: ac perge porrò, quò jamdiu contendis, ad palmam quam sanctissimi mores, & in omni doctrina exantlati labores tibi mox in manum dabunt. Me tibi vindicem, quoad vivam, si quidem me ad eam rem idoneum censes, non defuturum, hoc mihi credas, vehementer velim. Vale, & me, quod facis, etiam atque etiam ama. Datum BRAIÆ COMITIS

ROBERTI pridie Kalend. Octobr.

M. D. LXXIX.



M. AN



Non enim levem neq̄ contemnendam jacturam faceres, si quid mihi contingeret, φίλος ἢ εὐδὲν κτῆμα περιώτερον. Ego verò amicus tibi sum, & amicus ex animo: quales admodum paucos esse, non injuria querebatur Theognis. De Catullo, exiguam tu quidem mihi diem præsinis: sed tamen dabitur opera, ut satisfiat tibi. TORQUATUS BEMBUS respondit se cognoscendi mei cupidissimum esse, mihiq̄e libenter gratificaturum quacumq̄ in re posset. Quod scribam aliud nihil occurrit, etiam atq̄ etiam vale, mi Manui. A. D. 4. Kal. April. PATAVIO.

E I D E M.

IV.

DE Tibullo & Propertio: Libenter hoc & omne militabitur bellum: ut ille ait. Ita enim de me meritus es, itaq̄ assiduè mereris, nulla ut in re unquam à tuo studio discrepare debeat voluntas mea. Sed quaeso te, quid tu facere cogitas? an forte eadem opera Catullum cum commentario meo, Tibullum autem & Propertium sine ullo commentario emittere, eosq̄ tres unum in librum conjungere? Tale enim aliquid mihi venit in mentem suspicari. Hoc si est, non equidem reprehendo, neque improbo: etiam librum puto vendibilem fore. Sed tamen novum, ut puto, multis videbitur. Sin alia quaedam tua ratio est, fac ut sciam. Nam si ego rectè conjeci ἢ τίς τις ἀπορίτης ἐπιτεροῦν, capiam fortasse aliquòd novi consilii, quod tibi non displiciturum esse confidam. Hodie constitutum factum erat eum amicis quibusdam, ut ad Torquatum adiremus una: sed hoc tempus nubilum, caliginosum, pluviosum, vereor, ne illis obstet, quò minus ad me veniant. De loco Plutarchi mihi quoq̄ cogitanti ac scribenti, permirum, perq̄ incredibile videbatur. Accu-

ratiōs





miraris, dicam tibi, quid factam sit. E libris, quos ad me misisti, neuter erat, qui non in primo illo filio, tam multa ad marginem adscripta haberet, ut verendum esset, ne librarii fallerentur. Concerpsit igitur unum e meis, sed eam multa in eo menda reperi, ut coactus sim mutare consilium. Quid autem numerus versuum non congruebat, eò factum est, ut aliquot delendi fuerint. Nam, quod ita cecidit, ut à Pentametro inciperet pugna, non consilio factum est, sed casu. Potest autem facile corrigi. Characteres tui Græci sanè luculentissimi, ac dolorem Gallorum nostrorum vicem, quos à te ceteris omnibus rebus jam pridem victos, typorum quoque Græcorum elegantia superatum iri video, nisi plus te quàm plerosque illorum amarem. Edendi autem Syriani consilium, cui tandem displiciturum, displiciturum verò? imò cui, qui quidem homo sit, non summopere placiturum putas? Germanum illum iterum tibi commendo, bonus vir est & literatus; & bene apud eam beneficium collocabis. Sed ego captus dulcedine quadam ad te scribendi, non sentio tempus effluere. Vale. Hercules Podocatharvus miratur te ad binas litteras suas nihil respondere: neque non tamen facile suspicatur, id quod est, te non libenter scribere, nisi urget necessitas, cum manu tua nunc quidem scribere necesse habeas. Salvebis ab eo, & à Molinio nostro. De Epistolis tuis, noli laborare, brevi eas habiturus es. Iterum vale. Prid. Non. Maii, PATAVIO. Anno M.D.LXVI.

## E I D E M.

## VI.

**S**I PEGASI sint isti tui operarii, tamen fieri nullo modo potest, ut uno die chartas quinque descripserint, quas heri te accepisse oportet: at tuæ hodiernæ litteræ signi-

nificant c  
artas qu  
ing, nudi  
te signific  
dis; ieru  
in ad te pe  
di: sive ne  
intercipi  
bil ampliu  
ro, Vale

**M**iror,  
litter  
bil respon  
rum, qua  
in tertio f  
hi veniun  
mor erga  
te valetu  
lam: &  
ribendi in  
s acceper  
Vale. 3

**G**o verò  
certò sci  
r suasissim  
in nò tam i

significat opus eis deesse. Itaque quid cogitem, nescio. Chartas quinque, cum istic essem apud te reliqui: alteras quinque nudius tertius misi; tu, ut omnia jam confecta esse significes, cras tria folia impressa missurum esse te dicis; iterum tibi dico: quid cogitem nescio. Nam, siue illa ad te perlata sunt: deesse illis, quod agant, non potest: siue non sunt, verendum est, ne eodem modo aut intercipiatur, aut pereat, si quid amplius misero. Itaque nihil amplius mittam, dum quid illis factum sit, cognovero. Vale 10. Kal. Maji. PATAVIO.

E I D E M.

VII.

**M**iror, quid acciderit, quod a te nihil hoc triuolum litterarum; praesertim cum adhuc ad binas meas nihil responderis; quarum alteras accepisti cum indice eorum, quae in Catullo peccaverant librarii: alteras cum tertio folio Tibulli. Utinam ne vera sint ea, quae mihi veniunt in mentem. Nam, verè ut dicam, summus amor erga te meus interdum vereri me cogit de firmitate valetudinis tuae. Quæso te, eripe mihi hanc molestiam: & si apud te est, ut volumus, ad intermissum scribendi institutum redi. Ego cum primam a te litteras accepero, mittam ad te & Tibulli reliquam, & scholia. Vale. 3. Id. Maji. PATAVIO.

E I D E M.

VIII.

**E**go verò te nihil de me tam improbè suspicatum. Certò scio: teq̄ omnia scripsisse in *πρόστατα* & *ἀφιδόστατα* persuasissimum habeo. Sed quod ea de re scripsi, iocatus sum nō tam in te, quàm in meipsum. Sed quādo tu ita vis,

S 4

omitt.

omittantur sanè hæc nomina. Catulli, quod reliquum est, ad te mitto. Cætera urgeo. In iis, quæ accepi, non admodum multa librariorum menda sunt: nonnulla tamen, sed levis momenti, in Ode Sapphonis tria aut quatuor, quæ sanè excidisse nollem. At hæc relinquamus. Cogito, cui Tibullum, cui Propertium, ex more dicare debeam: neque satis explicare me possum. Nam ex iis, qui mihi veniunt in mentem, alii *συνώτεροι* sunt, alii *κρυώτεροι*. Adolescentes homines vellem, ingenio eleganti & non alieno ab his literis, & totum *φιλοδίκε*, magis, quam *φιλορηπτό*. Omnino Venetiis exeundum est. Nam ista littora planè littora sunt, frustra ares, frustra seras. Tu, si potes, consilio me adjuva. Nam me hercule, si nihil aliud ostendatur, potius amiculo cuiquam meæ sortis hoc munusculum deferam, qui me amet, qui mihi bene cupiat, qui mihi saltem gratias agat, quam cuiquam ex istis splendidis, qui omnia sibi ultrò deberi putant. Quæsote, quando ego neque defugio, neq; defugiam unquam quicquid tu voles laboris, suscipe hanc cogitationem causa meæ, & quid facere debeam, mone. Novi te, ut in cæteris, ita in his quoque rebus acutissimum & sagacissimum, ubi tu *τῆ ἀείσῃ νόον*, ut soles, consilium dederis, quicumq; erit eventus, æquissimo animo feram. Vale.  
A. D. V. Kalend. Maji. PATAVIO.

E I D E M.

IX.

**D**E Propertio quietus esto. Libenter hoc & omne militabitur bellum, in tuæ spem gratiæ. Neq; quod dixeram, eò dixeram: sed tu alior sum accepisti, tantum enim loquebar *αὐτῶν τῶν ἀγοσφωνήστων*. Accipio tamen, quod das, soro, ut tui isti Pegasi minus incitæ volent. Mitto  
ad te

ad te Epistolam ad Bembum *αὐτοῦ ἰδιῶς ἔδωκεν*. Mihi crede, semel scripsi: semel relegi, sed eò fidentius, quòd ad te mittitur, tanquam Aristarchum, quidquid minus placuerit *ἰσχυροῦς*. Per me quidem non interpoles modò eam licet; verùm etiam de integro cudas. Tantò melior erit, si tua erit; ac ne sic quidem mea esse desinet. Nam in hoc quidem genere *τῶ τῶ φίλων*. Quid amplius? reliqua Tibulli cras mittam, ac fortassis etiam scholiorum partem; ut gustum aliquem futuri operis capias. Tabellarii urgent. Vale. MOLINUS te salutat. Postrid. Non. Maji. PATAVIO.

## E I D E M.

## X.

CUM VENETIIS discederem, reliqui apud SIXTUM MEDICEM, optimum & humanissimum virum, cujus ut scis, hospitio usus eram, libros aliquot tuos, itemq; volumen unum mearum variarum lectionum: quæ omnia puto jam pridem ad te perlata esse. De Dionysio injeci jam mentionem Cardinali: cùm ipse me de te, suisq; rebus perhumaniter interrogasset. Tu, si me audis, videbis, ut ne res in longum differatur. Nolim enim contingere ut alius quispiam occupet. De sene illo impure, quid vis, tibi respondeam? denuò confirmasse se dicitur. Omnino tamen si homo bulla, eò magis senex. sed ò incertam conditionem nostram. Ille exsuccus, exarguis, exhaustus, senio confectus: & ipse orbis senium, qui jam jamq; animam efflaturus videbatur, vivit tamen, vivit? Imò verò, sed nolo cætera, quæ leviter immutata, pulchrè ut opinor quadrarent. At Gallorum Rex, integræ ætate, firmæ valetudine, maximis viribus, florentissimis rebus suis, inopina morte percussus est. Quo qui-

dem casu valde accisa sunt spes nostra, magnaq; hic & animorum & vultuum facta mutatio. Sed omittamus hæc. Cùm hic sunt studiosi nominis tui, & scriptorum tuorum admiratores maximi: tum M. P. Medius & <sup>ῥοῦτος</sup> homo & Græcarum & Latinarum literarum scientia excultus, & Philosophus, & si quæris, me hercules etiam Poëta valde bonus, ita te amat, ut nihil ardentius fieri posse videatur. Est autem natura comparatum, ut quos amamus, ab iis etiam nos amari velimus. Cupit igitur ad amicitiam tuam mea opera pervenire: & ea re scripsit ad te Epistolam, quam ad te cum his litteris mitto. Videor facturus injuriam humanitati tuæ, si te orem, ut ad ipsius litteras respondeas. Puto enim spontè facturum. Sed tamen, quia & ego hominem valde amo, & ipse te magnopere observat, mecumque diligentissime egit, ut id à te peterem, peto & queso. Quid jam? quid aliud? Nihil nisi ut valetudinem tuam cures: & me ames, & Aldum nostrum salutes meo nomine; quem ego medius fidius, in oculis sero. Vale. A. D. 14. Kal. Sext. FERRAR.

E I D E M.

XI.

**H**eri ad te scripsissem, sed volui gratificari Lazaro Mocenico adolescenti optimo, ingeniosissimo, studiosissimo; quod & ipse incensus erat cupiditate cognoscendi tui, & eum ego cupiebam à te cognosci, de quo me tam sæpe predicantem audiisses. Hic enim est unus propemodum, de quo ego tibi omnia summa polliceri audeo: neq; metuo, ne me spes fallat. Queso te, completere eum mea causa quàm poteris humanissime: dignus est enim omni benevolentia atque amore. Ingenium summum, industria mirifica, mores optimi atq; incorrupti-

rupissimi. Denique quicquid dici de illa aetate honorifice potest, id me de eo dixisse & merito dixisse tibi persuadere. Accipies ab eo, quod superest Tibulli, & scholia mea in primum librum; de quibus cupio audire iudicium tuum. Quid est, quod hodie ad me Molinius scripsit, mira quaedam esse, qua tu mihi, cum istuc venissem, dicturus esses? Si me amas, quicquid est, scribe. Ego enim, nisi quid aliud acciderit, nondum me istuc venturum puto. Vale, 15. Kal. Junii, PATAVIO.

E I D E M.

XII.

**E**GO verò Herculi quidem optimo atque honestissimo adolescenti sua & tua ex causa: tibi verò, tua & mea ex animo gratulor. Nam & ipsius studiis & valetudini tuæ præclare consulatur, & ego Epistolas à te accipiam non crebriores tantum & longiores, verum etiam ita me HERCULES amet, nitidiores & alacriores. Vel illa quam hodie accepi, quam festiva est: quam hilaris? quam tua? Itaque MOLINIUS exultat quotidie addi aliquid ad laborem suum: soletque mihi sæpè in sermonibus dicere, ingenium tuum sibi agrorum Siculorum simile videri: e quibus;

*Festiva quantum decerpunt luce capella,*

*Tantum secundus gelida ros nocte reponit.*

Hæc mihi ad te reliquam partem scholiorum in Tibullum. Nam in quartum librum, cur hoc tempore nihil scribam, magna causa est. Propertium urgeo: cuius principium paucis diebus ad te mittam, id est, cum Tibulli, quod ab operis descriptum est, accepero: Columbinum tui mihi, qui ad me accerferet: sed ù negavit se domi esse. Cras si non modò columbinis, sed aquilinis etià feratur alio, nõ effugiet colloquium meum. Vale, mi Manuti.

καί, ὡς περ ἐλάσας, ἀπὸ φίλου Νεαρίδου. 7. Kalend. Junii. Mira  
 illa, de quibus mihi Molinius scripserat, si potes, scribe:  
 aut aperte aut συμβολικῶς.

## E I D E M.

## XIII.

**S**I nihil est aliud, præter occultam quandam coitio-  
 nem factam à duobus civibus, amicis nostris ad de-  
 jiciendum eum, qui successit in Polyphemi locum: causa  
 nulla est, cur id tantoperè celatum velis. Nam hic qui-  
 dem res omnium sermone celebrata est. De Ferrar-  
 iensi, neq; nihil est, quod audisti, neque tamen mihi ad-  
 huc, quid facere debeam, constitutum est. Omnino cupe-  
 rem aliquam *μὲν βολῆς*. Non quin placeat magis in dies  
 Patavium: sed quid intelligam, scio te quoque intelligen-  
 re. Neq; verò ita multum laborarem, SIGONIONE aut  
 mihi etiam: si quæris, mihi quidem magis arrideret ea  
 conditio, qua nunc est Sigonius; idq; cum aliis de causis,  
 tum quia tecum essem. Spes est, aliquid super hac re an-  
 te Octobrem III. viris constitutum iri. Neq; sanè facere  
 aliter possunt, nisi paulatim Patavinam scholarum exi-  
 naniri velint. Expectabimus igitur, & si res succedet ut  
 volumus, gaudebimus: sin, humaniter ferremus, &  
 perspicimus rationibus nostris. Propertium urgebo,  
 ut jubes. Scholia in Tibullum, cum tibi erit, ut excudan-  
 tur, velim me paulò diligentius inspicienda mittas. In  
 carminibus quibus celebratur hortorum Deus, jambi-  
 ca quædam sunt, quæ ab omnibus tribuuntur Tibullo.  
 Unum etiam ejusdem argumenti epigramma reperio in  
 antiquo Tibulli libro. Hanc igitur appendiculam adji-  
 cieturus, si voles. Quartus liber tam multa habet quæ  
 non intelligam, ut in aliud tempus differre satius putem.

Valde

Valde  
 sienti  
 later  
 alteru  
 bitur,  
 nium  
 mne i  
 conse  
 4. No

**C**  
 m  
 mover  
 valde  
 es; cu  
 ignora  
 reditu  
 ciam,  
 enim s  
 bere a  
 & est  
 sors.  
 inam,  
 pter h  
 apto a  
 & ger  
 vernat  
 pridem  
 homin  
 innoc



Valde me pupugit, quod scripsisti de Simiolo illo Parisiensi; nunquam putassem sub tanta simplicitatis specie latere tantam perfidiam. Mibi paucis diebus ad illum alterum necessario scribendum est: ego si tibi ita videbitur, libenter faciam, ut inseram literis meis, testimonium meum iudicii de eo tui, Tu maximo animo contemne ista omnia, ut facis, & ad valetudinem tuam, vel conservandam, vel confirmandam studium confer. Vale  
4. Non. Junii. PATAVIO.

## E I D E M.

## XIV.

CUM constituisset hodie ad te scribere: hesternodie non scripsi: quod <sup>vergetur</sup> ~~argere~~ stomachum mihi moverant versus, quos ad me miseris; de quibus tamen valde amo te. Defunctus enim, ut semper, amici officium es; cum ea, quæ ad me tantoperè pertinerent, mihi non ignota esse voluisti. Sed impurum ego illum si vivo; et si rectius tu: qui tetra hæc & impura animalia, ut despiciam, mones. Coram igitur colloquemur. De Dulcio, eum enim significari puto, consilium tuum sequar. Ad te scribere aliquid te dignum, mihi hoc crede, gestit animus: & est ~~vero~~ <sup>vero</sup> præclara aut innumerabiles potius ~~vero~~ <sup>vero</sup>. Sed ita pridem versus facere desisti, ut valde metuam, ne nihil succedat. Tentabo tamen, etsi nunc propter hoc consilium de migratione, animo non sum valde apto ad poëticas hilaritates. Erat & ad Petrum ~~vero~~ <sup>vero</sup> ~~exiguo~~ (finge aliquod ejusmodi nomen aut Latinum aut vernaculum, ita quem dicam intelliges) ode una jam pridem scripta; de qua quid faciam nescio. Nam neq; cum homine in eam suspicionem adducto, nisi prius de illius innocentia constiterit, quidquam mihi esse negotii volo: & per-

& perire eam, etsi nihil est, nollem. Ad hæc expecto,  
 quid sentias. Nunc est quod te magnopere oratū velim.  
 In iis literis, quas ante hos 15. dies ad Petrum Morinum  
 dederam, narrabam deferri mihi conditionem opimā &  
 honorificam imprimis: neq; quanam esset, exprimebam;  
 aiebam autē, me eam neq; accipere, neq; planē repudiare  
 audere, nisi penē penitus perspecto eius, qui me ad se vo-  
 cat, animo. Nunc experem (ac vide quam improbus sim,  
 qui te quoq; mea causa improbum fieri velim) caperem  
 igitur, epistolam ad me benē longam eo argumento scri-  
 beres, ut laudares consilium meū, qui & lucro presenti,  
 quod, ut scis, offerebatur, & tranquillitati studiorum  
 meorum, & aliis ejusmodi rebus, hujus familiaritatem,  
 ἢ θεῶν πέρας, ἢ ἀλλο ὅτι ποτὲ ὀνομαζόμενον μάλις, ἀνδρῶν, ante-  
 posuerim. Erit tibi campus amplissimus amplificandi  
 conditionem illā quam repudio, & tamen ex conditione  
 ostendendi, quanto sit hæc honestior ac splendidiore; dicendi  
 de hominis ipsius laudibus: etiam de iis, qui cum eo sunt:  
 si quis eorū tibi nominatim appellandus ac celebrandus  
 videbitur; idq; cum ad meas rationes accommodatissimū  
 fuerit; tum tibi fortassis inutile ad gratiam ipsius recol-  
 ligendam, & ad medicinam faciendā animo nonnihil, ut  
 scis, exulcerato. Vellem etiam certo prædiceres fore, ut  
 magnos aliquādo ex eo industriæ meæ perciperē fructus.  
 Puderet cum fortasse olim, facere te ἦσθ δέμας τῆς. Eam a-  
 epistolam ad ipsum finem tuarum imprimi vellem. Hoc a-  
 te vehementer peto. Ea lege tamen si tibi quoq; hæc è re  
 utriusq; nostrum fore videtur. Cras cætera. Vale mi  
 optime & optatissime Manuti. Epistola tuæ nullæ præ-  
 terea sunt: quas quidem edi oporteat. Sunt enim in aliis  
 pleraq; omnia τῶν διαφόρων. Iterum vale. Hodierna ele-  
 gantissima est, sed ut videtur, non divulganda. Nico-  
 laum tuum, aut nostrum potius ἀντιπρόσωπον.

## E I D E M.

## XV.

**V**alde recreatus sum iis literis, quas à te hodie ac-  
 cepi. Etenim qui natura in omnibus rebus meis  
Δόσελπις πείρα ἔμπευ esse soleam, tantum ex indignatione  
 quadam superioribus diebus concepta ad illam natura-  
δοσελπίσιον adjeceram; ut non tantum aliis omnibus  
 asper, morosus, ἀπεσιγγεῖ: Verum etiam mibimet ipsi  
 odiosus atque invisus esse cepissem. Sed redibo ad me,  
 meq; amabo, ne quid non amem, quod ames tu in quo est,  
 quidquid usquam est, amabile. Rosarium, & illud al-  
 terum hominis somnium πικρὰ σιμάζειν jubeo. Quanquam  
 quæ indignitas est, me à tam indoctis tamq; abjectis ne-  
 bulonibus oppugnari? hoc cuncte seculum? Mibi crede, nisi  
 sustentaret me voluptas ea quam ex amicitia nostra  
 capio, evaderem aut Atheniensis ille μεταίθερος, aut  
 Bellephoron Homericus, qui καππέδιον τὸ ἀλγίον οἷον ἀλά-  
 τω, ὃν ἦμιον κατέδωκεν, πάντων οὐδὲράπων ἄλγεσινα. De Pola, quid  
 ego tibi: mi Manuti, gratias agam? aut quibus verbis  
 istam animi tui magnitudinem plane regiam prædicem?  
 Ecquod erit unquam tempus, cum ego tibi, cum liberis  
 tuis aliquam beneficiorum partem reponam? Sed quo  
 tu liberalior es, & amantier mei, eo me majore studio  
 cavere decet, ne majorem commodi mei, quam tuarum  
 virium, rationem habuisse videar. Neque enim æquum  
 est, ut propter me peregrinum hominem, cui nihil est,  
 præter animum bonum & fidem, quicquam de tua re  
 familiari detrabatur. Omnia perpeti satius est; non de-  
 erit, unde vivam, & si hoc deerit, non deerit, unde mo-  
 riar. Satis diu vixero, si antequam è vita migrem, in si-  
 gne aliquid voluntatis erga te mea testimonium edere  
 potuero. Quanquam quid est, cur hoc sperare debeam?  
 Animum tibi, Manuti, animum pro præmio accipendum est:

quo

quo tu si contentus esse nolles, ad meas maximas acerbitates, accederet illa omnium gravissima; quod homini uni omnium optimo, & de me optimè merito, gratiam referre non possem. Vale. A. D. 7. Kal. Septemb. PATAVIO. Scripseram jam nescio quid literarum Ferrariam, ad Petrum Morinum, id cum, cui traderem, nescirem, visum est, ad te mittere; tuam erit, aliquam viam videre, qua illa & tutò & celeriter, perferantur. Id opinor, per Vincentium Valgrisium commodissimè facere poteris. Ille enim solet interdum ad Morinum ipsum scribere. In eis literis illud etiam adscripsi: cum quid scribere ad me vellet, ut ad te mitteret, te mihi diligenter curaturum. Id, ut facias, peterem à te, si opus esse existimarem.

E I D E M.

XVI.

**M**oriar si quicquam unquam feci in vitus: sed tamen effugere non possum, quin tibi de Tibullo parum obsequar. Etenim quæ in eo libro maximè videntur operam meam requirere, ea ego æquè intelligo, atque si scripta non essent. In ipso quasi limine, ejus generis nonnulla sunt; neque tamen despero fore, ut aliquando vel casu incidam, vel labore & diligentia perveniam ad aliquid, quod lucem eorum nonnullis adferat. Itaque quantum me amas, tantum à te peto atque contendo, ut me hac in parte animo meo obsequi sinas. Nam quòd vereri videris, ne dem sermonem hominibus malevolis, libero de hoc metu. Malo si alterutrum necesse sit, silentium meum culpari, quàm audaciam notari. Crede hoc mihi, non sine summa molestia facio, ut tibi petenti negem. Sed tamen jam pridem convenerat inter nos, ne  
quid

quid tu à me peteres, nisi quod vires ferrent; quid autem illæ ferant, ego unum omnium optime novi. Misi qui Columbinum accerseret. Is se cras sub lucem ad me venturum esse dixit: Agam cum eo de re tua accuratissime, & pecuniæ, quantum opus erit, numerabo. Si fieri posset, ut sex aut septem Tibulli, regia ebarta describerentur, esset mihi summe perere gratum. Hac de re ipse statuas. Vale & me ama, Postrid. Idus Junii. PATAVI  
M. D. LVIII.

E I D E M.

XVII.

**O**bscuro te, quid tu tibi vis cum istis inscriptionibus? Mureto meo, & si nolit: sed malovolentem. Ego tuus esse nolo? aut omnino esse is, quem & esse me & haberi cupio, nisi tuus sim, possim? Ego verò (tuus enim tibi regeam) tuus sum & si nolis: sed malovolentis. Quanquam illud verius, nostrum utrumque utriusque esse, neque quicquam esse alteri altero carius; idque quoniam ita uterque vult, alter etiam debet. An verò me aut oblitum esse, aut oblivisci posse putas, quid tibi debeam? Itaque valde me sane conturbasti: & miror, quid tibi in mentem venerit, ut id faceres. Quæ errata sunt in Tibullo, & Propertii principium, sine ulla dubitatione, cras mittam. Nunc eò non possum quod omnes mei absunt demo, non redituri, ut opinor, ante cœnæ tempus: & quatuor illa Tibulli folia sunt in cubiculo Molinii; quod ipse abiens obseravit. De Propertio etiamnum incertus sum; sed facilis iactura. Nunc ad Columbanum, in quo cupio me falli, sed multa concurrunt, quæ suspicionem faciant, eum non optima fide tecum agere, & vulpina potius calliditate, quam columbina simplicitate præditum esse. Primum, quod totum illud genus hominum, qui ex alie-

T

nis

nis litibus victitant, quæsticulosq; sibi ex aliena stulti-  
 tia colligunt, mihi sanè suspectum est; iste autem tuus,  
 nam quæsiui; homo tenuis est; cuius generis, nisi adest  
 probitas eximia, in tractandis nummis sublesta est, ut  
 Plautus loquitur, fides, at hæc καθολικώτερον sunt: & à  
 me ne animadvertentur quidem in eo, quem tu per ve-  
 terem amicum vocas, nisi alia accederent; ad me nun-  
 quam, nisi ter quaterve evocatus venit; & sæpe, cum  
 se venturum constituit, fallit; libellis tribus sibi opus  
 esse dixerat ad iter; post, quinq; petit, cum ad rem ven-  
 tum est; aureum præterea nummum poposcit, & ab-  
 stulit, biduo aut triduo serius profectus est quàm dixe-  
 rat; cum tanquam mox in iter se coniecturus, à me di-  
 ffectisset, quo se mox ut redisset, ad me venturum pol-  
 licitus esset; non nisi biduo post venit, & quidem ter ac-  
 cersitus. Deinde ὡνύφεις ἢ ἀναβολαί, se ita rem constitu-  
 isse, ut certissimum sit, his duodecim aut quindecim die-  
 bus pecuniam tibi numeratum iri; melius nihil potuisse  
 fieri: Mandavi ei ut ad te de re tota quamprimùm quàm  
 accuratissimè scriberet: isq; ita se facturum recepit:  
 neq; tamen fecit, quantum literarum tuarum sermonè  
 audio. Omnino ἐκ ἀπίστων ἐδὲ εὐλιχέως, negotium. Ego  
 eum denuo conveniam, & urgebo. Literas quas ad  
 Duditium scribis, curabo. Vale A. D. 6. Kal. Quintil.  
 PATAVIO, Duditius, cum hæc scripsissem, venit ad me,  
 & literas tuas accepit.

E I D E M.

XIIIX.

**I**teradum eadem isthæc mihi, Tam εὐλυσι sunt isthic  
 leges, ut, quo de loco, neminem nostrum ἐθελδέτο co-  
 gitare oporteret, eum ad locum, ὁ Πομπὰς δ' ἐφθίμους τὰμ  
 facile perveneris? Quos equidem puto si forte is, cui  
 Gra-

Græce  
 dem p  
 suffect  
 men m  
 vero i  
 nes m  
 volum  
 re pol  
 Video  
 iri. Du  
 beo) n  
 tionem  
 verum  
 & tu  
 ject a r  
 re, in p  
 geo in  
 video  
 Absq;  
 causa  
 quam  
 gas.  
 expre  
 quand  
 re. Val  
 me esse

A  
 suos o  
 rum a



quòd, eùm ipsis domi in summis delitiis & in maxima rerum omnium affluentia vivere liceret, longinquas peregrinationes suscipere, seseq; excolendi ingenii causa infinitis difficultatibus objicere maluerunt. Ii cùm judicarent idem, quod omnes qui rectè sentiunt, judicant ingenii & eloquentiæ gloria Italiam cæteris nationibus; In Italia autem longè unum cæteris omnibus PAULUM MANUTIUM antecellere, neque se studio suo satisfacere posse arbitrati sunt, nisi in Italiam venirent: neque cùm in Italiam venissent, nisi Pauli Manutii affectu & colloquutione fruerentur. Quod autem de scriptis utriusq; nostrum intellexerant, quanta inter nos voluntatum ac studiorum conjunctio esset; statuerunt se id, quod cuperent, nullo modo melius quàm per me, consequi posse, mecumq; egerunt, ut eos tibi quàm diligentissimè commendarem. Ita igitur facio, petoq; à te, ut, si ulla unquam apud te mea commendatio valuit, quod scio valuisse quàm plurimas, huic plus etiam quàm cæteris, tribuendum putes: adjiciasq; ad illam humanitatem, qua omnes excipere solitus es, quidquid rogante atq; obsecrante me, adjici potest. Vale Post. Non. Septemb. PAVIO.

E I D E M.

XX.

**T**ibulli primum folium accepi. Scholia mitto locis aliquot leviter immutata. Lectionem non perfacilem fore operis puto, tum propter alia, tum propter crebras interpositiones. Sed in te spes est, etsi, ne vivam, si non interdum ac sæpe vereor, ne mea scribendi negligentia noceat oculis tuis. Quæso tamen à te, ut hanc molestiam, mea causa, devores: curesq; quod commodo tuo facere possis, ne tam multa hic peccentur, quàm in

Ca-

Catull  
illo f  
levia  
digna,  
cùm s  
Mult  
hypoc  
chart  
verib  
ut tui  
jube e  
intuer  
strum  
dign  
num  
hodie  
certio  
Franc  
videa  
Molin

V  
center  
rum p  
tuli j  
quant  
non a  
prolix  
biron  
gredie



Catullo, idè admonere te visum est; quoniam in primo illo folio, quod accepi, novem librariorum errata sunt, levia quidem nonnulla: sed plurima animadversione digna, quale est charta tertia. Sit dives: jure furorem: cum scribendum sit: Sit dives jure furorem & cætera. Multum autem ad sententiam interest, utrubi nota illa hypadia stoles collocetur. illud etiam gravius, quod charta quarta ubi vulgo legitur, Capiti: cum ego è veteribus libris emendassem, Capite: nescio qui factum est, ut tui vulgatam scripturam retinuerint. Si me amas jube eos omni diligentia in exemplar à me emendatum intueri; pertinet ea res non mediocriter ad utrumq; nostrum. Columbinus tuus profectus est, quo scis, ego nudius tertius ei mox ut dicebat, iter ingressuro, aureum nummum (tantum enim opus esse dicebat) dedi. Puto hodie reversurum, quid actum sit, faciam te confestim certiore. Propertium sunt qui suadent ut mittam ad Franciscum Ganzagam. Qua de re aveo scire, quod tibi videatur. Valetudinem tuam cura diligenter. Salve à Molinio II, Kalend. Quintil. PATAVIO.

E I D E M,

XXI.

Venit ad te altera mea ad Pontificem oratio: quam cupio æquè placere tibi, atq; iis placuit, qui me dicentem audierunt; quod, cum mihi venit in mentem tuarum planè Atticarum aurium, & polituli illius ac limatuli judicii, vel sperare, improbum puto: cum cogito, quantum me ames, quamq; esse soleas mearum rerum, non æquus modò existimator, verum etiam benignus prolixusq; laudator, ne posse quidem aliter evenire arbitror. Brevi, ni fallor, accipies & tertiam. Quod si progrediemur ad hoc exemplum, poterimus olim Pontifi-

ciarum orationum quasi ~~caudenas~~ quoddam conficere.  
 Me à te amari certo scio: neq; dubitare te, quin ego tibi  
 in amore respondeam. Salve à Ludovico Beccatello  
 Archiepiscopo. Molinio meo multam salutem. Vale.  
 A. D. 4. Kal. Januar. M. D. LX. ROMÆ.

M. ANTONIUS MURETUS S. P. D.  
 PAULO SACRATO.

## X XII.

**F**eci mihi, nescio quid verborum de nobili illa victo-  
 ria, qua Turca à nostris ad Naupactum superati  
 sunt: tanto hominum concursu, quantum ipse non facile  
 credidissem. Quamvis autem res eras nihili, tamen ita  
 multi quotidie petebant describendi sibi potestatem fie-  
 ri, ut satius visum sit semel, quidquid esset, librariis  
 permittere: præsertim cum magistratus populi Romani  
 iudicarent, id ad ipsius populi dignitatem pertinere.  
 Exemplum unum ad te mitto: quod semel inspectum cum  
 Puladino, Canalio, Jacobo Canano, Antonio Monteca-  
 tino, cæterisq; communibus amicis communicare pote-  
 ris: ut si ve placuerit, capiat ex eo aliquid voluptatis:  
 si ve minus, intelligatis tamen, conservari à me ut decet,  
 memoriam vestri. Vale. ROMÆ 7. Kalend. Januar.  
 M. D. LXXI.

## E I D E M.

## X XIII.

**I**n multis, tenuibus illis quidem, sed ipsa assiduitate  
 molestissimis occupationibus meis, usus eram ea li-  
 bertate, quam tu mihi dederas, ne prius ad literas tu-  
 as respondere necesse haberem, quam Episcopus Hadria  
 isthuc rediret. Quod tum exspecto, etsi quibusdam &  
 amicis & ipsius familiaribus negotium dederam, ut me  
 tem-

rempestivè de discessu ipsius admonerent : prius tamen  
 eum abiisse rescivi, quàm de abitu cogitare cognossem.  
 Factum id non modò eorum, quibus id mandaveram  
 negligentia : sed & consuetudine quadam multos jam  
 menses à me suscepta, nunquam, nisi cum urget neces-  
 sitas, exeundi domo, & perrarò veniendi in aedes Car-  
 dinalis : non quin & ipse me libenter videat : & ego e-  
 um, qua debeo, observantia colam. Sed tanta me satis-  
 tas, tantum odium & aule & rerum aulicarum cepit,  
 ut nunquam mihi magis solus videar, quàm in illa tur-  
 ba : nunquam melius comitatus, quàm cum me solus in  
bibliothecam abdidi. Itaq; cum Cardinale ipso ter, opi-  
 nor, aut ad summam quater collocutus sum, postquam  
 huc venit. Multi fortassis hanc aut asperitatè, aut rusti-  
 citatem vocabunt. Vocent sanè, ut libet, mihi agrè est,  
 quod non jam pridem ita vivere cœperim, & tamen vi-  
 vente Hippolyto Cardinali alia ratio erat. Referta erat  
 domus hominibus eruditis, ex quorum convictu ac ser-  
 mone, aliquid perpetuo disceres. Ipse quanquam doctri-  
 na mediocri, magno tamè & excelso ingenio, & mirifice  
 dedito studiis nostris. Itaq; domus ipsius Academia que-  
 dam videri poterat. Hic amat quidè & ipse mirificè ho-  
 mines bonarum artium scientia excultos, sed sua ei comi-  
 tas damno est. Dum enim omnes blandè excipit, cum a-  
 mibus humanè colloquitur, facilem se atq; obvium o-  
 mnibus præbet, excitat quidem admirabiles amatores  
 sui : sed à tam multis gratiam ipsius ambientibus per-  
 petuò obsidetur, ut ei vix ad curandum corpus satis  
temporis super sit. Quid quæris? Ego qui quotidie cum  
 illo altero suavissimis sermonibus horas aliquot  
 transigere consueveram, nunc in alium quendam  
 orbem mihi delatus videor. Sed hæc mussanda sunt :  
 que tamen semel in tuum hominis amicissimi sinu  
 effundere volui, putans in eo aliquid lectionis fore.

Nunc ad alia venio. Quòd tam sepe me in epistolis tuis tamq̃ honorificè appellas, gratiam habeo: etsi video te multo plus amori, quàm iudicio tribuere. Sed hoc ipsum non minus jucundum est, sentire me à te unice diligi. Quid nunc præterea scribam, nihil habeo: nisi fortè illud scire vis; me hoc anno, si Deus volet, explicaturum publicè libros Politicorum Aristotelis: in quibus videor mihi navaturus operam, & multa ab aliis interpretibus non animadversa dicturus. Hoc te puto malle, quàm quid ne bello aut pace dicatur, & quæ ejus generis vulgo à circumforaneis hominibus disseminantur, exas & τὸν ἰκὼν & ἀνδραγ. Vivamus, mi Sacrate, vivamus, & canescamus in studiis nostris, contemnentes ea omnia, quæ vulgò maximi fiunt. Deum & æternitatem cogitemus, alia omnia fluxa & caduca sunt. Vale, ROMÆ 3. Julii, M. D. LXXVII.

FRANC. DUARENUS M. ANT. MURETO VIRO DOCT. S. P. D.

XXIV.

CUM nihil à te post discessum hinc tuum, vel etiam de te accepissem, mi MURETE, ac ingenti desiderio tenerer, de statu rerum tuarum aliquid cognoscendi, equidem, literis tuis tam oportune mihi redditis, magnoperè delectatus sum. Illud verò meam auxit voluptatem non mediocriter, quod ex eis intellexi, te mei memoriam absentis summa cum fide & benevolentia retinere. Verùm hoc mihi asperfit molestie epistola tua, quòd dolorem illum, aut gravissimum mœrorem potius non obscure testetur, quem tibi ista peregrinatio attulit. At eò magis vicem tuam doleo, quod ante annos, ut opinor, duos & viginti, istorum Schytharum *αυθγατιαν* & bar-

barbariem expertus sum : quos ne nunc quidem re-  
 spiscere, sed <sup>δεχαιο</sup> illum suum adhuc tueri ac mordi-  
 aus retinere demiror. Sed hanc materiam atq; segetem  
 gloriæ integram tibi Deus, opinor, reservat: ut hosti-  
 bus, qui bello tentati à nobis & laceffiti sunt profliga-  
 tis, ac de possessione jurisprudentiæ expulsis, splendidum  
 aliquando de iis triumphum agas. Id quod jam præsen-  
 tire ac prospicere mihi videor, si ad eas copias, quibus  
 abundas, alia paulò firmiores atque instructiores ac-  
 cesserint: quas tibi parare, si nervos in ea re contendas  
 tuos, per facile est. Ac spero fore, ut hæc cogitatio &  
<sup>δεδωκε</sup> consolationem tibi non minimam adferat, cupio  
 quidem certè. Nam & nos quoque superioribus annis,  
 cum eadem cura sollicitaremur, qua te nunc angere video,  
 ea spes valde confirmavit: nec nos omninò frustrata est.  
 Et si enim ne hic quidem confecta adhuc res sit, tamen e-  
 ventus iam propemodum vicit expectationem nostram:  
 adeò plausible apud nos populareq; est, quòd Scythæ  
 vestri insolenter, contumaciter, superbe contemnunt at-  
 que oderunt. Mitto principis in nos scholamq; nostram  
 studium incredibile. De quo pluribus tecum, si opus fue-  
 rit, aliàs. Itaq; quod in extrema epistola scribis, unum  
 istic esse doctorem COTELIUM, qui colat nos ac scriptis  
 nostris faveat, ad id ego gloriosius fortè & audacius,  
 sed tamen verè, nisi fallor, respondere possum, quod Ho-  
 mericus Agamemnon Achilli <sup>πρωτοβουλο</sup> <sup>αυτο</sup> <sup>αυτο</sup>. In quibus  
 & Cotelium tuum, immò nostrum numerari vehemen-  
 ter letor. Qui si talis est, qualem esse eum mihi facile ex  
 tuis literis persuadeo, ne <sup>εις</sup> <sup>ιμοι</sup> <sup>υβερτοι</sup>, ut paucis, quod de  
 eo homine sentio, dicam. Verùm quia pleriq; studioso-  
 rum, quibus noti sunt doctores, qui istic sunt, mihi affir-  
 mârunt, neminem in ea urbe jus profiteri eo nomine, tu  
 velim, Anarcharsis hic quisquis sit, paulò plenius me  
 T 5 literis

literis edoceas. Quanquam profecto malim, si rationes  
 tue ita tulerint, hinc ad nos mature te recipias, ut de  
 rebus omnibus coram inter nos conferamus. Qua de re  
 & certius & subtilius ad te scribam, cum te mihi to-  
 tum patefeceris, & quod consilii habeas (nam de animo  
 dubitare me sinit Epistola tua) aliquanto apertius mihi  
 declaraveris. Sic enim habeto, nos quae te velle, quaeq; ad  
 te pertinere significaveris, ea summo studio diligentiaq;  
 curaturos esse. Vale, mi Murete. Avarici Biturig ipso  
 Hilarium die. M. D. LIII.

LUCAS FRUTERIUS M. ANTONIO  
 MURETO S. P. D.

XXV.

**I**ngratus merito, ne dicam improbus, videri possem,  
 Murete doctissime, si cum à te non semel, verum sa-  
 pius humanissime acceptus fuerim, ne litterario quidem  
 officio, tantum in me studium tuum, compensare studeam.  
 Deterruit certe me haecenus & rusticus quidam pu-  
 dor, & ut quod sentio, liberius exponam, ingenii mei  
 non obscura tenuitas. Nunc verò, cum didici ex scriptis  
 tuis, ingrati vitio laborare non modò eum, qui beneficiis  
 amplissimis & honorum insignibus acceptis ab aliquo  
 τῶτον εἰδ' ἔτι εἰδ' ἔγρη, ut ait ille, vid, sed & illum, qui præ-  
 stanti ingenio & singulari doctrina virum, in ea loca,  
 ubi & ipse sit appulsum, non è vestigio liberali quodam  
 scripto honestat: meritò sanè & ego in vitio sim, nisi te  
 post tot colloquia, tot sermones ultrò citroq; habitos, non  
 quidem opere aliquo laborioso, qui enim possim? sed Epi-  
 stola tamen officiosa munerer. His ego rationibus cum  
 animo meo diligenter expensis, eò deveni audaciae, ut te  
 & Galliae totius & Italiae tuae clarissimum sidus litte-  
 rarum mearum cruditate, ab opiparis illis & suavisibus

Græ-

Græcorum & Latinorum epulis advocare non dubitem; in bonam tamen spem adducor fore, ut his meis legendis aliquid temporis lubens volensq; sis impensurus. Quanquam tamen non ea sint, quæ in doctissimas tuas aures, oculosq; veniant; do nihilominus hoc humanitati tuæ, quam non obscure hactenus & intelligere & agnoscere potui, ut isthac officii mei in te certissima argumenta, non alieno vultu amplexurus videare.

Semper enim hoc in doctis viris desideravi, & etiamnum desidero, ut cum ingenio plurimum valeant, & possint, comi non minus alloquio sint, & in omnes sapientia studiosos obvia voluntate. Quod quidem in Mureto suo desiderare FRUTERIUS nec potest, nec debet: non potest certè, quia humanitatem illius semper promptissimam expertus est; & indies experitur ampliorem; non debet autem, quia mentiri nec novit, nec veritatem odisse potest. Et hæc quidem in mei excusationem adducenda putavi, Murete doctissime, ut intelligeres, quàm religiosè voluntatem in me tuam conservare, & si fieri potest, auctiorem reddere cupiam. Nunc autem, ut quanti apud me sit virtus, & ingenium tuum, exploratius tibi innotescat, libuit quædam ex optimis quibusq; auctoribus per me nuper animadversa iudicio tuo, ut politissimi; sic humanitatis plenissimo exactius ponderanda relinquere: & hoc quidem non eo consilio, ut te omnium rerum peritissimum Anagnosten docere videar, quod certè vel cogitare nefas esse duco; sed tamen ut ex te cognoscere possem, sintne in his meis aliqua, quæ vero esse consentanea putes: quinimò ut quæ à me si nō corrupta, certè non emendata sunt, diligenti tuo studio nobis aliquando saniora reddantur. Satis verò mihi est, loca quædam obscure depravata, quæ possum luce donare, vel certè tibi indicare: Tuum erat vicissim ea in suam

lectio-

lectionem restituere: quod tibi, quàm facile succedat, non obscure testantur variarum lectionum præclarissima opera, quæ mihi quidem, multò antè quàm in familiaritatem tuam veni, semper charissima fuere: & nunc, cum divino illo amicitia tuæ bono affectus sim, chariora indies futura. Sed tandem ad rem: ne multa verborum cruditate offenso stomacho, Theriacam Victorii haurire, non Varronis mulsum bibere videaris. Festus itaque Pompejus, quem ego auctorem insigniter diligo, tum ob rerum omnium iucundissimam varietatem, tum verborum antiquitatem doctissimam, multis quidem partibus auctior & integrior ex Italia prodiit; non tamen omnibus in locis sui se similem ostendit: quod partim Paulus illi Epitomario, partim temporis injuriæ debemus. Sed ut tandem, quod agimus, probemus, locus est in P. littera, qui satis quidem obvius est & expositus, sed tamen haud fideliter editus; si modò nec etate impeditur iudicium meum, nec ipse mihi plus justo indulgeo. Dicit Festus: Petissere antiqui pro petere dicebant, ea quidem forma verbi, qua sunt læssere & incessere: sed ut mihi videtur, tum significabant sapius petere, ut petissant, sapius petant, alioqui insulsum erit, quod Festus dicit, nam cum subjiciat, petissere sapius petere esse, non opus est, ut opinor, id tertium repetere, & inculcare, sapius jam explicatum, quinimò simile quoddam verbum adjunxisse debuit, quod fecisse ipsum vel dejerare ausim. Nunc, ut ad reliqua veniamus, faciliora præmittemus, aliqua, quæ exactiori probatione indigent, in finem rejiciemus. Festus carissam apud Lucillum vasfram significare vult, malim ego catissam dixisset. Nam Catos pro callidis & ingeniosis apud veteres fuisse vel Cato testari potest. Ac dicat aliquis catissam ductui litterarum non respondere, fateor quidem, dummodo nec caprissam

satis-



satisfacere loco huic concedas, quod ab aliquo difficultatem sentienti ad marginem Veneti sodicis adjectum est: quod verò ad religiosum illum ordinem litterarum, nihil est. Nam veteres Festi omninò sunt confusissimi, ut facile credam, Festum Acrostichum illam Alphabeticam observasse: non tamen in syllabis curiosulum fuisse. Alio in loco Hirrire, Garrire, genus vocis est canis rabiosæ, in margine est ringere pro garrire, & certè garrire quid ad canes pertineat, non video: nisi fortè, quod R litteram canibus esse peculiarem velint Grammatici.

Herire quidem vetus est & probè ignotum, rabire quoque, si tibi arridebit, vetus esse incipiet, & obscuritate cum hirrio contendere. Nunc in aciem producantur validissima illa bellorum robora, quæ in Triariorum vicem succedant, ut illis prioribus suapte natura parum solidis in auxilium veniant. A veteribus nobis exordium erit; quia scimus eam Romanorum prudentiam fuisse, ut longo usu bellarum exercitatos, & annorum successibus prudentiores in belli Catastrophen rejicerent. Prodeant itaq; vetustissima illa succrescentis Urbis volumina, Numæ niturum Pompilii sanctissima instituta, quæ ut sunt antiquissima, ita quoque antiquis scripta verbis fuisse negari non potest. Festus, cum, quæ Pellices dicantur, disertè ostendit, pœnam quæ huic mulierum generi per Numam est constituta, subjungit his verbis: Pellex aram Junonis ne tangito. Si tangat, Junoni crinibus demissis agnum fœminam cædito. Hanc ego legem, ut non esse corruptam arbitrer, vetustati tamen suæ reddendam existimo, quod, qua ratione faciendum putem, subscribam. Pellex aram Junonis ne tagito; si tagit, Junoni crinibus demissis arnum fœminam cædito, Veram esse, & genuinam legis hujusce correctionem affirmare tibi nec ausim nec possim; non ausim  
qui-

quidem, quia id gloriosulum videri possit; non possim vero, quod singulorum exactam rationem nondum inveni-  
nerim: hoc tamen polliceri ausim, aut talem omnino aut  
similem esse debere legis huiusce sententiam. Quod au-  
tem pertinet ad singula, non tibi novum esse debebit, ne-  
que futurum scio, si tagito reposuerim & tagit vel ta-  
get, cum vel Festo teste notissimum sit veteres ita loquu-  
tos, qui Pacuvii Teucrum citat, & hunc versum addu-  
cit. Ut ego, si quisquam me tagit, & tagam. Caterum,  
quod crines demesses non demissos velim, ratio est, quod  
hac lege non levem quandam pœnam imponi pellicibus  
sciam; tum quod existimem. Numam ut sapientissimum,  
ita ut politicum maximè fuisse, neque omnino sanctissi-  
ma conjugii fœdera temerè violari voluisse; quinimò  
graviter admodum in huiusmodi nuptiarum corrupte-  
las animadvertisse, ut iusserit eas Junoni, quæ ipsa pel-  
lex est, arnum fœminam criminibus demessis: immolare  
criminibus verò demessis, ut quod in fœminis honorificum  
est maximè, eis auferret: alioqui observari videar in  
sacris comptissimas fuisse matronas, & letissimo cul-  
tu, quod indicat Tibullus, cum puellam suam Junoni sa-  
crificaturam inducit, & Dea commendat, sic autem  
scribit:

Natalis Juno, sanctos cape thuris acervos,

Quos tibi dat tenera docta puella manu.

Pota tibi est hodie, tibi se latissima compsit:

Staret ut ante tuos conspicienda focos.

Hoc ego in loco non vota, sed lota legam cupidius.

Arnum fœminam scripsi, quod sciam ex Festo sic veteres  
nominasse. Lex alia est ejusdem Numæ apud Pompejum,  
ubi quid differentie sit inter occisum & necatum memi-  
nit. Lex autem talis est. Si hominum fulminibus occisit,  
ne supra genua tollito. In hac Numæ constitutione ali-

quid

quid desiderari videtur, aut enim dicendum est. Si hominem fulminibus occisit, nimirum Jupiter, aut hoc patet legendum. Si hemonem fulmen Jovis occisit, ne supra genua tollito, fuit tempus, cum sic legerem; Qui hemonem fulminibus occisu, st, ne supra genua tollitor. Tu, quid ex his duobus su sanius, iudicabis. Mihi sat est, tibi vel indicasse quid sentiam. Supra genua tollere, esse puto, ad sepulturam tradere. Nam Festus & aliam legem Numæ adducit, quæ de eadem re agens sic habet. Homo sine fulmine occisus est, ei iusta nulla fieri oportet. Videtur autem mos fuisse olim, qui & nunc Gallie quibusdam in partibus est, ut restibus quibusdam, vel lineis mantilibus feretro circumvolutis, earumque extremitatibus manuum obvolutis, funus ultra genu sustollerent, sicque in locum communem Mettia porta transferrent. Hic ego finem legibus esse dabo, si unam modò adjecero non quidem ex Festo, sed Macrobio, qui libro primo Saturnaliorum, cum de noctu concubia disputat, Decem viros ait in 12. Tab. inusitatissimè nox pro noctu usurpasse, & hanc legem citat. Si nox furtum factum sit, si jam aliquis occisit, jure cæsus esto. Ego cum hunc locum legerem, miratus sum, cum de persona non admonuisset lex; tamen subungere, si im aliquis occisit, statimque suspicatus sum legi posse hoc modo. Qui nox furtum factum sit, si im aliquis occisit, jure cæsus esto; quam conjecturam meam, si calculo tuo dignabere, Murete doctissime, erit, quod gaudeam; in minus, patiar certè vel tantulum temporis subita huic emendationi datum esse. Legibus modum imposuisse me fateor: sed tamen omnibus Festi difficultatibus, nego. sunt enim præter eas, quas tibi adferam, vel plurimæ. Silicernium genus esse sarciminis docet Festus, quo, inquit, fieti familia purgabatur, dictum autè silicernium, quia, cujus nominis ea res instituebatur, is jam silicem cerneret. Cæcilium.

Cre-

Credidi silicernium ejus me esse esurum. Quid sibi Pompojus velit non video: cum dicit, quo fletu familia purgabatur: nisi forte distinctio interponenda est post quo, & intelligamus farcimine, fletu familia purgabatur. Hæc levia sunt, illud gravius. Multa & accurata cogitatio effecit, ut legendum putarem, quovis esu, quod ipsum & litterarum ductus, & Cæcili versus probant. Donatus in Adelphis sic de silicernio meminit. Silicernium cœna est, quæ infertur Diis manibus: quod eam silentes cernant, id est, umbræ possideant; vel quod, qui hæc inferunt, cernant, neque degustent: quod quidem mea sententiæ opponi videtur. Tuum quidem judicium esto, ego vel somnis istis meis facile cesserō; tu verò variis tuis lectionibus, quas propediem auctiores expecto admiscere poteris hæc loca, genuinæ lectioni suæ per te data. Properabam ad alia Festi loca, & ecce venit in manus meas, & alia 12. Tab. constitutio, quam eò libentius tibi indicavi, quod & in eam Auratus tuus cogitationem & conjecturam suam interposuerit. Talionis mentionem fieri in 12. inquit Verrius hoc modo. Si membrum capserit, ni cum eo pacit, talio esto. Auratus cum legit conjecturam meam statim legi posse putavit hoc modo. Qui membrum capserit & cætera, & capserit interpretabatur privaverit, ut in illo talpæ oculis capti Verbum non addam de homine & optimo & doctissimo, tantum à te petam, ut quid tu de his legibus sentias, rescribas. Nulli certè felicius id negotii committi potest, ne Trebatio quidem alicui. Satis enim, superque ostendisti in divinis illis operibus tuis, quantum tibi omnes Latini & Græci auctores & debeant, & debere velint amplius, si illos melius quidem jam habentes in ipsissimam sanitatem restituere pergas. Extremum adjiciam, quod in Festo corrigendum puto. Taminia, inquit,

una

una silvestris generis videlicet tertio dicta, quod tam mira sit quam nimum; legendum existimo, quod tam rubra sit quam minium. Mecum facit Plinius lib. 23. c. 1. ubi sic de Taminia scribit: Maturescit Astaphis iùm vindemia nigrescit, cum Taminia rubentes norimus acinos. Nunc subjiciam loca quædam, quæ & obscura sunt, & correctione indigent; quali verò non dicam; quia nescio, nec multum scire laboravi; tibi verò facilitum erit ea ingenii tui divinißima acie penetrare, & suis è tenebris eruere. Ait Festus, Redarguisse, Scipionem Africanum per E litteram protulisse, eundemq; pertisum dixisse non pertesum, de quo meminerit Lucillus, cum ait: Quò facietior videare, & scire plus quam ceteri, pertisum hominem non pertesum dicere ferunt, nam genus. Primum quidam manifestò scribendum Redarguisse videtur, cum id ajat Festus, iùm Lucillii versus quadrati videntur; quibus tamen nigra est cauda. Tu his lacunis felicissimè impletis, nobis pro tenebris oblatis, lucem reddes. Locus alius est eodem in Festo & què deploratus; cui quidem aliquid opis attuli: quòd tibi eum indicavi; tuum verò erit, qua es humanitate, nobis eum saniores dare. Sponsis bene, beneq; volueris in precatione augurali, Messala augur ait, significare sponderis, volueris. Cùm hunc locum attentius legissem, sensi tandem Messalam, qui formulam quandam precationis antiquæ referret, ea verba, utpote obscura explicare voluisse, eùm dicat, sponsis significare sponderis & volueris, volueris, dico ego vel nil cernere me vel atate impediri iudicium meum; aut locum hunc corruptum esse; quomodo tamen corrigendus sit, ignoro; nisi fortè vultis legas pro volsis, itaq; precere. Bene sponsis, beneq; volsis. Alia sunt, quæ mihi sunt obscurissima, sed ea coram agentur latius; Nondum tibi molesta esse desinit infantia

mea, quam re vera simplicius erit & rectius garrulitatem appellare; quia non tam infans est, quam indecenter loquax nimis. Sed dabis hoc observantia in te mea. Dū enim meliora, quam ut tantum temporis, perire cupiam tibi, dum singula hæc inspicias; quinimò nisi ea essent, quæ studiosis olim omnibus, mihiq̄ in primis utilissima forent, omninò te ab optimarum rerum studio avocare inanibus istis somniis nollem. Sed audi, quæso, quod restat. Macrobi. lib. 2. Saturn. cap. 7. cū de Laberio equite Romano agit, quem Cæsar Julius quingentis millibus invitarat, ut prodiret in scenam, & ipse ageret mimos, quos scriptitarat, hos ejus versus subjungit, quos tamen librariorum culpa corruptos nobis edidit. Sunt autem hi,

Necessitas, cujus cursus transversi impetum  
Voluerunt multi effugere, pauci potuerunt,

Quò me detrusit penè extremis sensibus?

Quem nulla ambitio, nulla unquam largitio, & cætera.

Hi versus ut sint venusti multum; tamen venustiores futuri videntur, si unius litteræ mutatio accesserit. Legerem itaq̄ libens tertio illo in versu. Quò me detrusit penè extremis sensibus? Erat enim Laberio præmium à Cæsare oblatum Quingentorum millium. Quod tu quidem immanè esse pretium nôsti. Quin addit, se, cū juvenis esset, nulla largitione, nullis honoribus de statu moveri potuisse. Sic scriberem ego, de te nondum certior, sed brevi, ni fallor, futurus. Intelligere possim, extremis sensibus in senectâ atate; sed nil ad rem, quia subjungit statim,

Eoce in senectâ ut facile labefecit locus,

Viri excellentis mente clemente edita

Submissa placidè blandiloquens oratio?

Sequitur

Sequitur.

Ego bis tricenis annis actis sine nota  
Eques Romanus è lare egressus meo,  
Domum revertar animus?

Sic legi debere & versus ratio, & ipsi orationis contē-  
xtus ostendunt,

Paulò pòst est:

Fortuna immoderata in bono aequè atq; in malo.

Si tibi erat libitum litterarum laudibus

Floris cacumen nostræ famæ frangere, & cætera.

Hæc omnia sunt corruptissima. Quid enim est litterarum  
laudibus floris cacumen famæ frangere? legendum pu-  
tarem Ludionum laudibus vel lusibus potius; sic enim  
locum quendam Propertii emendavit Auratus nosser, ubi  
agitur de spartæ laudibus; quæ nudas puellas in gymna-  
sium mittebat cum viris decertaturas, sic habet versus:

Quod non infames exercet corpore laudes.

Auratus ludos legit. Sic itaq; Laberii versus repono.

Fortuna iumoderata in bono aequè atq; in malo,

Si tibi erat libitum Ludionum lusibus,

Florens cacumen nostræ famæ frangere,

Vel certè florum cacumen, quod erit, floridum. Nam flo-  
rus dixisse veteres pro eo, quod floridus nunc est, explo-  
ratum habeo. Sequitur:

Cur cum vigebam membris præviridantibus,

Satis facere populo & tali cum poteram viro,

Non me flexibilem concurrâsti, ut carperes (

Non hic quidem bene habet carmen. Nam qui tandem  
ille est trimeter. Non me flexibilem concurrâsti, ut ear-  
peres? lego, ut cæteros, vel cæperas. Certè quiddam ejus-  
modi substitui debet. Extremû addit Fruterius, nō minus,  
ut sperat, Mureto suo gratum futurum, quàm vel alia  
omnia. Cum hæc scriberem incidi in librum quendam

sodalis mei, ad cuius frontem amylo vel potius visco librario impactum erat folium quoddam membranæ, in quo reperi hæc, quæ subscribam. Videbatur autem Grammatici cuiusdam figmentum aliquod, de quo tamen affirmare non possum, sic habent ea. Inveni marum pro marium, quod tamen in raro est usu, genitivus apud Nevium in carmine belli Punici. Senex frētus pietate dominum adlocutus summi Dominum Regis fratrem Neptunum regnatorem marum; ejus ablativum Caesar quinto belli Gallici ponit paulò latiores, quàm quibus in reliquis utimur maribus. In vulgatis codicibus, statim à principio hunc in modum leges. Ad onera & ad multitudinem jumentorum transportandans paulò latiores, quàm quibus in alio mari uti consueverant. Certè, si hic est locus, quem citat Grammaticus ille, mirum est tam sui dissimilem esse; sed fieri potest, ut in alio Caesaris libro sit hic versiculus. Tu vel optimè id scies, qui optimos quosq; auctores tibi familiares habebas; in primis verò Cæsar è. Hæc pauca sunt de multis, Murete, doctissime, quæ ad te scribenda putavi, partim ut ~~exerit~~, qua tetrius esse vitium nullum puto, à me amolirer, partim etiam, ut, quo in te animo essem, non ignorares. Benè vale, Gallia tuæ & Italia totius clarissimum decus. Cuperem omninò, Marete optime, ut his meis non voce, sed tabellis respondere digneris: quod in suffragiis tabellariis factum nôsti. Deus ero, si vel literulam à te extorqueo. Iterum vale, & nos ama.

MURETUS JACOBO CANANO  
MEDICO S.

XXVI.

Convalui. Hoc me gratius, aut optatius tibi Epistola principium reperire nullum posse, certò scio. Febris



bris fuit tertia duplex, qualem tu à me tertio abhinc  
anno Ferraria depulisti: nisi quod hæc mitior & remis-  
sior fuit. Itaque octavo me die, postquam corripuerat, re-  
liquit. Curatus sum non medicamentis modo, sed & mis-  
sione sanguinis: de consilio Angeli Justiniani nostri, quò  
medicamenta non solum ipse præscripsit, sed & ma-  
gnam partem eorum sua manu confecit ac concinnavit.  
Omniò & ipsius & omnium qui hic sunt, sed præcipue  
ipsius, & Petri Normesini, mirificum quendam exper-  
tus sum in me amorem, mirari in curanda valetudine  
mea sollicitudinem, sedulitatem, assiduitatem. Neque ita  
hos prædico, ut non cæteris quoque plurimum deberime  
fatear: Nam & Bartholomeus Ferrus (puto te antea  
nescivisse id nomen Theologo nostro esse) & Hierony-  
mus Lippomannus, & Abbas Rossetus contendere quo-  
dam modo inter se videbantur, quis pluribus atque ex-  
pressioribus judiciis studium erga me patefaceret suum.  
Mibi crede, tanti erat ægrotare. Nunc confirmatus avi-  
de expecto, quid vos istinc scribatis de nostro in Italia  
reditu. Quanquam enim tua litteræ certa propè & ex-  
plorata nunciant; non desunt tamen hic, qui sponsione  
certare parati sint, nos in Gallia hybernatos. Alii ali-  
ter putant, sed tamen dubitationis aliquid affert, quòd  
hic nondum pro certo auditum est, Nichettum abiisse,  
qui si media hyeme redierit (& jam vix videtur aliter  
feri posse) tamen ne se alienissimo anni tempore, asper-  
tissimo cælo, in viis viis, tam longinquo itineri commissa-  
rus est Cardinalis? ita disputant quidam; qui mihi non  
satis cognitum habere ipsius ingenium videntur. Ego  
enim hoc ipso argumento utor, cur magis augurer fore,  
ut abeamus. Herus enim noster, qua est magnitudine  
animi, hanc ipsam occasionem accipiet declarandi omni-  
bus hominibus, virtutem & constantiam suam, neque

æstatis ardoribus, neq. asperitate hyemis retardari.  
 Quare si aliud nihil obstituerit, ibimus vel si cælum ruat.  
 Meam voluntatem si exquiris: equidem negare non pos-  
 sum, quin tanto mihi desiderio sit Italia, quanto fortasse  
 nemini nostrum: sed ad res meas multò accommodatius  
 esset expectari à nobis tempus illud.

— Gelidus canis cum montibus humor

Liquitur, & Zephyro putris se gleba resolvit.

Mea enim maximi momenti negotia citius explicari  
 non queunt. Sed quod fors feret, ut ille ait, feremus æ-  
 quo animo. Iter hyeme capeendum, si fuerit, incommo-  
 ditatem, reditus celeritate compensabimus: sin expe-  
 ctandum ver, commoditate temporis ad conficienda, quæ  
 volumus, desiderium Italiae leniemus. Sed ut ut futurum  
 est, obsecro, obtestorq. te per amicitiam nostram, ut expi-  
 scere, si potes, aliquid certi, idque ad me scribas, quam  
 poteris certissime. Permagis mea interest, scire quid fu-  
 turum sit, propterea quod consilium mihi ad rationem  
 itineris dirigendum est, & aliud capiendum, si propera-  
 tur profectio, aliud si differtur. Cura igitur pro eo,  
 quanti apud te sum, ut mittas ad me aliquid explorati.  
 Id si tacitum haberi voles, nemini indicabitur. Mi opti-  
 me & optatissime Canane. Vale & ama me, ut facis. Sa-  
 lutem quibus videbitur. Nostri omnes te salutant, &  
 Karoli loco. Prid. Non. Octobr. M. D. LXII.

E I D E M.

XXVII.

**E**Go verò jam sub verebar, ne mea hæc nova ad te  
 scribendi ratio parùm tibi probata esset: adeoq. (vi-  
 de, quanto in errore versatus sim) meditabor excusa-  
 tionem. Sed gaudeo contrà cecidisse, quam putaveram.  
 Nunc tu à me, & crebras, & longas litteras expectato.

Ea ta-

Ea tamen lege, ut mihi liberum sit, nullo ordine, nullo delectu, quicquid in buccam venerit, scribere. Literæ tuæ omnes mihi redditæ sunt: neque facile credas, quantam mihi voluptatem attulerint. Quanquam enim non sum solitus valde magnam curam suscipere de iis, quæ ad me nihil pertinent; neque quisquam usquam est minus, quam ego sum, rerum novarum curiosus; libenter tamen intelligo progressus istius calamitosissimi belli, præcipuè cum ea nunciantur, quæ spem adferunt, aut victoria, aut honestæ alicujus compositionis. De recepto Avarico jam hic auditum erat, multò antè quam tuas ea de re litteras acciperem. Sed videor per nebulam inaudisse quiddam, quod haud scio an literis committere debeam, indicabo leviter. Etenim si falsum est, nihil periculi fuerit, etiamsi tu, quid sit, non assequare: sin verum, quamvis leviter admonitus, facile totam rem intelliges. Evêre igitur hic, qui pro certo ac comperto affirmarent, potuisse oppidum per vim capi, invitissimis hostibus, nulla deditione, nullis conditionibus, nisi quorundam aut scelerata collusio, aut stulta clementia, alienæ virtuti impedimento fuisset. Quod si est, facile fuerit jam nunc prospicere, qui futurus sit exitus: Neque enim dubium est, quin suum quisque institutum conservaturus sit ad extremum. O mi Canane, qui tandem finis hujus tam molestæ peregrinationis futurus est? Quando erit ut ad Eridani, aut quod malim ad Tyberis ripam inambulantes, concinere possimus illud Euripidis.

Snavis est laborum præteritorum memoria. Sed pedibus nobis ne consciendum sit iter, metuo; si verum est, quod modo huc allatum est, equos omnes furto sublato esse. Malam pestem illi abigeo, quisquis est. Sed quid est, quod ait Balbus, ferventius quam unquam antehac, agi de pace? Utinam quidem eveniat: ut

V 4

nobis

nobis tanto maturius in Italiam redire liceat: antequam incidamus in hyemem. Sed hæc, ut opinor, somnia sunt; qua tamen cuiuscumodi erant, scribenda tibi fuerunt. Aliud enim nihil erat, quod scriberem. Præclaras illas historias, quas tibi superioribus literis promiseram, neque vacat scribere, neque nunc quidem satis tutum est. Sed, mihi crede mirificus homo est ille noster: neque magis in quoquam deprehendi verum esse id, quod ex te sapissime audiui, visandam esse ei familiaritatem eorum omnium, apud quos conservare auctoritatem suam vellet. Nostri omnes te salutant. Saluta mihi tu istic, quos videbitur. Contarellum præcipue, & Gerardinum. *Vale. Karoliloci 12. Kal. Octobr. M. D. LXII.*

E I D E M.

XXVIII.

**V**erum est quod audisti. Trepidatum hic est ab omnibus: neque sanè injuria. Quis enim constare animo posset, cum audiret fuscum ac fugatum esse exercitum regium, pedites concisos, equitatum disjectum ac dissipatum, ex ducibus ipsis alios interfectos, alios vulneratos, Comitum stabuli captum? Mihi crede habent justam excusationem timoris. Nam mea quidem, ut mox audies, non eadem causa est, quæ cæterorum; sed cum hic ita crederetur, nihil propius esse, quam ut ad hanc domum diripiendam turma aliqua militum accurreret; Theologus noster, homo, ut scis, minimè bellicosus, qui videret sibi adversus illos homines nihil in Theologia sua præsidii fore, quanta maxima celeritate potuit, collegit sarcinas suas; & iter in Belgium cepit. Comitatus eius sunt Abbates duo, neque de iis quicquam postea audivimus. Cæteri, ut scire te puto, Lutetiam ibant, sed cum in itinere alium nunciium acceperunt, huc omnes multa jam nocte

nocte redierunt. Ego biduo ante Bellovacum profectus eram; quo me Cardinalis miserat. Ita autem fors tulit, ut eodem plane temporis puncto, quo illi redibant, ego quoque redirem. Quo factum est, ut prius redisse sciperim, quam abiisse scirem. Hilaratis igitur omnium animis, multum inter cœnam risimus; multa in eos qui remanserant, plura in eos qui fugerant jocati sumus: mecum omnes præclare actum esse dicebant; qui quasi prospicerem ac divinarem quid futurum esset, & fugissem ab acerbitate prioris nuntii, & ad posterioris lætitiæ accurrissem. Nunc hic ego & Petrus Normesinus suavissimè vivimus, venatu, aucupio, piscatu; & quod caput est, bonis sermonibus: neque vobis invidemus, quos istic ambitio aureis compedibus alligatos tenet. Unum me malè habet. Theologi absentia: quem desidero, & ut discipulum magister, & ut magistrum discipulus. Operas enim permutare inter nos cœperamus, ut ego eum Græcæ literas, ipse me Theologiam doceret. Valde magnam voluptatem mihi attulerunt literæ tuæ, quod & læta nunciabant, & omnia accuratissimè ac minutissimè persequerantur: Conserva, quæso te, istam consuetudinem: sed nolè expectare, ut tecum paria faciam. Tibi enim quæ scribas, plurima quotidie suppetunt, mihi quod scribam ferè nihil est, nisi hoc ipsum, nihil esse quod scribam. Ego & Petrus Normesinus te communiter salutamus, atque à te petimus, ut nostro amborum nomine Contarellum salutes. Vale, è Karoliloco. A. D. 7. Kalend. Januar. M. D. LXII.

E I D E M.

XXIX.

**O** Tristem nobis & acerbum nuncium de Rege Navarra; quem nos hic etsi acceperamus ex alienis;

V 5

- suslen-

sustentabamur tamen aliqua spe, donec allata sunt litera tua: quas ego utrasque heri vesperi acceptas communicavi cum omnibus nostris: neque eorum quisquam fuit, qui non ita certo statueret, cum tu ita scriberes, fieri aliter non posse, quin plane deplorata esset optimi & religiosissimi principis salus. Cujus interitu quantam plagam Gallia, quantam causa religionis acceperit, vereor, ne paucis diebus magno nostro malo sentiamus. En quos fructus civilia bella pariant. Hoc unum miseræ Gallie restabat mali, ut veteres illas Thebanas calamitates in suo sanguine renovatas videret. Quid enim interest? nisi quod illic ejusmodi fratres contendebant, ut utrumque cadere expediret: quod & contigit. Hic cum è duobus fratribus alter errore ductus, & quasi præstigiis quibusdam occacatus; contra patriam; quodque gravius est, contra Deum arma ferat; alter nihil unquam habuerit antiquius: quam ut & fratrem reduceret, & famam caputque illius modis omnibus conservaret: Ei allata nex est, cujus in vita & fraterna salus, & magna ex parte totius regni tranquillitas nitebatur. Quod si qui pro patria dimicantes mortem oppetiverunt, eorum memoriam summo cum honore omnes anni consequentes excipiunt: si consecrari ac propè divinis honoribus affici post mortem solent, qui Christianæ religionis defensionem vita sibi priorem ac potiorē esse duxerunt, quos tandem honores satis amplos congerere posteritas in eum principē poterit: qui pro quarum rerum utraque mortuum esse satis est ad immortalitatem comparandam, pro earum utraque pugnans animam spoliatus est? Nunc ille cælo receptus, ex alto res mortalium despicit: & ut nuper auctoritate, consilio, manu communem Dei & Caroli Regis causam tuebatur, ita nunc precibus ad Deum, cujus aspectu fruatur,

fusus.

fusis, eandem fovere ac sustentare non desinit; im-  
 primis, ut credibile est, filiolo suo ejusmodi duces ac con-  
 siliarios precatur, qui ipsum in paternæ potius constan-  
 tiæ, quàm in maternæ pervicaciæ imitationem dedu-  
 cant. De fratribus autem, quos sibi superstites reliquit,  
 pro altero petit, ut quàm citissime mutetur; pro alte-  
 ro, ne unquam mutetur. Addit alia iis congruentia,  
 quæ nos sperare fortasse possumus, optare quidem sine  
 ulla dubitatione debemus. Vides, quàm & ipse otiosus  
 sim, & esse te putem: qui & tecum, Poëtarum more,  
 de iis quæ aguntur in cælo fabuler, & tibi ad hæc le-  
 genda otium suppetere existimem. Sed tua quidem con-  
 ditio melior, qui desinere vbi vis, deinde si quando neq;  
 dormire vis, & somnus urget, repetere intermissam le-  
 ctionem potes: mea deterior, qui homo cum piger ad  
 omnia, tum ad scribendum pigerrimus, cogor hæc, tan-  
 quam ad clepsidram, scribere. Etenim tum deniq; ad-  
 moneor, cum aliquis statim profecturus est. Duplex  
 autem mihi imponitur difficultas: quod & subito scri-  
 bendum est, ne officio desim, cum tu ad me creberri-  
 mas, de omnibus quæ istic geruntur, amantissimè  
 & accuratissimè perscriptas literas mittas: & mul-  
 ta scribenda, quo te expleam; cum in hac solitudine  
 novi nihil, nisi ea quæ istic adferuntur, audiamus.  
 Dabis igitur veniam nuganti mihi, & quia res non  
 suppetunt, verba fundenti. Scio enim te inanes, tum  
 longas epistolas anteponere aut nullis, aut brevibus.  
 Nunc ad alia venio: hibernaturos in Gallia esse nos,  
 jam, ut opinor, exploratum est; neque id mihi valde  
 molestum erit, dum aut Lutetiæ, aut in aliquo alio op-  
 pido esse liceat. Nam horum quidem nemorum jam  
 pridem tædet; neq; mihi quidquam longius videtur:  
 quàm dum tecum sim, ut more nostro legamus una  
 aliquid

aliquid quotidie, seu novi quid suscipere libeat, seu potius Taciti annales persequi; quos ego totos in hoc secessu devoravi. Interea peto à te, ut quemadmodum instruisti, scribas ad me, quod commodo tuo fiat, quam poteris sepius. Non enim facile credas, quam dulces mihi ac jucundæ sint literæ tuæ. Saluta mihi amicos omnes, inprimis Contarellum: cui dices me de libello ad me missi maximas gratias agere, & mandata ipsius diligenter curaturum esse. Hæc ego ad ipsum scriberem: sed novi hominis occupationes. Itaque scribere me hercules ad eum non audeo, nisi cum est necesse. Salve ab omnibus nostris, & valetudinem tuam cura, è Karoli-  
loco Postrid. Id. Novemb. M. D. LXII.

HORATIUS CARDANETUS

MURETO S. P. D.

X X X.

**M**itto ad te, MURETBERUDITISIME, omniumque potentiorum literarum decus (liceat mihi, quod sentio, ac potius, quod docti omnes sentiunt, sine ulla assentationis suspitione verè loqui) paucas aliquot epistolas tuas: ad me humanissime ac elegantissime scriptas; quas Lucas Sempronius noster, optimus juvenis, & utriusque nostrum studiosissimus, tuo nomine à me petiit. Descripsit eas libenter & eleganter Balhasar Ansideus, tuusne an meus dicam? utriusque certè quantum alter alterius esse potest, agnosces faciliè ipsius manum: qui superiore anno in describendis variis lectionibus operam tibi suam navavit, tui quidem admirator ac laudator est mirificus. Si de tuarum epistolarum editione cogitas, rectè cogitas. Nihil enim detrahent de eloquentiæ tuæ fama, quam luculentissime tuæ orationes



nes tibi pepererunt. Excellis tu quidem, Murete, ac  
 mirus es in omni scriptiois genere, seu carmen pan-  
 gas, idq̄ variis numeris: seu solutam reas orationem,  
 seu poetam, ut Catullum, interpreteris: seu oratorem,  
 ut Ciceronem, explices: seu Græcos vertas, ut Aristo-  
 telem; quidquid deniq̄ quoquo modo literis mandes, e-  
 legans est, politum, ingeniosum, eruditum, omnibus  
 numeris absolutum. Tua me scripta omnia capiunt,  
 tenent, revocant, nulla unquam eorum satietas: vel  
 ipsæ epistolæ, quas properanter exarare te scio, quàm  
 venustæ, quàm sæpe eruditæ, quàm semper urbanae?  
 Quod si volumen ipsarum legatur, studiosorum mani-  
 bus teretur, at, si ullius foret ponderis auctoritas, ju-  
 diciūq̄ meū, ad eas edendas te cohortarer. In quo Poli-  
 tianos, Bembo, Sadoleto, Manutios, mitto alios, imita-  
 bere. Neq̄ levius tibi scriptiois genus videatur, tuq̄  
 ingenio, ac eruditione indignū. Proponā enim gravissi-  
 mos doctrinaq̄ principes viros, qui munus sunt illud a-  
 ssernati, laudemq̄ sibi ex eo qua siverunt; Plinium, Ci-  
 ceronem, Platonem. Memini etiam epistolam me tuam  
 legere, in qua de bene scribendæ epistolæ difficultate di-  
 sputas; hanc autem semper sequitur laus, illud igitur  
 tui judicii erit, quo excellis. Verū hoc hæcenus ego,  
 quod jam diu literarum officium inter misi, hanc arripui  
 occasionem, velim existimes, tantum me tibi tribuere in  
 literis, quantum alii nemini. Nisi igitur impudentior  
 sim in petendo, mitte ad nos aliquid ex tuis scriptis,  
 quod tanquam sacrum Balthasar & ego custodiemus,  
 nec emanabit unquam te invito. Appellarem te crebrò  
 per literas, sed partim vereor, ne interpellem nrgis  
 quanquam officiosis: partim per valetudinis infirmita-  
 tem, docendiq̄ molestas occupationes, quibus invitissi-  
 me distringor, haud commode licet, cupio tamen con-  
 sere-

suetudinem repetere: mercaturamq̄ istam exercere, quam tu mihi aliquot ab hinc annos proposuisti, quam si exercuissem, multum fecissem lucri; quod si minus mihi licuerit, dabo negotium Balthasari meo omnium quos cognoverim, bonarum omnium literarum cupidissimo ac studiosissimo, qui jam adest cum tuis epistolis descriptis: ac fasciculum obsignabit. Vale, mi Murete, atq̄ ab eo salve. Lucam Sempronium semel à me tibi commendatum, quo primum tempore ad Urbem venit, nunc iterum commendo, non quod ipse à me petat, sed mea tantum benevolentia in ipsum suscepta, ob eximiam ejus probitatem, quibuscunq̄ rebus illi commodaveris, mihi commodaveris. s. Id. Ianuar. M. D. LXXIX.

M. ANTONIUS MURETUS S. D.  
HORATIO CARDANETO SUO.

XXXI.

Quidni enim te meum vocem, Horati optime & humanissime, cum & ipse te singulariter diligam, & me ita tibi carum esse sentiam, ut nulli te veterum amicorum meorum in me amando cedere profitearis? quod quidem ego, ut, quia summe cupio, facile mihi persuadeo, verè à te atque ex animo dictum esse; ita causas, quibus te ad istam voluntatem erga me suscipiendam adductum esse scribis, non agnosco. Immo verò majorem in modum à te peto, ut si, cum me ac mea diligentius inspexeris & excusseris, animadvertes, non esse in me eam eruditionem eamq̄ eloquentiam, quam tu fortassis aliquando credidisti, nolis me luere ac sufferre pœnas erroris tui: neve, quasi vitiosum aliquid aut morbosum pro sano emeris, ex adilitio edi-

Et

sto agere ad redhibendum velis, si me ita amabis ut  
 hominem & honestis studiis deditum, & ingenuum, a-  
 peritum, simplicem, rectum, minimè fucatum, minimè  
 tectum, inprimis φιλόσοφον, præstabo tibi ea omnia cu-  
 mulatè, neq; unquam in ejusmodi rebus fallam opinio-  
 nem tuam. Eò tu si præterea aliquid addideris, ut mul-  
 tarum rerum scientiam, ut eloquentiam, ut cætera id  
 genus: ipse quomodo tibi caveas, videris. Ege ea neq;  
 polliceor, neq; præstabo, his legibus initam mihi esse te-  
 cam & constitutam amicitiam volo, quas à te quoq;  
 non gravatè acceptum iri puto, atq; equidem cum mul-  
 tis de causis antea amaverim Gisbertum Oddum, a-  
 dolescentem optimum & pleno gradu ita tendentem  
 in ea studia, quibus nos delectamur, ut quod serius in  
 eam viam ingressus est, assiduitate & diligentia com-  
 pensaturus esse videatur, habebò posthac cariorem  
 etiam hoc nomine, quod is conciliatè, quasiq; σεβόν-  
 tis hujus nostræ conjunctionis fuit. Magna sanè cum  
 voluptate repeto memoriam tempus illud, cum ipse  
 mecum de doctrina tua, deq; suavissimis moribus, &  
 creberrimè & amantissimè loquebatur. Addebat et-  
 jam nonnulla de studio quodam & amore mei tuo, quem  
 tibi ex tuis sermonibus cognitissimum esse dicebat;  
 ego autem & audiebam ea libenter, & ei fidem ha-  
 bebam non invidus: ut ad credenda quæ jucunda  
 sunt, faciles naturâ omnes sumus. Itaq; usdem ex eo  
 sæpe & constanter audiendis, sic jam incalueram; ut  
 quemadmodum in aridissimam siccissimamq; mate-  
 riam nulla potest incidere tam parva scintilla, quæ  
 non maximum subito incendium excitet, ita nulla pos-  
 set à te dari tam pusilla tamque tenuis significatio eo-  
 rum, quæ de Gisberto audieram, quæ non ad me to-  
 tum mirifico quodam tui amore inflammandum satis  
 habi-

habitura virium videretur. Adhuc hæc erant; cùm afferuntur à te ad Gisbertum literæ, non solum scriptæ eleganter ac politè, quod tibi proprium ac perpetuum est, verùm etiam illum amorem in me, de quo tam multa tam sæpe audieram, omni ex parte spirantes. Quid quaris? ita exarsi, ut nihil fieri posset ardentius. Successerunt primis illis alteræ, tertiæ, aliæ deinceps, eadem omnes sua vitate persusæ, iisdem insignes amoris notu. Nonne igitur inhumanus sim, planeq; ferreus, nisi tam amanter a te ultro appetitus ac provocatus, tibi in amore respondeam? sed non committam, ut eo nomine accusari possim: semperq; sine ulla retractatione, si quid accidet, in quo amicitia mea tibi aut usu aut ornamento esse possit, ne qua in parte veri amici officio defuisse videar, studiosissimè operam dabo. Quod ad literas tuas tardius fortassis tua expectacione responderim, scito eas mihi nudius tertius tandem redditas esse. *Vale, post. Non. Decembr. ex Urbe M. D. LXIV.*

## E I D E M.

## XXXII.

**V**olo tecum, Horati, si modò ab eo voluntas tua non abhorret, quasi mercaturam quandam instituere literarum; ut quando iisdem ferè in studiis nostrum uterq; versatur, si quid & bellum atq; elegans, & non vulgare, neq; protritum, dum ut longinqua litora, ita veterum scripta lustramus, reperisse videbimur, id in commune conferamus, & alter cum altero communicemus. Hoc fecisse veteres illos, quos **ENDO COELO**, ut Cicero in legibus loquitur, **MERITA LOCARUNT**, Hippocratem Coum, & Democritum Abderiten, Platonem Atheniensem, & Tarentinum Architam: tum è nostris (quanquam illos quoq; quidni nos

stros vocare liceat? ) sed tamen ex illis, quos usitatus nostros dicimus idem inter se Ciceronem ipsum, Nigidium, Atticum, Varronem fecitasse satis aperte ipsorum monumenta declarant. Quorum ego exemplum, quantum in me est, renovare cupiens ad hanc te societatem, Horati, voco: quam nisi refugis, non dubito fore, ut ex ea primum uterque nostrum; deinde etiam alii, non eorum modo, qui nunc sunt, sed etiam, ut Homericō verbo utar, τῶν ἀψήγητων; si non magnos atq̄ uberes, aliquos tamen aliquando capiant fructus. Ejus autem, nisi tibi secus videtur, ea leges ac pactiones erunt. Primum ut quidquid alterutri nostrum quocumq̄ in scriptore antiquo occurrerit, quod aut sit, aut videatur obscurum, ambiguum, depravatū; de eo, ut ipsi alterius sententiam exquirere jus fasq̄ sit: deinde ut is, qui sententiam rogabitur, re diligenter pensitata, cum amicis etiam, si videbitur, communicata, quidquid aut commode cogitare ipse, aut ex aliis expiscari potuerit, aperiat: tum, ut si alterutri aliqua alterius opinio non probabitur, liberum ei solutumq̄ sit, causas, cur eam non probet, exponere, isq̄ qui reprehendetur, aut potius admonebitur, non modò non lædi se ac violari in eo: verum etiam beneficium sibi tribui putet: postremò, ut quidquid alter ab altero acceperit, nunquam neq̄ privatim, neq̄ publicè id se ab eo accepisse dissimulet: quin potius uterq̄ omni ope omnes alterius ornandi atq̄ amplificandi occasiones, non tantum ablatas arripiat; sed etiam studiosè diligenterq̄ perquirat. Hæc si faciemus, alter alterius industriam acuemus, ingenium excitabimus, & discemus deniq̄ vicissim, & vicissim docebimus. Gisberto quidem nostro, quem ego adolescentem quotidie plus amo, quod ipse quotidie honesta studia plus amat, præsens ex hac nostra negotiatione lucrum

paratum est. Ego enim, qui cum ad cetera omnia, tum ad scribendum ita piger sum, ut nemo magis, eo post hac, cum ad te scribam; amanuensi uti cogito. Nam & ipse cum laborem causa mea libenter capit, tum hoc studiis suis inutile non fore arbitratur. Vale. 3. Kal. Ian. M.D. LXIV.

## E I D E M.

## XXXIII.

**R**espondeo tibi breviter, ut & postulas, & occupationes meae cogunt. Non te praeferit, apud optimos utriusque lingua auctores reperiri quaedam seu de industria, seu ab aliud cogitantibus peccata, quae Grammatici modo ἀνακόρυθαι, modo σολοικισμὸν vocant: cum illi non ipsam conformationem orationis, aut vocum convenientiam, sed id modò, quod sensum est respiciunt. Exempla scio tibi non deesse: sed tamen ut videas me tecum ἀπερχῶν καὶ ἀδύλων agere, congeram quae in mentem venient. Terent. Hecyra. Nam nos omnes quibus est alicunde aliquis obiectus labor. Omne quod est interea tempus, prius quam id rescitum est, lucro est. Ut omnia conere, non reperies, cum quo cohaereat illud, nos omnes. Sallustius. Sed antea item conjurare vere pauci contra Rempub. in quibus Catilina fuit: de qua quam verissime potero dicam. Idem. Interea servitia repudiabat, cujus initio ad eum magna copia concurrebant. Idem. Familia nostra cum populo Romano bello Carthaginensi amicitiam instituit: quo tempore magis fides ejus, quam fortuna, pendenda erat, quorum progeniem. Idem. Abundantia earum rerum, quae prima mortales ducunt. Atque ut in aliis, ita in hoc quoque Sallustius Thucydideus fuit. Apud illum enim talia ὄσα κείνῳ. Plautus, Hos quos videtis stare hic captivos duos;

duos, illi qui astant; ii stant ambo non sedent. Sed ne apud Plantum quidem talium modus est: huius generis sunt & illa HomERICA:

Τένον φιλε.

Et

Εννήμαρ μὲν ἀνάστρατον ὄχετο κῆλα θεῖο.

Τῆ δεκάτῃ δ' ἀγρεῖώδεσσι κάλιεσσασσι λαόν Αχιλλεύου.

Et:

Εθλια πολλ' ἐρίθων ἀχαιδόμεδραι περιέρχασσι.

Et illud Virgilianum:

Craetina lux, mea si non irrua dicta putaris.

Ingentes Rutulae spectabis cadis acer vos.

Et:

Pars pedes ire parat campo, pars arduus altis

Fertur equis.

Possum è Sophocle, Euripide, Pindaro, aliis quamlibet multa congerere: sed ne longior sum, & ne tibi homini eruditissimo videar diffidere, pauca tantum tibi in memoriam ex ipso Cicerone revocabo. Ita igitur est in secundo Tusculanarum; Etenim si orationes, quas nos multitudinis iudicio probari volebamus: (popularis est enim illa facultas, & effectus eloquentiae est audientium approbatio) sed si reperiebantur nonnulli, quibus nihil laudarent, nisi quod se imitari posse confiderent, &c. Scio esse locum quendam ubi ad Atticum scribens, cum epistolam dixisset, ita reliquum orationis contextu- it, quasi literas dixisset, non epistolam. Sed nunc non venit in mentem. Inspice diligenter locum illum ex Catione maiore, ubi citantur hi duo versus Cecilianii:

Tum etiam in senecta hoc deputo miserimum,

Sentire ea aetate esse odiosum se alteri,

& vide, cum quo ea, quae statim subjungit, cohareant: Lucundum potius, quam odiosum. Neque enim hoc dicit, Miserum est, sentire, se iucundum potius, quam odiosum:

sed hoc si quis commodus senex sit & humanus, eum  
 jucundum potius esse, quam odiosum. Quæ tamen sen-  
 tentia, si verba tantum spectes, effici nullo modo potest.  
 Revocabo te ad illos ipsos libros de ORATORE. Ita  
 igitur loquitur, in iocorum tractatione. Ex eodem hoc  
 vetus illud est, quod ajunt, Maluginensem illum M.  
 Scipionem, cum ex centuria sua renunciaret Accidinum  
 consulem, præcoq̄ dixisset, Dic de L. Manlio: virum bo-  
 num, inquit, egregiumq̄ civem esse arbitror. Vide quam  
 conveniat, Maluginensem illum, cum verbo inquit:  
 quod postea subjunxit. Eodem igitur modo cum dixisset:  
 etenim ceteræ ferè artes, & cetera: ita dixit postea,  
 cujus terminis septa teneatur, quasi non benedicere, di-  
 xisset, sed ars benedicendi, quod orationis ἀπολογία post-  
 ulare videbatur. Habes verbosam & insuavem epi-  
 stolam, ut scriptam à properante, & occupato: etiamq̄  
 ut tibi molestia duplicetur, mea manu scriptam: ut for-  
 tassis etiam in legendo aliquid tibi negotii futurum sit.  
 Gisbertus enim noster propterea quod ei hodie ad fores  
 herilis cubiculi assidendum est, ut statis vicibus omnes  
 cubicularii solent, operam mihi dare non potuit, A te  
 peto, ut me ames: quod cum facies, mutuo te facturum  
 esse scito. Vale, ROMÆ 6. Kal. Mart. M.D.LXV.

E I D E M.

XXXIV.

**A**DEAS literas, quas à te amoris plenissimas nu-  
 per accepi, statim respondissem, si otiosus fuissem,  
 sed eram occupatus in recognoscendo volumine quodam  
 orationum mearum, quod à me his superioribus diebus  
 librarii extorserunt verius quam impetrarunt. Omni-  
 nõ enim constitueram nihil posthac scribere. sed me,  
 ut consilium mutarem, amicorum nimis bene de me  
 sen-



sentientium non cohortationes modò ; sed preces assiduae coegerunt. In eo igitur eram occupatus, cum acciperem litteras tuas ; & simul cogitavi, si paulò serius responderem, damni nihil in mora fore. De loco illo Ciceronis non puto te dubitare, quin sententia tua vera sit. Nam vel id ipsum, quod ais videri posse obstare, magis etiam eam, si accuratè inspicias, confirmat. Si quid aliud erit, de quo sententiam meam cognoscere cupias, scribito, non committam, ut quidquam à me, quod ego quidem præstare possim, frustra petas. Amo enim te vehementer, tum quòd multis nominibus dignissimus es, qui ameris, tum quòd ita me amas, ut inhumanitatis notam effugere non possim, nisi tibi in amore respondeam. Vale, ROMÆ. Prid. Idus Aprilis die ipso natali meo, quem tu mihi faustum ac felicem precare. M. D. LXX. Saluta mihi Gisbertum meum : etsi ei subiratus sum : quod quiddam à me sibi in arcanis commissum continere non potuit. Veniam isthuc, ut spero, mense Majo proximo, & præsens ab eo pœnas reposcam. Qui enim tantùm triduum domi ipsius esse decreveram, ulciscendi causa, totos sex dies manebo. Ad eum scribere nunc non licet per occupationes, propediem scribam.

E I D E M.

XXXV.

**N**emini aut mirabilius est aut molestius, quàm mihi, tamdiu differri adventum ad vos meum, sed nescio, quo modo ter jam contigit, ut cum in viam dare me vellem, jamq; sarcinulas componerem, subito exstiterit aliquid improvisi atq; inopinati impedimenti. Itaq; nihil amplius ea de re vobis habeo polliceri. Nisi illud certo mihi excuti nullo modo potest, veniendum tamen, & quæ obstant, omnia qualibet ratione superatiri,

iri, sed *ἀεὶ κατὰ τὸν αἰῶνα* alieno arbitrio vivere. Precipue si quis ei seruiat, qui pro suo commodo omnia aliorum incommoda non nauci faciat. Equidem manibus pedibusq; ut dicitur, omnia faciam, ut vobiscum unà esse possim ante Kalendas Iulias, sed, si id non potero, certè quidem mense Septembri, si vivam, istic ero. Vos interea me, ut facitis, amabitis, & ad me scribetis, ubi commodum erit. Ego vos vicissim amabo, & de vobis sepius & cogitabo, & loquar; si quid erit, quod vestra causa efficere possim, studiosè atq; amicè omnia procurabo. Vale ROMÆ. 9. Kalend. Ian. M. D. LXX. Marcello Vestrio S. Qui etiam meo nomine, nisi molestum est, Paulum Æmilium Comensem salutabit. Vereor, ne ad te perlata non sint literæ, quas ipso meo natali die scripseram. Nulla enim in tuis earum mentio.

E I D E M.

XXXVI.

**V**aldè tardi effecti sunt tabellarii vestri, qui quadragesimo demùm die literas huc istino adferant. Idem mihi accidit haud ita pridem literis quibusdam Gisberti Oddi, quæ cum scriptæ ab eo essent de mense Novembri perlata ad me sunt ineunte Ianuario. Sed hoc tamen commode, quòd hodiè potissimùm, ut qui dies annus ex omnibus summa hilaritate ab omnibus traduci solet, eò potissimùm hilararer jucundissimo sermone literarum tuarum, & recordatione amoris erga me tuis simulq; quoniam ab interpellatoribus nihil est periculi (ludis enim & spectaculis omnes hodie detinentur) vacui temporis ad respondendum aliquid haberem. Igitur de me meisq; studiis jam cognosse te aliquid puto ex his literis, quas proximè ad Gisbertum dedi, satis enim feci earum te statim participem factum. Terentianum

iNud

illud, si  
ullo mo  
opus, s  
officiu  
velit: s  
à me ca  
cantes  
nemo in  
qui id f  
dio pul  
versatu  
eodem g  
ta. Al  
Sed ita  
qui put  
jam ear  
emenda  
dem fer  
omnia si  
Nizolio  
Germa  
temnu  
ferior  
qui me  
quod ex  
dicam ut  
& loqu  
tantope  
rum pist  
confer.  
arbitror  
quo ipso  
dies 7. K  
ris.

illud, si sit opus, joci causa dictum est, quasi evenire ullo modo possit, ut hoc quoque factum opus sit. Ergo si sit opus, si quis à me id fieri postulet: si quis hoc sibi à me officium tribui petat: si quis in eo me sibi gratificari velit: si quid eveniat, ut publicè intersit eum laborem à me capi, & si cogites, multa nos quoque vulgò ita jactantes dicimus. Quando ita jubes, sedebo, cum tamen nemo iubeat. Honoris tui causa ad prandium ibo, quasi qui id facit, non sua potius causa faciat: hodie in prandio pulchrè tibi operam dedi, quasi qui benè ac libenter versatur, non sibi potius operam det quàm amico. Ex eodem genere est illud, si sit opus, de quo satis jam multa. Albedo, latinum non est, non magis quàm nigredo. Sed ita sumus omnes, etiam qui paulò melius latine loqui putamur, quàm vulgus solet. Dum confidimus, nos jam eam facultatem consecutos, ut vel aliud agentes emendatè loquamur, multa incepta, & ne in pueris quidem ferenda effundimus. Isti præcipuè delicati, qui omnia sibi præter Ciceronem putere ajunt, qui si sine Nizolio possint unam aut alteram Epistolam scribere, Germanos se esse Cicerones putant: qui Senecam contemnunt, Plinium irrident, Tacitum damnant: ad inferiorum verò temporum scriptores etiam nauseant, qui me aut mirantur, aut miserantur, aut irrident, quod ex Apulejo ipso aut Sidonio quædam petenda esse dicam ad usum latini sermonis; illi igitur ipsi sæpe ita & loquuntur, & scribunt, ut nos eos modò, quos ipsi tantoperè, abiciunt, quos præ se contemnunt, sed eorum pistores ac coquos multò latinus locutos fuisse constet. Ad omnia Epistolæ tuæ capita responsum esse arbitror. Vale 3. Kal. Martii, M. D. LXXI. ROMÆ, quo ipso die literas tuas accepi, quibus adscripta erant dies 7. Kal. Febr. Ne me tam serò tibi respondisse mirearis.

## E I D E M.

XXXVII.

**P**ostquam ad te nuper scripsi de illo Terentiano, si sit opus, venerunt mihi in mentem alia, quæ apertius confirmarent explicationem meam.

Simile igitur est illud ex Adelphis.

Tu inter eas restim ductans saltabis M. probe.

Et tu nobiscum una, si opus sit.

Et illud Catulli ex Epigrammate in Vettium.

Ista cum lingua, si usus veniat tibi, possis.

Sed nolo alterum versus adscribere, neque puto esse opus.

Quamvis igitur sperabam, sententiam meam ita tibi probatam esse, ut nihil præterea argumentis opus foret; tamen ne hanc quidem ad te scribendi occasionem prætermittendam putavi. Vale, & Giobertum mihi saluta, & si quos istic præterea nostri amantes mei. ROMÆ. Postrid. Non. Mart. M.D.LXXI.

PETRUS JOHANNES PERPINIANUS  
M. ANTONIO MURETO  
S. P. D.

XXXIIX.

**O**nus Ætna gravius mihi videntur sustinere, qui alteri fidem suam adstrinxerunt: nisi ejus, aut cui, aut pro quo sponderunt, humanitate subleventur. Scis, credo, quid velim. De versibus illis in D. MARIAM Lauretanam, qui eos à te optabat, propter singularem expectationem elegantie & doctrinae tuæ, is me urgere non cessat. Ego tamen si inscio & inconsulto te, me temerè recepisse intelligo; tamen hanc temeritatē in  
spon-

spondendo meam tua eximia, in re perficienda, humanitate compensatum iri confido. Si quid possunt fontes & pomaria Tiburtina, si quid iste secessus otii à quotidianis occupationibus tuis attulit, oro te atq; obsecro, ut ostendas, me nonnullum apud te gratia locum obtinere. Quædam tecum communicare cupiebam: sed ea melius, ut spero, corâ, ubi ad nos redieris. Nam summus nostrâ Societatis magister statuit, ut Romæ anno proximo manerem. Nostri omnes te salutant. Vale, ex urbe 18. Kal. Septembr. M. D. LXIV.

M. ANTONIUS MURETUS S. D. P.  
TRO JOANNI PERPINIANO  
Societatis Jesu.

XXXIX.

Cupio equidem & meam, & tuam fidem liberare: sed mihi adhuc multa, ne id facere possem, obstiterunt. Primum quod quem locum, quodq; tempus otii, & quietis plenissimum putabam fore, in eo me & multa, & longissimè à studiis meis abhorrentia negotia occupatum, atq; exercitatum habuerunt. Nam, ut cætera taceam, his paucis diebus bis mihi Romam eundem fuit; quod etsi leve videri potest, tamen ea mihi profectioes octo amplius dies abstulerunt. Deinde quod multos jam & menses, & annos intermisi Poëtica studia, ut etiam si quid olim fuisset in me ejus facultatis, quod sanè aut nihil, aut pertenuè quiddam, & per exiguum fuit; effluxisse id tamen, & exaruisse necesse sit. Postremò dñi ῥ. ἀλγῆν λείπει, tardiozem me, ac timidiozem facit expectatio illa, quam de meis versibus concitatam esse scribis. Scis enim, quam inutilis ea, atque aliena sit placere cupientibus. Nam si illud à me postulatur; ut tuorum elegantiam æquem, à te ipso mihi versura faciunda fuerit.

rit. Ut ut est, meditabor tamen propediem aliquid: sed si me amas, quod quidem ita mihi perspexisse videor, ut, quin ita sit dubitare, non debeam, minue, obsecro, quantum potes, istam expectationem: ac perface, ut ille amicus tuus à me tanquam à malo nomine, ut nummos, ita versus etiam, si neque optima notæ erunt, neq. justiponderis, æquo tamen animo accipiendos putet. Benefactum, quod te Societatis vestrae magister Romæ retinendum iudicavit. Mihi crede, magnam molestiam cepissem è discessu tuo. Nunc spero fore, cum istuc rediero, ut fruar tua suavissima, mihi optatissima consuetudine, quam ego, quanti faciam, spero te re ipsa aliquando cogniturum. Vale, TIBURÆ, 10. Kalend. Septembr. M. D. LXIV.

PETRUS JOHANNES PERPINIANUS  
M. ANTONIO MURETO

S. P. D.

XL.

**T**uum tandem reditum expectare non possum. Tameo namq. ne sit ille tardior: mihi autem maturato est opus. Quonam, inquis, adeo festinas, ut pauculos hos dies expectare non possis? Nusquam equidem; noli metuere, ne mutata Magistri nostri sententia, mihi sit ex urbe proficiscendum, rem totam à principio audies. Præpositus iterum Rhetoricæ scholæ, à qua me solutum penitus ac liberum esse arbitrabar, de Præfati nostri sententia statui Aristotelis de arte dicendi libros explicare, ut si nihil tanti magistri subtilitate dignum in lucem potuero proferre, quod ita planè futurum esse video, certè conatus ipse in re perdifficili, nonnihil ab Auditoribus gratiæ & benevolentia consequatur, summiq. Philosophi nomen apud omnes illustre, languidiora juvenum studia vehementius excitet, ad discendum. Multa  
igitur

igitur ita ut sit, legenti & meditati mihi, quæ ad eorum librorum explicationem usui fore viderentur, quædam occurrerunt, quæ meum animum ita dubiam & incertum habent; ut non facile sit statuere, quid sequar. De his tuam sententiam exquirere decreveram, ubi redisses. Verum, ut dixi, timeo, ne serius, quam mihi est opus, revertare. Quare agam tecum per literas absens, quod verbis præsens agere non possum, & quid ex te scire velim, paucis perscribam. Non enim dubito, tametsi longè abes à libris, quin omni me dubitatione, nullo negotio sis liberaturus: eò magis, quòd de quibus ambigo, ea tibi iam dudum quæsitæ, cogitatæ, tractatæ esse scio. Primum itaq; velim cognoscere, quid tibi videatur de partitione artis Aristoteleæ in tres libros: præteritum ne putes hæc opus, quod nemo Aristotelis esse negat, à Laërtio qui duorum tantum librorum fecerit mentionem: an in numero librarios fuisse mendosos: an in duas duntaxat partes totum illud quasi corpus ab auctore distributum, ab aliis postea in tres fuisse divisum: num quidnam aliquando legeris apud antiquos Aristotelis interpretes, aut alios idoneos auctores, ex quo perspicui possit, quot in libros partitus ipse fuerit hanc artem bene dicendi tam accuratè conscriptam. Deinde τί τῶν ἐξωτέρων καὶ ἀναγκαζομένων συζευκτικῶν ecquid cōperti habeas? Nam ut à Cicerone, Gellio, Platarcho, Galeno, Ammonio, Simplicio divisionē hanc operum Aristoteleorum confirmantibus dissentias, nullo præsertim duce, nullo auctore, cujus nomen grave apud alios esse debeat, animū inducere non queo; argumenta contra sententiā, qua ratione refellam, nō video. Cur enim, in primo libro Νικوماχείου libros de anima, quos subtilitatis plenos esse omnes confitentur, ἐξωτερικὸς appellat? Cur hos ipsos de moribus libros ad Νικομάχου modò vocat ἐξωτερικὸς, ut in tertio πολιτικῶν libro, modò

modò δὲ τῶν ἑξαπερικῶν sejungit; cū in ipsis πῶς ἑξαπερικῶν  
 veluti genere prorsus diversa, citet? cur τῶν ἑξαπερικῶν  
 nulla usquam mentio? Quod enim octo libri πῶς φου-  
 σιολογίας, καὶ φουσικῆς ἀπολογίας inscripti sunt, eam ego in-  
 scriptionem idcirco Aristotelis ipsius non esse suspicor:  
 quod nusquam illi ab eo libri hoc nomine citantur. Po-  
 stremò doceri cupio, an Dialecticæ nomen sic ab Aristo-  
 tele aliquando usurpetur, ut non τὸ τυτικὸν solūm, sed  
 totam omninò Logicam comprehendat. Alexander  
 enim in Proœnio τὸν δὲ, tres tantūm tradit hujus ver-  
 bi significationes: de hac verò vulgari notione, prorsus  
 nihil. At mihi in hac, quod subijciam loco, primi de Rhe-  
 torica libri, καὶ τῆς συζητικῆς ὁμοίως ἀπαιτῶ τῆς Διαλεκτικῆς  
 εἶναι ἰδεῖν ἢ αὐτῆς ὅλης ἡμετέρας πινός, non alia notio ei videtur  
 esse subjecta. Nolim tibi esse molestior: His nunc ero con-  
 tentus; si quid est aliud, de quo scire velim, quid sentias,  
 id ad tuum in Urbem reditum reservabo, ne jure queri  
 possis, ne in otio quidem tibi licere esse otiosum. De ver-  
 sibus, quos avidissimè expecto, nā tu prudentissimè fe-  
 cisti, qui tam diu nostros animos tenueris expectatione  
 suspensos, ut tanquam poculum aquæ frigida longinqua  
 siti exarescentes, sic nos illi multum cupientes, & diu-  
 turno desiderio flagrantēs insolita quadam suavitate  
 perfundant. Accipio tamen excusationem, modò quā  
 citissimè, quod commodo tuo fiat, eos ad me mittas. Nam  
 quòd vereris; ut expectationem de te concitatam possis  
 explere, vide, ne, dum modestus haberi studes, parū de  
 nobis amicè existimare videaris. Quid enim hic tu nos  
 intelligentiæ communis expertes esse putas, ut quan-  
 tum à quò, sperandum sit, videre nequeamus? aut tam  
 parū studiosos tui, ut quemadmodum nobis satisfac-  
 cias, vehementer sit tibi laborandum? facis tu quidem,  
 quòd te decei; ut nihil à te, nisi summa industria elabo-  
 ratum,



ratum, atq; perfectum exire patiaris; verum, sic habeto, tantam esse omnium nostrum erga te benevolentiam, eam de ingenio & doctrina tua existimationem, ut si quid minus dignum tuo nomine editum à te fuisse videremus, id quod accidere nullo modo posse intelligo, sed si quid à te elucubratum scriptorum tuorum dissimile forte legeremus, noluisse te potius tantum contendere, quantum posses, quam quantum contendis, efficere non potuisse crederemus.

M. ANTONIUS MURETUS S.P.D.  
FRANCISCO BENTIO  
Societatis JESU.

## XLI.

**V**Traque literæ tuæ mihi gratissimæ fuerunt: hæ posteriores eò etiam gratiores, quod subdubita-  
bam, ne agrè tulisses, nihil à me ad illas Senenses, res-  
ponsum esse, etsi videbar satis respondisse, cum, quæ pe-  
tebas, ad te miseram. Mihi enim videtur melius petenti  
respondere, qui silentio facit, quod rogatur, quam qui  
verborum affatim rependit, rei nihil. Gaudeo te Peru-  
siam venisse, unde opinor crebrius à te literas expecta-  
re potero. Cupio autem scire, quem potissimum scripto-  
rem explicandum susceperis. Nam, si nihil aliud, exa-  
cuam industriam tuam: teq; fortassis ad locos quosdam  
diligentius, quam ab aliis solent, tractandos excitabo.

Cave enim, putes, quidquam mihi accidere posse ju-  
cundius, quam videre te *ἡδύμενον*, ut ita dicam, discipli-  
næ meæ alumnum, florentem laudibus, & quotidie lon-  
gius progredientem in ea via, quam me tibi olim mon-  
strare memini. Et si tu quidem, ut à me discessisti, multò,  
quam ego sum meliores magistros nactus es. Sed quid  
tùm? blandior mihi *ἡγεμονός*; & quia te olim nescio  
quid

quid docui, videor mihi te quantus quantus es, aut potius quantus futurus es, produxisse. Sed ut hæc missa faciam, scin tu me nuper à Pontifice iterum antiquo, ut ait HORATIUS, inclusum ludo? Cùm enim Cæsarius multorum jam stipendiorum veteranus missionem impetrasset; egerunt mecum primùm Cardinales, deinde etiam *ἄλλοι τῶν ἱερῶν* ut eam provinciam susciperem. Multa argumenta allata sunt, quæ me moverent; sed unum *ἄλλοι τῶν ἱερῶν*, quo præducentis aureis annuis, quadringentos proposuerunt. Homini autem egenti, & propter imminentem senectutem paulò ad rem attentiori, nullum medicamentum adhiberi potuit efficacius. Itaque redibo jam ad veteres illos Congerrones meos, Ciceronem, Horatium, cæteros, & mihi quodammodo repuerascere videbor. Tumultuantur tamen, qui ex me Pandectas audiebant, & negant, se quenquam alium ferre posse. Pleriq; etiam, nisi me habeant, jurisprudentiæ se multam salutem dicturos profitentur; ipsi viderint. Ego ludibundus quadringentos illos quotannis in arcam, *τῶν ἱερῶν*, concludam; ut sit aliquando, unde otio frui possem. Beatum te, qui eam vivendi rationem ingressus es, ubi à talibus curis animus liber est. Noli tamen putare à meipso hæc ita curari; ut angar: *Δαυβάνη μὲν διδιδύμα*, & quia usque hęc paulò negligentior fui, ex illa negligentia ita aliquid detraho; ut nihil detrahā ex hilaritate. Adolescentem, qui mihi literas tuas reddidit, vidi perlibenter; & mihi, quantum ex una colloquutione existimandi potestas fuit, visus est tua commendatione dignissimus. Saluta mihi, si quos istic nōsti studiosos mei. Vale, mi Benti optime & suavissime, & me

ania. ROMÆ, c. Kalend. Septembr.

M. D. LXXII.

GULIELMUS CANTERUS M. ANTONIO MURETO S. P. D.

XLII.

**E**T si satis audacter facere videor, vir doctissime, cum te literis meis interpello; quoniam tamen hunc libellum proximis his mensibus edidi, putavi me non satis ex officio facturum, nisi cum eundem ad te mitterem, tum veniam à te rerum tuarum peterem. Etenim, cum id, quo libellus noster est exornatus maxime (Athenæi fragmentum dico) à te primum in manus nostras deveniret, postquam tu id cum Aurato nostro communicaras: nemini potius hoc totum, quidquid est mitti debuerat quam tibi. Jam quod ea fuerim audacia, ut rem à te κειμήλιον δηλωῶ habitam publicare sim ausus, non miraberis, si quanta debeat esse studiosorum hominum inter ipsos rerum omnium communitas, tecum cogitaveris. Huc accessit, quod non leviter suspicabar fore, ut alii, nisi ego prævertissem, eam gloriam, cujus ego te participem jure feci, sibi solis essent prærepturi. Quamquam nihil magnopere video, cur ea res gloriæ tuæ, quæ jam pridem est toto orbe clarissima, multum addere ponderis potuerit. Quis est enim in omni, quæ incolitur terra ita barbarus, & omnis expers elegantiae, ut Muretum non cognoscat, amet, exosculetur? Ego certe ὁ τῶν λόγων ὄσον ἔπι τοῦ στίχου, tanti te, liberè ut loquar, facio, quanti haut scio, ad alium neminem. Sed, ut ad ipsum redeam libellum: in eo si fortè alicui majorem videbimur habuisse veritatis quam hominum rationem, suggeret tibi, spero, memoria tua, qua vales plurimum, quid de veritate Socratem Plato sensisse tradiderit. Quid quod eam præbent optimæ literæ suis cultoribus libertatem, ut in utramque partem sine

peris-

periculo disputare possint? nec enim hic opus est τὸν δεῖ  
 ψυχῆς δεξιότητι. Quocirca, si hoc à te consecutus fuero, vir  
 doctissime, ut nihil hujus libelli editione offensum te du-  
 cas, non admodum timebo, ne quis de me conqueratur  
 alius: sperabo potius me, quod ille dicebat, sine invidia  
 laudem deinceps invenire, & amicos parare posse. Et  
 quoniam non faciliè fortassis me, qui sim, agnosces: ve-  
 lim tibi Aurati tui atq; mei in mentem veniat; cuius ego  
 convictu, cum tu ante annos duos in Galliam venisses,  
 fruebar. Fruterii quoq; cum quo me aliquando, si non  
 es obliuus, vidisti. Si quid etiam dignaberis rescribere  
 (quanquam nos tantum boni non meremur) ad Opori-  
 num, vel Petrum Pernam Typographos Basileenses li-  
 teras curabis. Bene vale, vir doctissime, & eum te à no-  
 bis haberi crede, ut quod aliquando de nobis Auratus,  
 condiscipulorum comparatione, ludens dicere solebat,  
 id meritò tibi doctorum omnium respectu tribuamus,  
 quid hoc? inquires, τὸ δ' ἔκκεσε κρηφῆται τῶ Μυρητῶ FRAN-  
 COFURTI nundinis autumnalibus, anni M.D.LXIV.

ALEXANDER JUSTINIANUS M. AN-  
 TONIO MURETO S. P. D.

XLIII.

TE post tuum discessum VENETIIS in febrim in-  
 cidisse, agrè sanè tuli, ut debui: idq; statim meis li-  
 teris significassem: sed præter morbum, tibi molestus esse  
 nolui. Nam indies experior, quàm molesta agrotanti-  
 bus omnia penè esse soleant. Cæterùm mitescente jam  
 morbo, nullum περὶ τοῦ δικαίου λόγου in tam magno præser-  
 tim elatoq; animo, adversum omnem fortunæ temerita-  
 tem mihi locum relinquere video: & fortassis, ipso jam  
 fugato, convalescenti gratulandum potius, aliquid serii  
 ad te

ad te scriberem, nisi id mihi Medicorum legibus *πρόβη* & *αία χου εοδύαν* interdictum scirem. Scribam aliàs, & quod toties recepi, tandem cumulatissimè præstabo, præsertim cum *χρόσα αὐτὴ χαλκείαν* à te sperare liceat. Interim cura, ut valeas, ego verò, & Johannes Datianus noster, valemus, teq; plurimum salutamus, & cum primum per valetudinem tuam licuerit, à te literas expectamus. Vale, VENETIIS, Prid. Kalend. Octobr. M. D. LXXIII.

E I D E M.

XLIV.

Veteris illius familiaritatis ac necessitudinis, quæ mihi maxima tecum olim Venetiis intercessit, minime te oblitum esse opinor, neq; tot amorù *ἀπεσσησείη*, ex animo tuo nostri memoriam effluxisse dubito. Plurimum sanè momenti ad vulgaris cujuspiam amicitie diuturnitatem in assiduitate literarum positum esse non diffiteor: mutua verò inter nos benevolentiam, certò iudicio semel susceptam, eam ipsam virtutem, quæ genuit, & continuasse & conseruisse certò scio. Nam illam sanè *πρεσβύτων*, quam Athenæus iure *μικροθγαποτύτου* appellat, ad cuius præscriptum *μηδὲ φίλοι γίνονται, εἰς εἰς φίλοι*, tibi probari nequaquam credo, cum amicitiam non locorum spatii; sed amicorum moribus metiendam esse non ignores. Quod si ad meam erga te benevolentiam, accessionem quoq; mearum litterarum à te desiderari, mihi significaveris, non solum hoc officii genere tibi posthac satisfaciam, sed etiam ejus longo tempore à me prætermissi usuram cumulatissimè reddam. Quanti verò te faciam, quamq; tui sim memor, testem habes Johannem Biffnerium, quem tibi cum morum probitate, tum doctrina singulari conciliatum esse audio. Eum,

r

mi

mi Murete, sic velim tua humanitate complectare, ut ea omnia, quae in me, si Romae essem, conferres, in eum conferas. Est enim mihi amicissimus, tuique amantissimus, neque te unquam poenitebit in eum beneficium contulisse. Experieris mehercule re ipsa & grati animi juvenem, & commodorum memorem. Expectabo lueras tuas, quibus & me à te amari adhuc intelligam, & si quid Genuae à me agi voles, certior fiam. Vale, GENUAE 7. Kalend. April. M. D. LXXV.

MARTINUS BELLIVICEJUS PANNONIUS  
M. ANTONIO MURETO S. P. D.

XLV.

Juvenis quidam natione Gallus, vir clarissime, qui Roma huc venerat, scribendarum ad te literarum ansam mihi praeiit: quarum quidem auctor, vel si sapientius eas percurrens, vix tuo innotescet animo. Cum enim mense Martio te Paulum Manutium Romae salutarim, quid miri, si usque ad hoc tempus in tanta temporis intercapidine, memoria tua, quae gravissimis studiis continue fatigatur, exciderim? Hoc etsi persuasum habeo, non tamen dubito, quin facile in tui memoriam redigar, praesertim si & album tuum, in quem nomen tuum relatum esse voluisti, intueberis, & memineris quibus verbis Huberti Giphantii, Lucretii editionem collaudaveris: cum adjiceres nihil esse, quod non Giphantii causa liberiter faceres. Quare cum tibi in mentem rediisse nomen meum existinem, ad juvenem illum revertor, à quo cum quaesivissem, quid rerum ageres, an quicquam de Plautina editione cogitares, quam nos jam dudum, & ceteri omnes qui elegantiorum literarum cupiditate tenentur, avidissime expectant: à Philosophia naturali ad civilem hanc nostram Philosophiam, quàm tu ante aliquos

quot annos, humanarum literarum causa, intermiseras, te contulisse respondit. Qua in re cum tuum factum vehementer probavi, tum ratus sum, ad studium juris illustrandum, maximum adjumentum allatum iri, si tuum exemplum hujus ætatis Jurisconsulti imitarentur, quos & barbarorum interpretum inanissimas controversias toto animi impetu consecrari videmus, & omnes suum studium ad calumnias litium, & ad turpem & invidiosum questum conferre. Sed quod Cujacius & tu homines Galli, in studiis sapientiæ consecuti estis, id non sine munere divino vobis evenisse credo. Idem sentire videtur Giphanius Cujacio amicissimus, & tibi charissimus. In hac enim nostra Academia Patavina superioribus diebus fuit, atq; de te sæpius honorificè loquutus est, & nullo in sermone libentius eum versari vidi, quàm cum de Plauto loqueretur, existimans scilicet, quod res est, bene actum cum studiosis literarum fore, si tam bonus Latinitatis auctor tua diligentia, doctrina, opera nitidior & emendatior in lucem proferretur. Cupit sanè esse in tua gratia, quam humanitate tua fretus, tuis verbis ei non solè pollicitus sum, sed etiam respondi. Itaq; non erit tue bonitatis committere, ut sponsorem appellet, cum ipse facile possis dependere. Unum est quod à te contendendum mihi putem, ut duas orationes tuas ad me mittas: quarum altera de laudibus juris studii scripta abs te nuper est, altera in Collegio Pontificum habita. De Plauto fac promissa appareant. Diutius enim deberi politis & ingeniosis hominibus non potest. Et hercè tua maxime gloria agitur. Vale, & salvebis à Giphanio, qui Venetiis, apud Oratorem Regis Gallie degit. PATAVIO, Kalend. Decemb. M. D. LXLV.

M. ANTONIUS MURETUS FRAN-  
CISCO TURNONIO S. R. E. EPI-  
scopo Cardinali S. P. D.

XLVI.

**S**I tempus ad te scribendi usq; eo differre voluisssem,  
Francisce Turnoni Cardinalis Amplissime, dum par  
à me aliqua tuis erga me plurimis maximisq; beneficiis  
reperiretur oratio; magnoperè mihi metueundum erat,  
ne & in eo quarendo, quod nunquam consequi possem,  
inani ipse me labore torquerem, & immodica silentii  
diuturnitate suspicionem tibi aliquam angusti & hu-  
milis animi, neq; satis, quantum à quoq; acciperet sen-  
tientis afferrem. Cùm igitur, diem assidue ex die ducens,  
sine dubio diutius, quàm par fuerat, reticuissem, planè  
obstupescens admiratione istius erga me tam prolixæ,  
tamq; beneficæ voluntatis tuæ: confirmavi me tandem;  
& ad hæc pauca, quoquo modo possem, scribenda me con-  
tuli: quibus, quod tam multis, tamq; claris & illustri-  
bus signis, me, quamvis nihil prorsus tale præmeritum,  
tibi tamen non vulgariter carum esse declaraveris, gra-  
tias, quando nihil præterea neq; tu expectare, neq; ego  
præstare possum, tibi agerem immortales. Est omnino  
hæc tota gratiarum actio perpusillum quiddam, perq;  
tenue: præsertim si comparetur cum magnitudine eo-  
rum beneficiorum, quibus tu me à te ornatum esse vo-  
luisti: sed eam tamen, cùm hæc scriberem, pro certo atq;  
explorato habebam: tibi non ingratham, neq; injucundam  
fore; cùm, ut scis, ne Dei quidem honorum omnium an-  
tistoris infinitam in nos beneficentiam ullo alio modo re-  
muneremur. Officiorum vicissitudo eas amicitias conti-  
net, quibus inter se ejusdem sortis homines, aut certè  
non admodum dispares devinciuntur: vobis, quos supra

cate-

cetero  
naru  
corpor  
cientia  
resq; in

re, &  
potest  
sublex

ab eis,  
memor  
quàm

nissime  
univers  
tis fau

existim  
digniss

eorum,  
neglig  
memor

alis ta  
simo a  
erit, re

simo q  
simum  
confes

fit in u  
tus sit  
PAT

No  
el



ceterorum conditionem erectos, in ipso rerum humanarum fastigio divina providentia locavit, illud cum corporibus cœlestibus commune est, quod ut illa efficientiam quidem suam declarant in inferiora hæc, viresque in ea exercent suas: sed ab eis nihil vicissim accipere, & ut Græci sua lingua dicunt, pati queunt: sic vos potestatis quidem copiarumquestrarum documenta, sublevandis inferioribus, datis: ipsi vicissim quicquam ab eis, præter laudem ac prædicationem, testem grati ac memoris animi, percipere non potestis. Ago igitur tibi quam maximas gratias, Cardinalis clarissime, humanissime, optime, agamque dum vivam, tibi que à summo hujus universitatis effectore ac gubernatore Deo assiduis votis fausta ac felicia omnia precabor: non quod me digni existimem, ejus vota ab eo attendantur: sed quod tu dignissimus, pro ejus salute atque incolumitate, etiam sororum, qui per se nullo numero habendi sunt, preces non negligantur. Ita igitur faciam: conservabo diligenter memoriam ejus humanitatis, qua tu me immerentem, talis tantusque vir, complexus es: utque tuo de me amplissimo atque honorificentissimo testimonio, quantum in me erit, respondeam, modis omnibus operam dabo. Illustrissimo quidem Cardinali Ferrariensi, ad quam tua potissimum auctoritate adductus, me, cum primum potero, conferam, commissurus non sum, ut unquam venire possit in mentem, quod fidem tuam in me recipiendo secutus sit, pœnitere. Vale, 3. Non. Febr. M. D. LVII.

PATAVIO.

E I D E M.

XLVII.

**N**on puto ulla mihi excusatione apud te utendum esse, quod ad te rarius scribam. Nam tuus demum

peccare ipse mihi viderer, si tanti me facerem, ut tibi, tanto viro, tantisq; assidue occupationibus impedito, frequenter literis meis obstreperem, ideoq; contineo me: & cum quotidie de te cogitem, vota q; uti debeo, pro tua salute atque incolumitate faciam, in scribendo sum rarior, neq; unquam id facio, nisi cum aliquid accidit, ut, nisi scripsero, officio videar defuturus, quale est, quod me hoc tempore, ut scriberem, adduxit. Cum enim nuper octo variarum lectionum libros edidissem: etsi satis invelligebam, eos leviores esse, quam ut tu, quem nihil nisi praeclarum atque eximium capit, ullam magnam voluptatem ex eorum lectione percipere posses: judicavi tamen, omnino mihi faciendum esse, ut eorum exemplar unum ad te mitterem: neq; dubitavi, quin tu eos libenter accepturus esses: vel quia mei sunt, vel quia scripti ad eum, qui ut à te singulariter amatur, ita te ipse admirabili, non amore solum, sed cultu mediis fidius, atq; observantia prosequitur. Unum est, quod quamquam mihi conscius sum, me optimo animo fecisse, tamen, quia fieri potest, ut confidentius in eo me gesserim, quam decebat: per illam & aliis & mihi inprimis perspectam humanitatem tuam, mihi ut ignoscas, etiam atque etiam à te peto. Ausus enim sum quodam ex eis libris loco nominare te: ac versus etiam aliquot ponere, qui mihi in memoria haeserant ex eidylio, quod olim ad te misi unà cum tragœdia, quam de C. Caesaris cade factam in tuo nomine divulgaveram. Qua in re si quid à me peccatum est, (nihil enim debueram te inconsulto facere: praesertim cum te Venetiis convenissem) peccatum est, incredibili quadam abundantia amoris erga te mei: quam ut æquo animo feras, omnibus à te precibus, atq; omni obsecratione contendo. Etenim verè hoc dicam, nihil videtur esse ita difficile atq; arduum, in quo ego paratus

atus non  
ere. Un  
em, nisi  
e tuis vi  
audium  
fac ana  
atiaris:  
is, non  
ic omni  
quis istu  
rimus.

CORN

Vide  
re  
ipsius, f  
& antiqu  
etiit à n  
utem cor  
udio m  
si videt  
ta quide  
ra fertim  
norem t  
& volunt  
ur & aut  
d aliquo  
endum m  
tatis stu  
tine dign  
& omnes,

ratus non sim voluntati & auctoritati tua morem gerere. Unum est in quo tibi, ne quid dissimulem, non possem, nisi invitissimus, obtemperare; si me iuberet tacere de tuis virtutibus, & continere in sinu immortale illud gaudium, quo efferor, quia me tibi carum esse sentio. Hac una in re dum me tibi obsequi, & animo indulgere patiaris; quo minus aliud mihi quidlibet imponas oneris, non recuso. Quod scribam, aliud nihil est, nisi omnes hic omnia tibi fausta & prospera precari, & gratulari aquis istis, quod eas tibi salubres & fuisse & esse audimus. Vale.

CORNELIUS VALERIUS M. ANTONIO MURETO S. P. D.

XLIX.

Vide quanta in te sit humanitas, eruditissime Murete, & quae opinio apud exteras gentes. Justus Lipsius, familiaris & idem discipulus meus, literarum & antiquitatis causa in Italiam proficisci velle cepit, petiit à me, amicis quibusdam commendari; in primis autem contendit, ut ad te, cujus cognoscendi & videndi studio mirifice flagrat, literas sibi darem. Ego autem etsi videbam putidum esse, me hominem fortassis ne fama quidem tibi cognitum, literas ad te dare, ejusmodi praesertim, quibus onus aliquod officii tibi imponerem, morem tamen gessi adolescenti tam vehementer petenti, & voluntati ejus obsequi volui potius, quam aut naturae aut pudori meo. Quod feci eò libentius, quod non ad aliquem nescio quem duris & asperis moribus scribendum mihi viderem; sed ad eum virum qui cum humanitatis studiis & iis artibus omnibus, quae ingenio homine dignae sunt, sit perpolitus, abesse non potest, quin tunc in omnes, tum praecipue in earundem artium studiosos pro-

propenso animo ac humano. Accedit similitudo professionis studiorum nostrorum, nam & nos pro mediocritate ingenii nostri, eloquentia humaniorum literarum studia, voce & scriptis, quod in nobis est, in hac Belgica nostra excitare conamur, & tu M. Antoni, antea quidem in Gallia, nunc in illa Italia luce hæc ipsa studia cum immortalis tua laude & omnium gentium admiratione tractas. Quare non tam querenda mihi est excusatio & pratextus pudoris mei, quod scripserim, quam gaudendum, oblatam mihi in amicissimi mei negotio facultatem scribendi simul & testificandi amoris mei. Sed veniam ad id quod caput est epistola mea. Mitto ad te, Murete, hunc fustum Lipsium, alumnium, ut dixi, discipline mea adolescentem ea probitate, modestia, ingenio, eruditione, iudicio, quanta testari possum, equidem me in alio nullo, in ista imbecillitate ætatis, adhuc esse expertum, tum verò, quod apud te plurimum valet, studiosum antiquitatis & artium illarum quas tu amas, & in quibus maxime excellis, id est, optimarum. Cave autem existimes, me hæc ambitiosè & supra quam res est, commendantium more, scribere; immò verò minus fortasse, quam virtus & eruditio adolescentis merentur scribere, dum cum laudo, videar nos ipsos institutionemq; nostram velle extollere. Quamobrem rogo te, Murete mi, vel potius precibus omnibus oro atq; obtestor, per communia studia nostra, per illum amorem, quo literas & literatos omnes prosequeris, adolescentem hunc omnino studio, amore, benevolentia tua complectare atq; devicias. Et quoniã is honesto quidem genere & optimis parentibus natus, ea tamen mediocritate fortunæ est, ut se in longinqua & extera regione difficulter suis facultatibus sustentare possit, verecundè etiam hoc à te petam, (vides quantum mihi sumã) ut, si qua in re cõmendatione

& ope.

& ope  
ne desi  
si qu  
tem pe  
recun  
dicam  
pene n  
regio  
vndito  
ejus la  
sa fuis  
tuoris  
utere  
ego tib  
facien  
vera l  
plicite  
ter cup  
tuam  
bi pote  
ante d

M. A

R

& do  
confe  
avelli  
adoles  
& ma

Opera tua juvare eum potes, quod certe potes, ei ut ne desis. Hoc quidem tibi spondeo, & in me recipio, te, si quid ei accommodaveris, non minorem ex eo voluptatem percepturum, quam nos universos. Impedior verecundia, ne pluribus verbis te rogem. Illud tantum dicam, quod in sermone sepiissime mihi significavit, eum pene non alia ulla de causa in Italiam e tam longinquis regionibus venisse, quam ut te inprimis tuique similes eruditos viros videret & cognosceret, quo erit æquius, ejus laborem per te ex parte levari, cui tu laboris causa fuisti. Quod si tu aut amicorum aut familiarium tuorum aliquem hic habes, aut fortasse habiturus es, utere eadem audacia & familiaritate apud me, qua ego tibi pravi; efficiam ut intelligas mihi ad benignè faciendum nec voluntatem deesse nec facultatem. Litteræ hæc meæ si aliquod pondus apud te habebunt, dupliciter gaudeo; primum enim Lipsio meo, cui vehementer cupio, ac commoda vero; deinde mihi ad amicitiam tuam quasi fores & aditum patefecero. Quo nihil mihi potest contingere optabilius. Vale LOVANIŌ, ante diem 14. Kal. Septembrium.

M. ANTONIUS MURETUS S. D.  
CORNELIO VALERIO.

XLXIX.

**R**edit ad te Lipsius tuus, & redit magno meo dolore. Ita enim me devinxit sibi præstantia ingenii & doctrinæ, integritate morum, suavitate sermonis ac consuetudinis suæ, ut, eo discedente, à memetipso mihi avelli viderer. Felicem te Corneli, cujus ex disciplina adolescens tam rari exempli prodit. Equidem antea & magnificiebam te ex scriptis tuis, & amabam pro  
Y 5 judi-

judicio quod *amantissime* de emendatis à me Terentii fabulis feceras. Nunc verò mihi crede, tanta accessio propter Lipsium facta est, & ad opinionem de te, & ad amorem erga te meum, nihil ut magis cupiam, quam occasionem mihi aliquam dari declarandi tibi re & factis, quanti apud me sis, cujus rei si licebit periculum facere, quaeso te, si qui huc venient, quos tu ames, præcipueque qui habeant aliquid simile Lipsii, ut eos mihi potissimum commendandos putes: Nam eadem opera & ego mihi videbor abs te beneficium accipere, & conabor efficere, ut ipsi quoque eo nomine aliquid se tibi aliquando debere fateantur. Vale ROMÆ 3. Non. April. M.D. LXX.

M. ANTONIO MURETO  
NATHAN. CH. S. P. D.

L.

Cum s. Id. Octob. anno abhinc quarto ROMAM ex Campanio rediissem, postridie ejus diei magna cum admiratione, te, Murete clarissime, orantem audivi, coram Pio V. Pont. Max. càm Christianissimi Regis legatus, usitata solennitate, magnifice exciperetur. Ea ego oratione, etiamsi jam antea, ex monumentis scriptorum tuorum, qualis esses cognovissem, ita sum tamen admiratione tui inflammatus, ut ex omnibus, quos ego antea præstantissimos existimassem, tibi uni in Oratoria palmam deberi, certissimò mihi persuaderem. Quin si animo tum obsequi licuisset, unà cū illo exclamare veritus non fuissim: ὦ σωτήρις, ὦ λόγι, ὦ μέγιστε, ὦ σωτήριον μακρότερον ἐξέλεξεν ἔγωγε, μᾶλλον δὲ φρονεῖν ἢ τὸ δεινότερον. Cùm autem id, eo quidem in loco, & in clarissimorum virorum corona me non deceret, illa ipso die re adii, ut amorem tui sanè ardentissimum, qui oratione tam excellenti-

euentu in animo iam inflammatus esset meo apud te  
 ipsum detegerem, & literis Caselii nostri, quas tunc  
 mecum habebam, amicitia tua quasi fores mihi aperi-  
 rem, Accepisti tum me, ut soles, humanissimo ample-  
 xu, & literis nondum lectis, notum me tibi esse, ex ser-  
 mone Caselii, quem tecum ad oppidum Sanctassionense  
 paulo ante habuisset, ostendebas. Id certe longè mihi  
 fuit gratissimum, cæpiq; ut antea doctrinam, & elo-  
 quentiam tuam admiratus fueram, ita hinc etiam vir-  
 tutem & bonitatem tuam suspicere, & exoculari. Ve-  
 rum illa congressio, fato quodam meo infelici, diuturna  
 esse, firmasq; radices agere non potuit. Senis enim cu-  
 jusdam interventu, vix dum inchoata colloquutio nostra,  
 interrupta est: & ipse etiam, propter comitum festina-  
 tionem, & hyemem imminuentem, celerius opinione,  
 istinc sum avulsus. Quod itaq; tum necessitate quadam  
 impeditum est, quid vetas, quo minus id ipsum literis  
 restituamus? cuius quidem consilii auctorem habui e-  
 undem illum qui me primus in animum tuum insinua-  
 rit. Cum eo enim ego hinc in iisdem literis & studiis, in  
 quibus tuæ quoq; lucubrationes non parum nos adju-  
 vant, vivo amantissimè. Quod si ille, ut primò fuit, ita  
 nunc quoq; felix erit, tuamq; mihi hoc modo benevolen-  
 tiam denuo conciliabit, quis me erit beatior? quis ipso  
 deniq; in animis hominum conglutinandis fortunatior?  
 Ego certè Mureti notitiam & benevolentiam omnibus  
 Cræsi thesauris longè anteposuerò. Vale ROSTO-  
 CHIO. Kal. April. anno M. D. LXX.

M. ANTONIUS MURETUS AGA-

PETO GIDETO SVO S.P.D.

L I.

**V**erees, quid diceris: neq; quàm tu, *ἀγαπῶντες*  
 quisquam. Itaq; nihil mihi longius videtur,  
 quàm

quàm dum Romam redeam, te ut videam: tecum quoti-  
 die ut sim: tibiq; vel pro sim re aliqua, vel certè prodesse  
 coner: ut voluntatem erga te meam vel declarem re  
 ipsa, vel tibi saltem conatu probem: quorum hoc, si me  
 tantùm respiciam, satis est: illud, quia te ex animo amo,  
 multo optabilius mihi videtur, Et quanquam nihil mi-  
 hi jucundius est, quam abs te quàm maximè amarista-  
 men, ita mihi eveniunt quæ volo, ut, si mihi detur o-  
 ptio, malim justam tibi causam esse, cur me ames, quàm  
 abs te sine ulla justa causa amari. Agam causam me-  
 am. Debes & tu talem amicum magnifacere, qui nihil  
 à te aliud expetens, eò te tantùm amat, quia dignum  
 iudicat, qui ameris. Quod M. Antonium Bizonum po-  
 ius me delegisti, ad quem itares, cui te crederes, cui te  
 in disciplinam dares, vehementer te, mi Agapete, lau-  
 do, & ut eum affecteris, ex ejus ore pendeas, ejus do-  
 ctrinam avidissimè combibas suadeo. Spero me istic fo-  
 re ante Kalendas Septembres; & ut sim, operam da-  
 bo: eò magis, quia te videre discupio. De Macerano  
 meo, qui mihi perpetuo ante oculos obversatur, quæso,  
 Agapete mi, si quid habes, quod me exhilaret, scribe.  
 Et vere ipse mihi non videor, donec vitam ipsius in tuto  
 esse cognovero. Nolito agrè ferre quod dicam. Illum  
 unum plus amo, quàm te: & ne hoc tibi durum videat-  
 ur, te à me proximum habeo; illum æquè amo ac me-  
 metipsum. Vale TIBURE. 3. Non. Augusti.  
 M. D. LXXVII.

E I D E M.

LII.

**V**ix ausus essem à te postulare, ut ad me Latine  
 scriberes: veritus ne id tibi oppidò difficile vide-  
 retur. Quo mihi gratiores fuerunt ea litera, quas à  
 te



te Latine scriptas nuper accepi: non illæ quidem omni  
 ex parte emendatæ, multò tamen nitidiores & cultio-  
 res quam credidissem. Itaq; bene te sperare jubeo, neq;  
 dubitare, quin aliquando, duce me, aliquam sis hujus  
 quoq; generis facultatem consecuturus. Advenit huc  
 tuus quàm mihi optatus ac jucundus futurus fuerit,  
 nihil necesse est affirmari. Satis enim, ut opinor, nôsti  
 magnitudinem amoris erga te mei, sed ita multos hic  
 adolescentes, qui Roma venerunt, ægrotare video, ut  
 veritus sim, ne quid tibi ista hoc tempore cœli commu-  
 tatio periculi adferret. Ego ante nonum Kal. Septemb.  
 spero fore ut nonnihil remittant calores. tunc igitur, si  
 Deus volet, excurram istuc, cupidus videndi tui: teq;  
 statim accersi jubebo. Non habeo nunc ad manum su-  
 periores illas tuas, in quibus nescio quid quærebas de  
 dominis directo & utili, cujus tamen totius quæstio-  
 nis molestia facile liberare ipse te potes. Dominum  
 enim directum & utile, nusquam à Jurisconsultis, nus-  
 quam ab Imperatoribus nominantur, sed commenta  
 ac somnia sunt eorum, qui obscurando & ineptiis suis  
 contaminando jure civili, sibi se acuminis, & eruditio-  
 nis laudem quæsituros putârunt: Quod usu capitur, fit  
 plenus jure ejus qui usucepit. Quî tamen se postea id  
 pro derelicto habeat, æquius est rem redire ad vete-  
 rem dominum, si eam forte recuperare studeat, quàm  
 adjudicari ei qui neq; usucepit, & sine titulo possidet.  
 Datur igitur vindicatio veteri domino adversus eos  
 qui pro possessoribus, ut dicitur, possident: æquitate  
 quadam: qua fingit lex, eam rem nunquam usucaptam  
 fuisse. Nam cum is qui usuceperat, jure illo sibi quæ-  
 sito uti velle desierit, prope pro eo est, ac si usucapta  
 non esset. Erat & aliud quiddam in iisdem literis, de  
 quo quærebas: sed nunc non recordor. Hujus generis  
 lite-

literas, in quibus aliquid est, quod ad studia tua pertineat, & ego libentius scribam, & tu majore cum fructu leges. Heliconio, Antonio, fratribus tuis salutem. De Mattheo vehementer doleo, sed gratum est quod scribis, spem esse, eam, sine ope pratoris, in integram restitutum iri. Horatio audio meliusculè factum esse, quod quàm mihi jucundum sit, ipse scis. Vale Agapete mi, meq; ama, ut facis. TIBURI. 7. Idus August. M. D. LXXVII.

CONSTANTIUS BARGELLINUS  
EPISCOPUS REATINUS M. ANTONIO MURETO S. P. D.

L III.

**A**fficior lætitia incredibili, quod ut ex literis tuis accuratissime scriptis intellexi, à nonnullis Lætitiæ impressoribus urgeris, ut Epistolas tuas mittas, quas prælo subjiciant. Auguror enim ex eo, bonarum literarum studiosos multum voluptatis, plurimum etiam utilitatis ad Latinam eloquentiam vel comparandam, vel augendam percepturos. Equidem etsi fateor in his politionibus literis, quæ ab humanitate nomen acceperunt, me nuperrimè non esse versatum, gravissimis occupationibus abductum: Sed tamen, ut sententiam meam dicam, necesse est. Nihil epistolis tuis elegantius, nihil eruditius, nihil uberius fieri posse existimo, nihil, quod ad illam Ciceronis majestatem propius accedat. Atq; id antea testatum apud animum tuum reliquisssem, nisi me recundia mea à rei perspicua testimonio non necessario revocasset, nunc, quando te amicitia tua scripta flagitantibus invitum gratificari intellexi, audaciæ votam subire malui, quàm in bonum  
publi.

publicum in officiosus judicari. Illa etiam non levis conjectura ad id me valde impulit: his enim diebus, cum schedas aliquot, quibus olim in arena mea uti consueveram, evolverem, nihil tale opinanti epistola tua in manus venit, quæ me, quod amantissime, & disertissime loqueretur, mirifice delectavit. Itaque cum eam ipsam vesperi inter alia scripta, quæ forent magis in promptu, retulisset, postridie mane ecce tuæ literæ, quibus epistolam postulabas; sic admirantem ea cogitatio me exceperit, ut illam exstare Deus sine dubio velit. Ejus igitur exemplum mitto, teque hortor, aut si patervis, rogo ac flagito, ut negotium conficias, neve in aliud tempus rejicias. Quid scire cupis, an æquo animo laturus sim, si quæ à me scriptæ sunt literæ, unâ cum tuis emittantur; vereor, mi Murete, ne quod ajunt κολοιδὸς ἐν μέσσοις. Ego profecto non tam tuas admirari, quam meas improbare soleo; tamen ubi quove pacto amicos sub tuo nomine cohonestare possis; tui consilii est, nec est cur aliorum sententiam exquiras. Quod si tibi statutum est, ut illæ horridulæ meæ literæ exeant, impones extremam manum. Sunt enim indiligenter scriptæ; quod res ipsa declarat, nec earum editio- num aut probarem, aut paterer, nisi ut nostra amicitia, in quo minimum mihi ornamenti pono, omnibus esset nota, vehementer desiderarem. Vale mi Murete, & de bonis literis optime mereri, quando id vel unum tibi maxime licet, ne desistas, ac BARGELLINO tuo ad omnia utere.

E I D E M.

LIV.

Ita diu jucundissime vivam, mi MURETE, ut al- lato nuncio de tua valetudine, quæ te in vitæ pericu- lum vocaret, acerbam mihi vitam putabam. Equidem

ita

ita fui commotus, ut magis fortassis nemo, cuius precipuum aliquod bonum repente in discrimen esset adductum. Incredibilis est enim amor in te meus. Nihil eum extrinsecus accedens, nihil adventitium peperit, sed virtus, quæ est ipsa per se amabilis, cuiusque omnia in te elucent ornamenta, & animi inductio cum perpetuo quodam iudicio meo conciliavit. Postea verò, quum te morbo levatum esse cognovi, difficile dictum est, quanto gaudio penè exilaverim. Ex diuturna enim animi perturbatione ad aspiciendâ lucem nunc primum mihi videor esse revocatus. Qua quidem de re tibi magnoperè gratulor, etsi nostra certè gratulatio omnibus qui modò sint & virtutis amantes, & humanitatis pietatisque non expertes, jure debet esse communis. Etenim quis te non amet, tanta probitate, virtute, humanitate, tam denique excellenti eruditione, atque industria virum? cui salus tua aequè exoptanda non sit, ac sua? Eum profectò ferreum, & ab omni humanitate alienum esse dicam, nihil perspectæ, spectatæque virtuti, nihil illustri gravissimi viri gloriæ dare haud temerè affirmàrim, qui Muretum omni liberali doctrina politissimum diutissimè vivere non modo non expectat, sed ab immortalis Deo precibus ac votis non contendat. Maximam ex eo capio voluptatem, gaudeo triumpho. Iam, ut spero, ( id quod Deo optimo maximo acceptum referendum est ) poteris Musis tuis operam reddere: cum quibus quoque præclarè actum putem, cum omnes delicias, amores, omnia denique ornamenta, te incolumi recuperârint; iis omnibus carituræ, si te, quod Deus omen avertat, patronum, te ducem, infelici ipsarum fato mihi vis eripuisset. Quocirca mihi gratissimum feceris, si illis incolumitatem tuam meo nomine fueris gratulatus, atque in earum clientelam meam

quàm

quàm  
tibi no  
quàm  
tibi ma  
ri tribu  
bit etia  
qua et  
tamen  
quàm  
si per t  
volunt  
comple  
di, dili  
utilitat  
gnover  
M. D.

M. A  
STA

N  
Et tamen  
cundis  
vehemen  
mea nun  
quam ab  
non pot  
liis pluri  
esses, nih  
optabili  
da esse no

quàm diligentissimè commiseris. Hæc hætenus, mitto tibi nonnullas radículas ex melle confectas conditasque, quales fert hæc regio. Exiguum, inquis, munus. At tibi maximè consentaneum; e cujus lingua, quod Nestori tribuit Homerus, melle dulcior fluit oratio. Habebit etiam meæ erga te benevolentia significationem, de qua etsi te pro tua humanitate non dubitare video, eam tamen & omnibus cognitam esse, & studiis, efficitisquæ quàm plurimis colere, & confirmare desidero. Quod si per tenuitatem meam esse qui non potero, certè hanc voluntatis meæ propensionem liberalissime, uti soles, complectere. Inservi valetudini: huic quantum studii, diligentiaque adhibueris, tantum te mihi, publicæque utilitati, cui consulere gloriosum est, elargitum esse cognovero. REATE ex adibus nostris. Non. Febr. M. D. LXXXVI.

M. ANTONIUS MURETUS CONSTANTINO BARGELLINO EPISCOPO Reatino S. P. D.

L V.

**N**unquam putâssem fore, non modò ut ex tuo, sed ut ex cujusquam dolore voluptatem capere possem. Et tamen, si vera dicenda sunt, fatear, necesse est, jucundissimum mihi fuisse, quod ex literis tuis intellexi, vehementer doluisse te, cum primùm de in valetudine mea nuntius istuc allatus est. Dolor enim ille aliunde quam ab eximio quodam amore erga me tuo, proficisci non potuit; & mihi, ex quo te primùm vidi, atque ex aliis plurimis audi vi, quâ tu eruditione ac virtute vir esses, nihil optatius fuit, quàm ut abs te amarer. Tam optabilem rerum signa atque argumenta cuncta jucunda esse notum est. Incredibiliter igitur gavisus sum,

Z

Bar-

Bargelline vir præstantissime, tanti me à te fieri, ut & mirificum dolorem seuseris, cum me graviter egrotare audivisti & exhilaratus sis, simul atq; DEI beneficio, morbum depulsum esse cognosti. Quanquam ego ipse nondum satis constituui, utrum mihi satius fuerit, ex hujus vita miseris quam primum eripi, an diutius hic manere. Certè enim, cum omnes summo consensu Medici deditarent, nullam propè amplius reliquam esse spem evadendi; ita me compararam, atq; ita animum composueram, ut neq; angerer neq; terrerer mortis, ut putabatur, imminentis metu: neq; quidquam aliud à Deo peterem, quàm ut mecum misericorditer ageret; <sup>\* In purgato</sup> rondonaret errata antea facta vitæ; neq; pateretur me in illa separatione animi à corpore, aut diutius, aut vehementius torqueri, quàm vires meæ ferre possent. Hoc ego tum unum agitabam animo; hoc ex animo precabar; hoc cæteros quoq; qui mihi assidebant, ut à Deo mihi impetrare conarentur, obsecrabam. Spero tamen, relictum esse me à Deo in hac vita, ut maculas superiori <sup>\*</sup> atate contractas, lachrymis deleam: tandemq; amissis & abjectis vitiis illecebris, saltem jam senex eam vivendi rationem capebam, quam tenere à principio debuissim. Atq; à te, vir clarissime, etiam atq; etiam peto, ut me ad hoc animi mei propositum persequendum, ut exemplo incitas, ita & monitis ac præceptis & fufis pro me ad Deum precibus adjuvare digneris. Iucundissimum mihi fuit munus tuum. Nam radice illa non tantum palato svaes sunt, sed etiam ad valetudinem meam valde accommodata. Mitto ad te, ut te pro opibus remunerer, librum unum orationum mearum, & poemata quadam, quæ spero te libenter lecturum esse, non quod valde bona sint, sed quod mea. A te peto, uti me amare pergas: tibiq; pro certo persuadeas te à me

ita

ita observari, ac coli, ut paucos admodum habeas tui, quàm ego sum studiosiores. Vale, ROMÆ. 14. Kal. Mart. M.D.LXXVI.

CONSTANTINUS BARGELLINUS  
EPISCOPUS REATINUS M. AN-  
tonio Mureto S. P. D.

## LVI.

**A** Mavi te semper, mi MURETE, ex quo primò die cognitus es mihi, cum te nunquam antea vidissem, commotus fama laudum tuarum, postea verò quàm te de superiori loco docentem audivi, ita tui studio sum incensus, ut nullam amoris accessionem fieri posse putarem. Acceptis tuis literis 14. Kalend. Mart. àatis, (fatear necesse est) ad summum amorem tantus cumulus accessit, quod fieri jam non posse arbitrabar, ut nunc denique videar amare, antea dilexisse. Nam sic omni observantia insignes doctrina, & gravitate viros colere debemus, quanti fieri à meipso debes, qui omni liberali doctrina uas ex cultus, ut habeas paucos admodum pares, superiorem verò neminem, cum hæc ipsa sint tibi cum tanta Christiana pietate conjuncta? In qua quidem nemo sapiens veras virtutes omnes inesse negabit, quibus nobis ipsi felicitatem comparamus: hanc unam laudo, & admiror, & ante omnia expetendam esse censeo: hanc non modò Crassi divitiis, sed omnibus etiam animi ornamentis, quæ humanis viribus pateant, antepono, hæc ipsa te olim mihi charissimum, longè jam chariorem reddidit. Hinc illa tua in periculosissimo morbo fiducia modò concepta, non angebaris, non terrebaris mortis imminentis metu, sed ad Deum optimum maximum toto animo

impetu ferebaris, sperans fore, ut ejus beneficio post  
 has ærumnas & calamitates, tandem beatiorum vi-  
 tam consequi posses. Hi sunt nimirum animi fructus,  
 nullius culpæ, quæ Dei Gratiâ discutiat, sibi consciî:  
 qui cum à corpore separabitur, licet sit periculû, ac ter-  
 roribus undiq; circumfusus, nihil tamen benefactorum  
 conscientia fretus, timendum arbitretur. Hoc oro, non  
 modo ut utriq; nostrum, sed cunctis salutarî renatis a-  
 qua contingat. Quod autem dubitas utrum satius tibi  
 fuerit, ex huius vitæ miseriis quam præmiâ eripi, an  
 diutius hic manere, id, etsi est ejusmodi, ut non facile  
 explicari possit; tamen est, quod Deo immortalî grati-  
 as agamus incredibiles, qui tibi vitam, optabile suapte  
 natura donum, prorogavit, bonarum artium cultori-  
 bus consuluerit, teq; sine dubio ad majorem laborum  
 tuorum mercedem reservavit. Præclara enim ista tua  
 à Deo accepta dona, si intelliges, te ea conditione acce-  
 pisse, ut, cum ea ad communem utilitatem contuleris,  
 reddere cum sænore debeas, quis dubitet uberiora ac  
 præstantiora præmia tibi parari fore? Quare te hor-  
 tor, ac si æquum est, rogo, ut habeas rationem valetu-  
 dinis paulò diligentius, teq; in dies magis magisq; con-  
 firmes, sentiasq; in eo verti communem causam, quam  
 quidem, ut arbitror, nemo unquam, qui sapiens, non  
 privatis commodis anteposuit. Ego verò etsi me exi-  
 guis omnino meritis adjutum esse probe novi; tamen à  
 Deo summopere contendam, ut te incolumen diu ser-  
 vet in vita, atq; ad eorum numerum adscribat, quos an-  
 tequam orbis conderetur, elegit. In quo quidem si  
 minus grata potero, gaudebo me tamen pietati, ami-  
 ciq; que debitum officium præstitisse. Venio ad Ora-  
 tionum ac Poëmatum tuorum librum, quem sanè  
 legi libentissimè. Oratiq; habite de Philosophia  
 me



me delectarunt, quantum vix credas: omnes verò ea eloquentia, ac doctrina conscriptas esse video, ut, quemadmodum mea fert opinio, quam tamen ab amore falli non credam, summa vigeat eloquentia præstanti cum eruditione coniuncta. Non verborum elegantiam aut splendorem, non sententiarum gravitatem desideres. Quid est vel antiquitatis, vel historia, vel exemplorum, quod non ita proferas, ut nihil ignorare videaris? Sed mirari satis non possum quàm venustè, quantaq; cum dignitate Theologiæ locis eas perspergere consueris; ita fit, ut & summum Oratorem expriment, omniq; scientiarum genere perpolitum radoleant. Quas equidem, dum lego, etsi <sup>non</sup> ~~non~~ sunt, crebrò tamen aures meæ præclara illa voce tua, qua prælegens in publicis Gymnasiis ateris, personare videntur. Poëmata mirum in modum me teperunt. Quid enim vel à diuturno studio, vel à divite vena proficisci potest, quod non fueris consecutus? & quidem tùm illa profunt, tùm magnoperè delectant. Crebræ sunt, & acuta sententiæ; miros pietatis igniculos excitant; stylus quoq; ita rei consentaneus, ut facile quivis intelligat te parem, eandemq; in utroq; genere laudem affectum. Quamobrem tibi cum plurimum debeo, tùm verò quibus verbis gratias agam, non reperio. Sed cave, suspiceris me hoc auribus tuis dare. Nam etsi mirifice amicos colo; plus tamen veritati tribuo. Quod enim ita sentio, idcirco meam de tuis sententiam aperire non dubitavi. Utinam aliquid esset in me ingenii, ut laudes tuas non detererem, sed auferem. Scio id à modestia tua minime postulari; malui tamen iudicium periclitari meum dicendo quàm silentio rem non sine suspitione improbitatis præterire. Da operam, ut veles, atq; me ipsum unà cum universa familia mea ad omnia

tua paratissimum esse confidas. REATE. 6. Idus  
April. M. D. LXVI.

## AD M. ANT. MURETUM

## LVII.

**Q**ui flos hominum politiorum es,  
Quoi sunt, quotquot erunt, quot aut fuerunt,  
Doctrinae decus elegantioris,  
Lumen Italiae, MURETE, salve,  
Salve, & has aliquid puta esse nugas,  
Quas mittit tibi maximo Poëta,  
Longè pessimus omnium Poëta.  
Sic calvus tenero ausus est Casullo,  
Saturnalibus optimo dierum,  
Dono mittere pessimos Poëtas,  
Quis is continuo die periret.  
At tu, ni caveas, MURETE, nugas  
Istis, tam illepidis & invenustis,  
Plenis ruris & inscietiarum,  
Non dies aliquot velut Catullus,  
Sed totum malè nausebis annum.

Justus Lipsius.

M. ANTONIUS MURETUS ALEX-  
ANDRO RIPARIO SUO S. P. D.

## LIIIX.

**D**ulces literæ tuæ, ut omnia quæ à te profisciscun-  
tur: etsi in eis multa peccaveras. Sed ut filioli  
salbutientes libenter audiuntur à patribus, sunt & eo-  
rum etiam ipsi errores voluptati; sic mihi ista tua in  
literis infantia jucundissima est. Eas ipsas ad te re-

mitto

mitto mea manu emendatas. Scis enim ita inter nos con-  
venisse. Tu, mi Alexander dulcissime & suavissime,  
sequere magno animo eam viam, ad quam & tuate na-  
tura feri, & ego tibi hortator atq; impulsor fui. Ma-  
gnā de te spem meo testimonio apud parentes tuos con-  
citavi: quæ ne & eos & me fallat, omni tibi cura ac  
studio providendum est. Vale, Nonis Julii. TIBURE.  
M. D. LXX.

E I D E M.

LIX.

**N**E priores literæ tuæ ad te pervenirent, CARO-  
LI incuria factum erat; cujus tu quoq; negli-  
gentiam nôsti. Nunc unâ cum his meis utraq; tuas ac-  
cipies: simulq; hoc intelliges, quod tibi gratuleris; po-  
steriores multò meliores esse prioribus: ut, si ad istum  
modum pergas; magna mihi spes sit, te præclare re-  
sponsurum expectationi meæ. Vide igitur, si me amas,  
quod & facis, & facere certe debes, ut omnibus aliis  
rebus neglectis: quantum quidem valetudinis ratio  
patietur, urgeas studia tua: multa legas, multa au-  
dias, frequenter cum iis versere, quorum familiarita-  
te, ac consuetudine melior, ac doctior fieri potes. Fac  
cogites gravissimam esse jacturam temporis: præcipuè  
autem ista ætate, qua tu nunc es, hora nulla tibi perire  
sine magno dispendio potest. Saluta mihi præceptorem  
tuum, cui meas ad te literas ostendas licet: Eas qui-  
dem, quas tu ad me missurus es, nemini prorsus ostendi  
volo: eas enim mihi gratiores faciunt ipsi errores tui.  
Vale, mi dulcissime Alexander. s. Id. Junii, M. D. LXX.  
TIBURE. Oblitus eram scribere, heri in mensa in-  
teritum esse sermonem de Comædia: qua occasione multa  
de te quoq; dicta sunt. Valde tibi tunc aures tinnivisse  
oportet. Omnino spero fore, ut huc tibi ad me venien-  
dum sit.

## E I D E M.

## L X.

**P**erge, ut facis, mi ALEXANDER, amare literas, eis te oblectare, in eis omnia & seria & joca tua collocare. Non magnus labor, magno tibi olim honori futurus est. Ista via, quam tu nunc ingrederis, multi humili & obscuro loco orti ad amplissimas dignitates pervenerunt. Atque etiamsi nulla ejusmodi premia literis proposita essent; ipsa tamen doctrina amanda est per se: neque quidquam in homine ingenuo turpius est ignorantia earum rerum, quarum scientia sine literis comparari non potest. Voluptas, quae ex turpibus capitur, celeriter transit; dolorem autem in animo diuturnum relinquit: at labor in rebus honestis collocatus, ipse quidem effugit; memoriam autem sui in animo relinquit plenam honestissimam & solidissimam voluptatis. Hæc cogita & vale. Postrid. Id. Jul. TIBURE.

## E I D E M.

## L X I.

**E**t si nihil erat, quod scriberem, ac præterea mirum me quoddam scribendi odium tenebat: nolui tamen verberonem hunc meum sine meis ad te literis istuc venire. Amo te quotidie magis, quod à te literarum studia eodem modo amari confido. Sed velim ad me diligenter scribas, quo te nunc scriptore oblectes, Cicerore, an Terentio, an quod malim utroque? Dare etiam operam debes, ut in iis quæ ad me scribes, iis loquendi generibus utare, quæ in illorum scriptis notaveris; ut ea ipsa res fidem mihi faciat diligentia in eis legendis tuæ. Vale, TIBURE. 5. Kalend. August. M. D. LXX.

E I-

## E I D E M.

## LXII.

**N**emo est omnium ad quem libentius quàm ad te scribam. Sum enim animo ac voluntate erga te planè paterna. Sed vix credas, quam sim in hoc secessu occupatus; quem tamen pleriq; omnes esse plenum otii putant, & quotidie quinas aut senas ab amicis literas accipio, ad quas, si respondere omnes velim, nil aliud agendum sit. Gratum est mihi, quod applicuisti te ad consuetudinem P. Æmilii, & Horatii Macarui. Eorum enim uterq; te & doctrina, & exemplo efficere meliorem potest. Tales sectare: qui autem alio ingenio sunt, eorum consuetudinem quasi pestem aliquam vita. Ætati tuæ nihil diligentius providendum est, quàm quibus scdralitatibus utare. Neq; ego severum esse te ac tetricum, omniq; generi voluptatum inimicum volo. Hoc tantum moneo, non eas amicitias quærendas, quæ dulcissime videantur, sed inducendum animum, ut quæ honestissimæ sunt, easdem etiam dulcissimas esse ac suavissimas putes. Mi Alexander, etiam atq; etiam vale. TIBURE, 5. Id. August. M. D. LXX.

## E I D E M.

## LXIII.

**V**ide, quàm te amem, cum à multis hodie literas acceperim, nihil mihi prius faciendum esse duxi, quàm ut ad te potissimum rescriberem, cave, putes Alexander mi, ipsi te patri tuo chariorem esse quàm mihi. Ac si quæras, quæ causa sit hujus erga te tanti amoris mei, ne vivam, si aliam adferre possum, quàm quod videor mihi animadvertisse in te ingenium excellens, & si

tu volneris, ad omnia summa natum. Sed tu hoc facito, tecum cogites: multas res esse suapte quidem natura bonas; sed quæ culpa eorum, qui illas possident, interdum pessimæ ac perniciosissimæ fiant. Bonæ sunt opes, sed si quis non rectè utatur, malæ. Bonum forma: Sed id bonum multis exitio fuit. Ex eodem genere est ingenium, si rectè utaris: nullum propè hominum generi dari potest majus aut præstabilius donum. Sed si ad bonum ingenium mala mens accesserit, iidem erit, ut gladius in manu furiosi. Quò erit melior & accuratior, eò plus adferat mali. Ego autem te, Alexander, amo nunc, quia ingenio bonus es; amare desinam, si tu bono ingenio malè uti cœperis. Sed id spero non fore, teq; bono ingenio benè usurum esse confido, vel tuapte sponte, vel quia videris mihi valde amare amorem erga te meum: quem zueri ac conservare alia ratione nulla potes. Vale, & si me amas, virtutem ac literas ama. Nulla in humanis rebus majora sunt. Iterum vale. TIBURE, 8. Kalend. Septembr, M. D. LXX.

E I D E M.

LXIV.

**A**ccepi ternas tuas literas; in postremis autem quædam erant ita negligenter scripta, ut facile constaret, aliud egisse te, cum illa scriberes. Ostendam ea tibi, cum istuc venero, & auriculam pervellam tibi; ut postea in scribendo attentior sis, & saltem eos solæcismos effugias, quos effugerent etiam pueruli, qui primis literis imbuuntur. Noli tamen ex hac mea admonitione molestiam ullam capere. Non enim propterea volo quidquam de tua hilaritate detrabi, sed ad diligentiam addi. Vale, TIBURE, 9. Kal. Octobr. M. D. LXX.

EI-

## E I D E M.

## LXV.

**V**ersiculi, quos ad me misisti, ostendunt illi quidem te, si ad Poeticam ingenium tuum contulisses, & bonos magistros nactus, in eo studio perstitisses, ad aliquam præstantiam pervenire potuisse. Nam & numerosi sunt, & sententias habent, neque inconcinnas, neque ineleganter collocatas: & ipsum dicendi genus non abhorret à recto. Planeque sperare posses, te aliquando bonum Poëtam fore, si hoc agere velles. Sed majora tibi proposita sunt, quæ, quantum potes, urgeas, censeo, & subsicivis horis veterum Poëtarum scripta manibus teras, non tam ut imiteris, quam ut eis te oblectes; simulque aliquid ex eis assidue, quod tibi usui sit, colligas. In scribendis versibus tempus à te collocari, verum ut fateor, nolim. Malos versus facere, turpe est: mediocres, inglorium: bonos difficilius quam & præstari possit ab eis, quibus aliud agendum est. Quid in tuis lima egeat, præsens præsentem monere possem: per literas non æquè facile possum. Recteque ac verè mihi videtur Ovidius dixisse, emendandi laborem majorem esse quam scribendi. Mihi hoc credas; velim: me hodie non difficilius ad saltandum, quam ad faciendos versus adduci posse. Si quid erit serium, in quo meam operam desideres, non deero: in his levioribus, si quando de me cogitabis, peto à te, illud quoque cogites, non multò juniorem esse me, quam erat Horatius, cum illa de se scriberet.

Nunc itaque & versus, & cætera ludicra pono. Vale,  
ROMÆ, Id. Febr. M. D. LXVIII.

M. A. N.

M. ANTONIUS MURETUS PAVLO  
SACRATO SUO S. P. D.

## LXVI.

**T**Andem ad te remitto Epistolas tuas: neque enim per assiduas occupationes, & per molestissimum oculorum dolorem, quo dies aliquot laboravi, citius licuit. Eæ si conquerentur se à me paulò severius acceptas esse: recordari debebis, hoc ipsum à te mihi mandatum esse: ut si mollius ac levius eas tractare voluissem, verendum mihi fuerit, ne tibi non satis obsequens viderer. Sed de his satis. Nunc exponam tibi totum illud negotium Polonicum: quando literæ, quas ad te, re adhuc recenti, scripseram, perierunt. Stephanus Poloniae Rex, qui & aliis regibus virtutibus ornatissimus est, & hoc supra cæteros omnes Reges, qui multis abhinc seculis vixerunt, eximiam habet, quod & amat unice homines eruditos, & ipse omni elegantis doctrinae genere mirificè excultus est, miserat in Italiam unum è domesticis suis, qui quasi delectum quendam haberet præstantium doctrinam virorum, eosque optimis admodum propositis conditionibus, in Poloniam invitaret, ad Academiam novam, quam Rex Cracoviae instituere parabat. In mandatis autem regibus, quod ad alios quidem attinet, facta erat potestas ei, qui hinc venerat, optimum quemque & in docendo exercitatissimum deligendi: de tribus nominatim perscriptum erat: de me, de Carolo Sigonio, & Fulvio Ursino. Ac mihi merces proposita mille quingenti quotannis aurei nummi. Addebat Rex, si sacris initiari vellem (nondum enim sciebat me Sacerdotem esse) perfecturum se, quò mihi magis liberet manere in Polonia, ut intra breve tempus honesto aliquo Sacerdotio, ex quo non minus quingentos annos aureos nummos

cape-



caperem, coonestarer. Ea de re unus è primoribus il-  
 lius regni, Johannes Zamoscius, qui nunc magnus re-  
 gni Cancellarius est, literas ad me peramanter perque  
 honorificè scriptas dedit. Commotus sum non tam ipsius  
 præmi magnitudine (etsi his quidem temporibus inu-  
 sitata) quàm tanti regis tam propensa ac benefica erga  
 homines literarum studiis deditos voluntate. Neque me  
 commonebat itineris difficultas: qui exploratum habe-  
 rem, cum lectica, unà cum filiolo fratris mei, puero sex  
 annos nato, quem mecum illuc ducere cogitabam, ad fa-  
 num Lauretanus (eo enim, religionis ac pietatis causa,  
 iter facere decreveram) gestatus essem; posse me cisio  
 Cracoviam usque commodissimè vehi. Et jam convene-  
 rat, ut mihi REGIS nomine ad iter conficiendum daren-  
 tur trecenti aurei nummi, ad quos ego ducentos de meo  
 præterea addere cogitabam. Jam mihi illud sanctitatis  
 & doctrinæ specimen STANISLAUS Cardinalis Var-  
 miensis gratuitam habitationem in palatio, quod Cra-  
 coviæ habet, amplissimum offerebat. Multa à summis  
 viris literæ commendatitiæ in Germaniam & in Polo-  
 niam promissæ erant: ut cum eò venissem, nunquam fe-  
 re in diversoria publica ingredi necesse haberem. Neq;  
 verebar illam, quæ in Polonia esse dicitur, inclemen-  
 tiam cæli asperitatemq; frigoris. Sciebam illa cuncta re  
 multò minora esse quàm famâ: & alioqui sum ipse quo-  
 que natus in parte Galliæ maximè montosa ac frigida.  
 Quod autem quidam qui detertere me cuperent, cla-  
 mabant, gentes illas feras ac barbaras esse; interdum  
 mihi risum, interdum stomachum movebant. Magna  
 mihi, Sacrate, cum multis Germanis, magna cum per-  
 multis Polonis familiaritas, magnus usus, magna ne-  
 cessitudo fuit. Semper eos experiri sum bonos viros;  
 rectos, simplices, aperiros, humanissimos præterea, &  
 pro-

propè omnes eo vitæ cultu, ac munditia, quæ ad elegantiam potius quàm ad ullam barbariem accederet. Nugæ istæ sunt hominum, eos qui adulari, & fallere, & aliud loqui, aliud cogitare nesciunt, barbaros vocantium. Utinam nos eo modo barbari effemus. Utri verò barbariores sunt: nati in media Italia, quorum vix centesimè quemq; reperias, qui Latine aut Græcè loqui sciat, aut literas amet: an Germani, ac Poloni, quorum permulti, & earum linguarum utramq; perfectissimè callent, & ita literas ac liberales disciplinas amant, ut in eis tempus omne consumant? Olim illi fortassis, asperi ac barbari fuerunt: hoc quidem seculo, vereor ne ad nos barbaries, ad illos cultus & splendor vitæ, & eruditio atq; humanitas, mutatis sedibus commigrarint. Itaque ut verum tibi fatear, libentissimè eò commeàssem, si nihil obstuisset. Quicquid enim commodi mei causa ab eis petebam, id omnes prolixè ac copiosè offerebant: ut jam constaret inter nos, sine ullo negotio conventuram esse. Quid quæris? Fidem eis dederam venturum esse me, si per summum Pontificem, cui servio, & per Cardinalem Estensem, cuius in clientela ac familia sum, liceret: alioqui enim non posse me, nisi eorum permissu, de me ipso quidquam tale polliceri. Putabam autem, neutrum eorum hoc iniquo animo laturum: cum Cardinalis quidem gratis me alat. Nullam enim ad rem, mea opera utitur: summus autem Pontifex ingentem copiam habiturus esset eruditissimorum hominum, qui se in locum meum substitui postularent. Contra tamen accidit, quàm putaræ: Etenim cum rumor de meo discessu tota jam Urbe pervulgatus esset, Conservatores populi Romani (is summus Magistratus est eorum qui hodie populi suffragiis deferuntur) ad Pontificem accedunt, cum præsentès etiam adessent ii ex Cardinalibus, quibus studiorum

cura

cura commissa est, remq; ei exponunt: atq; ab eo supplices petunt, ne me abire patiatur: addunt multa de me, quæ malo te ex aliis cognoscere. Pontifex benignè eos audit: bono animo esse jubet, se, quod opus foret, imperatorum esse confirmat. Paucis post diebus, per Ludovicum Castaneum Rupipozeum Christianissimi Regis Oratorem, virum & claritate generis, & virtute, & eruditione præstantem, jubet mihi denuntiari ne abeam: sibi curæ fore, ne me, quòd auctoritati suæ paruissem, pœniteret. Respondi, nullam pecuniam mihi esse tanti, ut mihi quidquam placeret, quod Pontifici displiceret: & honorificum quidem mihi visum esse, quod à tanto Rege vocarer: sed multò honorificentius, quòd & à Pontifice & à tali Pontifice retinerer. Pontifex postea epistolam ad me misit amantissime scriptam, qua ad stipendium quingentorum nummorum aureorum, quod jam pridem capiebam, significabat se ducentos præterea addidisse. Eodem tempore Matthæus Contarellus Pontificis Datarius vir & eximia quadam integritate vitæ, & singulari Romanarum rerum intelligentia insignis, & mei, ut scis, amantissimus, certiore me fecit, sibi à Pontifice mandatum esse, ut mihi quamprimum attribueret & assignaret annuam trecentorum aureorum pensionem. Itaq; Rex tam longinquus effecit testimonio & judicio de me suo, ut sanctissimi Pontificis liberalitate ad veteres fortunulas meas accesserint annui quingenti aurei nummi. Sed & Cardinalis Estensis, simul atq; istinc rediit, amplo me atq; honorifico munere donavit: quod ego eò magis prædicare gestio, quòd ipse tacere me iussit. Parendum tamen est, ne dum gratus haberi volo, me illi non satis morigerum præbeam. Sed & ego scribendo defessus sum: & te suspicor, cum hæc tam verbose scripta legeris, fessum fore. Vale, ROMÆ, prid. Kal. Marti. M.D. LXXXVII.

M. A. N.

M. ANTONIUS MURETUS JACOBO  
CUIACIO J. C. S. P. D.

LXVII.

**B**lennium jam est, & eo amplius, Cujaci V. C. cum  
Laelius Ubaldinus & Octavius Bandinus summo  
genere nati adolescentes, in Galliam se, studiorum caus-  
sa, auctore potissimum atq; impulsore me contulerunt.  
Nam cum ex me ipsorum propinqui quaesissent, quid eis  
potissimum faciendum esse, quaq; ratione ipsorum stu-  
diis optime consuli posse censerem: auctor eis fui ut Lu-  
teriam primum irent, ibiq; se Gracarum literarum &  
Philosophiae magistris recoquendos darent: deinde jus  
civile, cujus studio incensi erant, neq; usquam hodie nisi  
in Gallia, neq; in Gallia, nisi à Cujacio, rectè ac verè disci  
posse sperarent. Ita igitur fecere: & quod meo consilio  
paruerint, sibi magis magisq; indies gratulantur. Ego  
autem Cujaci, ambitiosum fateor esse me: & quod Thucy-  
dides ait, unum hoc <sup>πῶς</sup> <sup>ἔ</sup>seni expers esse, verè ab eo  
dictum demum experior. Quare cuperem eos qui mihi  
jam multum se debere agnoscunt, quod indicaverim si-  
bi iter ad fontem, debere etiam mihi, quod à te, mea  
causa libenter viderentur, exciperenturq; ea humani-  
tate ac comitate, qua tu excipere omnes ingenuo ac li-  
berali praeditos ingenio soles. Sed vereor, ne mea jam  
sera commendatio sit: neve ipsa qua sunt & morum &  
ingenii elegantia, ita te iam; hominem <sup>ὡς τὸν τοῖς τῶν ἐνέ-  
λωντων</sup>, ceperint, ut novae commendationi nullus supersit  
locus. Peto tamen à te, quantum me amas, & puto me  
à te non vulgariter amari; ut, sive aliquid est, quod ad-  
di ad tuam erga eos benevolentiam possit, id mea causa  
adjicias; sive ipse jam eos amas, ut nulla fieri possit ac-  
cessio; reperias ita tamen, atq; excogites aliquid, quod  
com-

comme  
dearis  
est, ca  
bros t  
tiam;  
Major  
adolesc  
quid a  
M. D.

JOA

E  
de te pe  
vis har  
prater  
suadeo;  
magis  
am, vu  
lit. Vi  
becius  
permo  
duxerat  
vens, ut  
epistolat  
cultam,  
fores in  
ve illa et  
humanit  
gnosces

commendatione mea adductus, eorum causa fecisse videaris. Ego te, Cujaci, eximie amo: & quantum in me est, excito horum hominum ingenia ad evolvendos libros tuos, & ad cognoscendam doctrinam tuam præstantiam; te quoque æquum est aliquid mea causa facere. Majus autem facere nihil potes, quam si his duobus adolescentibus ostendas, meam commendationem aliquid apud te valere. Vale ROMÆ 7. Kal. Februar. M. D. LXXIX.

JOANNES CASELINUS M. ANTONIO MURETO S. D.

LXIIIX.

**E**GO verò quàm sum importunus? Toties te interpellor, sive hoc facti tuus in me animus: sive mea de te persuasio: sive hominum tui sitis. Mibi enim quævis harum causa sufficit, ad excusationem. Ut autem præteream, quæ in nobis mutua esse, lubens mihi persuadeo; nemo est vel modicam tinctus literis, quin & te magnifaciat, & si istuc proficiatur, audire vocem tuam, vultum contemplari, & humanitatem experiri velit. Vides quid dicturus sim. Hi amici mei Joannes Lubecius & Gallus Beccius Germani, fama tui nominis permoti, & ipsi te salutare jam pridem in animum induxerant. Quod cum mihi mirifice placere intelligerent, ut qui te jam penitus perspexissem: visi sunt à me epistolam hanc cupere, quàm ipsis dedi brevem & incultam, ut vides. Hæc tamen munus suum obierit, si ipsis fores in sermones tuos patefecerit, quod haud dubie si ve illa etiam antequam huc legendo processeris, sine tua humanitas faciet. Si tamen hoc requiris præterea, cognosces viros, & virtute præditos, & literis præbe ex-

cultos, & cum omnium eruditorum, tum tui observantissimos. Quæ cum in iis dependes, erunt tibi me quoque tacente commendatissimi, cui commendatione si fiet quædam quoque ex hisce literis accessio; multò magis & ipsos & me tibi obligabis. Vale Murete clarissime. FLORENTIA Kalend. Mart. anno M. D. LXII.

ANDREAS DUDITIUS M. ANTONIO MURETO V. C. S. P. D.

LXIX.

**P**udet me ad te, virum eloquentissimum scribere. Neque tamen impetrare à me ipso possum, ut nullas potius, quàm ejus generis, cujusmodi soleo exarare, literas ad te scribam. In quo tu, humanissime Murete, non quàm in scribendo sim infans: sed quàm studiosus, quàm tui cupidus, spectare debes, magnum me hercule benevolentia cum verecundia fuit certamen; sed victrandæ benevolentia erga te mea, & ad scribendum me impulit. Neque verò nullos stimulos addidit ingens illa, perspecta mihi & cognita superiore anno humanitas tua; cum ego te officii causa adirem, qua tu me hominem tibi ignotum ita obstrinxisti, ut quibus plus, quàm tibi, debere me sentiam, quàm paucissimos habeam. Admirabor equidem antea doctrinam, atque incredibilem quandam in dicendo suavitatem tuam; at summam in familiaritate, atque amicitia tua gloriam statuebam. Nunc verò, non id modò, sed ex quo die te cognovi, ita te amare cœpi, ut illis, quibus tua consuetudine frui datum est, demùm invideam; illos soles felices esse ducam. Atque utinam hac eadem & mihi felicitate frui liceret. Sed non licet; at quod licet facio, meumq; incredibile hoc tui fruendi desiderium levo frequen-

quentissimis, & honorificentissimis de te, deq̄ excellenti  
 tua doctrina sermonibus. Ex quo enim ego te die cepi  
 diligere, omne studium, omnem orationem meam, qua-  
 liscunque ea sit, ad laudem, & tui nominis gloriam con-  
 tul. Quod sanè non eò dico, quod meis sermonibus, &  
 predicatione quidquam ad tuam famam putem atces-  
 sisse, (neque enim tam sum à ratione alienus, ut facibus  
 solem illuminari posse eredam) sed ut, quanti te faciam,  
 quam observem, quanta benevolentia complectar, in-  
 telligas. Quod tibi persuasum esse ita cupio, ut nihil o-  
 ptem magis. Audio te habere paratos quosdam anno-  
 tationum libros, quos in manus hominum emitas; quos  
 equidem quales exspecto, futuros auguror, hoc est, omni  
 doctrina eleganti refertos. Quid enim aliud à tali,  
 tantoq̄ viro exspectari queat? Peto abs te, ut cujus ge-  
 neris id totum sit, ad me perscribas, & quæ tua est hu-  
 manitas, si quid jam est à Typographo descriptum, ad  
 me mittas. Nam planè non fero desiderium legendi  
 ejus libri. Superioribus annis, cùm Lutetiæ Parisio-  
 rum, magna tua cum laude, & omnium admiratione  
 Philosophiam ita doceres, ut non minus sententiarum  
 gravitatem, quàm verborum elegantiam dicendiq̄ ar-  
 tificium homines admirarentur, audio te quiddam in-  
 quintum Aristotelis *ἠθικῶν Νικομαχείων* librum scripsisse,  
 quem ego librum jam ab aliquot annis legere discupio,  
 pergratum igitur feceris, si etiam hunc mihi literis  
 tuis adjunctum miseris. Vale, mi optime atque erudi-  
 tissime Murete, & meæ libertati ignosce, ac hominem  
 tui studiosissimum cupidissimumque multo ama.

PATAVIO, 6. Id. Maii.

M. D. LIX.

PETRUS MORINUS M. ANTONIO  
MURETO S. P. D.

LXX.

Cum Theologum Græcum prædicatione incitatus tua admirari cepissem, isque huc venisset, cum ego discipulo meo fortè operam darem, permolestè tulisti, eam ne conveniendi hominis doctissimi atque humanissimi potestatem per imprudenciam amisisse. Et, quo dolorem meum desideriumque tanti viri lenirem, & aliquid earum literarum elicerem, quibus inprimis delector, scripsi ad eum, mandavique ei, cui literas dederam, ut studiosè percontaretur, ubinam esses, ut valeres, quid ageres. Is te ibi esse renunciavit, se veritum esse tecum loqui, & propter redeundi festinationem expectare non potuisse, dum esset commodum. A te summo studio peto, mi Murete, ut de rebus, de literis, de consiliis tuis ad me scribas: Amotumne conveneris, & quid ei gratum feceris de Plutarcho, de Victorino: his si etiam in manibus, an jam divulgatis: consiliūne sit sacros & ecclesiasticos reliquos Scriptores studio & opera simili adjuvare atque Victorinum. Jam enim leviores literæ, quæ tibi sunt: ἑπιτομὴ καὶ Ἀποστολῶν, sanctiores. Tu illa ἀποστολικὰς. Ad hæc verò, matura jam ætate, animum studiumque tuum contulisti. In quibus te jam arbitror, ut ait Theognis, τὸ πρῶτον μᾶλλον, τὸ δὲ δεύτερον, ἀπὸ τοῦ ποιεῖν. Velim item, teque id etiam atque etiam oro, si quando erit otium, si quid homini amicissimo & observantissimo tibi cogitationum tuarum impartendum putas, perscribas ad me, quid de his miserrimis temporibus sentias, quibus ἐν ταύτῃ τῷ καιρῷ μᾶλλον, ἐν τῷ καιρῷ τοῦ ἀπολήγειν καὶ τὸν μὲν ἄλλοτε καὶ κατὰ τὸν καιρὸν: in hanc perniciosissimam.





tua in servire. In quo, ut coram tibi significavi, gra-  
 tiam ab hominibus in eundam mihi duxi esse, πῶς καὶ τὸ  
 νῆος Οδυσσεύς, χεῖρ' ἔχεν ἰεράωνι, γλώσσα δ' εὐεργεῖς modò in o-  
 pere, reliquis temporibus cessationi suae veniam spera-  
 vit datum iri, καὶ δὲ παλαιὸν αὐθιγῶν τὸ εὖ εἶδ' : quod ut jam  
 me me fefellerit, confido quidem certe. Hoc verò do-  
 cendi officium cum consilio & moniti tui memor stude-  
 rem in honorem adducere, processit quidem : sed tamen  
 hominibus valde repugnantibus : itaque δαίτην γὰρ με-  
 διον. Tu, ut spero, conscies, πῶς ὅτι πᾶσι ἐν τῷ ἔργῳ.  
 Ego te illud tuum honestissimum otium ad Ecclesiae hi-  
 storiam literis tuis illustrandam conferre, jamq̄ tibi,  
 quod de Basilio Magno Gregorius scripsit Theologus,  
 λαγας τὸ πᾶσι εὖ εἶναι, mirabiliter laetor. Vivent scri-  
 pta tua in aeterna hominum memoria, & valebunt ad  
 sancendam & stabiliendam veterem perpetuamq̄ Ec-  
 clesiae disciplinam, & eos homines errore gravibusq̄  
 opinionibus liberandos, ἵνα οἱ ἡμίτεροι ἐφ' ἠδὲ πᾶσι  
 τοῖς θεοῖς ἕκαστος ἐν τῷ θεῷ χεῖρ' ἔχῃ, καὶ ἡμεῖς ὡς θεοὶ  
 δεῖον ἐκβάλλομεν πειράζομεν σέθεν. Peto a te, ut Niceto, quas  
 ad eam scribo literas, reddendas cures, ejusq̄ volun-  
 tatem tibi quam maxime ad me tuendum & augendum  
 adjungas. Si quid tu ad me literarum, ut & opto &  
 spero, quod ad Julianum Granuceium Medicum mise-  
 ris, is ad me perferendum curaturum se est pe-  
 licitus. Vale, POLI. Postrid. Non.

M. D. LXXII.

§ (o) §



MORE

## MORINUS EIDEM.

## LXXII.

Cum exspectarem, dum aliquod serium argumen-  
tum haberem ad te scribendi, literæ à Niceto ve-  
nerunt comitatæ tuis, ibi ego agnita manu mihi charissi-  
ma, teneri non potui, quin vel nulla materia, aliquid ta-  
men exararem, & apud te, qui huiusmodi negotium  
perbellè devorare soles, esse autodoxia ineptirem. Ex hoc,  
mi Murete, tam diuturno literarum mearum silentio  
intelligere potuisti, quàm otio & præter consuetudinem  
nihil agendo languerem; in qua tamen desidia narro  
tibi, quid mihi optatissimum & jucundissimum nec opi-  
nanti contigerit. *Ædes* hic sacra est D. Virgini dicata,  
ejus ædis custos & præses, senex optimus ac religiosis-  
simus, cæcum habet virorum summa nobilitate, & hu-  
manitate prædiorum domi suæ, quæ divinæ juncta est.  
Quo ex numero cum apud Archiepiscopum esset vir sin-  
gulari virtute, doctrina, probitate, in eumq; ego casu in-  
dixissem: Quid tu, inquit, in hac solitudine consensescis?  
& simul me humanissimè invitavit, ut secum apud eum,  
quem dixi, æditimum, si quando liberet, esse vellem. Ego  
ejus studium & liberalitatem secutus, pauculis post  
diebus cum me ed, quod vocat, contulisset, hominem  
offendi cum illo sanctissimo sene GREGORII Theolo-  
gi scripta studiosè legentem. Adjunxi me vel audito-  
rem, vel interpretandi arbitrum perlibenter, dedi me  
utrique: alterum etiam assidue in Republica versan-  
tem & studiosum Rhetoricorum Aristotelis, ac Demo-  
sthenis orationum, ut potui, adjuvi. Hi etiam viri hu-  
manissimi & probissimi aliquid esse credunt, Grego-  
rium nulla meditatione interpretari, cujus ego li-  
brum, tuum legitando, detriveram: & Demosthenem

explicari ab homine Manutii, Mureti, talium virorum  
 discipulo mirantur: ut mihi, (fatendum est enim, præ-  
 fertim apud te) paulò jam beator esse videar, & hæc  
 nostra studia non ad eò contemnenda ducam. Nunc no-  
 bis Magnus ille frater Gregorii est in manibus, ut ab  
 ambobus eruditione, sanctimonia, gloria, germanis  
 communia & intelligendi & bene vivendi præcepta  
 ducantur. Tantum est, cujus te participem fieri, &  
 mea causa latari cupiebam. Ab Archiepiscopo quidem  
 ita liberaliter & à principio sum acceptus, & quotidie  
 tractor, ut quid illustrissimo Cardinali Sirleso debeam,  
 quid etiam vobis, qui me ei commendastis, non solùm  
 scribendo, sed ne cogitando quidem assequi possim. Utor  
 imprimis familiaritate Vicarii, qui Jurisdictionem ex-  
 ercens sibi demandatam, & dijudicandis controversiis  
 operam navans, mihi sæpissime, negotiorum molestia  
 pressus, gratulatur, qui rationem cum musis humanio-  
 ribus & sanctioribus literis habeam; dum ipse, litibus  
 & turbis implicatus, horridas interpretum juris char-  
 tas non sine stomacho pervolutas. A quibus etiam, si  
 quando rogem utendas, me deterret, nec à veterum Ju-  
 risconsultorum, quòs sapiusculè in manus sumo, usu dis-  
 scedere patitur, nec quicquam proficio, quod dicam con-  
 secuturum me, cùm illa digustaro, ut ipsi & Archiepi-  
 scopo in consilio esse possim: otium hoc tuear, & nôrim  
 fortunas meas, qui politiorum & elegantiorum lite-  
 rarum studio incultis sordibus, caruerim. Hoc idem  
 ambi hi mei *συναφιδόλογοι* desistant. Qui quidem se suas  
 omnia liberaliter mihi detulerunt, & nisi meas copias  
 viderent, uti cogere suis, habent *συναφιδεστώ* rebus  
 necessariis instructum, non sumptuosum, non gravem a-  
 micis, & tamen aliquid à se sumere voluerunt, qui hanc  
 mediocritatem interea tuegr, De epistolis, *maxi-  
 maxi-*

maxim.  
 si Me  
 certi co  
 etiam  
 frid. Id

HU

Etsi  
 Gal  
 dicantes  
 egregia  
 nunqua  
 potui, u  
 bi viam  
 modam  
 um & q  
 Dein te  
 amorem  
 us juve  
 ve vers  
 nismo.  
 has ad  
 non is su  
 debeas.  
 prudent  
 jungere  
 cillitate  
 lo sophia  
 sponder  
 siva qua  
 sum, qu

maximam habeo gratiam: us utar, si opus erit, id est, si Mediolanum proficiscar. Nondum enim quicquam certi consilii cepi, ad minimum unum me hic mensuram etiam commemoraturum puto. Vale. GENUÆ. Postrid, Id. Ianuar. M.D.LXIX.

HUBERTUS GIPHANIUS M. ANTONIO MURETO S. P. D.

L X X I I I.

**E**T si de tua liberalitate atq; facilitate multa sæpe in Gallia Auratum, Fruterium, & Cantorium prædicantes audivi; atq; aded ipse viderem doctrinam tam egregiam singulari humanitate junctam esse debere: nunquam tamen, qui meus est pudor, imperare mihi potui, ut, nulla accepta occasione, mea sponte ad te mihi viam aditumq; munirem. Nunc eam nactus percommodam, nihil prius habui, quam ut studium in te meum & quo ab ineunte ætate te ob scripra & magnas Dei in te collocatas ingenii dotes, licet ignotus, colui, a amore literis ad te datis testarer. Nam Berzevicæus juvenis Hungarus, amicus meus, Roma nuper huc reversus, cum tuos de me, minimè licet idoneo, humanissimos sermones commemorasset: facile impulit, ut has ad te literas darem. Ego, mi doctissime Murete, non is sum, de quo tam præclarè sentire & existimare debeas. Dedi quidem semper operam, ut cum Iuris prudentia nostra, encyclica, & humanitatis studia conjungerem: sed sentio & agnosco eam esse ingenii imbecillitatem, ut in utroq; (quando ad Iuris scientiam Philosophiam necessariam esse non ignoras) satis mihi respondere votoq; meo non possim. Et sunt tamen subciviva quedam, quæ suavissimè illi humanitati non possum, quin adsignem. Hinc ea in Lucretium perpusilla,

A a s

hinc

hinc & in Gellium quadam jam diu paramus: quam post tam malè acceptum Parisiis à Lambino Lucretium nostrum, aut me potius, haud scio an quicquam in eo genere narrare debeam. Mirificè tamen Gellium expolitum cuperem. Sperabam posse me hoc, quod in Gallia non potui, hic integrum aliquod idq̄ per-  
 vetustum ejus exemplum nancisci. Sed nihil dum reperire potui. Utinam tu, hac in re nos juvare velis. Nam quin possis, non dubito, in tanta librorum veterum, quos Roma esse audio, copia. Ad solos 7. priores libros vetustum, hoc est, in quo diphthongi sint plerq̄ integræ, & græcum exemplum requiro. Nam reliquos ad vetustissimum collatos & emendatos habeo. Ecce autem meam libertatem, ne dicam impudentiam, qui in primo familiaritatis, ut ita dicam, vestibulo & aditu onus etiam imponere tibi non sim veritus. Sed hoc tuae humanitati partim ut tribuas; deinde & studiis communibus ut des, rogo. Neq̄ verò ignoras teneras etiam familiaritates, officiis utrinq̄ maxime ali & augeri. Quod reliquum est, te oro, ut eorum loco numeroq̄ me esse velis ac patiaris, qui te & colere & observare ob singularem tuam eruditionem consueverunt. Quibus ego rebus, etsi aliis facile concedo; fide tamen, diligentia, summoq̄ in te studio ne minimum quidem cedere sum paratus, Vale & salve. Si quid rescribes, facile poteris, ad ades Legati Regii. Salutat te Alfonso Delbenius, VENETIIS.

HUB. GIPHANIUS EIDEM.

LXXIV.

**N**E me putes, clarissime Murete, vel oblivione tui, vel graviore culpa tardius ad te scribere; quem cum aliàs & ante hac semper, tum post literas illas  
 ad

ad me tuas omnis liberalitatis plenissimas, amare & in oculis ferre soleo. Longinqua, mihi crede, peregrinatio culpam omnem sustinet, Domum igitur, hoc est, Venetias, tandem aliquando reverso, nihil prius mihi faciendum putavi, quàm ut humanissimis tuis literis responderem. Quibus ut <sup>invenire</sup> respondeam, scito illustrissimo Legato nostro gravissimam accidisse voluntatem illam tuam, qua munus aliquod illi ostendis. Quod si ille gravioribus rebus distractus, exigere non curaverit; ego tamen urgere & flagitare pergam; Ne tamen nostros sensus ignores, si fortè hoc tibi utile ad eam rem futurum putas, multus est in Aristotele, eoz in primis delectatur, maximè Physiologo. Quod equidem sæpe miror, cateroqui omnia tua illi pergrata esse fore, tibi confirmo. De studio in acquirendo Gellii exemplari gratias tibi agam, cùm erit commodum, nunc quàm possum, habeo maximas. Intellexi postea ab iis, qui Romæ superioribus mensibus Fulvium Ursinum, de quo literis meministi, salutarunt, habere illum Gellium satis antiquum, etsi non integrum: vidisse namque se illum apud Fulvium mihi confirmarunt. Quare etiam atq; etiam à te peto, & quaeso, mihi Murete, ut mihi librum illum ab Fulvio homine, ut audio, perfacili, tibiq; amicissimo ad paucos dies nobis impetres: eumq; commodè compositum & involutum vel tabulario Veneto, aut amico notiq; si qui certus occurret, des hinc perferendum. Dabo operam, ut paucis post diebus ad te istuc referatur. Nam de fide mea ne dubites, tuam tibi prudentiam & constantiam restor, & apud quem vicum agam, memineris, & ipse me in amicitiam jam susceperis. De fructu & utilitatibus, quæ ex hoc scriptore, mea opera, expectanda sunt, etsi pudor multa polliceri me vetat; quedam tamen

tamen hic apponam, ex quibus tu conjector hac in resol-  
lertissimus, conjecturam de reliquo capere possis.

Lib. 10. cap. 15. initio: item casus multiplices, legen-  
dam ex vetere libro puto, item castus multiplices.  
Quid castus, apud Nonium & Festum: Minuebatur, in  
fine. Eodem cap. legendum cum strue atq; fertu, &  
max arborem felicem, & quod in rica, ex vetere libro:  
etsi in vetere erat I N R I T A, de rica Festus, & de  
ferto, Cap. 21. Alius illo. Legendum ex veteri codice,  
L. Alius Stilo, & max. Quod extremum inquit, dice-  
batur, dici novissimum ceptum vulgo. Cap. 25. ri-  
mices, trifaces, de utroq; teli genere Festus. Cap. 24.  
Sicut pristini & pristinè: legendum praefiscini & praefi-  
scinè. Et max: Sacerdotes populi Romani cum condi-  
cunt. Lib. 21. cap. 12. Non partitionem solam, tanquam  
ille. Accipe quoq; versus pulcherrimos Ennii lib. 12.  
cap. 4. ita emendatos ex libro vetere.

Hæc locutus vocat qui cum bene sapè libenter  
Mensam sermonesq; suos, rerumq; suarum  
Comiter impertit, magnam cum lassus diei  
Partem fuisset de summis rebus gerundis  
Consilio, endo foro, sanctoq; senatu,  
Cui res audacter magnas parvasq; jocumq;  
Eloqueret, & cuncta malus quæ & bona dicta  
Evomeret, si qui vellet tutoq; locaret.

Quo cum multa voluptia gaudia clamq; palamq;  
Ingenium, cui nulla malum sententia svadet.  
Ut faceret facinus levis, haud malus, doctus, fidelis  
Svavis homo, facundus, suo contentus, beatus.  
Scitus, secunda loquens in tempore, commodus  
verbum.

Paucum, multa tenens antiqua sepulta vetustas  
Quæ facit & mores veteresq; novosq; tenentem

Multo-



Multorum veterum leges, Divinæq; hominumq;  
Prudentem, qui dicta loqui ve tacere ve possit.

Et mox, L. Ælium Stilonem.

Et lib. 10. cap. 19. versus Lucilii ita legendi ex veteri  
codice.

Illud opus durum, ut Setinum accessimus finem,  
Ætne omnes asperi Athones.

Ejusdem modi complura adferre possem, adeoq; vel-  
lem, nisi illa jam nimia esse vererem. Videbis igitur,  
humanissime Murete, an expoliendum mihi scripto-  
rem illum putes, hoc est, adjuvandum me in Fulvii li-  
bro impetrando. In Cæsare similem operam posui:  
quod ipsum pronuper in Epistola ad lectorem Lucretio  
præfixa sumus restati. Verum ab LAMBINO, postea  
ita verberati: & quia à jure paulum temporis lociq;  
nobis, ut ita dicam, subciditur, omniaq; quam accura-  
tissime sine librorum veterum copia expoliri neque-  
unt: tardius fortasse quam debueram, certe, quam  
putàram, Cæsarem tamen brevi, DEO volente, da-  
turus sum, adjecta explanatione modica: gratum, ut  
spero, opus Celtis nostris, seu Transalpicis futurum,  
tua illa Epistola (eò namq; redeundum est) mirifice re-  
creatus, atq; adeo munitus adversus furores illos Dio-  
nysiacos; quem iam audio libellum illum, qui vulgò  
Æmilius Probus à me certissimis rationibus in Lucre-  
tium plurimis in locis Cornelius Nepos dicitur, de illu-  
stribus Imperatoribus Græcis, explanationibus lon-  
gissimis, ut solet, oneratum in lucem edidisse; in quo li-  
bello si quemadmodum in CICERONE, omnia illa,  
quæ in collectaneis Lucretianis emendata proposui,  
sumpsit, sibiq; arrogavit: veniam mihi viros eruditos  
daturus spero, si, manu injecta, illa, quæ mea legitimis  
documentis ostendero; asseram & vindicem, incussa  
plagia-

plagiario pudore, quando aliud non lices. Vale, doctissime & humanissime Murete. VENETIIS. Idibus Augusti. M. D. LXIX.

HUB. GIPHANIUS EIDEM.

LXXV.

Quia Tibure Comam te jam reversum puto, auctore etiam Tesserano nostro, qui tuam in me singularem voluntatem predicavit, tertium ad te scribo de Gellio: teq. etiam atq. etiam oro, ut à doctissimo Fulvio librum illum auferas, quem vel ad paucos dies huc mittas, vel quod commodius fortasse erit, cum editione aliqua comparandum des, non totum, sed id duntaxat quod in eo exemplo reperietur ad VII. primos libros ejus scriptoris. Cave enim, putes, mi Murete, ullum scriptorem mendosorem reperiri posse. Ex posterioribus libris cum possum adferre loca innumerabilia, tum proxime quadam indicavi. Quo argumento commotus, non dubito, quin priores simili malo laborent; præsertim qui jam periculum, & in his fecerim, adjutus nonnihil à libris quibusdam sed minime vetustis. Verbi gratia lib. 1. cap. 7. expavidusq. Demosthenes avertit iter: in vetere codice reperi, avertitur; hinc legendum fortasse avertit, inducto iter, ut Plato in Phæd. καὶ ἄνα διαγεγούσας μεμψιόυδου ἀμην, & cap. 20. quales sunt ferme metæ triangula quas sic scilicet legendum, cap. 26. Convertit ad me, sic vetus liber. Et lib. 2, cap. 2. Sic in actibus civilibus auctor laudari dicitur, & cap. 7. aut pro reo Catilina aliquo, aut Tibullo, aut P. Clodio, de Tubullo, sapè hic. Habeo emendationes aliquot in Epistolas Ciceronis famil. quas Manutius (eum explanationes scribere, ex filio ejus, qui jam pridem hinc Asula abest, cognovi) si me mittere

ad

ad se volet, mittam quàm primùm, sed tua fide & au-  
 floritate. Nam Manutium etsi virum doctissimum esse  
 scio, & filio Aldo sum usus perquam familiariter; te-  
 merè tamen meis non nimis acutis emendatiunculis  
 interpellare, ipse non amsim. Vale humanissime & do-  
 ctissime Domine, VENETIIS, 7. Kalend. Decembr.  
 M. D. LIX.

HUBERTUS GIPHANIUS

MURETO S. P.

LXXVI.

**M**agnam tibi gratiam habeo, Murete humanissi-  
 me, qui laborem eum ipse ceperis, quo nemo id  
 melius præstare possit, teq; rogo, ut, quod facis, reliqua  
 item descripta usq; ad lib. 9. quæ quidem reperies, mit-  
 tere velis. Valdè gaudebam de Tubulo lib. 2. c. 7. ibi  
 Catilina aliquo aut Tubulo. Nam ex clarissimi Pinellæ  
 libro, minimè tamen vetusto, in quo ita erat, aliquo aut  
 tubant, aut jam pridem, Tubulo conjeceram, quod an  
 ad te præscripserim dubito. Sambucus certè, ad quem  
 ea de re scripseram, nuper ita rescripsit. De Tubulo  
 coniectura non displicet: cum facilis sit lapsus de Tu in  
 Bi. Nam de Tubulo, qui palam ob rem judicandam pe-  
 tumiam accepisset, condemnato, viro improbissimo, Cic. 2.  
 de finibus, 3. de natura Deorum & pro Scauro meminit.  
 In fragmentis orationis pro Scauro hæc Ciceronis ver-  
 ba. Si me herculè iudices pro L. Tubulo, diceret, quem unquam  
 ex omni memoria sceleratissimum & audacissimū fuisse  
 accepimus, & cætera. Ea, inquam, verba huic loco in-  
 primis conveniunt. Existimo in veteri codice vestro,  
 cap. 1. lib. 1. desiderari. Scio namq; varietatem aliquam  
 reperiri in aliis, atq; aded in primis versibus. In cap. 13.  
 lib. 1. Scripsi ad magistrum <sup>de re publica</sup>, molis Athenien-  
 sium. In veteri codice quodam vidi ad magistratum

Græ-



dixi clarissimo Oratori. VENETIIS. Kalend. Jan.  
M. D. LXIX.

MURETUS GIPHANI

NIO S.

LXXVII.

**T**um demum non recusabo, quin te mihi aliquid debere fatearis, mi Giphani, cum tua causa laborem aliquem cepero. Quæ enim usq; huc à te oratus feci, non magis causa tua feci, quam mea. Nihil est enim, quod libentius faciam, cum quid vacui temporis datur, quam ut libros per vulgatos cum veteribus conferam. Nondum possum ad te mittere, quod reliquum est, iis occupationibus, quæ tibi quoq; ipsi non ignote sunt, impeditus. Contuli loca, quæ notaveras: & admiratus sum hominis impudentiam: quam tamen in memetipso jam pridem expertus eram. Non enim tantum, cum multa à me accepta pro suis publicasset, ultrò conquestus est: sua sibi à me subrepta esse: sed etiam (vide, quæso te, inauditum improbitatis genus) cum admonitus esset à me de locis quibusdam Horatianis; quos ita stultè interpretatus fuerat, ut omnibus eruditis debere ludibrium videretur; non est veritus dicere ac scribere, eam ipsam sententiam, à qua ipse monitu meo discesserat, meam fuisse; meq; ut illius auctorem, exagitare usdem illis argumentis, quæ à me acceperat. Quid ejusmodi homini facias, aut quid ad tam insignem impudentiam addi posse arbitrè? Sed bene, quod non in me unum eo modo injurius fuit. Reperiet alios minus injuriæ patientes, quam ego sum. Fortassis ne ipse quidem tacitè hoc tulisset calidus juventa. Nunc vix credas, quam mihi à toto illo controversandi genere abhorreat animus. Tu quocque, si me audis, non ni-

Bb

mis

• mis acriter eum insectabere. Ulciscantur hominem mores sui. Vale. ROMÆ, Idibus Januar.

HUBERTUS GIPHANIVS  
MURETO. S.

LXXIIX.

**P**Aulò tardius rescribo, quod de auctoris nomine, que requiris, denuò mihi conquirenda fuerint. Quæ etsi olim Brugæ ad Gvidonem Laurinum diligenter collecta perscripseram, cum & ille de Carfania aliisq; id genus conditionibus monuisset; nunc tamen in schedis, quas huc metum attuli, reperire non potui. Petendi igitur hinc inde libri, quos ferè nullos hic habeo. Sed de Lambino *Φιλ. τῆς ἀναδείας*, in quem ut omnia pulchrè conveniant, accipe & aliud ejus *stratagemæ*. Cùm Lutetiæ Thyrsus non Lucretianum illud, sed suum in me quater instituisset, (ego interim domi virgam tam pueriliter peccanti mimitabar) prima concione dixit cum Belgis omnibus familiaritatem sibi esse, me unum sibi male cupere: protulitq; duodecim ferè Belgarum nomina, qui tum ibi agerent studiorum causa. Multi ex hù, admirati hanc publicam testationem & citationem, quòd illum ne salutassent quidem unquam; me autem uterentur familiarissime, immò eo ipso tempore epigrammata in illum partim præscripserunt, ad me accurrerunt, & acumen Lambini, artèsq; ejus oratorias mihi exposuerunt. Mirantibus omnibus, unde eorum nomina collegisset, intervenit mox ejus convictor, Bruxellensis, qui scrupulum illum nobis exemi. Se namq; rogatum & coactum fuisse Lambino petenti domi ea aliquot Belgarum nomina dictare, cause igna-

rum.

rum. Atque ita res in risum abiit. De Agellio quæ adferam, te rogo, ut accuratè perpendas: quæ si tibi probabuntur, fac, ut ratione aliqua adfirmes. Contulî igitur manu scriptos septem. Lovanii Buslidianum antiquum satis, sed minimè integrum; alterum Cujacii, in quo decem libri posteriores, item bonum: tertium Mærianum, clarissimi Senatoris Henrici Mæmii, ejusdem bonitatis ac magnitudinis: duo præterea erant Pinellini: quos tamen, quia minimè vetusti, non libuit totos conferre, ut neq; RHEDINGERI unum, juvenis nobilissimi Germani. Septimus quem Lutetia diligenter contuli, Daniëlis amici cujusdam mei, advocati Parisiensis erat, omnium longè pulcherrimus & antiquissimus; accedat huic, bonitate, ni fallor, proximus Fulvianus. In iis omnibus, uno, eorû optimo, excepto, in quo A. Gellii scriptum reperi: neq; sapius nomen in eo codice aderat: constanter vidi exaratum Agellii. Itaque veterum codicum auctoritate sola, usitatam descriptionem mutare nolim.

Nam tametsi omnes alii habent, Agellii; unus tamen omnium antiquissimus habet A. Gellii; Rursum hic etsi jam vetustus est: unus tamen habet A. Gellii: cum reliqui omnes, ex quibus duo aut tres etiam bene vetusti, habeant Agellii. Hoc igitur ex vetustis codicibus argumentum in medio relinquendum censeo. Reliqua sunt duo, prius, meo quidem judicio egregium: quod hic auctor nunquam adducatur (sape autem adducitur) Gellii nomine, sed semper A. Gellii, ut quidem in vulgatis codicibus perscribitur. Ab Servio in Virgilianam, minimum ter abducitur, à B. Augustino usurpatur quinquies, à Prisciano ter. Loca sunt hæc. Priscianus lib. 6. A. Gellius nocturni Atticari 9. Historia ex libris Heraclidæ Pontici, & cætera, & eodè libro: A. Gellius nocturni

Atticarum 6. Sole medio, inquit, & arido, & cætera, & lib. 7. Unde A. Gellius noctium Atticarum inscripsit: Augustinus de civitate Dei, lib. 9. c. 4. in libris, quibus titulus est noctium Atticarum, scribit A. Gellius, vir elegantissimi eloquii, & multæ ac facundæ scientiæ, & cætera. Mox ibidem: Narrat A. Gellius, & cætera, postea quæsit A. Gellius à Philosopho, & cætera, in eo libro se legisse dicit A. Gellius, & cætera, & : hæc ut potui non quidem commodius A. Gellio, sed certe brevius, & cætera. Sic Augustinus in uno eodemque capitulo. Servius in commentario Virgilio: ad illum versum lib. 5. Et mesævus equis oriens adfariit anhelis. Hæc autem, inquit, plenè exequitur & Cicero in Auguralibus, & A. Gellius in libris noctium Atticarum, & lib. 7. ibi. Et quos maliferæ despectent nomina, & cætera, & in Georgicis ni fallor, semel.

Alterum est argumentum, quod illis omnibus in locis, in codicibus eorum scriptorum manu descriptis constanter exaratum vidi Agellius & interdum Agerius. Contuli autem codices Prisciani sex manu scriptos. Servii duos, Augustini unum, omnes valde antiquos, sed Augustini illum antiquissimum. Possem & auctoritates doctorum quorundam hominum adferre, quibus hæc probarem. Nam Lambinus, ut solet, paulo momento huc illuc impulsus, in edendo Cicerone Agellius probat: in Nepote detestatur. Accepi Gabrielem Faërnium Agellii quædam nomen probasse, commotum maximè versiculo quodam antiqui nescio, cuius Grammatici, in quo hæc vel similis fuerit clausula: ut doctus Agellius inquit. Tu, si eum Grammaticum & versiculum (Fulvius fortasse eum tibi subjiciet, quem valde familiarem Faërno audio fuisse) mihi indicaris; magnoperè hanc opinione confirmaveris.

Agelli



Agellii autem nomen Romæ usitatum fuisse (ut & Agerii, de quo cum alia in Pandectis loca, tum l. qui Romæ Agerius de verbor. obligat.) cum ex inscriptione quadam antiqua, quam reperi in iis, quas multas, & fortasse nimis multas, in parvum libellum suum de Orthographia retulit Aldus junior, & ex Statii Poetæ matre, quam vocatam Agellinam scribunt, tum ex Prisciano, qui mihi nostrum auctorem auctoritatem videtur. Sic igitur ille lib. IV. in eis desinentia sive à nominibus, sive à verbis derivata, servant: ante us, & cætera, ut servus, servi Servius: servilis, Servilius, agellus, agelli, Agellius: silva Sylvius: virgula Virgilius, & cætera. Nunc respondeamus objectionibus, quas puto esse posse duas. Una est, potuisse depravari manu scripta contractione quadam facile lapsu, scripto Agellio, pro A. Gellio, ut in Carphania & aliis nonnullis accidit. Altera est, Romani hominibus nullum fore Prænomen, quod novum sit & inusitatum, Prior nullam vim mihi videtur habere. Proferat enim quis nomen aliquod scriptoris noti, quod constanter & perpetuo ita contractum & depravatam in plurimis locis reperitur; quod certe nemo unquam (aut valde erro) facturum est. De prænomine, ea ætate mirum non sit, quæ certum est multa Romanorum propria instituta jam exolevisse. Fortasse & prænomen & cognomen habuit hic noster, quæ tamen interciderint, aut quæ ipse auctor, Agelli nomine notior, prætermiserit adscribere. Pauli & Ulpiani & omnium ferè juris auctorum prænomena, quis unquam audivit? Possem fortasse probabiliter, A. Agellium dicere appellatum, sed conjecturis hujusmodi non puto esse opus. Hæc ferè sunt, quæ de Agellio habebam, quæ, si probas, obsecro, si potes, adjuva, maxime illo Faëni versiculo: sin minus probas,

tamen ut persiculum illum, & tua perscribas. Sed enim volumen ut habeas, teq; civiliter lecessam, cupio mihi explices, tuamq; indices sententiam, cur Ulpianus Jus à justitia deducat. Ego quidem etymon hoc non grammaticum, sed philosophicum esse puto: Jus enim ut actionem ex habitu justitie manere. Quæro etiam, cur Juri gentium Florentinus adscribat vindicationem in l. tertia: cum & beluis ea sit communis. Plura alitias, jam satis. Vale, mi doctissime Murete, s. Kalend. Febr. M. D. LXX.

JOANNES ZOMOSCIUS REGNI  
POLONIAE VICECANCELLARIUS. BEL-  
zensis, Knissynensis, Zamchensis Capi-  
taneus, &c. M. Antonio Mu-  
reto S.

LXXIX.

**T**um ex constanti fama, tum ex scriptis tuis, quæ in lucem à te edita, manibus omnium, ab eorum elegantiam teruntur, cognovi, quantus sis in literis. Facile igitur tua virtus me, etsi tanto locorum intervallo à te remotum, & eum, qui te nunquam viderim, in tui amorem trahere potuit. Cum & ipse eas, licet earum ignarus, ac in vita civili occupatus, amem. Id tibi literis hisce meis breviter significare valui. Plenius verò per Generosum Johannem Zamoscium, Serenissimi Regis nostri Secretarium, qui istuc à Rege missus est. Cui tu fidem, in iis, quæ tibi nomine meo nuntiabit, adhibebis, & me tui amantem, redamabis. Vale, ex Castris ad Gedanum, 3. Kalend. Julii, M. D. LXXVII.

SERE-

SER.  
MO  
tia.

N  
homo  
prestat  
posita  
equidem  
spe. qu  
venera  
confirm  
mum be  
gnaren  
euperen  
ficere n  
moscio  
ut ne p  
abscrib  
quibus  
quantu  
pradica  
am reb

SERENISSIMO ET POTENTISSIMO PRINCIPI STEPHANO, DEI GRATIA, Poloniae Regi, &c. M. Antonius Muræus S. P. D.

LXXX.

**N**ihil in vita aut optabilius, aut honorificentius mihi contingere potuit, Serenissime Rex quàm ut homo neque ingenio, neque doctrina, præter ceteros præstans, amplissima & honestissima conditione proposita, à Majestate tua in Poloniam vocarer. Quod equidem venire cupiebam; non tam privati commodi spe, quàm mirifico quodam studio incensus videndi ac venerandi cominus eum principem; qui solus hodie confirmat vetus dictum, hominis sapientissimi: tum demùm beatas civitates fore, cum aut Philosophi regnarent, aut Reges philosopharentur. sed id, cum ita euperem, ut nihil unquam cupierim ardentius, cur efficere non potuerim, Regia Majestas tua ex Joanne Zamoscio Secretario suo intelliget. A qua suppliciter peto: ut ne propterea dedignetur me in suorum numerum abscribere: neque iniquo animo ferat, me, dum vivam, quibuscumque modis potero, & loquendo & scribendo, quantum Regiæ ipsius liberalitati debeam, profiteri ac prædicare. Deus Opt. Max. Regiam Majestatem tuam rebus omnibus florentissimam quàm diutissime servet. ROMÆ, Kalend. Decembr.

M. D. LXXVII.



Bb 4

M. ANS

M. ANTONIUS MURETUS JOAN-  
NI ZAMOSCIO REGNI POLONIAE VI-  
cecancellario, Belzensi, Kniffynensi,  
Zamchenfi Capitaneo, etc.  
S. P. D.

## LXXXI.

**P**reter spem & opinionem meam accidit, ut cum in-  
ter me & Joannem Zamoscium Serenissimi Regie  
Secretarium omnibus propè de rebus convenisset: in  
eâ cogitatione totus essem: subito ostenderit Gregor.  
Pontifex Maximus protectionem meam sibi non place-  
re: meq; per viros summa auctoritate præditos monen-  
dum curaverit, ne ex urbe discederem: sibi curæ fore,  
ut ne in urbe deteriori conditione essem, quam quæ mi-  
hi in Polonia deferretur. Quid? etiam ad quingentorum  
aureorum nummorum stipendium, quod mihi jam pridè  
constitutum erat: statim ducentos adjici jussit, manda-  
vitq; Datario suo, primo quoq; tempore quoquo modo  
efficeret, ut aliunde mihi trecenti aurei nummi quotan-  
nis penderentur. Ea re factum est, ut coactus sim depo-  
nere consilium, quod ceperam veniendi ad vos: à quo,  
nec vivam, si me alia ulla res, quam summi Pontificis  
voluntas atq; auctoritas abducere potuisset. Interea  
etiam tacente me, facile omnes vident, quantum Serenis-  
simo ac potentissimo Regi Stephano, quantum tibi, Zamosci  
clarissime debeam. Vobis enim, nisi planè ingratus sim,  
hanc tam luculentam fortunarum mearum accessionem  
acceptam feram, necesse est. Quare, dum vivam, me  
utriq; tantum debere fatear oportet, quantum ab ho-  
mine deberi homini plurimum potest. At te etiam atq;  
etiam peto, ut mihi veniam à Serenissimo Rege impe-  
tres: tibiq; persuadeas, si ullum tempus unquam eveniat,

ut me vi  
clarissime  
porteat  
majori an  
LXXVI

JOAN  
POLON  
Kniff

NO  
bis  
sum, qui  
poteram  
dem sum  
cui neces  
quam sep  
ipsum oc  
nos quon  
gratissim  
tum VA  
LXXXVII  
esse.

M  
M  
ibi  
ne  
quam ini  
um, neq;

ut me vitam ipsam vel pro Majestate ipsius, vel pro tua, clarissime Zamosci, dignitate in discrimen exponere oporteat, nemini me concessurum, qui id promptius aut majori animo faciat. Vale, ROMÆ, Kal. Decemb. M.D. LXXVIII.

JOANNES ZAMOSCIUS REGNI  
POLONIÆ CANCELLARIUS, BELZENSIS,  
Knissynensis Capitaneus, &c. M. Antonio  
Mureto S. P. D.

LXXXII.

**N**ostrum tui studium tam bene cessisse tibi, ut scribis, tibi quidem gratulor; mihi gaudere non possum, qui te hic careo, ubi & frui è propinquiore loco poteram tuis literis, & eas etiam ornare magis, uti quidem summoperè cupiebam. Sed hæc Deo committamus, cui necessario obtemperandum est. Tu vide, ut ad nos quàm sæpissimè scribas, & cum quid habes, quod tuis ipsius oculis atq; auribus dignissimum esse arbitrere, nos quoq; eo beare ne prætermittas. Rem nobis feceris gratissimam, & nostra amicitia dignissimam. Vale, Datum VARSOVIÆ, die 25. Martii Anno Domini M.D. LXXVII. Scias te Regi nostro imprimis commendatum esse.

MURETUS GERARDO SUO  
S. P. D.

LXXXIII.

**M**ihi crede. Irascerer TITIO nostro, nisi vererer, ne ipse eandem rationem iniret placandi mei, quam iniiit abhinc biennium. Etenim, si nescis, cum ego eum, nescio qua de causa subasperè appellassem; meq; illi

iratum esse dixissem: renidens ille, faxo, inquit, istud  
 verbum magno redemptum velis; Eo ipso die sub vespe-  
 ram, cum mihi jam parata cœnula esset; ecce tibi homo  
 ad fores. Quid tu, inquam, huc? Tecum, inquit, ut cœ-  
 nem, si forte placare te possim *φιλῶν ἀμφὶ τῶν πρῶτων*. Tu ve-  
 rò cœnare mecum potes; placare me neq; tam cito, neq;  
 tam facile potes: Inter cœnam, multa, ut solet, festinè  
 narrare, multa urbanè dicere: quæ omnia ego, non fa-  
 cile quidem, sed tamen, mihi imperans silentio audie-  
 bam; ita composito ad severitatem vultu, ut ne illud  
 quidem facerem, quod canes irata solent. Discessurus  
 etiamne, inquit, iratus es? Multò, inquam, iratior,  
 quàm prius. Postridie eadem hora, cum, tanquam ad  
 constitutum venisset, quærenti mihi: Quid tu huc denudò  
 invocatus? *ἀντιπαρὸν δ' ἀγνοῶ*, inquit ille. Itane, inquam,  
 falsis dictis & versuculis cœnam te quotidie nacturum  
 putas? At ego, ne erres, hodie non cœno. Rectè sanè,  
 inquit, ego igitur, te spectante, bona tua comedam. Scio  
 enim, quid tibi in cœnam paratum sit. Fortè autem eo  
 die amicus quidam ad me turdos & fœdulas aliquot  
 miserat. Quarum cum partem coqui, partem in crasti-  
 num servari vellem, præteriens ipse coquo meo, homini  
 simplici ac credulo, apud quem valdè gratiofus est, per-  
 suaferat, ut omnes coqueret: alioqui enim fore ut cor-  
 rumperentur. Ita mihi denudò hospes habendus fuit  
 non multi tantùm joci, sed multi etiam cibi. Ubi ad sedi-  
 mus, tam multa dixit, ut non cæteris tantùm domesti-  
 cis, risu ilia distenderit, sed postremo mihi etiam ipsi, qui  
 tristitiam simulare cupiebam, risum invitissimo excusse-  
 rit. Facile jam perspicere poterat, iram in se meam aut  
 nullam fuisse: & ita erat: aut planè depositam esse: sed  
 expediebat homini, putare me adhuc iratum sibi. Redit  
 tertio: & quærenti, quid hoc negotiū esset: Volo, inquit,  
 parere

parere veteri sententiæ. Οὐ γὰρ συγγνώμοισι φίλων ἀπὸ χροῦ  
 ἰταίρων Διέγῃ. Tum tu igitur, inquam, unum me sodalem  
 habes? Ego verò, inquit, te unico magis unicum, neque  
 mihi unquam bene est, nisi cum & esse & comesse unà  
 tecum licet. An tibi igitur diu videris absuisse, qui me-  
 cum & heri & nudius tertius cœna veris? Quinimò, in-  
 quit, ita erga te affectus sum, ut Medus ille erga Cylum  
 ἡ δὲ σὺ σαργαμύτιω γέγονε πᾶντο πάλυ μοι δοκεῖ εἶναι. Abi, in-  
 quam, quò dignus es, cum istis tuis ineptis, ante mihi  
 pro ignoto verba dare postulas? Licuit dicere, licuit ob-  
 jurgare: ipse tamen absterreri nunquam potuit, quin  
 mecum cœnaret. Sublatis mensis, quæso, inquam, amoto  
 ludo, an hoc quotidie factururus es? Quotidie, inquit, donec  
 te mihi planè placatum esse cognovero. At ego, inquam,  
 potius jusjurandū in eam rem arbitrato tuo dabo. Quid  
 quæris? Nisi irasci desissem, adhuc opinor eum *συνδειπνῶν*  
 quotidianum haberem. Itaq; quid vis jam perpeti possam  
 potius, quàm ut istis irascar, qui se tam bene vindicare  
 nōrunt. Extra jocum, mi Gerarde, neq; Tusio quisquam  
 vir melior est, neq; officii plenior, neq; cujus aut sermo  
 aut convictus mihi dulcior sit: sed tamen interdum in me  
 nimis sibi multa permittit. Nihil est in Bibliotheca mea  
 ita abstrusum ac reconditum; ut ei non pateat: omnia in-  
 spicit, omnia perscrutatur. Fuit etiam tempus, cum,  
 quicquid visum erat, etiam me inconsulto, auferebat, ac  
 deinde referebat, sed id facere desit, postquam me agre  
 ferre animadvertit. Et tamen sic quoq; absente me, per-  
 volutat omnia, omnes forulos excutit, neq; si quid mo-  
 do absolutum ac perpolitum est, sed rudia etiam, si col-  
 libuit, & inchoata describit. Quis neget hoc nimium?  
 ait Hispanus Poëta: sed sit satis, saltem ne me tradu-  
 ceret: sed, quod semper pollicetur, nunquam præstet,  
 nugæ meas legeret solus. Nunc, quia ita me amat, ut  
 mea

mea omnia miretur, vos quoque sibi esse hujus erroris socios putat: & ea saepe vobis, ut admiranda dilaudat, quae vos, sat scio, contemneretis. Mitto caetera. Hoc de Graeca tragœdia quale est? Neque enim uni tibi, ut putas, sed aliis compluribus amicis dixit vidisse se apud me tragœdiam quandam græcam admirabilem: cum tamen ego latinè quidem duas tantùm adolescentulus tragœdias scripserim: de græca tragœdia scribenda nunquam, ne per somnium quidem cogitârim. Non ea vis animo. Et tamen vix credas, quot mihi tragœdias ficta illa tragœdia concitârît: multis qui ex eo illud audierunt, ejus legende potestatem sibi fieri postulantis, mecum quæ, quod id non facerem, ex postulantis. Narrabo tibi rem totam, ut tu porro narrare aliis possis. Sumpseram haud ita pridem, otiosus in manus Senecæ tragœdias, easque animi causa evoluebam: ac forte incideram in principium Troadum. Ita enim vocandam puto, quæ vulgò dicitur Troas: Libuit tentare, num quid græcè simile possẽm: & subito quodam impetu ita exorsus sum:

Εἴ τις τυζάνω θυμὸν ἐκθεθεὶς τύχη  
 Φρένας νενηθε ταῦρε. ἢ κομπίζετα  
 Ἐς αἰεὶ θεῖον παντὸν ἐλπίσας ἰδρῆν,  
 Εὐοίπι καὶ σοὶ δύσμορε Τεγί εὐβλεπίαι.  
 Οὐδ' ἔτι πῶδ' οἱ θεοὶ πᾶσι τοῖς θνητοῖς σεμνὰ  
 Σαφές εἶργον ἀπεδείξαν, ὡς πάντ' ἀδελφῆ.  
 Παιδῶν τ' ἀφρῆμα καὶ καπνὸν ἰῆς δυσε,  
 Φάσθαι τὸ κλεινὸν ἔργον αἰετὸν ἀλβίας  
 Ἀσιὰ πῶδ' ἔγνε, θεοὶ πᾶσι πονηρῶν χρεῖ,  
 Ὡς ἀρχὴτο πολέμῳ καὶ ἄσπασθαι δόσει,  
 Κῆταιτε φρεσὶν οἷον ἐξ οἷς φανεί;

Vereor ne proicias epistolam, si perrexero. Et tamen blandiente progressu, persecutus sum totam illam Hecuba ἡσόν. In illud αὐτοχρηδισμα absente me, inciderat Titius: & putans se reperisse, quod pueri in faba, avi-

dissime  
 me digr  
 cider at  
 tragedi  
 temerè  
 ait Hor  
 ut quib  
 imnes o  
 tiende p  
 ego, qu  
 rem ull  
 tam id q  
 aut hoc  
 ejus fab  
 tium no  
 tatus (a  
 iis præc  
 parum  
 ostendiss  
 Video t  
 mi Ger  
 quod eg  
 tanti es  
 auditor  
 operis i  
 Neg ent  
 qui bon  
 cultos il  
 diis tuis  
 bas, cog  
 stantiss  
 do me ab  
 Prid. Id.



dissimè legere exorsus, superveniente me, destitit. Vix à  
 me digressus erat, cum, ut in quemcunque amicorum in-  
 ciderat, spargit, mirificum Poëtam esse me: visam à se  
 tragœdiam græcam meam <sup>δαμνῶν ἢ χεῖρα</sup>: sed me non  
 temerè quemlibet ad mea legenda admittere: Jovis, ut  
 ait Horatius, auribus illa servare. Paucis post diebus,  
 ut quisque amicorum mihi obvius factus erat, ita o-  
 mnes orare, obsecrare, obtestari, uti sibi saltem inspi-  
 cienda præclara illius tragœdiæ facerem copiam. Cùm  
 ego, qui vix jam illorum versuum memineram, nega-  
 rem ullam unquam à me scriptam esse tragœdiam græ-  
 cam, idq; etiã jurejurando confirmarem, neque tamen  
 aut hoc persuadere possem, aut ab eis cognoscere, quis  
 ejus fabulæ auctor fuisset, exstitit tandem unus, qui Ti-  
 tium nominaret. Audito hominis nomine, statim suspi-  
 catus sum, id quod res erat. Itaq; cum quibusdam eorum,  
 iis præcipue, quos videbam iniquiore animo ferre, quod  
 parum amicè agere me secum putarent, eos versus  
 ostendissem feci, ut tragœdia in minimum vertereur.  
 Video tibi quoq; illud mendaciolum aspersum. Tu verò,  
 mi Gerarde, cave quidquam meorum esse arbitreris,  
 quod ego non tecum libentissimè communitem. Quod si  
 tanti essem, ut quidquam tale scripsissem, non te modo  
 auditorem, monitorem, censorem admitterem; sed alios  
 operis inspectores, quàm possem, plurimos corrogarem.  
 Neq; enim mihi cornea fibra est. Neq; quisquam unquam  
 qui bonos versus aut fecisset, aut fecisse se putaret, oc-  
 cultos illos habere voluit. Ego de tua valetudine, de stu-  
 diis tuis, quid in isto amœnissimo secessu legas, quid scri-  
 bas, cognoscere discupio. Vale, & alumnum tuum præ-  
 stantissimum adolescentem, Ascanium Columnam, quan-  
 do me ab eo amari scribis meo nomine saluta. ROMÆ,  
 Prid. Id. Sextil. M. D. LXXV.

M. ANTONIUS MURETUS AVGU-  
STINO VALERIO EPISCOPO  
Veronenſi S. P. D.

LXXXIV.

**S**oleo libenter, quoties incidit occasio, de summis vir-  
tutibus tuis loqui, & commemorare in omni sermo-  
ne eum usum, qui mihi tecum olim Venetiis maximus ac  
suavissimus intercessit: cum & ego te propter tantam  
doctrinae copiam, tantamq; morum sanctitatem, quan-  
tam in homine adolescente nunquam videram, colerem,  
atq; adsectarer: & tu mecum, quae tua est humanitas,  
tua omnia familiarissimè communicares. Ex eo igitur  
pleriq; qui mecum versantur, in eam opinionem vene-  
runt, ut putent me apud te aliquid posse: neq; ego, ut ve-  
rum fatear, hanc ipsorum opinionem, aut refello, aut  
imminuo: confirmo potius, & quantum in me est, augeo:  
qui praecclare intelligam, quanto per e mihi pulchrum at-  
que honorificum sit, arbitrari quam plurimos me à te  
tali viro amari: sepe igitur multi, qui à te obtinere ali-  
quid vellent, egere mecum, ut ad te sua causa scriberem:  
quod tamen facere usq; adhuc nolui: quod, quae ipsi vo-  
lebant: non erant ejusmodi, ut ea vel me à quoquam, vel  
à te quenquam petere debere arbitrarer. Nunc cum ea  
se res obtulerit, in qua non modo clarissimi viri mihiq;  
amicissimi commodum; sed quod multò pluris est, existi-  
matio tua quodammodo agitur, putavi me, nisi ad te,  
praesertim rogatus, scriberem, officio defuturū. Jam diu  
est, cum qui hic Pauli Sadoleti Carpentoracensis Epi-  
scopi, viri praestantis, planeq; magno illo patruo digni,  
negotia gerunt; conqueruntur, non solvi pensiones an-  
nuas, quarum alteram ipsi, alteram ejus fratri patrueli  
Camillo ex Ecclesiae tuae praeventibus deberi adseve-  
rant.

rant. Jamq̄ hic tertius mensis est, cum ad te super ea re, ipso-  
rum rogatu Hippolitus Cardinalis Ferrariensis, cujus ego, ut scis, in familia sum, literas dedit. Cum hoc  
omnibus qui te norunt, novum atque incredibile vide-  
tur, dare te cuiquam causam ullam de te querendi:  
tum te nihil, dum ad Cardinalis literas respondisse, non  
alii tantum, sed & ipse miratur. Hic ego te, Valeri opti-  
me ac sapientissime, non orabo: des operam, ut Sadoletus  
quamprimum satisfiat: novi non integritatem modò;  
sed & altitudinem animi tui longissimè remoti à sordi-  
bus, & pro honestate nihili cetera omnia facientis. Hoc  
tantum petam, ut cum ei satisfaciendum curaveris,  
quod te celeriter facturum non dubito, & certò mihi  
persuadeo per te non stetisse, quò minus suo tempore fa-  
ctum sit; hoc igitur cum feceris, ut significes Cardinali,  
literas ipsius tantum apud te quantum debent, ponder-  
is habuisse. Vale. ROMÆ, Idibus Mart. M. D. LXVIII.

M. ANTONIUS MURETUS JOANNI  
ANTONIO ODISCALCO SUO S.

LXXXVI.

**E**T si pro mutua inter nos voluntate tibi dubium esse  
non potest, quin tua omnia mihi chara ac jucunda  
sint; tamè mihi hoc affirmanti credas velim, literas tuas  
mihi etiam jucundiores fuisse, quàm tu existimare faci-  
le possis. Nam & quod ego summo opere cupiebam, con-  
tinebant ~~denique~~ totam rationem itineris tui, &  
quæ istic vita, qui mores, quæ cum ceterarum artium,  
tum juris docendi ratio, ita disertè ac luculenter expli-  
cabant, ut Ulixis Homerici narrationem Alcinoò, ac  
Pheacibus minus fuisse jucundam putem. Admiscue-  
ras etiam eis plurimum nativi illius leporis & ~~aut~~ ~~quæ~~  
urba-

urbanitatis, quâ præsens sermones tuos condiebas, ut eas legens, tantum non spectare te ac tecum confabulari viderer. Accessit ad voluptatem meam, quod patruus tuus V. C. qui eas mihi usque in Quirinalem, ibi enim nunc sumus, ipsemet attulit: ostendit mihi etiam eas, quas ad alterum patrum scripseras; quibus eadem prope quæ in meis, sed latine expressa continebantur. Tum demum agnovi, quid te adduxisset, ut ad me populari sermone scriberes. Neque enim illud te movit, in quo jocularis Phormionis exemplum: sed id potius fecisti, quod nonnulli magis in te etiam quam in aliis videtur. Quod artificium tuum cum jam detectum esse videas: censeo posthac ad me quoque latine, si videbitur, scribas. Quod tamen ea lege à te peto, ut ne propterea minus crebras, aut minus longas literas des. Quid vis enim malo, quam earum fructu carere. Gaudeo metum meum de iis qui istis jus civile profitentur vanum fuisse: & eos scriptores, quos ego ubi delaudare consueveram, etiam istis vigere. Felicius hac in parte tecum actum est, quam cum quibusdam aliis scriptoribus tuis, qui, ut à me digressi sunt, inter illos sophistas ac sophisticos, splendorum ineptiarum magistros consensunt. Ego & tibi hoc nomine, ut debeo, gratulor, & cupide tempus illud exspecto, cum ad nos non illa inani doctrina, sed vera, ac solida jurisprudentia instructissimus revertaris. Nondum audisse te puto, me hic Pandectas publice interpretari, non sine aliqua molestia eorum, qui nollent configi oculos cornicibus, & quæ juvenes didicere, senes ridenda fateri. Equidem dabo studiosè operam, ut eripiam ex animis hominum stultissimam illam opinionem, nihil in jure, aut sapienter cogitari posse, quod non ex illis lacunis hauriatur, aut eruditè dici, quod non insulse ineleganterque dicatur. Spero me his

æstivis

æstivis n  
secessu al  
modò  
tur. Int  
tuò face  
Vale, RC

HIPP  
RAR

Cum  
tibi  
à te perpe  
defendenda  
labefactan  
deligerem  
locum ac g  
ut magna  
ad ipsam  
noster de  
parte in tu  
de te pollic  
prestitum  
illo docend  
ab ipso De  
tobis quide  
luntas de  
r

æstivis mensibus, quibus res proferentur, in Tiburno  
secessu aliquid novi adolaturum. Quidquid erit, si quid  
modò erit, sum enim mirificè Callipedes, ad te mitte-  
tur. Interea amabis me, ut facis. Scis enim te id mu-  
tuò facere, & ad me, quàm sæpissimè poteris, scribes.  
Vale, ROMÆ 3. Non. Januar. M. D. LXXVIII.

HIPPOLYTUS CARDINALIS FER-  
RARIENSIS ARCHIEPISCOPUS Au-  
scitanus A. Sorbino Theologo  
S. P. D.

LXXXVI.

Cum allatum esset ad nos de doctrina, & eruditione  
tibi in rebus sacris à Deo concessa, deq; studio quod  
à te perpetuò adhibetur in vera & Catholica religione  
defendenda, atq; in pravis opinionibus refellendis, ac  
labefactandis, libenter sanè fecimus, ut te potissimùm  
deligeremus, qui in Ecclesia nostra Auscitana Theologi  
locum ac gradum obtineres. Quod munus, hortamur te,  
ut magno animo suscipias, utq; te cum primùm poteris  
ad ipsam Auscorum civitatem conferas: ut animus  
noster de populo illo dies noctesq; sollicitus, aliqua ex  
parte in tua fide, ac diligentia conquiescat. Multa nobis  
de te pollicemur, neque diffidimus à te, Deo adiutore  
præstitum iri. Laborum ac vigiliarum quas in populo  
illo docendo collocabis, vera quidem & solida præmia  
ab ipso Deo, cui servies, expectare te convenit: sed ne  
nobis quidem ullo aut loco aut tempore ornandi tui vo-  
luntas defutura est. Hoc re ipsa verum esse compe-  
ries. Vale, ROMÆ, 6. Idus Mart.

M. D. LXXVIII.

PETRUS VICTORIUS LUDOVICO  
 CASTANEO RUPIPUZEO ORATORI  
 Regis Christianissimi ad Gregorium  
 P. M. S.

LXXXVII.

**N**osti maximè illustris, & omni liberali doctrina  
 erudite Orator, quod literis proditum fuit à M.  
 Cicerone de Themistocle sapiente ac forti viro, respon-  
 disse eum, cùm quidam illi pollicitus esset, se artem ei  
 memoria traditurum, oblivisci se malle discere. Quæ  
 sanè vox egregia est, & summo hoc homine digna: re-  
 et que fecisset, quicumque literis mandasset, ne prudenti-  
 tiæ plena sententia vetustate interiret. Laudo igitur  
 Ciceronem, qui in illustri loco ipsam collocavit. Nam  
 Plutarchus, qui vitam ejus diligenter scripsit, in aliis  
 pluribus ejus ~~historiis~~ hanc non commemoravit:  
 non tamen, cùm de ipsa saepe mecum accurate cogitavi,  
 probo declarationem ipsius, qui putavit hoc a Themis-  
 tocle dictum esse, quòd hærebant in memoria, quacun-  
 que audierat aut viderat. Etsi namq; hoc præstare po-  
 tuit, ut novum illud artificium despiceret, cùm minimè  
 ipso egeret: nihil tamen valebat ad acrem cupiditatem,  
 summq; explendam, quæ in animo Themistoclis vige-  
 bat, ejucendi inde, quod tum molestum erat, ac dolorem  
 ingentem homini inurebat. Arbitror igitur (ut liberè,  
 quod sentio, loquar) hoc summum illum virum signifi-  
 care voluisse, se valdè omni mortali obligatum futu-  
 rum, qui rationem ipsi viamq; monstrasset, qua penitus  
 obliteraret cuncta, quæ non sine dolore in memoria in-  
 siderent; præsertim cùm feratur Themistocles in ado-  
 lescentia culpas non parvas admisisse; famaq; ipsius  
 eo tempore, quasi ad metas hæserit; quod postea ipse  
 quo-

quoque  
 ris accom  
 mo egre  
 fuerint  
 cui volu  
 rium su  
 etiam in  
 cum mu  
 ipso judi  
 tuo, quem  
 magnitud  
 verum eg  
 nione sua  
 auctorita  
 Kalend.

LUDO

**F**ontes  
 tu, ta  
 quod ipse  
 exquirend  
 bas, qui de  
 mium ad  
 tantam ca  
 multioq; ac  
 & subcistr  
 itaque add  
 fecisse, ut  
 diu inter  
 roqum tal

quoque confessus est: & simili ad rem declarandam satis accommodato, purgare conatus est. Et sane existimo ego paucos mortales inveniri, qui vacui penitus fuerint ab omni labe ac vitio in lubrica illa aetate, & cui voluptas corporis libidoque dominatur, quae imperium suum durum atque iniustum, exercet aliquando etiam in graves & moderatos viros. Cum igitur mecum multum jam de hoc quasi verim, exspecto modò de ipso iudicium tuum: teque iudicem hujus quaestionis statuo, quem ob exquisitam honestarum artium scientiam, magnumque usum regnum spero facile cogniturum, an verum ego in hac re attigerim, sive contra lapsus opinionione fuerim, valdeque peccarim, qui temere à tanti viri auctoritate discedere, ausus sim. Vale, FLORENTIA, 6. Kalend. Januar. M. D. LXXXVIII.

LUDOVICUS CASTANÆUS RUPIC  
POZÆUS P. VICTORIO  
S. P. D.

LXXXIIX.

Fontes quidem ipsi, quod dicitur, sitiunt, Victori, cum tu, talis tantusque vir in hoc genere literarum de eo quod ipse statuisti, cuiusquam tibi sententiam præterea exquirendam putas. Sed si maximè aliquem querebas, qui de tuo iudicio iudicaret; ego tamen minimè omnium ad eam rem idoneus videri poteram: qui dicis tantam causam, ut vos loquimini, hæc studia attingo: multisque ac gravibus curis impeditus exceptas tantum & subsivas horas eorum tractationi tribuo. Facile itaque adducor, ut credam, te magis, ornandi mei causa fecisse, ut quæreres, quid mihi de tua Themistocleæ dicti interpretatione videretur, quam quod me valde bonum talium rerum existimatorem esse iudicares.

Sed tamen, si mihi quoque in vestro eruditorum hominum senatu sententiæ dictio est, adsentior tibi, Victori, atque ita adsentior, nihil ut putem super hac re verius aut sapientius cogitari posse. Nam ut tu recte ratiocinaris, si omnia in animo Themistocli, quæcunque aut audierat, aut viderat hærebant; poterat quidem despiciere artem illam memoriæ, ut sibi minus necessariam: sed nihil tamen erat caussa, cur artem præterea requireret obliviscendi. At cum gaudium, quod cupiebat è rebus suis præclare gestis, contaminaretur recordatione eorum, quæ adoleseens libidinosè ac nequiter fecerat, non immeritò cupiebat, eorum oblivisci posse, ut illo gaudio liquido sinceroque fruereetur. Habes igitur me ad stipulatorem sententiæ tuæ: quod tu quanti facturus sis, nescio: ego ita demum à te non omninò parvi fieri putabo, si me, quod tuo commodo fiat, talibus epistolis sæpe provocaris. Interea, mi Victori, si quid vides, quod ego hic aut tua, aut tuorum caussa facere possem, fac ut sciam; atque hoc pro certo habeto, tua omnia majori etiam studio, quam mea semper à me procuratum iri. Vale,  
ROMÆ, 6. Non. Januar. M. D. LXXIX.

M. ANTONIUS MURETUS S. D.  
HERCULI CIOFANO.

LXXXIX.

Ita crebra sunt tua erga me officia, ut ego, quia nihil adhuc causa tua ex animi mei sententiâ efficere potui, quoties de te cogito, id quod facio sæpissimè, totus pudore suffundar. Sed tanta his temporibus in urbe est dñeia conditionum, quæ quidem ex usu tuo esse possint, ut nunquam fuisse majorem putem. Video hic quotidie homines adolescentes optimo ingenio, amabilissimis moribus, mediocri utriusque earum linguarum, quæ in præ-

tio sunt  
reminen  
labora  
quam  
Remi ro  
runt.

valde a  
de eo tib  
incredibi  
meliores  
bros, de  
sibi mem  
da opera  
erit, stat  
dum tu  
mine dili  
graci se  
labore  
Mi Ciofa  
le, 74. K  
quid lita

M. A

Tu  
unq  
bere deb  
quidquan  
natura tu  
potes, g  
intercept  
primu



tio sunt intelligentia; qui, cujus domi vivant, reperire  
 neminem possunt. Non defatiscar tamen experiri, eniti,  
 laborare, *παύω & ἀλγόν*, ut Græci dicunt *κρίνω*, donec ali-  
 quam rationem reperero, qua nobis una vivere liceat.  
 Remitto ad te orationes, quæ mihi non magno usui fue-  
 runt. Liber est neq; antiquus, neq; descriptus ex ullo  
 valde antiquo, & negligentissime scriptus. Ago tamen  
 de eo tibi gratias sanè maximas. Priscianum, qui mihi  
 incredibiliter gratus fuit, spero, aut potius video multo  
 meliorem fore. Si frater Vincentii Stampæ eos ad me li-  
 bros, de quibus scribis, mittere voluerit, obstringet me  
 sibi memoria beneficii sempiterna. De Gellio, amabo te,  
 da operam, ut noster sit. Sumptuum quidquid factum  
 erit, statim tibi diligenter & cum fide curabitur. Sar-  
 dum tuum, aut potius meum quoque salutabis meo no-  
 mine diligenter. Velim, dum istuc es, si qua ratione potes,  
 græci sermonis saltem prima elementa perdiscas. Ex  
 labore non magno magnos fructus, si feceris, capies.  
 Mi Ciofane optime & suavissime, etiam atq; etiam va-  
 le, 14. Kal. April. M. D. L X I X. Ex urbe, SARDUS ec-  
 quid literarum à me acceperit scire cupio.

M. ANTONIUS MURETUS M. AN-  
 TONIO CIOFANO S.P.D

XC.

**T**U verò neq; mihi illiber alis visus es, neque videri  
 unquam potes: neque tantum apud me pondus ha-  
 bere debuit abjectissimorum hominum cupiditas, ut  
 quidquam de te suspicatus sim alienum à moribus &  
 natura tua. Annus quidem tuum mihi supra quam dici  
 potest, gratum atq; acceptum fuit: partem autem illius  
 interceptam fuisse, antequam ad me pervenisset, ex tuis  
 primum literis intellexi. Factum quidem ab eis est for-  
 didè



aut familiaritatis aut commercii volo. Nec causa quidem ulla est, cur hoc quidem tempore, præsertim occupatus, respondeam ad literas fratris tui, quibus mihi gratias agit, quod se Episcopo Sulmonensi commendandum curaverim. Ego semper, quæ ad te, quæq; ad illum pertinebunt, studiosissime procurabo: neq; in tanta nostra coniunctione ullus unquam gratiarum actioni futurus est locus. Manutium, si adhuc iste est, meis verbis salutes velim: eiq; adfirmes, in valitudinem ipsius mihi summo dolori esse: qui, si forte animum induceret, huc ad nos secedere, & nobiscum transigere hos æstivos calores, fortasse perciperet eandem utilitatem è salubritate cæli Tiburtini, quam multi alii capiunt: à me certè expectare posset ea omnia officia, quæ vetustissima inter nos amicitia & summis ipsius erga me beneficiis debentur. Salutabis etiam meo nomine optimum & eruditissimum hominem FULVIUM Cardulum: eiq; quod adductus mea commendatione rationibus tuis consulere conetur, ex me quoq; gratias ages. Plura scriberem: sed avocor. Vale, II. Kalend. Sextil. M. D. LXX.

E I D E M.

XCII.

Gratulare mihi, Cæsar valet: cuius in valetudo tantum mihi mororem attulerat, quantum ego ipse nunquam credidissem. Mihi crede, non putabam eum tantoperè à me amari. Fuit ille quidem ita propinquus, ut Poëte loquuntur, *ἀδελφός*, ut jam jamque efflaturus animum videretur. Aliter Deo visum est, qui maluit eo conservato, quàm sublato, sibi gratias agi. Potero nunc, antea enim non poteram, ad fratrem tuum scribere, eiq; ut decet, gratias agere, & de vasis quatuor, quæ ad me misisti sane elegantibus & operis eximii, & de literis

CC 4

aman.

amantissime scriptis. Interea tu cum ad eum scribes, significabis ei, munus mihi fuisse gratissimum, purgabisque me, quod ad ipsum non statim scripserim. Nihil tunc aliud quam de Casare cogitabam. Nunc quoque expectandum est, dum hoc recens gaudium conquere verit. Ita sumus homines: & dolore & gaudio aequè impendimur. Vale, TIBURE, s. Idus Septembr. M.D.LXX.

M. ANTONIUS MURETUS  
JULIO ROSCIO S.

XCIIL.

**E**X Elegiis, quas à te nuper accepi, dici non potest, quantum ceperim voluptatis: non tantum quia me laudabant, et si *ἡδίστον ἄριστον ὁ ἐπιμύθη*, sed quia id elegantissime venustissimeque faciebant. Omnino multa mihi Hercules noster de ingenio tuo, deque praestantia impangendis versibus dixerat: Sed tu eam opinionem, quam ego ex ipsius sermonibus de te conceperam, longè multumque superasti. Verè hoc tibi adfirmo; nullum à multis jam annis vidi aequalem tuum, quem tecum in hoc genere conferendum putem: neque dubito, si perrexeris, quin possis aliquando inter optimos hujus seculi Poëtas censerì, insignemque tuo capiti petere inde coronam. Unde prius paucis velarint tempora Musae. Sin te, quod fore auguror, gravius aliquod studium, progrediente aetate, ab amœnitate Poëmatum abduxerit; tamen te, mi ROSCIO optime & suavissime, hortor, ne Musas unquam planè deseras, ne ve unquam ita te adducas cuiquam illarum superioris, ut ita dicam, supercilii artium ut non tibi identidem ex Musarum cantibus, si nihil aliud, petendam certè graviolem cogitationum allevationem putes. Neque te hoc facturum esse

esse diffid  
us in am  
expectes  
te etiam  
gratissim  
eorum fi  
omnibus  
consuetu  
dem, ad q  
inutiles f  
plane in f  
Sextil. M  
ut Ciofan

In hac  
studior  
quod nesci  
Quarum  
ad ullam  
imbutus  
tem inter  
cuiusquar  
tus patia  
ut verni  
Xenophon  
Poëtis G  
Volo equi  
evenire.  
strument  
possis, M  
hæc à me

esse diffido. *Μῆσση δ' ὅσους ἰδοὺ δὴματι παῖδας, ἀρετῆ βίῃ πολι-  
 υς ἐκ ἀπείρουτο φίλους.* A me verò ut posthac omnia officia  
 exspectes, quæ à homine amicissimo exspectari possunt,  
 te etiam atq; etiam oro. Cùm istuc rediero, erit mihi  
 gratissimum, si interdum ad me, quod modo permissis  
 eorum fiat, apud quos educaris, ventites: meq; ac rebus  
 omnibus meis æquè liberè utaris ac tuis. Spero autem  
 consuetudinem sermonesq; nostros ad istam ipsam lau-  
 dem, ad quam aspiras, consequendam tibi non prorsus  
 inutiles fore. Vale mi Rosci, tibiq; persuade, te à me  
 planè in filii & quidem ὀψιῶν loco amari. 11. Kalend.  
 Sextil. M.D.LXX. Literas quas cum his accipies, peto  
 ut Ciofano, cùm primùm poteris, reddendas cures.

## E I D E M.

## XCIV.

**I**N hac commutatione consilii de instituenda ratione  
 studiorum tui, nihil me magis sollicitum habet, quàm  
 quod nescio, quos progressus in Græcis literis feceris.  
 Quarum sine mediocri saltem cognitione cave, putes  
 ad ullam doctrinæ præstantiam perveniri. Eis si ita  
 imbutus es, ut possis Aristotelem suapte lingua loquen-  
 tem intelligere, ejusq; etiam Interpretes Græcos, sine  
 cujusquam interpretatione Latina consulere, non invi-  
 tus patiar te ad studia Philosophiæ gradum facere: etsi,  
 ut verum fatear, Demostheni, Thucydidi, Herodoro,  
 Xenophonti, & hujus generis Scriptorib; prætereaq;  
 Poetis Græcis annum adhuc unum dari maluissem.  
 Volo equidem, quicquid ages, prosperè tibi ac feliciter  
 evenire: sed tamen non committam, ut si absq; illo in-  
 strumentote ad Philosophiâ contuleris, dicere unquam  
 possis, Muretum tibi ejus consilii auctorem fuisse. Neq;  
 hæc à me ita disputantur, quasi tibi in iis literis, quæ  
 huma-

humaniores dicuntur, confensendum arbitrer. Longè semper ab ea sententia meus absuit animus: sed tu & ea etate es, ut properare non debeas: & eo ingenio, ut si firma ac solida doctrinæ fundamenta jeceris, ad summa omnia facile perventurus esse videaris. Nam quod ais, sine eloquentia multos ad summam amplitudinem pervenisse, sine sapientia neminem: verius dixisses & sine sapientia, & sine eloquentia, & sine ullo vero bono multos ea, quæ vulgò habentur amplissima, & olim consecutos esse, & quotidie consequi. De quibus constitueram hoc loco pluribus disserere: sed avacor. Tres enim hic habemus Cardinales, Augustanum, Varmiensem, Alciatum: qui mihi omne propè tempus eripiunt. Mi Rosci, ignosce occupationibus meis, & vale.

TIBURE. 3. Non. Octobr. M. D. LXX.

M. ANTONIUS MURETUS HERCULI CIOFANO SULMONENSI.

S. P. D.

XCV.

**A**Ccepi volumen orationum: de quo amo te, ut debeo, plurimum, eo simul atq; usus ero, remittam. Demere partem de solido die apud Horatium, sine ulla dubitatione est, meridiari, id est, ipso meridie horam unam aut alteram dormire: quod qui faciunt, diem quodammodo frangunt: ac dividunt; neq; eum unum ac solidum & *ιδόξαν* esse patiuntur. Itaq; is, qui demit partem de solido die, dicitur id facere, nunc viridi membra sub arbuto stratus, nunc ad aquæ lene caput sacra. Et hoc ipsum Varro alicubi vocat, diem dividere. De verbo deducendi, cur eo vim ullam significare putes, non sanè video. Cleopatra quidem neq; volens, neq; invita in triumpho ducta est. At non est tamen du-

bium

bium neminem volentem *deus* *sed* *deus*. Nemo enim  
 volens vincitur, aut pœnas dat ei, adversus quem bel-  
 lum gessit. Versus tui non infraves sunt: & erit mihi  
 gratum, si te, cum licebit, in hoc quoq; genere exerce-  
 as. Vale. ROMÆ. 4. Idus Mart. M.D.LXXI.

P. GILBERTUS MALLOCIUS

M. ANTONIO MURETO

V. C. S. D.

XCVI.

Dupliciter sum delectatus tuis literis, & quod me  
 ad amicitiam applicare, propiusq; adungere cu-  
 pientem, tam humaniter tamq; benevolè exceperis, &  
 quod Francisci Flebari Episcopi nostri causam ita am-  
 plexus, ut in ea iuvanda, & consilio tuo promovenda,  
 non mediocrem naturæ tuæ bonitatem, & humanita-  
 tem expresseris. Quæ quidem de re, non solum apud  
 me, qui tibi multa debere cupio: sed apud illum quoq;  
 suosq; omnes, summam, mirificamq; gratiam iniisti.  
 Ille igitur te admonente & hortante, maxime sacris  
 initiatus, in numerosq; relatus est, ut quæ antea rebus  
 absolutè perficiendis difficultas opponebatur: nunc  
 penitus sublata, ereptaq; videatur. Aded ut ex postre-  
 ma literarum tuarum parte, in spem certam venerimus:  
 totam negotii istius explicandi rationem perfacilem jam  
 fore atq; expeditam. Quod totum prudentissimis tuis  
 consiliis, amantissimisq; admonitionibus acceptum ferre  
 volumus. Episcopi itaq; nostrum rursus tibi commenda-  
 re, necesse non habeo: commendo tamen: hoc enim ad of-  
 ficiū meū aded pertinere arbitror, ut nūquā nisi re per-  
 fecta & absoluta, de illa & laborare, & sollicitus esse  
 desinere neq; possim, neq; debeam. Te verò vehementer  
 oramus, obtestamurq; ut quemadmodū præclare initia  
 posui-

posuisti, ita in eodem voluntate perseveres. Quod de te, & speramus, & sanè confidimus. De turbulento rerum nostrarum statu, nolo quicquam ad te scribere. Neque enim id ego præstare possum sine mœrore, neque tu sine summo doloris sensu intelligere posses. Satiùs est igitur res nostras silentio involvere & obtegere: quæ aliud nihil sunt, quàm bella infanda, necesse, incendia, furta, rapinæ, ut uno versu complectar omnia.

Nolo enim tibi esse molestus in recensendis particulatim nostris miseriis. Tamen si non dubitem, te patriis quoque calamitatibus etiam longè disitum, non mediocriter affici, & commoveri. Neque enim solus Ulysses amans est Patriæ. Ad rem nunc redeo: Ego certe, Murete, vir clarissime, nisi pro illo tuo tam propenso, ad me amandum complectendumque studio, proque illa, quam de me habes, opinione, tibi perpetuò devinctus, obstrictusque permaneam, ingratus planè sim, meique dissimilimus. Quod nulla neque dies, nec anni efficere poterunt consequentes. Extremum illud erit, ut Dracchium ad nos, re peracta, lætum contentumque quàm primum dimittas. Vale GRATIANO POLI 12. Kalend. Octobr. M. D. LXX.

M. ANTONIUS MURETUS S. D.  
SINIBALDO ANTONINO SUO.

XCVII.

**I**N summis occupationibus meis, Sinibalde Antoniane, quæ me respirare vix sinunt, legi tamen Dialogum tuum, & voluptatem longè maximam ex ejus lectione percepi. Delectarunt me argumenta & ingeniosè excogitata, & densa & vivo (ut ita dicam) ac spiranti orationis genere expressa. Itaque ut Pythagoram ajunt

è mo:

è modula  
judicasse  
de tui i  
mor aut  
ex parte  
tus ac ju  
jorem fr  
sui, qua  
agnosco  
in me con  
tibi homi  
eaz de me  
dem quan  
fradere p  
modestus  
Auctor en  
neque refon  
scenium p  
sunt; ubi  
cescent.

LXXII

M. A N

CI

**Q**uod  
le su  
venit, Fra  
se charitat  
diana cont  
benignissim  
re practica



è modulo pedis, quanta corporis mole fuisset Hercules, judicasse: sic & ego ex hoc brevi commentario facile de tui ingenii magnitudine, ac præstantia judicavi. Amor autem erga me tuus, quem planè singularem omni ex parte declaras, noli querere, quanto perè mihi gratus ac jucundus fuerit. Neq; ullum unquam mihi majorem fructum vigiliarum ac laborum meorum proposui, quam ut à tui similibus amarem. Quare etsi non agnosco eas laudes, quas tu *à vrò rō juras*, ut ajunt, in me congeris: summè tamen amo istum amorem, qui tibi homini tam acuto ac perspicaci tenebras offuderit; eaq; de me sentire ac prædicare coegerit, quæ, ne tu quidem quanquam disertus es, alii cuiquam facile persuaderè posses. Dialogum edas, censeo: volo enim ita modestus videri, ut gloria tua mea modestia obstet. Auctor enim tibi sum, ut alta meditare, ac præcudas: neq; reformides obrectatorum voculas: quæ in proscenium prodeunt nonnihil fortassis molesta futura sunt; ubi tibi semel ipse audientiam feceris, conticescent. Vale, ROMÆ. Idibus Decembr. M. D. LXXIIIX.

M. ANTONIUS MURETUS FRANCISCO BENTIO, è Societate JESU S. D.

XCIIX.

Quod non difficile modo factu, sed propè incredibile suapte sponte videri potest, id mihi tecum usu venit, Francisce Benci. ut inter homines summa inter se charitate devinctos, intercedat tamen propè quotidiana contentio: dum & tu, & alienorum officiorum benignissimus æstimator, summa quadam mihi deberè te prædicas; & ego contra tantum mihi à te tributum esse

esse profiteor, ut omnis mihi spes planè præcisa sit te-  
 tum unquam paria faciendi. Nam si rationes putan-  
 da, & ad calculum res vocanda sit: quid à te mihi ali-  
 ud ferri potest, quam quod multos abhinc annos efflo-  
 rescentem ingenii tui vim admiratus, ducem me tibi ad  
 eas artes præbuit, in quibus postea DEI ope, & indu-  
 stria tua fretus, eos progressus fecisti, ut in te jam pri-  
 dem & eximia dicendi vis, & minime vulgaris erudi-  
 tio, uno omnium ore celebretur? Cujus qualiscunq; of-  
 ficii erga te mei abundè mihi magnam gratiam perci-  
 pere videor, cum, qui ad te audiendum confluunt, ad  
 Mureti auditorem atq; alumnum ire se prædicant, eaq;  
 in te viva ac spirantia agnoscunt, quorum in me olim  
 umbra fortassis aliqua ac simulachrum fuit. At ego ni-  
 si prorsus ingratum haberi me velim, quæ quantaq;  
 tibi à me deberi agnoscam, necesse est. Tu me primus;  
 tantò adolescentior, tantò seniore, humana conte-  
 mnere, & pleno gradu ad divina properare docuisti cū  
 in ipso vernantis ætatis flore, posthabitis voluptati-  
 bus, ambitione deposita, reiectis aliis omnibus curis,  
 in istam te sanctissimam & orbi terrarum fructuosissi-  
 mam hominum cultui divino mancipatorum sodalita-  
 tem contulisti, cū in suscepto semel consilio tam con-  
 stanter perstitisti: neq; cessisti illorum vocibus, qui cū  
 in collegiis vestris educati essent, & illic didicissent,  
 istuc nescio, quid quod jactant literarum, à quo ipsi  
 ordine flagitiosè desciverant, in eum, ne nomen dares,  
 absterre te conabantur. In quem tu semel admissus,  
 ita vitam instituisti, ut facilè declaraveris, non illum  
 tecum quendam, ut ipsi mentiebantur, ac temerarium  
 impetum, sed divini numinis instinctum atq; afflatum  
 fuisse: & ut ad ea redeam, quæ ad me præprie perti-  
 nent, nunquam ex illo consilio, præceptis, cohortatio-  
 nibus

nibus j  
 pietate  
 ut pat  
 maxim  
 lavit.  
 sedulo  
 sum flu  
 Rbator  
 quam h  
 obrutus  
 jam me  
 primum  
 reddi po  
 tempori  
 possum,  
 florelea  
 clare, &  
 In b  
 erga te  
 fore, ut  
 me accep  
 Et accor  
 velim cog  
 di novi la  
 ipios inel  
 sedere ne  
 ten me b  
 turum, e  
 prestare  
 do, sed ab  
 curio, cu  
 rum libe  
 commodi  
 LXXXV

nibus juvare me, & faces ac stimulos animo meo ad pietatem subdere destitisti. Meritò itaq; ita te amo, & ut patrem filius, & ut filium pater: his enim nos, quæ maxima sunt, charitatis vinculis bonitas divina copulavit. Quare quòd & in cæteris rebus, quoad poterò, sedulò faciam, libenter his paucis diebus obsecutus sum studio tuo, & qui pridem conatus essem secundùm Rhetoricorum Aristotelis librum latinè reddere, quam hoc tempore & multis, ut nôsti, occupationibus obrutus, & molesto ac difficili pedum morbo ceterum jam meum impeditus in tuam tamen gratiam, etiã primum addidi. Tertium, ut sæpè ex me audisti, latinè reddi posse vix puto. Sed si quid unquam mihi vacui temporis dabitur, quod optare magis quàm sperare possum, non ego quidem illum interpretabor: sed Aristoteleæ præcepta, quæ eo continentur meo more tractare, & latinis exemplis illustrare conabor.

In his autem, quos nunc ad te mitto, quosq; amoris erga te mei monumentum esse cupio, facile præspicio fore, ut multi multa mirentur, partim longè aliter à me accepta, quàm ab aliis, partim etiam à vulgata Græcorum librorum editione discrepantia. Qui hoc, velim cogitent, neq; causam mihi ullam fuisse suscipiendæ novi laboris, si nulla in re dissensissem à cæteris: & ipsos inter se Græcos libros ita variare, ut a multis discedere necesse sit, quicunq; unum sequi velit. Spero autem, me brevi breves quasdam notas in hos libros editurum, ex quibus, quid in eis aut præstiterim, aut præstare voluerim, curq; locis aliquot, non ab aliis modo, sed ab ipso quoq; eruditiorum Coryphæo Petro Viétorio, cui debetur, quidquid fructus hæc arate ex horum librorum lectione percipitur, dissentire ausus sim, commodius intelligatur, Romæ, Idib. Februar. M. D. LXXXV.

M. AN-

M. ANTONIUS MURETUS  
JACOBO PONTANO è So-  
cietate JESU S.D.

## XCIX.

**Q**uod ad te scribendi principium capiam, nescio ;  
Quia me pudet tam diu in ære tuo fuisse, & huma-  
missimè scriptis à te literis nihil adhuc respondisse. Sed  
magna mihi spes est in facilitate & comitate tua, da-  
turum te non gravatè veniam occupationibus meis,  
quæ me ita undiq; districtum tenent, ut erga plerosq;  
amicos parùm officiosum videri cogant. Magnam eti-  
am metus partem mihi demit Franciscus Bentius, qui  
mibi omni adseveratione confirmat, ita te cupidum esse  
literarum mearum, ut quidquid à me mittetur, in solu-  
tum accepturus sit, Quod ego te, ut facias, Pontane  
optime, vehementer oro: idq; ea lege, ut me posthas,  
jam enim, ut spero, liberior ac solutior futurus sum,  
copiosius tibi satisfacturum esse pollicear. Interea,  
quoniam Dæges, ut ille ait, Jæus pæides, mitto ad te, quò  
te facilius placem, & quoddam meum, & versus  
nescio quos illustratos notis cujusdam familiaris mei.  
" Hoc munusculum qualecunq; est, peto à te, ut boni con-  
" sulas, meq; quanquam immerentem amare pergas.  
Vale, ROMÆ. Idibus Julii, M. D. LXXXIV.

E I D E M.

C.

**C**ur & tam rarus, & tam brevis in scribendo  
sum; puto te ex Bentii nostri literis cognovisse :  
cui

cui cum promissem, heri me hac nocte aliquid ad te  
 scripturnum; uia postea sum totam propè noctem acer- Dolor.  
 bissimo sinistri pedis dolore vexatus, ut neq. de legen-  
 do, neq. de scribendo cogitare potuerim. Nunc albe-  
 scente cælo, cum paulum se remiserit dolor, cuperem  
 quidem scribere; sed quod scribam hoc quidem tempore  
 nihil habeo, nisi te à me, mirabiliter amari, quod tibi  
 etiam tacente me, dubium non esse arbitror. Utinam  
 quidem esset aliquid, in quo id tibi re ac factis testari  
 possem: sed quando aliter non licet, curabo, ubi quid  
 scriptorum meorum edetur, ut ad te quamprimum per-  
 feratur. Et si hoc ipsum non video, cur aut tibi, aut  
 cuiquam valde gratum esse debeat: quid enim tale in  
 scriptis meis inest, ut non satius sit, vel nihil agere,  
 quam eis legendis operam perdere? Obsequamur igitur  
 studio vestro: ne dum arrogantia crimen effugere  
 conor, hoc ipso in id incidam, si iudicium meum iudicio  
 vestro anteponeere voluero. Quid iam? quid scribam  
 aliud etiam ut & tu, & quos istuc habere diceris tui er-  
 ga me amoris socios, hunc miserum senem precibus ve-  
 stris Deo commendatis, atq. ab eo petatis, ut qui tot an-  
 nis in vitiorum sordibus vixi, beneficio ipsius, hac sal-  
 tem extrema aetate aliquid efficere & edolare possim,  
 quod & ad gloriam ipsius, & posterorum utilitatem  
 pertineat. Vale, Pontane mi, vale & me ama

ROMÆ, 16. Kal. M. D.

LXXXIV.



M. ANTONII  
MURETI PRESBYTERI,  
J. C. ET CIVIS ROMANI, EPI-  
stolarum & Præfationum Liber Secun-  
dus, qui recens nunc ad-  
jungitur.

M. ANTONIUS MURETUS  
S. D. JUSTO LIPSIO  
S U O.

EPISTOLA PRIMA.

**N**ihil est aut te amabilius, aut literis tuis  
dulcius, ad quas ego nudius tertius acceptas  
statim respondiſſem, ſi aut fuiſſet plus otii,  
aut ſtatim responderi tua interfuſſet. Cùm & eſſem  
paullò, quàm ſoleo, occupatior, & in unius diei morâ  
nihil eſſe incommodi viderem, indulſi naturæ meæ, qui  
p̄ ſpectam haberem facilitatem tuam. Deſiderio tibi  
eſſe mutuam conſuetudinem noſtram, ſi vis me aperte  
ac ſimpliciter loqui, ut mea conſuetudo fert, & ut no-  
ſtra ſumma conjunctio poſtulat, gaudeo: quodq; ipſi mi-  
hi admirabile videtur, ex moleſtia ipſa tua volupta-  
tem capio. Nam neq; tu, niſi me valde amares, tam  
iniquo animo ferres abſentiam meam, & mihi nihil ju-  
cundius eſt, quàm à te valde amari. I nunc, & dicit

VERUM

verum esse illud Euripideum ἐς κοινὸν ἀλγῆν : cūm duorum qui certē inter se amicitissimi sunt, videas, uni alterius agritudinem esse iucundam, cave tamen, putes, minus à me sermones tuos requiri, quàm à te meos. Hic enim etsi adfluimus omnibus delitiis, planeque Phœacum vitam vivimus, ubi

Εὐφροσύνην ἰδὼ ἔχει καὶ δῆμον ἀπαντα  
 Δαιτυμόεις δ' ἀνὰ δόματα ἀκυβήσαντα αἰοῖδ',  
 ἠὲ ποὶ ἐξέης πικρὰ ἢ πλῆθει τογατίζου

Sic et gratiam, nemo tamen est, qui iisdem, quibus nos, studiis delectetur: ut iam verear, cum illic rediero, tamdiu à Musis & à literis omnibus peregrinatus, ne quis vestrum, quibus adsidue in libris versari licet, mihi illud occinat. ἐκβαρβαρωσάμι καὶ ἐνὶ βαρβαρίῃσι. At tu mi Lipsi, si me audis hominem, si non valde prudentem, certē quidem insigniter amantem tui, obdura, & noli tam citò de Roma relinquenda cogitare. Mibi crede, iste tibi quondam lætitiā feret labos. Conventum esse à te Manutium meum gaudeo, & talem reperitum, qualem ego tibi eum sæpè descripseram. Hoc tibi liquidò confirmare possum, eum virum bonum esse, φιλόφιλου & studiosissimum benefaciendi quàm plurimīs. Quare auctor tibi sum, ut te, quantum potes, insinues in illius consuetudinem. Cogitabam de eodem oleo & opera ad Plautum nostrum scribere, sed aliò vocor. Interea salutabis eum nomine, & ut, cepisti, reddes quotidianæ tuæ consuetudine doctiorem. Cras ad eum scribam. Bene vale mi suavissime Lipsi. TIBURE,

12. Kalend. Septembr. M.D.

L X IX.

Dd 3

M. AN

M. ANTONIUS MURETUS S.D.  
JUSTO LIPSIO SUO,

I I.

**N**equē enim puto aut malevolorum rumuscūlos, aut tenuēs quāsdam & obscurās suspiciones tantum potuisse; ut meus esse desieris: cū ego planē sim tuus. Quod inter amantes solet, Zelotypia mea quādam iniefferat, quod alios quosdā, de quibus inter nos ridere interdum & joculari solebamus, & qui certē te, cum hīc esses, non ex aequo mecum amabant: si verum audire vis, ne nunc quidem amant, qui ex eis superstites sunt: eos igitur subiniquo animo ferebam à te & sepius & honorificentius quā me, prā quo illos contemnere solebas, nominari, sed missa hac faciamus. Electorum tuorum & tua mirificē mihi placuit. Cetera exspecto, & cū Saturnalia, tum multo etiam magis de vita ac scriptis Seneca: quā ut accepero, in eodem te genere, ut poterō, remunerabor. Illis quā ais in undecimo meo aliorum ab iniquis capi posse, medere, ut vis. Sin fortasse integrum non est, emitte sanē istam curam. Ego ante tres aut summum quatuor menses efficiam, ne quis aut de voluntate mea erga te, aut de iudicio dubitare possit. Ni fecero, tum ut sanē de me, ut de homine patum bonae fidei, conqueritor. Amemus inter nos, mi Lipsi, eō constantius, ut urantur ac ringantur isti, qui amicos esse nos nollent. Quāso de tuarum omnium rerum statu, fac me, cū primū poteris, certiozem. Vale mi Lipsi: cuius ego nunc suavissimum os intueri mihi videor. 6. Idus Februar. ROMÆ. Literas tuas Kalendis ipsis Februarii accepi: ne me tardiozem fuisse in rescribendo putes, neq; antea fuit tabellariorum copia.

M. AN:

M. AN

Causa  
liter  
legi. Vel  
Ris in hoc  
quem si à q  
adolescens  
conspirant  
nem, que  
pudet me  
homines, q  
me delata  
deo; & q  
sed utriq;  
deas; obli  
certemus,  
pulgari: p  
scriptis An  
quasi vad  
quid in ea  
cessatione,  
ipsum eme  
porro, &  
os coram  
fessō aut fi  
la, sed in  
ruminor id  
vale, L.L  
terminis m



S. D. M. ANTONIO MURETO S. D.  
JUSTUS LIPSIUS.

## III.

**C**Aussa mihi scribendi nata ex tuis ad Plantinum  
litteris: quas cum gaudio vidi, cum motu animi  
legi. Vel in manu tua inspectâ letabar: quanto ma-  
gis in hoc animo, & tam insigni testimonio amoris?  
quem si à quoquam mortalium, à te cerè volo. Ita  
adolescens iudicavi, ita nunc, consensum quendam esse  
conspirantis iudicii nostri & naturæ, qui ad conjunctio-  
nem, quæso te, valeat; non ad emulationem, aut quod  
pudet me dicere, similitatem. Et fuere tamen improbi  
homines, qui id sperarent: à quibus alia quædam ad  
me delata olim, non nego: sed vana, falsa, ut nunc vi-  
deo; & quibus Caput, homines non profesti solùm,  
sed utrius nostrum infesti. Ea; per communes Deos,  
deasq; obliteremus mihi Amice: & beneficiis inter nos  
certemus, non querelis. Electorum librum jam nunc  
vulgavi: pare Saturnalium sermonum, & de vita ac  
scriptis Annæi Senecæ, quem nec invitus ad te miserim,  
quasi vadem amicitia; coeuntis & sanescentis. Etsi  
quid in ea ægrum: nec aliud peccatum utriusq;, quàm  
cessatione, & amicitia, ut sic dicam, in usu. Quod  
ipsum emendemus, Viximus amicissimè unà, vivamus  
porrò, & moriamur. En ego ille, cujus ingenium &  
os coram probasti: nec amorem absentis requires pro-  
fectò aut fidem. Te ut eundem sperem, faciunt pauca-  
la, sed impressa & signata epistolæ tuæ verba: quæ  
ruminor identidem & ex amino, ut solent amantes.  
Vale, LUGDUNI in Batavis, ad magnum & sine  
terminis mare. 3. Kalend. Decemb. M. D. LXXI.

M. ANTONIUS MURETUS  
HIERON. MERCURIALI  
S. P. D.

## IV.

Cum tua litera ad urbem allata sunt, Tibur jam  
omnes, ut nos quotannis facere solere scis, seces-  
seramus, eò illas accepi biduo, aut triduo serius: Tibu-  
re autem, neq. Hippocratem habebam, neq. Gellium, ex-  
pectandum denuò fuit, dum Roma arcesserentur. Ab-  
latis; ecce tibi aliud incommodum, corripit me febricu-  
la, non illa quidem, ut eventus postea docuit, periculo-  
sa: sed qua tamen animum nonnullo metu suspensum  
ab omni scribendi cogitatione avocaret. Hæc ideo, ne  
mireris me ad tuas tardius respondere. Locus est ex  
libello *ἡ ἐπιτομὴ τῶν ἱστοριῶν ἢ ἐπιτομὴ τῶν ἱστοριῶν*.  
Huc ego addebam illa ex Gellio: aut potius pro illis,  
*ἡ ἐπιτομὴ τῶν ἱστοριῶν*, supponebam illa, *ἡ ἐπιτομὴ τῶν ἱστοριῶν*,  
Quod si tibi quoq. ita videtur, non dubito quis ve-  
rum sit; sin tu secus iudicas, nunquam mihi dubium e-  
rit, quin tua sententia verior sit. Semper enim non in  
his modò rebus, quarum tua propria possessio est, sed in  
omni literarum genere iudicium tuum libentissimè an-  
seponam meo. Vale, meq. ama, & certò tibi persuade,  
de à me mirificè, & amari, & coli. TIBURE. Kalend.  
Sept. M. D. LXX.

M. ANTONIUS MURETUS  
HUB. GIPHANIO S. D.

## V.

Litera tua, supra quàm dici potest, mihi grata fue-  
runt: cum enim jam pridem te valde amarem,  
mirificè cupiebam animum illum meum tibi notum esse,  
non

non dubitans, fore, ut vicissim abs te amarer. Sed ad eas idcirco serius opinione tua respondeo; primum quia eas quoque serò admodum accepi, hoc est, Kalendis Januariis ipsis: in quo mihi visum est etiam inesse aliquod letum ac prosperum omen, ut spem vel ex eo aliquam conceperim, totum hunc annum *οὐδὲ γὰρ δ' εἰρηόταται*, mihi faustum ac felicem fore. Deinde tentare volebam, numquid, antequam scriberem de Gellio, quale tu cupis efficere ac prestare possem, sed nihil adhuc repperitum est, quod quidem sit magni pretii. Spes adhuc una reliqua est, in bibliotheca Cardinalium Farnesii & Sforzae, quas nondum excussi: id quod, noli dubitare, quin diligenter facturus sim, cum primum per occupationes meas licuerit: quæ sanè & multæ sunt; & eo molestiores, quòd alienæ sunt ab omni genere literarum. Sed multa ferenda sunt iis omnibus, qui coguntur aliena, ut ille ait, vivere quadra. Tu verò, mi Giphani, qui & ingenio excellis, & doctrina abundas, & ea es ætate, quæ sit labori ferendo, perge, ut facis, aliquid assidue elaborare, quod & tibi gloriæ sit, & nobis ac posteris usui. Nam de Lambino quidem nihil video causæ, cur ejus obtrectatio deterrere te aut abducere à studio debeat. Ille in te fuit, qui in alios solet. Et, ita mihi omnia quæ cupio eveniant, ut ego valde mirabar, si tibi eum impune laudare licuisset. Ita enim homo est: eis solis primum invidet, quibus plurimum debet. Quomodo me acceperit, nosti: quantum autem mihi debeat, & ipse & alii plurimi norunt. Tu verò pro uno frigido obtrectatore, habiturus es innumerabiles, qui te ac labores tuos laudibus in cælum ferent. Sed hæc alias. Peto à te ut me ames: neque de mea erga te propensissima voluntate dubites. Plura scriberem: sed urget hic amicus meus, vir bonus, & literatus, quo nomine

sum à te quoq; humaniter excipi volo. Is cùm statim discessurus esset, vix ad hæc ipsa scribenda, satis mihi temporis dedit. Quare ignoscet etiam si quid fortè minus accuratè scriptum erit. Quæso te, scribito aliquid ad Berzericum nostrum, & significato ei, multum accessisse ad veterem meã erga eam benevolentiam, quod conciliator fuerit amicitia nostræ. Item illud, me paucis diebus ad ejus literas, quas unã cum tuis accepi, copiosissimè resposurum; saluta etiam mihi diligenter clarissimum virum Paulum Foxium, Oratorem regium: qui quando tanti me esse duxit, ut me ad scribendum, literis suis excitandum putaverit, mirari non debebit, si quando ego honorifica ipsius appellatione scriptum aliquad meum exornare non verebor. Mi optime & eruditissime Giphani, etiam atq; etiam vale. ROMÆ, Prid. Idus januar. M. D. LXIX.

## E I D E M.

## VI.

**P**udet me tam sero ad literas tuas rescribere: sed velim, qua humanitate es, ignoscas occupationibus meis, non magnis illis quidem, sed multis tamen & molestis, quæq; me interdum cogant magno cura meo dolore minus erga amicos officiosum esse, quam vellem. Impetravi tandem librum à Fulvio, qui *ὁς ἀπλῶς εἰπεῖν* minimè respondit expectationi meæ. Nam neq; totus est ille nocturnus Atticarum scriptor, neq; quod est, valde diligenter scriptum est. Contuli quicquid erat accuratissime ipsemet cum meo Gryphiano anni M. D. XLVI. Quod aliter quàm vulgò reperi, id omne tibi hic cum fidere presentabo. Primum igitur moneo, librum Fulvii *ὁ δὲ μὲν* quædam esse ex Gellio sive Agellio & ex Valerio Maximo, ita vi alternis singulis Agelli  
capi.

capitibus singula Valerii subjuncta sint. Idq̄, nullo certo ordine. Græcam nusquam comparent: nisi paucis admodum locis: idq̄, ubi una tantum aut altera vox Græcè scripta erat. Jam tu facile potes conicere librum non valde magni pretii esse. Antiquus tamen videtur. Ac ne te diutius suspensum animi teneam: quid in eo à vulgaris editionibus discrepet, accipe. Scriptoris nomen ita in eo libro ferè notatur, AGEL, semel tantum omnibus literis AGELLIUS, sed scis in Pandectis PANTONIUM esse pro P. Antonio, CAFRANIAM pro C. Afrania, ut quidem nonnulli putant. Sic MAURELIUM aut MAURILIUM dixerunt, qui erat M. Aurelius. Sed hoc tu videris, Jam enim clamat Lambinus indoctè atq̄ inscienter facere, qui hunc scriptorem Agellium vocent: itaq̄ verendum est, ne det aliquam pugnam denuò. Ego quidem Priscianum veterem habeo, in quo aperte & constanter vocatur Agellius. Habeo & alia quadam argumenta non infirma, quibus adducor, ut existimem rectius Agellium vocari, quam A. Gellium, à τὰ ἀπὸ τοῦ ἀγέλλου, cap. 17. libri primi, irarumq̄ & molestiarum, lib. 7. rerumq̄ & molestiarum, eodem Satyra, Satura, ita etiam alibi sæpe, lepido quidem ser. lepido quidem, cap. 29. desiperet, risu, derisu, apposuit, apponit, deussu, deusrit, reliquos sex an eodem, &c. illud, an, abest à libro vetere, cap. 20. Græca omnia latinis literis notata sunt, præter illo in extremo ἡνὶ ἀπὸ τῆς, in eodem metæ triangula, & in fine in letabile, qualia posthac non notabæ, ut neque illa adferre, adponere, non ut vulgò, asferre, apponere, & similia, quæ vix unquam aliter scripta in libris veteribus reperias, c. 23. scriptaq̄ est à M. Catone, venustate atq̄ luce, cum hæc dixi tavi. Tum cum in senatu, percunctata est filium. Ita semper hoc verbum scribit: non ut vulgò quidam percontari. Tum puer

matre urgente, utrum videretur utilius. Quid sibi postulatio isthæc vellet, ne intrveant præter ille unus Papius, (hoc verum puto) in aetate prætexta prudentiam, cap. 24. postquam mortem adeptus Plautus, (hoc quoque fortassis rectum sit) cap. 25. Inducis munussum aliquo. Ego mensum. Cessationem istam pugna partitam, is partii causa, non pugnetur, nihilque incomodetur. cap. 26. post quotidianas lectiones. Ita fere semper scribit, non quotidianas, etsi hoc quoque modo interdum in ipsius commentariis, neque jam querimoniam aut gemitus hejulatusque. Non ita esse PLUTARCHUM, ut philosophum deceret, tu hoc age, ἀρεστησίου & ἀναλησίου.

### Libro secundo.

Cap. 1. ad fortuitas patientiæ vices firmandi, id quoque, &c. Valitudine. Ita semper, ut benivolus & malivolus. Quæ in bello Poleponnesiaci principis ipsam Ath. civ. internecivo gerere, c. 6. Nonnulli ex Grammaticis, Atimidos nautas. Omnia jam vulgata, hæc tres voces absunt à libro vetere. Inlaudati, & sic semper, non laude solum indignus, sed detetione. Ego suspicor legendum, detestatione, squalentem, semper, non, ut vulgo, squalentem, quàm jacere, unde id verbum, &c. aut vento aut pulvere laborare videmus, duæ postremæ voces absunt à libro vetere. Hannibal (sic semper. M. Tullius IV. in Verrem, non ut ab hoste. Nemo quisquam tam efficitis est moribus, & efficitis. Inlaudatus quoque igitur finis est, &c. Sic in actionibus civilibus aut laudari dicitur, qui est nominatus. Rectè autem scripsisti legendum ibi esse, auctor. Illaudabilis, & innominabilis, duæ postremæ voces absunt, Diana Efesia. Sic & Favorinū non Phavorinum, & alia quædam eodem modo, auro & purpura prætextæ, c. 7. Omnia quæ pater imp. paren-

dum.

dum. Super ea prius quæ dicta sunt, ut accessitum veni-  
 re. Catilino aliquo aut Tubulo. Non ergo est integra  
 propositio dicendum. Ego dicentium. c. 21. procedentis  
 noctis spatium. Sed ego, inquit, cum Lelio, lego autem L.  
 Elio, triones rustico cetero vocabulo, elegantius quæ esse  
 visum, cap. 22. Atque etiam appetebamus, regiones quæ esse  
 cæli quatuor. Septemtriones. ἑπταπύργος & Japygem semper  
 per literam γ. Sed qui ab æstiva & solstitiali meta ve-  
 nit. Africanus, qui Græcè λιβύη, unum meridionalem ven-  
 tum. Sunt qui pro οὐρο 12. faciunt, tertios quatuor in  
 media, & c. Cur medie septentrione eadem, & c. in suis  
 quisque regionibus, quem sævissimum putant. Apuli eo-  
 dem quo ipsi sunt nomine, λεκον φε αὐτοὶ αἱ ὀ κρηκίας νεφελο-  
 EGO ἔλεγον ἐφ' αὐτῶν αἱ ὀ κρηκίας νεφελο-. Vocem κρηκίας omnino  
 delendam puto, neque sanè est in illo vetere, cap. 26. ali-  
 ter ostrû, aliter crocû, nihil à vocabulo rufi differunt,  
 in iis tamen coliribus q. m. d. dominandis. Nam phœni-  
 ceus q. I. C. φοίνικα dixisti, & rutilus, & phœnicæ, συνό-  
 μως Lassi am his ponere laboriosum putarent, fecisse  
 Cornelium. Lassitudinem quæ minuam. Rudibus autem  
 est rufus atrior, & nigrove multo inustus. Luteus con-  
 tra rufus color est dilutior. Unde ei quos, & c. Nostris  
 autem veteribus Cæstia, quod in versus H. est, id facis,  
 c. 29. neque imperiosè, iræ, cibum quæsitum, idcirco die  
 crastino, misit qui amicos roget. Mater jubet eos animo  
 otioso esse. Sol feruit, & fit nihil, & dies amici nulli erant.  
 Ego legendum puto. Sol feruit, & fit nihil, & dies, amici  
 nulli erant. Vos modo, inquit, advertite. In ipso n. j. a. ver-  
 ditur, cuja est res non aliunde petitur, migravit sedes à  
 domino, & c. levi plerumque & inani fiducia. Sperabam  
 me quæ reliqua sunt per scripturum. Sed interpellor. Ea  
 tamen, sine ulla dubitatione, intra quæriduum mittam.  
 Ac si quid aliud, quod me tua causa posse arbitrere,  
 peto

peto à te, mi Giphani, ut tibi planè persuadeas, te mihi ex animo carissimum esse, meq; omnia quæ ad te pertinebunt, semper studiosè diligenter procuraturum. De locis quos emendasti in epistolis Ciceronis, auctor tibi sum, ut eos ad Manutium mittas. Et tibi ad eam rem operam meam dico. Spero eum, ut est bonus, non dissimulaturum esse, quid à quo acceperit. Vale, ROMÆ 18. Kal. Jan. M. D. LXIX. Clarissimo oratori, quæso ut plurimam salutem, meo nomine impertias.

## E I D E M.

## VII.

**R**isi, conferens Lambiniana cum tuis, & præter ea quorum tu indicem ad me miseras, alia etiam complura repperi. Tu quæ ab illo in puteum illum mersa sunt, cum tibi commodum erit, in lucem extrahas, tibiq; vindices, censeo. Quod me laudat, vellem tam meritò id faceret, quàm olim immeritò notavit. Equidem possum, mi Giphani, ostendere tibi, si hic sis, literas ipsius manue scriptas, quibus mihi gratias agit de locis quibusdam sibi explicatis, quos ipse postea questus est à me sibi subreptos esse. Et eas literas diligenter adservo, non ut eadem, neq; enim tanti esse duco, sed ut ostendam interdum amicis, si quando de me & Lambino sermo incidit. A me quidem sibi metuere non debet. Nunquam natura contentiosus fui: & nunc quotidie magis lenit albescens animus capillus. Tua potius causa verendum est, ne à quopiam audiat à πῆγῳ ἢ υἰάδα δῆος νεοι λειπέσι μαχομαι. Sed hæc omittamus. De Tubulo, ita planè in Fulvii libro omnibus literis scriptum est, cap. 13. l. 1. neque quod divulgatum est placet, neque conjectura tua, quod venia tua dictum sit, mihi explet animum, præcipue

cum



cum statim sequatur. Tum magister <sup>δεξιτερων</sup>. Cogitan-  
 dum igitur si quid melius. In libro Fulvii scito, non tantum  
 primum caput libri primi, sed omnia omnino, in quibus  
 nihil notatum à me videbis, desiderari. Libri moles est  
 perexigua: & in eo ipso admista, ut dixi, Valerii maximi  
 capita propè pari numero. Orchio ibi scriptam est, non  
 Orcivo. Lib. 2. cap. 10. in eo libro non est. De scriptoris  
 nomine expecto qua polliceris. De prænominè Nepotis  
 nihil habeo, nisi quod semper suspicatus sum ex C. COR-  
 NELIO Nepote, librarios, qui eandem literam sæpe hoc  
 ita commissum scio. Quæ reliqua sunt in Gellium, super-  
 est, ut ex solvam. Illud mihi molestum est, quod eorum  
 librorum, quos tu maxime requiris, vix <sup>περὸς ἡμᾶς</sup>  
 quoddam est in Fulvii libro. Cap. 5. lib. 3. Arcesilaum. Sed  
 hoc prætereundum erat ad te scribenti, & talia postea  
 omittentur. Incorruptus tamen & à stupro integer.  
 Nam quum vocem infractam prioribus an posteriori-  
 bus. Cap. 6. in VII, Problematorum. Cap. 9. memoria atq;  
 admiratione, sic sæpe scriptum reperias. Colore puni-  
 ceo, florea & comanti juba. Argos evertisse, cupidineq;  
 habendi. Eum Cassum pestes enim est, vitis partibus  
 f. q. e. s. misera morte oppetiisse. Cap. 15. Polycritan. Is  
 Diagoras tris filios, eos omnes vidit. Cum populus gra-  
 tulabundus, ibidem in stadio in osculis atq; in manibus,  
 non diu post eam pugnam exanimata est. Post hunc lo-  
 cum usque ad librum nonum, nihil est in illo libro vete-  
 re. In libros sequentes quadam sunt pauca quidem, sed  
 in iis tamen quadam non contemnenda. Ea, si voles ad  
 te mittentur, simulq; si quid erit aliud, quo hoc tuum in-  
 stitutum à me adjuvari posse arbitreris. Vale,

ROMÆ, Prid. Calend. Januar.

M. D. LXIX.

M. A N-

M. ANTONII MURETI IN LIBROS  
VARIARUM LECTIONUM  
Præfatio.

AD HIPPOLYTUM ESTENSEM,  
Cardinalem ac Principem Illustrissimum,  
singularem omnium honestarum ar-  
tium Patronum.

II X.

**M**agnoperè peccare mihi viderer, Hippolyte, Car-  
dinalis illustrissime, si etiam illud, quod & pluri-  
mum & honestissimum tua mihi benignitate concedi-  
tur, alia ulla re, quàm literarum, & earum artium,  
quibus te insigniter oblectari video, assidua tractatione  
consumerem. Nam cum ea te præcipuè causa commo-  
verit, ut aditum mihi ad familiaritatem tuam ultrò  
patrefaciendum putâris, quòd ad te de mea erga illas  
incredibili voluntate, meis fortasse scriptis, & amicis  
de me summorum hominum concitata sermonibus fa-  
ma pervenerat: quis me ferendum putet, nisi quam de  
me opinionem incognito adhuc & absente conceperas,  
eam præsens ipse omni studio omniq; corporis & animi  
contentione confirmem? Ita igitur facio, quarum artium  
singularis pulchritudo mentem meam, usq; à puero, ad-  
mirabili quodam sui desiderio incenderat, eas nunc de-  
votum beneficio tuo aliis omnibus curis solutus, magno  
& alacri animo persequor: neq; sanè committo, ut qui  
me tibi tanquam hominem & non ineruditum, & eru-  
ditionis ac doctrinæ sitientissimum commendârunt, cum  
in illo priore indulserint amorì erga me suo, in hoc etiã  
altero eidem obsecuti, ac non potius id quod exploratum  
haberent, verè apud te testati esse videantur, quod cum  
facio,

facio, primum, quo nihil dulcius est, nihil optabilius,  
 natura mea propensionem sequor. Verè enim hoc tibi  
 affirmare possum, si quis mihi Deus omnes opes, omnia  
 commoda, omnem potentiam proponat, ea lege ac con-  
 ditione, ut semel deponam hæc studia, & has quales-  
 cunq; literas, alitres adolescentiæ meæ, fidissimas  
 meorum omnium temporum comites deseram: nunquam  
 id faciam, neq; quicquam tanti esse ducam, quod mereri  
 velim, ut à suavissimo earum amplexu & contubernio  
 abducar; quare, ut dixi, cum in eas toto pectore incum-  
 bo, natura mea pareo: idq; facio, quod si facere vetarer,  
 vitam mihi esse vitam non putarem, deinde, quo mihi  
 nihil prius ac potius neq; est, neq; esse debet, voluntati  
 tuæ morem gero, sæpe enim mihi, quæ tua est humani-  
 tas, affirmasti, nullum tibi à me genus obsequii præstari  
 posse jucundius, quàm, si omne tempus arbitrato meo  
 ponerem in literis, & aliquid assidue, quantum in me es-  
 set, exciderem, quod mihi ornamento, & aliis usui, &  
 tibi oblectationi esse posset, neq; verò me, ut id faciam, o-  
 ratione tantum cohortaris, verùm etiam exemplo. Quid  
 enim facere nos oportet, quicunq; tuis opibus non aliam  
 ob causam fovemur, sustentamur, ornatur, quam ut  
 in his studiis omni cogitatione defixa, dies noctesq; exer-  
 teamur: cum te, te inquam ipsum, quem moderatrix hu-  
 manarum rerum providentia in altissimo dignitatis  
 gradu collocatum, perpetua gravissimorum munerum  
 procuracione districtum teneri voluit, inter tot, tam  
 graves, tam multiplices curas, tantoperè ad tranquilli-  
 tatem & salutem publicam pertinentes, quotidie ta-  
 men aliquid temporis harũ artium tractacioni tribuere  
 videamus? Nimirum & unusquisq; nostrum naturæ  
 suæ, ut ait Poëta quidam, semina sequitur: & quibus-  
 cum diis ac familiariter vixit, eorum mores & instituta  
 viven-

vivendi facile ac libenter imitatur. Te verò cum omnibus honestatis ac dignitatis amantissimum, omnium, quæ ad comparandam veram ac solidam gloriam pertinent, appetentissimum natura genuisset: consecuta deinde FRANCISCI VALESII, Galliarum regis optimi, ac maximi, intima illa, qua tot annos usus es, consuetudo magis etiam incitavit ad easdem illas vias, in quas ipsa te natura deduxerat, animosius & constantius persequendas. Ille homines eruditos ad se ex omnibus orbis terrarum partibus, amplissima eorum industria præmia statuens, convocabat, idem illud exemplum jam dudum Italia te maxima cum tua laude renovantem intuetur. Ad regalem illius mensam non ullum acroama aut libentius, aut sapius, quam vox alicujus eruditi hominis, audiebatur, epulæ quoque tuæ quotidie nulla re magis, quam gravissimis, & honestiss. virorum doctrinæ præstantium sermonibus, condiuntur. Ille igitur ad cæteras suas laudes eam addidit, quæ nulla, meo quidem iudicio, major est, nulla præclarior, ut communi omnium populorum consensu, Literarum pater nominaretur, idem illud cognomen tibi apud posteros tributum iri, cui vis perfacile est, qui tuam erga homines liberalium artium scientia excultos munificam, planè regiam voluntatè cognoverit, augurari. Nos interea, qui per te hoc otio fruimur, omnium industriam eò conferre oportet, ut quacunque ratione possumus, heroicas ac prope divinas viututes tuas omni genere monumentorum ad immortalem posteritatis memoriam consecremus, non quòd rerum à te gestarum gloria nostro testimonio indigeat; sed quòd alia nobis via nulla relinquitur, quæ ingrati animi notam effugere valeamus. Igitur alii quidem, quibus major doctrinæ copia est, alia tibi graviora, & majoris operæ inscribent. Ego autem

tem, qui nondum eam facultatem consecutus sum, ut à me quicquam egregium expectari debeat, scribam tamen qualiacumque poterò, & hisce parvis ac tenuibus munusculis testabor hominibus magnitudinem observantia erga te mea. Illud quidem certe omni ope conabor efficere, ut scripta mea, si nullam aliam ob causam in pretio sint, utilitate tamen tueantur ipsa se, & hoc saltem nomine à studiosis hominibus non negligantur, quod & alias feci, & in his maxime, quos nuper apud te scripsi, Variarum lectionum libris: Primum enim cum in præstantissimis utriusque linguæ scriptoribus multa, vel temporum vel hominum culpa, corrupte & depravate legantur: eaque res vel non animadversa errorum, vel animadversa molestiam, & difficultatem legentibus objicere soleat: ejus incommodi ut pars aliqua per me tolleretur, operam dedi, deinde cum & illud constet, veteres latinos summo studio esse in Græcorum imitatione versatos, & eorum locorum quos illi ab his acceptos in usum suum transtulerunt diligens, & accurata notatio magnam his temporibus utilitatem habere credatur: hujus quoque generis inspergenda nonnulla esse duxi, narratiunculas etiam aliquod admiscui quarundam historiarum, quæ neque contrita ac communes essent; neque fore injucunda cogitu viderentur. Ubi autem ita res tulit, ut ab iis, qui vel atate nostra; vel etiam superioribus temporibus in hoc ipso curriculo industriam suam exercuerant, dissentirem: feci id, ut & natura & consuetudo mea fert, liberè: sed ea tamen moderatione servata, ut imminutam esse à me dignitatem suam, nemo conqueri possit, nisi qui tantum sibi tribuat, ut errare se posse non putet, quod neque cuiquam unquam contigit, & majus est, quam ut convenire in humanam fragilitatem queat, sed vos quid

E e

feci.

fecerimus, ipsa res indicabit, testatum quidem omnibus esse volumus, nihil aliud nobis propositum fuisse, quam ut sine cuiusquam offensione, auxilii aliquid attulisse huic studiorum generi diceremur.

A te autem, Hippolyte, Principum decus, etiam atque etiam petimus, ut qua nos humanitate in familiarium tuorum numerum recipere dignatus es, eadem hos labores nostros, qui nulla re magis, quam tui nominis auctoritate nixi, in publicum prodeunt, tibi accipientes putes: neque tam, quid amplitudini tuae conveniat, quam, quid praestari à nobis possit, expendas, nam & haec ipsa, novis indies accessionibus crescent, & alia suo tempore, quae tibi gratiora fore confidimus, proferebantur.

PRÆFATIO IN VERSIONEM  
LATINAM LIBRI QUINTI  
Ethicorum Aristotelis.

I X.

Cum hunc Aristotelis librum vobis explicaturus essem, multis de causis mihi faciendum putavi, ut eum prius latinè à me conversum ederem. Primum quoniam etsi in ceteris libris explicandis conatus eram efficere, ut ne ii quidem, qui Græcarum literarum rudes sunt, aditum sibi ad me audiendum peregrinitate sermonis oclusum esse quererentur: Non obscuris tamè multorum sermonibus aures meae quotidie verberabantur, conquerentium, crebro illo vocum Græcarum interjectu retardari intelligentiam suam: Planiora sibi multò & expeditiora omnia fore, si latinè dicerentur. Horum igitur studio aliquid tribuendum esse duxi. Deinde submolestum ipsi mihi nonnunquam erat, verum

ut fatear, tantum quotidie opera ac tempus in reddendis singulis vocibus ponere: ut mihi quoque satius videretur, semel illo labore defungi. Nam cum singula disputationes nostra in unius horae curriculum concludantur, ex eorum ipso aliquid saepe multis occasionibus delibetur, ac detrahatur, adhibenda parcimonia est, videndumque omni studio, ut id saltem, quod datur, quantum possumus, optime & utilissime collocetur. Jam est tamen brevi tempore non multum potest tractandis rebus relinqui, si aliqui ex eo singula verba decerpant.

Præcipue autem hic liber propter mirificam quandam rerum ac sententiarum subtilitatem postulare quodammodo videbatur, ut, quod liberiores animi nostri totos, sed ad eos penitus cognoscendas darent, illa altera pars laboris & vobis & mihi demeretur. Fuisse & alia hujus mei consilii causa, quas nihil necesse habeo pluribus persequi. Dedi autem operam, quantum quidem in me fuit, ut Aristotelis non sententiarum modo exprimerem, sed genus ipsum dicendi, quoad liceret imitarer. Nam cum suo quisque modo, & loquatur, & scribat, aliosque angusta, pressa, concisa, alios ampla, copiosa, redundans delectet oratio: Non satis probo consilium eorum, qui, cum Aristoteles siccitatem quandam tenuitatemque dicendi, contra Cicero copiam & ubertatem adamaverit, neque quidquam tam dissimile sit, quam eorum inter se dicendi genus, Aristotelem tamen interpretantes, quia se, quam possunt, Ciceronis simillimos esse cupiunt, quas ab illo & breviter, & subobscurè dicta sunt; ea huius more dilatant, atque diducunt. sed suum cuique, ut dicitur. Ego, an, quod volui, affectus sim, nescio, aut potius id non affectum esse me, scio: Certè quidem quod in hoc genere optimum est, id me secutum esse, ac propositum habuisse confido.

Neq̄ damno industriam eorum, qui aut ante me, aut post me ( siquidem jam duodecim anni sunt, cum huius libri interpretatio mea primùm edita est ) in his rebus latinè tractandis elaborârunt. Quorum etiam quidam auxilio ad eam rem meo usos esse se, non diffitentur. Neq̄ tantum, ut ille dixit, posterior dies prioris discipulus est, sed etiam magister. Multa aliter olim accipiebam, aliter hodie accipio? Græcos etiam libros multò pluribus locis depravatos esse video, quàm tunc arbitrabar. Itaq̄ necesse est, multa longe secus in eorum interpretationibus, quàm in mea, legi. De quibus non intelligentes modò, sed etiam eos, qui sibi tales videntur, quorum omnis ætas magnam copiam extulit, iudicaturos esse prospicio. Horum ego neq̄ alteros rejicio, neq̄ alteros extimesco, est ejusdem ingenii, & eruditorum admonitiones amare, & indoctorum maledicta contemnere. Ubi, & cur à cæteris dissenferim, vos quidem & quotidie ex me ipso, cæteri autem ex commentario, quem, cum primùm licebit, edituri sumus, intelligent, ROMÆ. Kalend. Mart. Anno M. D. LXF.

M. ANTONIUS MURETUS BERNARDINO LAUREDANO ANDREÆ F. Patricio Veneto  
S. P. D.

X.

**P**restantissimam Poëtarum, Bernardine Lauredane adolescens clarissime, neq̄ magna unquam copia, & semper magna laus fuit. Copia ne fuerit, id in causa est, quod in cæteris facultatibus, nemo est, duntaxat eorum, qui hebeti penitus ingenio non sunt, qui non adhibito labore; si minus excellere, at certè ad mediocri-

tatem



tatem aliquam pervenire, se posse confidat: in hac nisi  
 iis, quos ipsa quodammodo natura ad eam finxerit la-  
 bore diligentia, vigiliis effici nihil potest. Ea ipsa res  
 in hominum animis admirationem peperit Poëtarum,  
 obstupescit videlicet hominibus, cum viderent alios  
 sponte quadam, & propensione naturæ, sine ullo labore  
 ea fundere, quæ cum omnibus eloquentiæ luminibus  
 interlita, tum sparsa multifariam eruditionis variæ no-  
 tis, non tantum dulci sono tenerent aures, sed etiam  
 omni genere affectuum, intimos audientium sensus, co-  
 gitationesq; tentarent; alios contra ingenuarum arti-  
 um scientiâ perpolitos; nulla tamen diligentia, aut diu-  
 turnitate studii consequi posse, ut aliquo inter Poëtas  
 numero ac loco haberentur. Ut autem omni elegantis  
 doctrinæ tractatione ita hujus quoq; virtutis præstan-  
 tia, longè supra ceteros Græcorum hominum ingenia  
 floruerunt. Romani & servius attigerunt Poëticam, &  
 coluerunt negligentius, & minimè longo tempore in  
 rectè scribendorum Poëmatum via perstiterunt, siquid-  
 em cum à rudibus apud eos Poëtica profecta principi-  
 is tandem per multos gradus ad Virgilium pervenis-  
 set: quo ego homine nihil statuo fieri potuisse divinius;  
 ita postea capere ingenia in deterius labi, ut mirum sit,  
 quanta, quam brevi tempore sit consecuta mutatio.  
 Hispani Poëta præcipue & Romani sermonis elegan-  
 tiam contaminarunt, & cum inflatum quoddam & tu-  
 midum, & gentis suæ moribus congruens, invexissent  
 orationis genus, averterunt exemplo suo cæceros à re-  
 ctâ illa, & simplici, in qua præcipua Poëtarum sita  
 laus est, & in quam superiores omni studio incubue-  
 rant, imitatione naturæ, itaq; ferè post Augusti tempo-  
 ra, ut quisq; versum maximè inflaverat, sententians  
 maximè contorserat, eo deniq; modo locutus fuerat,

quo nemo seridè soleret loqui, ita in pretio haberi cepit. Quin etiam fucatus ille splendor, & adulterina eloquentia species ita nonnullorum, qui vera eloquentia gustum non habebat, occaecavit animos, ut his quoque temporibus extiterint Hispani duo, homines ceteroqui & in primis eruditi, & scriptis editis nobiles: quorum alter Lucanum Virgilio, alter Martialem Catullo anteponeere veritus non est, quorum ab utroque ita dissentio, ut, si quis Deus potestatem mihi optionemque faciat, non dicam Virgilii, cui videor iniuriam facere, si eum ullo modo cum ceteris comparem, sed Ennii alicujus, aut Furii, quam Lucani, multò similem in scribendo esse me malim; inter Martialis autem & Catulli scripta, tantum interesse arbitrer, quantum inter dicta scurræ alicujus de trivio, & inter liberales ingenii hominis jocos, multo urbanitatis aspersos sale, neque verò negaverim, multa in Martiale quoque non inscienter dicta reperiri: sed profectò deteriorum longè numerus major est. Latina quidem orationis nativa illa, minimeque quasi pigmentis infuscata germanitas in Martiale nulla est, in Catullo præcipua. Ita de causis cum ab illo altero, nescio quo modo, semper abhorruissem, Catullum contra nunquam non mirabiliter amavi: itaque legebam eum adolescentulus studiose, magnamque operam ad lepores illius intelligendos conferebam, nihil tamen minus cogitans, quam fore unquam, ut in eum commentarios scriberem: Sed, cum haud ita pridem venissem in Italiam, & ut eam regionem aspicerem, qua qui æquo animo carent, mihi quidem antiquitatis memoriæ satis colere non videntur, & meherculè, verum ut dicam, cum alios eruditos homines, tum Paulum inprimis Manutium ut cognoscerem, quod in ejus scriptis mihi videbar animadvertisse, expressas quasdam excellen-

sis doctrina eximiaꝫ probitatis notas, mihiꝫ divina  
 quadam virgula contigisset, ut non pedem pene prius in  
 hac civitate ponerem, quam in amicitiam ipsius fami-  
 liaritatemꝫ intimam admitterer: ipseꝫ aliquot diebus  
 post, de meis sermonibus collegisset, quantoperè me e-  
 jus Poëta scripta caperent; Quin tu, inquit M. Antoni,  
 que in hoc genere notasti, ea in publicum profers, fru-  
 ctumꝫ laboris tui cum cæteris antiqua illa natura atꝫ  
 humanitatis lege communicas: ibi tamen ego cum longè  
 aliarum virum opus illud esse dixissem, & protulif-  
 sem alia multa, quæ mihi ad eam cogitationem suscipi-  
 endam sane quam incommoda essent; eaqꝫ ipse amicè ad-  
 modum refutare pergeret; (nōsti autem divinam homi-  
 nis illius in dicendo s̄varitatem) non prius desistit,  
 quam me impulit, deniqꝫ sibi ut reciperem; me id pri-  
 mo quoꝫ tempore esse facturum. Neꝫ verò diu fidem  
 meam liberare distuli, ut qui inter varias occupatio-  
 nes, homo aliqui laboris non nimium tolerans, hoc ta-  
 men, quicquid est, trium mensium, aliquanto etiam  
 minore, spatio absolverim. Nunc hæcæ vigilias meas  
 Bernardine Lauredane, multæ sunt causæ, quamobrem  
 sibi dicatas velim. Natus es ex ampla cumprimis & no-  
 bili familia, & ex qua ea Venetæ civitatis lumina ex-  
 siterant, quorum claritatem nulla unquam inobscura-  
 bit oblivio. Præterea est hoc generi vestro propè fata-  
 liter datum, ut ametis literas, hominesꝫ earum sciens  
 via exultos benignitate vestra comprehendatis. Non  
 longè abierimus; pater ipse tuus, vir, ut omnes nōrunt,  
 omni egregiæ virtutis laude cumulatissimus, ita iste-  
 rarum amore incensus est, ut ea, quæ ubiqꝫ plurimum  
 valet, auctoritate & gratia permagnam optimorum li-  
 brorum, signorū, nomismatumꝫ veterum, cæterorumꝫ  
 antiquitatis monumentorū copiam ex universa Europe

diligentissimè collegerit, itaq; ut augusta quedam Musarum aedes, ita domus vestra Venetiis ab eruditè hominibus frequentatur. Hac cum magna sint, ut certè sunt, tamen ex te ipso possunt innumerabilia magis propria tuae laudis argumenta desumi: ingenium excellens, aere ac indefessum literarum studium, optimarum artium cognitio tanta, quantam cum paucis aliis in istam aetatis viriditatem cadere posse docuisti: tum, quod precipuum est, ita compositi mores, ut juvenus tua multorum senectuti exemplo esse possit. Vel his superioribus mensibus, cum ad M. Antonii Trivisanì principis optimi, propinqui tui, luctuosam bonis omnibus mortem funebri laudatione honestandam unus ex omni Veneta nobilitatis flore delectus es; quanta, Deum immortalem, orationis & gravitate, & copia, quanta omnium, qui aderant, non approbatione tantum, verè etiam admiratione dixisti? ut iam tum sperare non dubie senatus populusq; Venetus coeperit, quæ tam disertè in aliis laudares, ea te aliquando re, atq; operibus praestiturum. Igitur cum eam orationem in publicum emisisses, nemo repertus est, qui non in caelum tolleret; aut, si qui postea fuerunt, qui eam clanculum extenuarunt verbis, eos satis constat, vel crassitudine ingenii, ne illius pulchritudinè pervideant, vel, ne pro dignitate commendent, veteri morbo perpetua in omnes bonos invidia impeliri. Accessere his prope quotidiani mecum Pauli Manutii de tua laude sermones, in cuius tu viri ore plane habitas, ita enim frequenter, ita cupide de te loquitur, ut mihi nunquam omnino, quam cum de te dicere ingressus est, facundior esse videatur. Attigi breviter ea, quæ me, ut hunc librum tuo nomini potissimum inscriberem, impulerunt. Nunc à te adolescens ornatissime, etiam atq; etiam peto: primam, ut munusculum

hoc

hoc non  
animo  
imbis  
bi, me  
existim

M.

M  
rim, ut  
num,  
quand  
Et, qu  
superio  
fallor, a  
tur omni  
genii si  
taret.  
modo p  
duld f  
lius: C  
benissim  
à quoqu  
verò ita  
testimon  
Deus, q  
hominib  
ptas, et  
coli ac o  
sensus a

hoc non ex sua magnitudine, sed ex meo tibi gratificandi animo ponderes: deinde, ut si quando eorum rationem imbis, quos eximia tua virtutis admiratio adunxit tibi, me quoque, si videatur, eorum adscribendum numero existimes. VENETIIS, Idibus Octobr. M. D. LIV.

M. ANTONIUS MURETUS TOR-  
QVATO BEMBO PETRI F.  
S. P. D.

XI.

**M**agna felicitate mihi carere videor, TORQVATE BEMBE, quod non ita mature in Italiam venerim, ut patrem tuum, virum immortalitate dignissimum, videre atque alloqui possem, nam & incredibilem quandam voluptatem hausissem ex illius herois adpectu, qui aut solus, aut præcipue effecerat, ut ne hæc ætas superioribus seculis invideret: & effecissem, nisi valde fallor, ut ipse me, pro humanitate illa, qua complectebatur omnes, in quibus esset aliqua non alieni à Musis ingenii significatio, non usquequaque sibi despiciendum putaret. Nunc, quando id, quod cuperem, consequi nullo modo possum, certe quidem, id quod proximum est, sedulo facio: colo, quacunque ratione licet, memoriam illius: & cum in omni sermone, tum in scriptis meis, libentissime facio, ut eum laudem, qui mihi neque a me, neque à quoquam satis laudari posse unquam videtur, neque verò ita sum amens, ut ad gloriam ipsius quicquam meo testimonio posse adjici censeam. Sed ita planè judico: ut Deus, qui nullius præconio indiget, laudari se tamen ab hominibus vult: sic beatas illas mentes, in cælum receptas, & cum Deo conjunctas, gaudere, cum se à nobis coli ac celebrari vident, ergò perinde ac si hujus rei sensus ad Petrum ipsum Bembum perventurus sit, ita

E e s,

de

de ipſus admirabili doctrina, ſingulari eloquentia, cæ-  
 terisq; virtutibus, quoties occaſio eſt, prædico, quod ſi-  
 ve ita eſt, gaudeo: ſive ipſe me fallo, tamen hunc erro-  
 rem, qui me tantoperè delectat, mihi eripi nolim. Equi-  
 dem non ſolùm, quæ ille nobis monumenta ingenii ſui  
 plurima ac pulcherrima reliquit, accuratè per voluta-  
 re, verum etiam imagines corporis ipſius ſtudioſè con-  
 ſemplari ſoleo: magnamq; ex eis oblectationem capio:  
 quod illa mihi ipſum ante oculos conſtituere videantur.  
 Jam ſi aut depictam in tabula aut marmore expreſſam,  
 aut in ære, argentoq; inſculptam Petri Bembi imaginem  
 propè divino cultu afficere ſolitus ſum: quid me tibi fa-  
 cere par eſt, Torquate Bembe, quem nobis divinus ille  
 vir vivam & ſpirantem tam corporis, tam multò ma-  
 gis ingenii ac virtutum ſuarum imaginem reliquit? Ita q;  
 ut intelligas, te à me tanti fieri, quanti æquum eſt, &  
 ualis viri filium, & talem filium, qui paternæ gloriæ  
 præclare omni ex parte reſpondeat: mitto ad te munus  
 Tibullum, hoc eſt, eum Poëtam, quem pater tuus felicif-  
 ſimè expreſſit, emendatum à me, & brevibus ſcholiis  
 illuſtratum, qui tibi teſtimonium aliquod ſit incredibi-  
 lis obſervantia erga te mea. Parvum munus, fateor,  
 ſed & à magno animo proficiſcitur, & majora alia ſub-  
 ſequentur, ſi hoc tibi non ingratum fuiſſe cognovero.  
 Vale, Non. Maii. M. D. LVIII. PATAVIO.

M. ANTONIUS MURETUS FRAN-  
 CISCO GONZAGÆ FERDINAN-  
 DI F. S. D.

## XII.

**N**on iniuria dubitatum eſt à veteribus, FRAN-  
 CISCE GONZAGA, adoleſcens præſtantiſſime.  
 Tibul-

Tibullone an Propertio deferendus esset inter Latinos Poetas elegia scribenda principatus, nam ut insunt in utroque permulta, quae eos vulgarij numero exemptos, in edito atq; eminenti statuant loco: sic propria quaedam extant & elucet in utroque virtutes, quibus uterque alterius palmam ambigam facere videatur, summo in Tibullo elocutionis elegantia, & proprietate: summa in Propertio eruditionis Poeticae copia & varietas: in illa Romana prope omnia, in hos plerumque transmarina, illum, nativa quaedam, & incorrupta Romani sermonis integritas, in media urbe natum & altum esse, perspicue ostendit: hunc praeter cetera forma & character ipse dicendi in Graecorum Poetarum scriptis assidue versatum esse demonstrat, cumque a sapientissimis viris traditum sit, duo esse praecipua Poeticae dictionis ornamenta, *in quo* illo Tibullus, hoc Propertius excellere videtur, mollior ille & delicatior: nervosior hic & accuratior, illo magis oblectere: hunc magis, ut opor, admirare, illum iudices simplicius scripsisse, quae cogitaret: hunc diligentius cogitasse, quid scriberet, in illo plus natura: in hoc plus cura atq; industria fuisse perspicias. Quae cum ita se habeant, perdifficile est discernere ac constituere, uter alteri praestet, nam si praecipua laus Poetarum in imitatione consistit: mihi quidem videtur Tibullus varios illos fluctuantis animi motus, quibus amantes agitari solent, melius imitatus esse, sine, ut quicquid ad optimum proximè accedit, ita ipsum quoque optimum iudicandum est: crediderim sane veterum illorum Graecorum, ac praecipue Callimachi, Propertium haud paulò similiorem fuisse: quae etiam fiducia ipse se Romanum Callimachum vocare ausus est.

Sed haec ut sunt, neque nostrum est, neque cuiusquam hominis pudentis, & considerati, quae de re veteres illi,

quae-

quorum fuit & doctrina major, & iudicium acrius,  
 non liquere pronuntiârunt, de ea certi quicquam con-  
 stituere, & litem secundum alterutrum dare: satius  
 fuerit, utrumque studiosè ac diligenter evolvere, utri-  
 usque virtutes accuratè perpendere: utrumq; sibi ad  
 imitandum proponere, si quando fortè nos ad tentan-  
 dum idem poëmaticis genus aut voluntas adducet, aut  
 natura impetus ferat, quæ ego omnia. FRANCISCE  
 GONZAGA, quantum quidem in me fuit, summo studio  
 adolescens factitavi, non enim facile concesserim multis,  
 qui hos Poëtas aut sæpius, aut accuratius legerint, aut  
 verò plus opera posuerint in eorum virtutibus imitan-  
 do exprimendis. Ex quo autem in me juvenilis illa, qua  
 studia Poëtica foventur, alacritas deseruit, animumq;  
 sibi meum gravitatum, & hac ætate digniorum artium  
 tractatio vendicavit; temperare mihi tamen non pos-  
 sum, quin sæpè eos in manibus habeam; horisq; subseci-  
 vis graviorum studiorum asperitatem hoc quasi condi-  
 mento amœnitatis mitigem ac molliam, quin etiam ut  
 non occupationes tantum mee, verùm remissiones quoq;  
 animi afferant aliquid utilitatis hominibus: confero  
 studium non mediocre ad libros eorum perpurgandos,  
 & ad locos: si quos mihi fortè intelligere videor, qui  
 non ita sint omnibus pervii, explicandos, tale igitur  
 quiddam his diebus in Propertio præstiti: & cum ad-  
 mirabili desiderio tenerer insinuandi me aliqua in ami-  
 citiam tuam, iter mihi ad eam præmunire hoc munuscu-  
 lo volui. Ut autem a te cognosci cuperem, ne vivam, si  
 me aut divitiæ, quibus abundas, aut generis tui clari-  
 tas, aut quicquam denique præter maximas tuas, &  
 jam nunc omnium sermone celebratissimas virtutes in-  
 citavit: nam opulentorum, qui honesta studia spernant,  
 non modò ambire ac persequi, sed aspernari etiam, ac  
 resu-

refu-  
 bujus-  
 litas  
 ciunt,  
 efficer  
 disse, q  
 te qui  
 DINAR  
 natissim  
 impetu  
 tim in e  
 minim  
 victori  
 clarior  
 rum m  
 Anton  
 & ad e  
 ria hon  
 persequ  
 quod m

Id tant  
 bus te q  
 tavim  
 Proper  
 graver  
 Hippoly  
 & virt  
 qui tibi  
 tellect



refugere amicitias soleo, non semel expertus, nihil esse hujusmodi hominibus φοβησόμενος: generis autem nobilitas in iis demum habet aliquid gloriandum, qui faciunt, id quod tu, hoc est, in iis, qui omni ope moliuntur efficere, ut ne minus ipsi, splendoris posteris suis tradidisse, quam à majoribus accepisse videantur, itaque colunt te quidem homines, & observant, ut magni illius FERDINANDI GONZAGÆ, sapientissimi, fortissimi, fortunatissimi Imperatoris, filium: sed multò te, mihi crede, impensius colunt, quod eam te viam ingressum, aut potius in ea jam longè progressum, vident, in qua si, ut spes minime dubia est, perstiteris, non ille apud posteros tot victoris, tot opimis spoliis, tot trophæis, quam te filio, clarior sit futurus, sed illius quidem res gestæ cum aliorum monumentis celebrabuntur, tum præcipuè scriptis Antonii Possivini, familiaris tui, eruditissimi hominis, & ad conscribendam historiam facti, tradentur memoria hominum sempiternæ: tuas autem hoc loco pluribus persequi nolo: tum, ne modum Epistolæ excedam, cum quod mihi veniunt in mentem Euripidis versus:

Αἰνῶδες ἢ οἱ γὰρ, ἔργων ἡμῶν.

Miseri res avertas, iam aivōs ἄγω,

Id tantum te orabo, ut, cum à Philosophiæ studiis, in quibus te quotidie Bernardinus Tomitanus, singulare Patavini Gymnasii decus, exercet, relaxare animum voles, Propertiana lectioni temporis aliquid tribuere ne graveris, in qua si comitem tibi, ut facturum auguror, Hippolytum Capilupum, Episcopum Fanensem increduli & virtute, & doctrina hominem, assumpseris, habebis, qui tibi possu ea, quæ à me vel omissa, vel non satis intellecta sunt, unus optimè omnium interpretari.

Vale, PATAVII, Kalend. sextil.

M. D. LVIII.

M. AN-

M. ANTONIUS MURETUS LEONARDO  
MOCENIO, ANTONII PROCURATORIS F. PATRICIO VENETO.

S. P. D.

XIII.

Quod, me sæpè in quotidiano sermone, Leonardo Mocenice, deplorantem audire potuisti; magna inest in veterum scriptis & depravatio, & difficultas, quarum utramque qui pro sua virili parte tollere moluntur, operamq; ad eam rem studiosis hominibus proficentur suam; ut mihi & labores suos collocare fructuosius, & ad extruendam sibi nominis immortalitatem firmibra, & solidiora fundamenta jacere videntur, quam qui hunc emendandi ac declarandi laborem tanquam & pleniorum molestiarum, & abjectiorem quodammodo, atq; humiliorem refugientes, scribendis latina, græcæve lingua orationibus, aut poematis, ejusdemq; generis aliis, sua nomina posteritati commendare solent. Primum enim cum è veterum monumentis, tanquam ex opimis, & pinguibus pascuis, quæ ad saturandos humanitate animos pertinent, omnia colligantur. profectò qui & evellere noxias herbas, quæ in eis cultorum negligentia pullularant, & excisis, si quæ iter impediunt, sentibus, aditum ad ea faciliorem efficere nituntur, negari non potest, quin præclarè omnino de humano genere mereantur, siquidem ut qui aut parum puris, aut ad conficiendam difficultibus utuntur cibus, integritatem valetudinis firmitatemq; virum adipisci vix queunt: ita qui aut parum emendatos libros, aut parum ad intelligendum faciles versare coguntur; nec illi valde bono ingenio sint oportet, si aut ullum sermonis leporem, aut ullum exquisitioris doctrinæ elegantiam consequuntur. Quam multa barbara vocabula, quam

multa

multa  
ruption  
moris  
ignorant  
genus  
roris es  
fecti, p  
terdum  
ægras  
Deinde  
Virgilio  
nostris  
qui si ab  
propere  
ti sunt,  
& efficit  
ius ipse  
dum ve  
quam di  
placens  
piu exer  
aut ver  
tamen  
gloriam  
at contr  
pertinen  
eleganti  
hominum  
possum n  
vixere a  
propter  
loquendi  
namo leg

multa vitiosa genera loquendi, propter librorum cor-  
 ruptionem, usurparunt ii, qui se nostra patrumq; me-  
 moria Ciceroniamos dici volebant? quantularum rerum  
 ignorantio quantas tenebras sepe in omne disciplinarum  
 genus invexit? magna enim Mancenice fecunditas er-  
 roris est: & ut morbi quidam à pusillis principiis pro-  
 fectioni, paulatim per corpus omne serpunt: ita parva in-  
 terdum macula erroris, paulatim progressa longius, in-  
 tegra optimorum scriptorum monumenta contaminat.  
 Deinde non est sanè expectandum, ut omissa Cicerone,  
 Virgilio, ceterisq; veteribus, legantur ii, qui temporibus  
 nostris aliquid eadem lingua, in eodè genere scripserant,  
 qui si aliquid afferunt non haustum à veterum fontibus  
 propè reprehenduntur: sin improbo labore hos consecu-  
 ti sunt, ut in scriptis suis nihil non è priscis illis imitatum,  
 & effectum appareat, nemo tamen est, qui non illos po-  
 tius ipsos priscos evolvere, sibiq; proponere ad imitan-  
 dum velit, itaq; ejusmodi scripta, tanquam vina levia,  
 quamdiu mustea sunt, ipso novitatis sapore paulisper  
 placent; iterum aut sapius gustata fastidiuntur, in prom-  
 ptu exempla sunt, Bembi, Navogerii, Molsæ, Lampridiæ  
 aut versus, aut orationes, quotusquisq; hodie legit; &  
 tamen aut illi nostra etate proxime ad antiquorum  
 gloriam accesserunt, aut nemo unquam accessurus est,  
 at contra si quæ iidem ad illustrandos veterum libros  
 pertinentia literis prodiderunt, qualia nonnulla Bembus  
 elegantissime scripsit, ea plus, plusq; in dies studiosorum  
 hominum manibus conteruntur, sed quid de his loquor?  
 possum nominare nonnullos, qui abhinc sexaginta ferè  
 vixere annos, quorū poemata, orationes, epistolas, cum  
 propter perversum, & inepta affectatione corruptum  
 loquendi genus, quod etas illa extulerat, sine risu hodie  
 nemo legat, eorundem tamen scripta quadam, quibus

*lux aliqua vetustis scriptoribus affertur, omnibus vi-  
gent, denique, quem sola sermonis elegantia suavitasque  
commendat, is etatem ferre liber non potest: at ex quo  
fructus aliquid utilitatisque percipitur,*

*Hic meret ara liber Sosis, hic & mare transit,*

*Et longum noto scriptori prorogat ævum.*

*Ego autem Mocenice, quæ cupiditas in optimo quoque  
maximè viget, navandi studium suum utilitati publicæ,  
& nominis sui ad posteros propagandi, ab ea unquam  
me abhorruisse confiteor, quam ad rem cum illud mihi,  
de quo ante dixi, quasi compendiarium esse iter vide-  
rem, progressus suum in eo, quoad petui, & progredi por-  
rò, si vita suppeditaverit, cogito, ergo alia aliàs: nuper  
autem quatuor Ciceronis in Catilinam orationes tum  
vindicaui à multis mendis, quæ in eis librariorum vi-  
tio infederant; tum, addita brevi declaratione, faciliores  
ad intelligendum effeci, hunc parvum laboris mei fru-  
ctum venire in hominum manus ornatum commenda-  
tione tui nominis volui, primum, quòd ipsi libro, parum  
ex me auctoritatis habituro, multum ex te accessurum  
dignitatis ac gratiæ intelligebam: in quo, quæcumque aut  
ad amplitudinem nominis, aut ad devinciendas amici-  
tiæ hominū voluntates valent, summa esse omnia anim-  
adverto. nam sive generis claritatem requirimus; cui  
tandem; qui Veneti imperii nomen audiverit, Mocenicæ  
gentis splendor ignotus est? quæ quidem gens, ut ne  
annalium memoriam replicem, neque eos commemo-  
rem, quos domi forisque spectata virtus, concordibus  
suffragiis, ad hujus Reipublicæ fastigium evexit; illud  
integritatis, illud justitiæ, illud incorruptæ severitatis  
exemplar, Aloisium Mocenicum, equidem, tuum Leonar-  
de ævum protulit: quo viro nemo unquam in hac civi-  
tate, qui, cum pauciora peteret, plura consequeretur*

*bona-*

honoris insignia, inventus est: ipsa pro eo prensabat  
 virtus, ipsa ei viam ad omnes honoris gradus, non ap-  
 pellandis, non rogandis, non officiose salutandis civibus;  
 sed gloriosis, admirandis, immortalitate dignis edendis  
 operibus munebat, neque verò passa resp. est, tantum lu-  
 men exteris principibus incognitum latere: sed quan-  
 quam fidelissimis illius, sapientissimisque consiliis nixa,  
 non libenter ab amplexu eum suo dimitteret: mandandis  
 tamen ei plurimis, honorificentissimisque legationibus; fa-  
 cultatem dedit famæ suæ per omnes terrarum oras disse-  
 minandæ, qui cum omnes in eam opinionem adduxisset,  
 ut quicquid ipsi, non dicam denegatum, sed non ultrò  
 delatum fuisset, idem virtuti denegatum videretur; fi-  
 lio suo, patri tuo Leonarde, iisdem virtutibus prædito  
 facile atque expeditum iter ad procuratoriam, id est, ad  
 eam, qua nulla summa propior est, dignitatem reliquit,  
 sive igitur generis claritatem requirimus, ea tibi lon-  
 ge maxima divinitus contigit: sive te ipsum, nulla ratio-  
 ne generis habita, intuemur, ea videmus in te, quæ vel  
 abjectam, obscuramque familiam erigere atque illustrare  
 possent. Non enim te aut gentis tuæ nobilitas tumidum,  
 aut opum affluentia insolentem facit: sed illam quidem  
 incitamentum, hanc verò instrumentum exercendæ  
 virtutis esse ducens, ita te geris, ut dignitate par sum-  
 mis, humanitate & affabilitate nihilo superior infimis  
 esse videaris, quo fit, ut tota urbe nemo sit, qui non om-  
 nia tibi successa cupiat, qui te non amet, non in sinu, non  
 in oculis ferat: qui non & optet, & augeretur fore, ut  
 te eodem planè, quo avus olim, itinere gradientem, iisdem  
 resp. quibus illum prosecuta est, honoribus prosequatur.  
 Primum igitur è tue, ut dixi, nomine auctoritatem libro  
 meo querere aliquam volui, deinde, cum plurimis, ma-  
 nifestissimisque indiciis, me tibi non vulgariter carum esse  
 Ff  
 cogo

cognoscerem; volui ego quoque vicissim, qualemcumque poteram, animi erga te mei significationem dare. Vale, Veneratus, A. D. 6. Idus Octob. M. D. LVI.

M. ANT. MURETI AD LEONARDUM  
MOCENICUM, P. V. PRIMÆ ORATIONIS  
Catilinariæ explicatio.

XIV.

**S**æpejam M. Tullius, antequam hanc orationem haberet, verba in senatu de Catilinæ conjuratione fecerat: ut vel ex eo perspicuum est, quod duodeviginti diebus ante, consulibus Resp. Senatusconsulto permissa erat, quod ego ipsum admonere supervacaneum putassem; (est enim sanè quam apertum) nisi animadvertissem, multos magnosque viros, non è recentioribus modis, sed etiam ex antiquis; quod, quidque tempore actum fuisset, non satis attentè considerassent, in errores quosdam minime, ut arbitror, negligendos, in harum rerum explicatione incidisse. Mihi quidem ita videtur: Ciceroni imprimis ipsi maximam esse hisce in rebus habendam fidem: ut, sicubi ab eo ceteri dissenserint: homines eos fuisse, idcircoque labi potuisse, arbitremur: secundum Ciceronem autem Salustio, qui in eisdem temporibus fuit, etiam Asconio, qui ab eorum ætate non ita multum absuit; Græcos autem, Plutarchum, Appionem, Dionem magno esse adhibito iudicio legendos. Nam ut hinc ordiamur, cum conjurati, Catilina denunciatione, in M. Porcii Leccæ domum convenissent, reperti que essent duo, qui se Ciceronem in lectulo suo interfekturos pollicerentur; tum demum ait Sallustius, rem ad senatum à Cicerone relatam; senatumque decrevisse, ut darent operam consulenti quid resp. detrimenti caperet: at id manifestò falsum est, siquidem, quæ vox consecuta est posterum diem non

narum

varum Novemb. ea nocte coitionem illam in M. Porcii  
 domum factam esse, constat ex oratione pro Sylla, jam  
 autem sedecim, minimum dies erant, cum illa senatus au-  
 thoritas intercesserat; ut ex hac ipsa oratione liquido  
 cognosci potest. Illud quoque non minus falsum est, quod  
 idem Sallustius prodidit, cum aut hanc orationem Cice-  
 ro, aut aliam quampiam habuisset, certe quidem aliquot  
 diebus post commissam consulibus remp. Catilinam ira  
 eam vocem denique erupisse, ut diceret, si quod incendiis  
 infortunias suas excitatum esset, id se non aqua, sed rui-  
 na restincturum, id enim jam pridem, id est, aliquot die-  
 bus, ante comitia consularia, Catoni judicium munitanti  
 ac denunciati Catilina responderat, quod ipse Cicero in  
 oratione pro Murena testatum reliquit. Quod si Sallu-  
 stium ipsum, & accuratum cum primis hominem, & il-  
 lorum temporum equalem, tamen alicubi lapsum vide-  
 mus: exacuenda profecto nobis ingenii acies est: neque  
 ut quicquid à quorū veterum proditum fuerit, ita pro-  
 tinus recipiendum est: sed conferenda alia cum aliis, &  
 ad Ciceronis præcipue auctoritatem, tanquam ad Ly-  
 diam lapidem singula diligenter examinanda. Nunc ad  
 rem: Dicta est hac oratio à Cicerone consule, senatum  
 habente in templo Jovis Statoris, VI. Id. Novemb. ut in-  
 fra probabitur, qua quidem oratione ostendit, patefa-  
 cta jam esse omnibus scelera Catilinæ adversus remp.  
 consilia: ipsi quæ suadet, vel potius imperat, ut ex urbe ex-  
 eat, quo & civitatem liberet metu, & ipse se liberius  
 hostem P. R. profiteri queat. Genus igitur causa iudiciale  
 non est, ut falso Cælius Curio putat, non enim in senatu  
 iudicia exercebantur, sed ne deliberativum quidem est,  
 quid ita? quia enim non deliberat Cicero, neque sententiam  
 dicit, neque aut suadet quicquam senatui, aut dissuadet:  
 sed Catilinam increpat, objurgat, exagitat: jubet denique,

ut cum Reip. salute, sua verò peste ac pernicie ex urbe profiscatur. Quid igitur? fatendum profectò est, non omnes Ciceronis orationes, nedum omnia quæ ab oratore tractantur, ad tria illa per vulgatâ causarum genera posse revocari. Ipse autè orationis *χρησιμότης* plenus est *δεδότῳ*, *πρωτιμῳ*, *σφοδρότῳ*, *μεγαλοπρεπείῳ*; itaq; quacunq; de illo genere à veteribus prodita sunt, ea hinc mirabiliter observata reperiemus.

M. ANTONII MURETI AD LEONARDUM MOCENICUM, P. V. SECUNDÆ Orationis in Catilinam explicatio.

XV.

Cum multa sunt alia, quæ in veteribus dicendi magistris admirari, & liberè, ut loquar, non satis probare soleo, Leonardæ Mocenice: tum illud imprimis, quod iidem homines & multò longius, quàm par erat, fines oratoris facultatis protulerunt, & eandem postea multò breviorè, multoq; angustiorè, quàm ipsius natura fert, ambitu, quasiq; gyro concludere, ac constringere voluerunt, nam cum ita latè patere oratoris officium tradidissent, ut ex omni artium numero nullam relinquere, qua non instructum esse eum, atq; ornatum oportere dicerent; neq; præclarum illud nomen eloquentis cuiquam tribuendum putarent, nisi qui idem & grammaticus esset, & dialecticus, & earum rerum quæ in naturæ obscuritate positæ sunt, intelligens, & gubernanda Reip. & gerendi belli peritus: eundemq; esse vellet & musicum, & geometram, & arithmeticum, & astrologum, & medicum, & architectum: nulla ut res esset cælo, terra, mari, de qua non ille copiosissimè disputare, atq; ornatissimè posset: iidem postea, tanquam illi



lius tanta liberalitatis suæ pœnitentes, quasi angustissimo quodam ergastulo, ita tribus caussarum generibus totam illius tam latè patentem, diffusamq; vim coercuerunt, in quibus illud primum est, quod admirer: si quis Euclidis, Ptolomæi ve scripta nunquam legisset, cui tandem impedimento id ei ad dicendum putârint fore: aut qui minus eloquentem futurum, si qui nunquam neque cantare, neque saltare didicisset. nam si quod aliquando accidit, ut C. Sulpitius, de lunæ defectione differens, exercitum L. Pauli confirmaret, iccirco astrorum rationē oratori esse necessariam dicimus: & quia de faciendis portubus, architectum; quia de livoribus, & tumoribus in corpore interdum aliquid dicit, medicum esse eum volumus: eadem ratione dicamus sanè, debere eum bonum coquum esse; bonumq; sutorem: quod in tanta rerum varietate accidere aliquando possit, ut de cibus ei sit aliquid calceamentisq; dicendum. Magnum verò oratori negotium imponimus: si ut ei aliquid in sermone de hujus aut illius artis instrumentis, operibusve, aut de ipsa etiam efficiendi ratione occurrat: ita eum mittemus ad magistrōs, & nisi quam artem didicerit, nunquam de ea verbum unum facere patiemur, ac profectò si ista omnia in oratore sunt, mirum est, cur non ad cavendam tibiis, ad obliganda vulnera, ad ædificanda navalia, disertis homines adhibeantur, & cur non oratoribus respub. tanquam Delphicis gladiis ad omnia, quæ sunt in civitate necessaria, utatur. Est autem operæ pretium cognoscere, quo potissimum argumento istud gloriosum dogma confirmet. De omnibus inquirunt, rebus dicere, oratoris officium est, non potest autem quisquam ea dicendo tractare, quæ cognita per spectata, non habeat, omnium igitur artium scientiam animo comprehenderit, oportet is, qui oratoris munus sustinere meditetur. O plumbeū,

ut dicitur, pugionem! quis enim hoc tibi concesserit, nisi  
 quem ista maguorum nominum infatuaverit auctori-  
 tas, omnibus de rebus oratoris esse officium dicere? So-  
 phistarū hoc fuit, ponere iubere quod quisq; vellet: quod  
 nemo unquam, qui orator haberetur, factitavit. Quando  
 autem potest accidere, ut orator dicere debeat, quod qua-  
 dri possit circulus, neque possit, aut ecquid ullam habeat  
 quadrati latus cum diametro proportionem? At hec  
 ipsa si tractanda susceperit, multo tractabit ornatius,  
 quam ipsi artifices solent. Sanè verò mortuos, credo, ex-  
 citabit, & multis rebus sermonem dabit, & similiter  
 cadentibus ac similiter desinentibus sanorum numero-  
 samq; efficiet orationem: facileq; si id facere voluerit,  
 effugiet, & risus hominum, & insania famam. Conspu-  
 raretur me hercule, ut opinor, & saxū lutoq; peteretur,  
 si quis in corona tractandis ejusmodi rebus ornatum  
 ullum adhibere oratorium vellet. De justis, injustis, uti-  
 libas, inutilibus, honestis, turpibus, dicere oratoris offi-  
 cium est: non de quadratis, & circulis, de conis, & py-  
 ramidibus disputare. Itaq; præclare Aristoteles, ut solet,  
 Rhetoricen in iis modò versari ait, *ἢ τῶν τετραγώνων ἢ τῶν  
 ἑξάγωνων ἢ τῶν ὀκτώγωνων ἢ τῶν σφαιρῶν ἢ τῶν κύβων ἢ τῶν  
 ὀκτώγωνων ἢ τῶν ἑξάγωνων ἢ τῶν τετραγώνων*: iis videlicet in rebus, quæ sunt in  
 eomuni quadam intelligentia posita: & de quibus, ne-  
 mo est, qui non natura duce, utcumq; judicare se posse  
 confidat, hoc enim planè mihi quidem innuere videtur,  
 tum ait, *ἢ τῶν τετραγώνων ἢ τῶν ἑξάγωνων ἢ τῶν ὀκτώγωνων ἢ τῶν  
 σφαιρῶν ἢ τῶν κύβων ἢ τῶν ὀκτώγωνων ἢ τῶν ἑξάγωνων ἢ τῶν τετραγώνων*. Deinde, si maxime oratori accidere interdum  
 posse fateamur, uti iis de rebus verborū aliquid faciat,  
 quæ ad alias facultates, aut scientias pertinent: non ta-  
 men ex eo efficietur, ut ad oratoris nomen tuendum ne-  
 cessaria sit omnium artium cognitio. Ac mihi cogitanti  
 quæ tandem istius erroris origo esse potuerit, ut aliarum  
*ἢ τῶν τετραγώνων ἢ τῶν ἑξάγωνων ἢ τῶν ὀκτώγωνων ἢ τῶν σφαιρῶν ἢ τῶν κύβων ἢ τῶν ὀκτώγωνων ἢ τῶν ἑξάγωνων ἢ τῶν τετραγώνων*  
*ἢ τῶν τετραγώνων ἢ τῶν ἑξάγωνων ἢ τῶν ὀκτώγωνων ἢ τῶν σφαιρῶν ἢ τῶν κύβων ἢ τῶν ὀκτώγωνων ἢ τῶν ἑξάγωνων ἢ τῶν τετραγώνων*  
 videntur.

entur Sto-  
 alem n. illi  
 sus esset:  
 queus, (solu-  
 eas fecisse  
 ppe. sti pra-  
 m effinxere,  
 e quidem mo-  
 uld alium a-  
 rant, quod id  
 ile probari  
 pgradi, & q-  
 dem, diis ju-  
 rteat, qui b-  
 as cetera, ill-  
 vibus de re-  
 meatur tr-  
 berativo &  
 s hoc loco a-  
 sti, omnia q-  
 (subje. ta ess-  
 ntius locu-  
 ntroversian-  
 ur nō potest  
 ero effi. lon-  
 enere caus-  
 is olim eos,  
 mos erat-  
 causas, neq;  
 quam cōir-  
 doctrina v-  
 Tu verò q-  
 s; quero ex

videntur Stoici principes, quasiq; procreatores fuisse,  
 qualem n. illi suum sapienſem esse dixerant, qui solus for-  
 mosus esset, solus liber, solus rex, solus dialecticus, si lus  
 eloquens, solus deniq; omnia, ut etiam, quamvis nunquã  
 solus fecisset, tutor tamen esset in primis bonus: talem  
 prope isti præclarum illum suum è Platonis rep. orato-  
 rem effinxere, quam vanitatem secutus Vitruvius multo  
 ille quidem modestius, sed tamen aut talem, aut certè nõ  
 multò alium architectũ informavit, atq; illi oratorẽ fe-  
 cerant, quod idem nõ tantũ in poëta, aut in imperatore  
 facile probari queat: verũ etiam si ad istud exemplum  
 progredi, & omnes artes paulatim cõmiscere libeat, eò  
 tandem, diis juvantibus, veniemus, ut bonum musicũ esse  
 oporteat, qui bonus cerdo evadere cogitet. Sed ut muta-  
 mus cetera, illud certè cõvenire nullo modo potest, ut &  
 omnibus de rebus dicere sit orator; & totũ illius officium  
 contineatur tribus causarum generibus, demonstrativo,  
 deliberativo & judiciali: neq; verò mihi quisquã Aristote-  
 telis hoc loco auctoritatẽ obiciat: nam ille primũ non,  
 ut isti, omnia quæ in rerũ natura sunt, oratori ad dicen-  
 dũ subjecta esse voluit: deinde multò verius, multoq; sa-  
 pientius locutus est: non enim tria genera causarũ aut  
 controversiarum, sed tria eĩdem modo præteritis, aut tria non  
 præteritis dicit, quod si quis putat idem cum illo  
 altero esse, longè errat, ego a, si quis quærat ex me, quo  
 in genere causæ, aut cõtroversia sit ea oratio, qua quot-  
 annis olim eos, qui pro patria occubuerãt, Athenis lau-  
 dari mos erat, planè respondebo, in nullo; nulla enim ibi  
 neq; causæ, neq; controversia est: neq; quicquam de quo  
 quisquam cõtrove- setus, & tamen è Platonis Aristote-  
 lisq; doctrina verè dici potest, esse hoc & imitandum præteritis  
 alijs. Tu verò qui oratorem Hippiam quendam πανταπει-  
 ρον facis; quæro ex te, cum de corporum cœlestium motibus,

de fulguribus, de terræ motibus disputabit: (quando hæc quoque ad munus illius pertinere vis) in quo istorum trium generum eum versari dices? neque enim tum laudabit, neque vituperabit: neque suadebit, neque dissuadebit; neque accusabit, neque defendet, ac ne longius exempla repetamus: (tempus est enim, ut his omissis, ad ea veniamus, quæ instituto nostro adjunctiora sunt) hæc in Catilinæ orationes, præter postremam, quæ sanè deliberativa dicatur, sub nullum ex illis tribus generibus includi queunt, non sub iudiciale: neque enim habentur in iudicio: non sub demonstrativum nam in demonstrativo sola audientium voluptas queritur: totumque illud genus ad pompam, & ad ostentationem comparatur: non sub deliberativum: in priore enim ut vidimus, nulla deliberatio est: quin id tantum agebat Cicero, ut exiret Catilina, quo ipse postea cum senatu deliberare de re publica posset. neque enim præsertim eo deliberare, aut decernere utile fuisset, hæc autem, quam nunc explicare aggredimur, tertiamque, nihil aliud agit, quam ut exponat populo ea, quæ gesta sunt, eumque confirmet, ac bene sperare iubeat, ne queramus igitur, hæc orationes quo in causæ genere sint, aut in quo statu; sed ista relinquamus eis, qui eò progressi sunt stultitia, ut, editis libris, non tantum in epistolis Ciceronis, verum etiam in Comædiis Terentii & genus causæ, & statum requirant. Nunc Ciceronem ipsam audiamus.

M. ANT. MURETI AD LEONARDUM  
MOCENICUM, P. V. TERTIÆ IN CATILINAM  
orationis explicatio.

XVI.

Admirabilis quædam, ac propè divina vis est. Leonardo Mocenice, hominis eloquentis, meritoque sapient-

sapientissim  
ferro, qui  
quam ulu  
set; tum p  
ler at as C  
consilia fr  
mibi quide  
mana olim  
remque fact  
ferent pro  
Romam, q  
protuleru  
stris exter  
sare ac def  
frigus, an  
clat eas pa  
dium ei ma  
titato non  
bellare hos  
moliebant  
facile est,  
fici posse  
ca partes,  
vitate plur  
ac consoci  
ris, atq; ex  
nice, Deum  
in tanto, ta  
grum, atq;  
us, quam C  
enim latent  
gulari pro  
tulit; man

sapientissimus poëta scripsit Euripides, nihil esse quod ferro, quin idem oratione confici possit. Quod si unquam ullum tempus fuit, cum id manifesto perfici posset; tum profectò apertissime declaratum est, cum sceleratas Catilina in patriam machinationes, nefariaq; consilia fretus eloquentiæ viribus Cicero dissipavit, ac mihi quidem sæpenumero in summos homines, quos Romana olim respublica plurimos protulit, intuenti, altorumq; facta cum aliis, quam possum, accuratissime conferenti prorsus ita videtur, plus uni Ciceroni urbem Romanam, quam omnibus, quotquot bellica virtute fines protulerunt imperii, debuisse, nam ut in corporibus nostris externum calorem, externumvé frigus propulsare ac defendere facile est; ubi autem inius contractū frigus, aut venis ac visceribus conclusus calor labefactat eas partes, quibus vita præcipuè continetur, remedium ei malo adhiberi, nisi ab homine petito; atq; exercitatio non potest: sic in ratione gerendæ reipublicæ debellare hostes externos, & quod illi mali civibus tuis moliebantur, id in ipsorum capita convertere, si minus facile est, cujusmodi tamen est, ut humanis viribus effici posse videatur: at ubi ipsa inter se dissident reipublicæ partes, & quidem ita dissident; ut quibus in tota civitate plurimum animi, atq; audaciæ est, ii conjuncti ac consociati inter se obstinatissimo animo, pestem cæteris, atq; exitium machinentur: Deum profectò Moccenice, Deum quendam, non hominem, esse oportet, qui in tanto, tamq; ancipiti discrimine statum civitatis integrum, atq; incolumem præstet, ea verò laus cui potius, quam Ciceroni, tribuenda sit, neminem video, unus enim latentem adhuc atq; occultam conjurationem singulari providentiâ, vigilantiaq; deprehendit, ac protulit; manantem, serpentemq; paulatim longius, com-

prebit: fractos ac debilitatos metu propter inusitatum  
 periculi magnitudinem civium animos confirmavit, in-  
 dormientem tantis rebus excitavit senatum: eadem  
 pace & securitatem bonis, & terrorem improbis at-  
 tulit: Collegam suum labe conjurationis infectum, spon-  
 te deposita, oblataq; illi provincia, ad bonas partes ad-  
 duxit, & ut quæ sanari poterant, summo adhibito stu-  
 dio sanare conatus est, ita quæ insanabilia videbantur,  
 ea, omni periculo, atq; omni invidia pro nihilo habita,  
 animosè ac fortiter amputavit, itaq; earum rerum er-  
 go, primus meritisimo eum honorem consecutus est, ut  
 pater patriæ diceretur. Ac si quis est, qui horum præ-  
 stantissimorum operum laudem ab eloquentia remo-  
 vens, ad alias quasdam virtutes referre malit: ut ei  
 nos illud dabis, nunquam hominem quamlibet in di-  
 cendo copiosum atq; ornatum, hæc tam præclara effe-  
 cturum fuisse sine aliis plurimis, maximisq; virtuti-  
 bus: ita ipse, nisi valde iniquus sit, nobis hoc concedat,  
 necesse est, nunquam hæc tam feliciter à quoquam di-  
 rigi gubernariq; potuisse, cui, ceteris instructo animi  
 bonis graviter ornateq; dicendi facultas defuisset.  
 Hanc ego ad facultatem, Mecenice, vias demonstrare  
 conor, quibus in hac urbe cordi sunt honestarum ar-  
 tium studia. Nam etsi non sum ita nescius mei, ut elo-  
 quentem esse me putem: tamen, quod à prima ætate  
 dedi me studiosè ad exercitationem dicendi, & magna  
 cum cura pervolutavi eorum scripta, qui aut disertè  
 fuisse ferebantur, aut ea præcepta libris suis complexi  
 esse, quibus orationis copia pararetur: videor posse,  
 quò ipse non pervenerim, nihilominus, eò qua perve-  
 niendum sit, aliquo modo indicare. Certè quidem se-  
 dulò præsto, quod possum, & quod mihi senatus aucto-  
 ritate manus injunctum est, ei ut ne desim, viribus opi-  
 busq;

busq;  
 mecum  
 dos qu  
 sed ne  
 goniis  
 ad ea  
 gratu  
 quog  
 res bo  
 nile s  
 rio, si  
 non ea  
 gloria  
 est vel  
 struan  
 in vita  
 sim, m  
 tu, u  
 Nunc  
 tionib  
 studio

M.  
 L. B

S. pr  
 Sibus  
 consti  
 stanti h  
 nor, &

busque omnibus elaboro. Quoniam autem multi sepe ita mecum egerunt primarii homines, ut dicerent, se cupidos quidem esse cognoscendi ea, quae à me dicerentur: sed ne ad me tam sepe, quam vellent, ventitarent, negotiis impediri, si subservi temporis aliquid sumerem ad ea ipsa, quae quotidie traderem, mandanda literis, gratum id multis atque optatum fore: morem illis hac quoque in parte gerere volui: & ad meos pristinos labores hoc quoque scribendi onus adjeci. Quod utinam tam utile sit aliis, quam à me, solo obsequendi amicis desiderio, sine ulla ambitione susceptum est, quanquam enim non eam me sapientiam consecutum praeme ferò, ut gloriam spernam: tamen ea nostris temporibus copia est vel eruditorum hominum, qui meis luminibus obstruant: vel malevolorum, qui omnem iudicii laudem in vituperandis aliis pestuam putent: ut judicaturus sim, mecum praecclare actum, si ita caream gloria fructu, ut ne obrectatorum quidem aculeos sentiam. Nunc, quando de quatuor Ciceronis in Cantilinam orationibus duas interpretati sumus, pari duas reliquas studio persequemur.

M. ANTONII MURETI AD  
LEONARDUM MOCENICUM P. V.  
Quarta Orationis in Catilinam  
explicatio.

XVII.

SI praemiis tantum, Mocenice, & iis praemiis, in quibus praecipuam felicitatis partem vulgaris opinio constituit, ad bene merendum de humano genere praestanti homines ingenio adducerentur: multos, ut opinor, & certe, ab instituto virtutis itinere animadversa

supe-

superiorum atatum exempla revocarent, nam si replicare memoriam temporum, & antiquitatis monumenta excutere velimus; deprehendemus, unaquaq; in republica eos ferè, quorum plurima in eam extabant, maximèq; beneficia, omni scelere laceratos, omni crudelitate raptatos, omni acerbitatis genere divexatos fuisse, quod quamvis ita exploratum est, & tibi & iis omnibus, qui operæ aliquid in antiquitatis cognitione posuerunt, vix ut confirmationis indigeat: tamen, ut, si qua esse potest, dubitatio eximatur, aliquot, quæ mihi nunc in mentem veniant, illustria ejus rei exempla subiciam. Prima autem in hac cogitatione occurrunt illa omnium laudandarum artium, ipsiusq; ad eò humanitatis parentes Athenæ: quam optimis studiis deditam, refertam assidue, atq; ut ita dixerim, sætam eruditissimis hominibus civitatem, cui unquam insigniter adjuvare, impune licuit? non illa Miliadens, Cimonem, THEMISTOCLEM, ARISTIDEM, Æschinem, Demosthenem, quorum omnium summis erat usa beneficiis, in exilium pepulit? non illud probitatis modestiæ, integritatis, sapientiæ specimen Soeratem veneno necavit? & constituto adversus impios, ac prævede rebus divinis sentientes supplicio eum potissimè affecit: qui unus ex omnibus ad veram Dei cognitionem proximè accesserat? sed Romana Respubl. quanto ceteras omnes magnitudine virium, atq; imperii amplitudine superavit; tantò majorem nobis, atq; ampliorem hujus generis exemplorum copiam subministrat, cujus in historiam quisquis ingreditur, is in ipso quasi vestibulo ipsum illum urbis parentem Romulum Senatorum manibus crudelissimè discerptum, ac dilaniatum videt. Quòd si tam horrendi facinoris immani atrocitate spectata, intrò tamen ire perrexerit, non longe progressus,

obri-  
 fici-  
 quam  
 Atq; u  
 Camil  
 fide, j  
 eadem  
 de quo  
 lam co  
 gunt id  
 qui eum  
 redact  
 debilit  
 iis atti  
 tranq  
 bines.  
 sionum  
 præcla  
 acervi  
 nefaria  
 cidata  
 nis be  
 vias in  
 baccha  
 fuerant  
 cum, q  
 ni, Re  
 bus tar  
 ta sang  
 quibus  
 tunc oc  
 totius  
 nommo



obvium habebit Collatinum, ob inanem popularis suspitionis auram, in exilium proficiscentem ea ex urbe, quam ipse magna ex parte dominatu regio liberarat. Atq; ut Coriolanum tacitus præteream, Marcum certe Camillum, haud facile dixerim, militarinè virtute, an fide, justitiâq; majorem, & mirabitur & miserabitur eadem calamitate perculsum. Scipionem verò illum, de quo verè scripserat Ennius, nullam ei statuam, nullam columnam à populo Romano erigi posse, quæ magnitudini rerum ab ipso gestarum responderet: quis est, qui cum intellexerit eò post tot tamq; insignes victorias redactum; ut exilium sibi suapte sponte consciverit, non debilitetur, ac concedat animo; planeq; judicet nullam iis attingendam esse Reipubl. partem, qui commodo ac tranquillitati suæ consultum velint? Quid jam illos turbines, illas procellas, illas tempestates civilium dissensionum commemorem? quibus non unus aut alter præclarus & salutaris reip. civis perculsus est: sed ipsi acervi, ipsa millia immortalitate dignorum hominum nefariis consceleratissimorum latronum manibus trucidata jacuerunt. O acerbum illud, ô vel Romani nominis hostibus miserabile spectaculum, cum passim per vias immanium gladiatorum in principes civitatis debacchabatur furor: cum, qui aliquando Reip. præsidia fuerant, eis nullum in civitate præsidium reperiebatur: cum, quorum eloquentia ipsis gloriæ, aliis admirationi, Reip. salutis fuerat, eorum ex illis ipsis Rostris, è quibus tam sæpè concionati erant, incisæ cervicibus, capita sanguinolenta pendeabant. Sed ut hæc mittamus, quibus satis dolenter deplorandis, alicujus eorum, qui tunc occubuerunt; opus esset ingenio: Ciceronis casus, totiusq; vitæ jactatio quem non, qui in juvanda patria commodum suum, aut aliquod ejusmodi præmiū sequatur à reip.

à reip. tractatione deterreat? cuius enim unquam hominis vel plura vel majora merita populus Rom. habuit? at ille tamen, cui senatus rogato supplicationem decreverat: quem Q. Catulus, princeps senatus, quem M. Cato, quem multi alii parentem patrie meruitissimo vocaverant, Cui L. Gellius coronam civicam à Republ. deberi dixerat, quid non postea calamitatum, indignitatum, acerbitatum in ea, quæ ipsius consilium stabat, civitate perpeffus est? ipse in exilium ab homine deterrimo pulsus, direpta bona, vexata uxor, vexati liberi, domus incensa: quicquid deniq. meruerat CLODIUS, CICERO pertulit: & eas ob ipsas res pertulit, quibus nulla satis ampla præmia poterant inveniri. Quocirca si sola, ut initio dixi; præmiorum expectatione præclari viri ad virtutem, & adjuvandum genus hominum adducerentur: multi sine dubio, cogitis aliorum casibus, à proposito abducerentur. Sed est profectò, Mecenice, est maior quædam vis, quæ tibi, ac tui similibus persuadeat, virtutem non modò detractis omnibus præmiis, verùm etiam propositis omnibus suppliciis, expetendam: pulchrum esse adjuvare cives suos, & omnes curas, omnes cogitationes, omnes vigiliis in Reipubl. salute desigere; nullum eius causa periculum, nullam invidiam, nullam dimicationem desigere: cives beneficiis affecti, si quid præmiorum retulerint, non repudiandum, sin parùm grati, parumq. memores fuerint, quid deniq. nos Reipubl. non quid ali nobis debeant, cogitandum. Sæpè enim ex te audiui, cum diceres, gratulari te tibi, & magnam gratiam debere omnium rerum moderatori Deo, quod ea in Republ. natus esses, in qua verendum non esset, non modò ne quisquam ob virtutem in invidiam vocaretur, sed ne vel minimis in Remp. beneficiis sua præmia denegarentur.

sed

Sed t  
Deu  
exul  
nanti  
cam,  
neg p  
homi  
cunt  
gloria  
dore e  
cilia p  
vel de  
conjur  
ne præ  
tus est  
tus, &  
na, ve  
duceb  
confer  
quas  
rabies  
ac sen  
explic

M. A

C  
tio ver  
bus ab  
rediret

sed tamen si vixisses illis temporibus, & optionem tibi Deus tulisset, Ciceronis fortunam ab urbe conservata exulantis, fortuna Caesaris, in eadem oppressa dominantis antepositurum fuisse. Ac planè ita est, ut dicam, gratuita ita prorsus, non mercenaria est virtus: neq; premiorum mercedibus ad rectè agendum excelsi homines ingenio, sed ipsa dignitate atq; honestate ducuntur: aut si quando de aliquo premio cogitant: de gloria deq; immortalitate nominis cogitant: cuius splendore capti & incensi, omnia quæ aspera, molesta, difficilia perpessu, impatibilia creduntur, vel non sentiunt, vel despiciunt ducunt. Neq; verò M. Tullius, cum de conjuratis supplicium sumeret, non jam tum cogitatione præcipiebat eas tempestates, quibus postea vexatus est: Sed animus & à natura præclare conformatus, & sapientiæ præceptis adversus omnes vel fortuna, vel hominum injurias confirmatus, multò pluris ducebat eam pulchritudinem, eamq; gloriam, quæ in conservanda patria esset, quam omnes acerbitates, quæ ipsi postea perditorum hominum inflammata odia rabies objicere posse videretur. Hanc ipsius rationem ac sententiam fuisse, cum alia multa, tum hæc, quam explicare ingredimur, oratio manifestò declarat.

M. ANTONIUS MURETUS S. P. D.  
ADRIANO TURNEBO

## XIIIX.

Cum ex Italia, octavo post anno, in Galliam mihi Cesse redeundum viderem, judicavi fore, ut mihi vitio verteret, si ex regione copiosissima & bonis omnibus abundantissima, in qua tot annos versatus essem, redirem ad meos, inanis aliqua res exquisita & visenda, qua

qua possem ἀντιφάσσειν eos, qui tam longo intervallo, saluum venisse, ut sit, gratularentur. Quanquam igitur toto peregrinationis meae tempore studiosissime feceram, ut veteres Bibliothecas, quae illic plurimae, ac pulcherrimae sunt, excuterem, bellissimum quoddam, quod suo tempore ad usum hominum depromerem, conditurus: tamen ultimis illis diebus, quibus Romae fui, majori etiam studio ad eam rem incubui: insita & usitata hominibus consuetudine, ardentiori affectu tractandi atque amplectendi ea, quibus se paulo post carituros vident. Saepe autem audi veram commendari ab hominibus eruditum volumen quoddam per antiquum Philippicarum M. Tullii, quod asservaretur in Bibliotheca Vaticana, non in majore quidem illa & augustiore, quae Pontificum beneficio, quotidie ferè stans horis patere ad communem studiosorum omnium utilitatem consuevit: sed in abdita quadam, & non ita omnibus per via, quae à sacerdotibus D. Petri superioribus annis concinnata, postea, sive negligentia hominum, sive fraude, exhausta prope jam exinanita esset, sed anxium me ac sollicitum habebat, quod eam antea multa per me, multa per amicos expertus essem, ut eum librum inspicere, eoque triduum aut quatrimum arbitrato meo uti possem: nunquam successerat: semperque casus aliquis, cum jam jamque id, quod optabam, consecuturus viderer, conatus omnes meos eluserat: statui tamen, antequam ab incepto desisterem, semel etiam experienda omnia esse, & quasi munitam aliquam arcem diu frustra obsidesset, prius quam re infecta discederem, omnibus simul machinis, omnibus operibus ad murum admaius tentandam irruptionem, quid quæris? puncto temporis obtigit, quod totum prope biennium ne quicquam optaveram, non modò enim mihi

exi-

eximi  
posuiss  
est, ut  
prius  
diem  
longo  
avide  
diligent  
rani, c  
ture ca  
ve nece  
Poeta  
somnia  
mea fr  
quam  
temere  
legeren  
pleta,  
Librum  
gentos  
confor  
delectis  
& scri  
ne in it  
antiqu  
plum ad  
quidem  
non tan  
novit ad  
vetera  
lectorib  
ut tacea  
re potin

eximium illum librum inspicere licuit, quod ego ipsum  
 posuissem in magni benefici loco; sed etiam permissum  
 est, ut eum mecum auferrem, domiq; haberem, data  
 prius fide, eum, quod longissimum esset, ante septimum  
 diem redditum ac restitutum iri. Tam verò, tanquam  
 longo tempore collectum suum explere cupiens, ita eum  
 auidè per volutare, & cum iis, qui ab eruditissimo ac  
 diligentissimo viro Hieronymo Ferrario emendati e-  
 rant, conferre cœpi, ut me, quanquam graviter agro-  
 tare cœperam, non valetudinis ratio, non cibi potioni-  
 ve necessitas, non ille ipse omnium domitèr ( ut eum  
 Pœtæ Græci vocant ) à tam dulci occupatione posset  
 somnus abducere; præclare autem mihi constitit operæ  
 meæ fructus. Non enim facile crediderit quisquam,  
 quam multa in his orationibus mutila, quam multa  
 temerè addita, quam multa corrupta ac depravata  
 legerentur in omnibus aliis libris, quæ hujus ope ex-  
 plecta, resecta, sanata & integritati suæ restituta sunt.  
 Librum autem ipsum, credo equidem, ante hos septin-  
 gentos annos exaratum esse, quod & ipsa literarum  
 conformatio ostendit plerisq; locis gemina, quæ in Pan-  
 dectis Florentinis, & in Terentio Petri Bembi visitur:  
 & scribendi ratio, quam ietores & Placæ vocant, eadem pla-  
 nè in iis, quos modò nominavi, libris, & præterea in  
 antiquissimo illo Epistolarum Ciceronis, cujus exem-  
 plum abhinc triennium divulgavit P. Victorius, quam  
 quidem cum ex aliqua parte exprimendam curaverim,  
 non tamen sum ausus perpetuò id facere, ne nimia illa  
 novitas ( siquidem nova dicimus etiam ea, quæ, cum  
 vetera sint, diu ab oculis & ab usu hominũ abfuerunt )  
 lectoribus & moram objiceret, & molestiam pareret.  
 Ut taceam, quod quædam in eis libris inesse iudico erro-  
 re potius, & vitio illorum temporum, quam ratione, &

auctoritate superiorum recepta, *cujus generis sunt emptus, sumptus, & similia per litteram p. in quo immoderata fuit atas illa, cum sollempnia, & sompnus, & temptare, plerique omnes tum scriberent.*

*Sed & illud ex eodem fonte fluxisse puto, quod litteras multas inter se commutabant: cum apsum, & optineo, contraq; scribitura, & obtare, saepe in eorum libris legatur, in eundem numerum inluserim; avieris pro abieris: & Bolumina pro Volumina, ejusdemq; generis innumera. Nam illud, quale esse dicam, nescio, quod lathrones & lathrocinia prope semper scribebatur, *cujus manu ille Philippicarum liber scriptus est. Ne illa quidem exprimenda duxi, adfcere, adponere, conligere, conlega, inlustris, & talia, aut acum, relicuum, locuntur, cottidie; quae tamen non ejusdem generis, *cujus illa, esse duco: aut illa, immemorian; pro, in memoriam, summa; pro summa est, & similia; etsi haec quidem non plane aspernanda censeo. At haec leviora sunt: illud majoris momenti: quod locos amplius trecentos in omnibus aliis libris depravatos, a nobis emendatos videbit, qui quis hanc editionem cum aliis conferre voluerit. Tibi autem Adriane Turnebe, vir optime & doctissime, hunc laborem meum inscribere quasiq; consecrare placuit, tum, ut extaret monumentum aliquod veteris amicitiae nostrae, tum, ut liber ipse hoc nomine studiosis omnibus gratior ac commendatior foret. Et sane si ve quaerendus erat amicus de me bene meritus, cui hoc munusculum daretur, neminem ordinis nostri videbam, cui plus deberet: si ve deligendus iudex, qui de his rebus existimare unus omnium optime posset, nullum reperire poteram, cui justius id deferretur, quam tibi. Non enim aut obscurum, aut ambiguum est, inter omnes, qui hodie litteras***

tra-

traflan  
trover  
ge. L

M. A

E  
le S  
temer  
bus ju  
extitiss  
dioran  
magistr  
& uben  
genere  
mensi op  
vere: a  
dissent  
care: ei  
negotia  
scriptio  
que in j  
relectis  
dioran  
rent. A  
nus agr  
tiores in  
aliquod  
jus Civ  
vantes  
buerunt

tractant, ad quem ex hominibus nostris prima sine controversia deferantur. Vale, meq; ut facis, amare perge. LUTETIÆ. Idibus Marti, Anno M. D. LXII.

M. ANTONIUS MURETUS S. D.  
PAULO SACRATO SUO.

XIX.

**E**X omnibus veterum scriptorum monumentis, Paulus Sacrate, nulla pejus ab hominibus imperiis, ac temerariis flagitiosiusq; tractata sunt, quam ea, quibus Jus Civile populi Romani continebatur. Nam cum extitisset antiquus magna quadam vis hominum eruditiorum, qui leges, Senatusconsulta, plebiscita, edicta magistratum & urbana & provincialia tum copiosis & uberibus, tum mundissimo ac nitidissimo orationis genere scriptis commentariis illustrassent: jamq; immensi operis videretur eorum omnium scripta pervolvere: arduum etiam & difficile in crebris, ut fit, eorum diffusionibus, quid optimum ac verissimum esset, judicare: ei malo mederi cupiens Imperator Justinianus, negotium Triboniano & aliquot aliis dedit, ut ex eorum scriptis ea tantum exciperent, quæ utilia essent, quæque in judiciis obtinerent: quæ cum in unum corpus, resectis cæteris, ordine digessissent, sola deterrentur studiosorum manibus, eisq; laborem minuerent, ac levarent. At illi, hac potestate accepta, non ut ille Horatianus agricola, qui inutiles ramos falce amputans felicitiores inserit, sed ut milites accepto signo ad oppidum aliquod diripiendum ac depradandum, per mediana Jus Civile grassantes, & ut quidq; obvium erat, lacerrantes, mutilantes, trucidantes, brevi tempore exhibuerunt nobis veteres Jurisconsultos, instar Deiphobis,

laceros crudeliter ora, Ora manusq; ambas: quamq;  
disciplinam per purgandam ac perpoliendam susceperant, eam ita deformarunt, ut vix ulla amplius ejus imago superesset. Quam enim hanc infelicitatem esse dicemus, quod, cum hoc Jus ex legibus, Senatusconsultis, Plebiscitis, edictis magistratum, Constitutionibus principum, responsis prudentum constare dicatur, hodie in libris juris nulla lex exstet, nullum Senatusconsultum, integrum saltem & idcirco, nullum plebiscitum: edicti perpetui pauca quaedam, ut ex naufragio, tabula, ipsa Principum Constitutiones multis locis decurtata, & in germanos idcirco, prudentum autem scripta ita distracta, dilacerata, devulsa, ut in eis vetus illa Hippolyii fabula renovata videatur. Itaq; hodie non aliter Jus Civile discere cogimur, quam si, sublatis & extinctis omnibus Aristotelis, & Aristoteleorum interpretum scriptis, fragmenta tantum quaedam reperirentur, & variis Alexandri, Themistii, Simplicii, Philopini & aliorum decerpta commentariis, ex quibus ut cumq; in communes locos digestis Aristoteleam Philosophiam discere juberemur. Accessit aliud multo etiam perniciosius & exitiosius malum. Nam, cum superioribus seculis, Dei permisso, densissima quadam caligine animis hominum offusa, omnes propemodum bonae artes oppressae ac sepultae jacerent, extiterunt in illis tenebris homines audaces ac praesidentes, qui nulla Latini sermonis intelligentia, nulla veteris Reipublicae Romanae cognitione, cum Dialecticam sine qua nihil recte atq; ordine tractari potest, aut non attigissent, aut ita attigissent, ut non attigisse praestaret: Politicem autem, unde omnia juris principia ducuntur, ne per somnium quidem aspexissent: arrepta, ut inter cecos, juris interpretandi provincia, verbosissimis & insulsissimis



commentariis illas qualescunq; veterum prudentum reliquias onerarent, & ita imposuerunt humano generi, ut hoc quoq; politissimo & eruditissimo seculo iudicia tamen plerisq; omnibus in locis ad eorum somnia dirigantur, & ex eorum indocta doctrina exerceantur.

En quo magnifica illa Justiniani promissa ceciderunt? ut quos ille, ad exemplum Diomedis Homericæ, aurum pro ære accepturos esse dicebat, ii pro illo obryzo veterum auro scoriæ, & si quid ipsa face magis feculentum est, acceperint: quosq; in illis floridissimis pratis Africani, Papiniani, Ulpiani & talium pasci oportebat, ii nunc in Bartoli, Baldi, & aliorum etiam sequioris notæ sordibus ac sterquiliniis volutentur. Quosq; quidam inelegantes quidem & incultos, sed magno tamen ingenio & acri iudicio præditos vixisse ajunt: de istis videbimus: nam ne ego quidem eis ingenium adimos: nimis potius ingeniosos fuisse fateor: illud quidem certè negari non potest, cujus quis civitatis neq; linguam teneat, neq; formam, leges, mores, instituta cognoverit, ejus Jus Civile non posse ab eo, quamlibet ingeniosus sit, commode intelligenterq; tractari. Satis igitur magna gratia iis haberi non potest, qui hanc caliginem discutere, & istius impostoribus personam, sub qua tam diu hominibus illuserunt, detrabere conantur, ac perficere, ut quemadmodum ceteræ omnes disciplinae à teterrimo Barbarorum dominatu liberatæ, nitorem ac splendorem suum his temporibus receperunt, ita disciplina jurû tandè aliquando in pristinam resituatur dignitatè. Tales & nonnullos Italia protulit, & longè plurimos Gallia. Quorum ego vestigia per virium mearû modulo persequens, totum illud quadrenniû, quo libros Digestorum in hac urbe interpretatus sum, dedi equidem operam, ut quotidie plurima istorum

qui tanti in vulgus fierent, ac sc̄dissima errata dete-  
gerem: & ingeniosorum adolescentium animos ad me-  
liora converterem: effecissemq; omnino aliquid, nisi ho-  
minum nudari sub sellia sua & cornicum oculos configi  
dolentium conquestiones obstitissent. Cogita autem, si  
& vita supererit, & otii aliquid contigerit, ea qua tunc  
ē superiore loco dixi, colligere, & quoniam multos id  
cupere video in publicum emittere. Ideoq; nunc exi-  
guam quandam ad te eorum particulam mitto: quam  
tu, si tanti videbitur, istuc edendam curabis, & tuo  
multis mihi nominibus charissimo nomini dicatam in  
vulgus exire patieris. Cupio enim, Sacrete vir opti-  
me & humanissime, & magno illo Iacobo Sadoletto avun-  
culo tuo dignissimo, pro plurimis, ac gravissimis officiis  
erga me tuis aliquid tibi vicissim rependere, ac perface-  
re, ut amicitia, qua mihi tecum viginti jam annos &  
ed amplius, sine ulla offensione intercessit, & ut spero,  
ad extremum usq; spiritum duratura est: monumen-  
tum aliquod apud p̄sberos exstet. Tu, ut soles, munu-  
sculum hoc non ex sua, sed ex animi mei magnitudine  
metieris. Vale, ROMÆ, Idibus Septembr. M. D.  
LXXX.

PAULUS SACRATUS CANONI-  
CUS FERRARIENSIS M. ANTONIO  
Mureto J. C. ac civi Romano præ-  
stantissimo viro  
S. P. D.

XX.

Primum quidem maximas, ut debeo, atq; immorta-  
les aeterno ac præpotenti Deo gratias ago, habeo-  
que, Murete præstantissimo, cuius divino beneficio ad  
hoc

hoc usq; tempus perveni, quo mihi amplissimo illo atq;  
 pulcherrimo munere jam pridem pro tua singulari in  
 me humanitate mihi debito frui tandem liceat, tibiq; fa-  
 cultas fuit exolvendi promissum tuum, & fidem deniq;  
 tuam præstandi ac liberandi; Nam duodeviginti an-  
 nos me summa in expectatione fuisse hujusce tuæ exi-  
 mie in me liberalitatis, ex tuis ac meis literis, quas nu-  
 per edidi, liquidò perspicere potest. Gaudeo deinde ma-  
 jorem in modum, neq; ullis verbis explicare queo, quam  
 grata mihi atq; exoptata fuerit hujus tuæ constantissi-  
 mæ in me voluntatis declaratio; Nam præcipui tui er-  
 ga me amoris, quod illustrius indicium mihi ostendere  
 potuisti, quam cum voluisti nomen meum illustrari abs-  
 te divinis scriptis ac celebrari tuis? Equidem egregi-  
 um ac præclarum hoc factum tuum omnem mihi dicen-  
 di facultatem adeò eripuit, ut si parem etiam tuæ elo-  
 quentiam natura mihi dedisset, ne ad minima quidem  
 hujus tanti erga me beneficii tui partem oratione asse-  
 quendam aspirare unquam possim. Accedit etiam, quod  
 nihil mihi ad felicitatem deesse puto, postquam me tali  
 ac tanto monumento decorasti: Tuus enim svariissimus  
 liber questionum plenus, refertusq; gravissimis senten-  
 tiis, in quo mirum in modum excellentissimi ingenii tui  
 atq; admirabilis eloquentiæ vis elucet, in manibus do-  
 ctissimorum virorum cum versabitur, sicut ego jam to-  
 tum bis percurri, quòd meq; legendi eum inexhausta  
 erat aviditas, nec satiari poterat, ubi te illi miris in-  
 colum laudibus extulerint, nonne beatus me prædi-  
 cabunt, qui tanto amoris vinculo tecum astrictus  
 fuerim, ut me immortalitati & hominum memoria  
 sempiterna tradere volueris? Sed quod in epistola ad  
 me tua de Triboniano illo ejusq; sociis quereris & justè,  
 quibus Justinianus cum mandasset, ut ex veteribus illis

Jurisconsultis exciperent ea, quæ ad judicia accom-  
modata essent, quæq; maxime utilia ac necessaria vide-  
rentur; illi tamen immisi cum falcibus amputarunt,  
dilacerarunt, mutilaruntq; in eadem profecto senten-  
tia, Murete excellentissime, jam diu sum, ac dum erans  
Patavii; me cum sociis illic meis de hoc tum sermonem  
habuisse sæpè memini, quibus etiam dicere solebam, si  
Cicero unus nobis superstes non fuisset, linguam Lati-  
nam ab illis viris gravissimis non esse peturos. Ac  
nimirum invidi illis tantis viris, quos imitari non va-  
lebat, ac Bartolo cæterisque successoribus leguleis ser-  
monem rudem, vulgarem, plebejumq; nobis obtruden-  
di ansam dedit. Itaq; qui tantos librorum acervos ca-  
piat, vix jam videtur esse locus.

In iis autem *magis*, ut Iustinianum alterum  
desideremus. Verùm cum satis jam veterum monu-  
mentorum interitum deploraverimus, si te posteri imi-  
tari voluerint, ut magnam in spem venio fore multos,  
qui exemplum tuum sequantur, non vereor, ne non in  
pristinum statum leges brevi restituantur, ac suæ digni-  
tatis splendorem obtineant: Primi quidem tui hujusce  
disciplinæ fructus uberrimi lectissimiq; quos pro tuo  
summo in me studio dicare mihi voluisti, omnibus viam  
monstrabunt, quam qui persequentur, non solum indi-  
cabunt se ad amare hanc excellentem Juris Civilis sci-  
entiam, sed & illius facile compotes fient. Ego quoq;  
amicos meos omnes, qui legibus ipsis studium suum da-  
bant, hortari non desinam, ut eandem semitam teneant,  
quibus etiam spondebo fore, ut eos instituti hujus nun-  
quam peniteat. Quod reliquum est, cum à te tam divi-  
no munere affectus fuerim, Murete humanissime, ut  
nihil unquã tale cogitãssè, atq; ut te simillimo remunera-  
ri possim, præcisa mihi spes oranis sit, nihil enim suppetia  
præ-

præter voluntatem, quòd me vertam, quid melior, ut cæteri saltem me tibi animo gratissimum, ac tanti tamque eximii & regalis doni memorem esse intelligant? Nempe tibi me pro tot ac tantis tuis in me meritis jamdiu obstrictum prorsus addicam, quem tibi fidelissimum in tua potestate habebis, ac quoad vixero, colere diligentissimè nomen tuum non desistam; Et quotannis tamen nonnulla tibi signa dabo ~~nam dōmum~~, ex quibus intelligas, tuæ nimis in me benignitatis nullam capere me posse oblivionem. Vale, Murete, ætatis nostræ decus, ac te Deus Opt. Max. diutissime seruet incolumem, omnesq; cogitationes & actiones tuas perpetuò fortunet. FERRARIÆ 7, Kalend. Novembr. M. D. LXXX.

M. ANTONIO MURETO PAVLUS  
MANUTIUS S. D.

## XXI.

**M**ibi verò, ita vivam, etiam atq; etiam probatur, cum in quovis genere magnus omninò sis, in hoc maxime videris excellere. Planè (ut omitam reliqua) ingenii tui quasi quandam ~~diſiōnem~~ sum admiratus, ita concinne, ita aptè facili quodam sententiarum nexu, rem ducis, donec ad ipsum pervenias: in quo te, ubi scis herere multos, citra omnem adulandi suspensionem summa explicas cum dignitate. Gratulor tibi de ista facultate, & eò magis, quod si locis impertitur gloria, novum decus accedat ad Italiam nostram: in qua sedem, auctore atque auspice me uno ita locasti, ut cogitare nihil prorsus de migratione videaris, nec verò secus debes. Valde enim ad literarum elegantiam, planeq; ad omnem humanitatem tibi profuit hoc cælum, è quo jam per quadriennium spiritum hauris. Itaq; nosler eris

perpetuo, mi Murete, si gratus esse vis: quod profectò  
vis: soles enim hanc virtutem præter ceteros efferre.  
Tibulli principium mitte; ut cum Epistola conjugatur.  
Scholia, non dubito, te operam daturum, ut tua videan-  
tur, id est, lita luminibus ingenii, & quantum res pati-  
tur, erudita. Vale. VENETIIS.

## E I D E M R O M A M.

## XXII.

**G**Audeo, mi Murete, quod profectò etiam me tacen-  
te existimas, te navare operam regib. ingeniumq;  
tuum, quod ego semper unice dilexi, extulique laudibus à  
tanto Pontifice, & ab universo Cardinalium collegio  
vehementer probari. Nam si qui aliter sentiunt: quan-  
quam quis est, qui aliter sentire possit? Veruntamen si  
qui fortasse reperientur, quos livor impediât, quò minus  
rectè ac sincerè judicare possint; de iis laborandum non  
erit: cum te præsertim ille noster, quem sequuntur mul-  
ti, sed ille præter ceteros, qui nobis quasi unicus & d. de-  
bet esse, non mediocriter ornet, atq; diligit. Hæc altera  
tua oratio priorem illam vel æquat, vel vincit, senten-  
tiarum, verborum, ordinis præstantia, quo in officio, ac  
manere cupio te pergere. Simul enim perges in expedi-  
ta, maximeq; directâ gloriæ via, per quam processisti jam  
longissimè, nemine præcurrente, me favente plurimum.  
De tua in me benevolentia, cum recordor meam, dubi-  
tare non possum, meum in te animum expertus jam es,  
eundem si esse nunc, & perpetuò futurum arbitraris,  
non fallam opinionem tuam. nam & mea non solum con-  
suetudo, sed etiam natura ita postulat: & tu perficis eas  
laudes, quarum principia me olim, expectantem id,  
quod præstare te nunc video, in tui amorè impulerunt.  
Habeo summam gratias, quas agi à te cupio, Archie-  
piscopo

piscopo Beccatellio : eumq̄ meo nomine, ut quam licebit  
 officiosè, quamq̄ plurimum salutes, valde rogo : & ut  
 scribit ad amicos. floret honoribus in patria, carus Im-  
 peratori, jucundus omnibus, nōsti humanitatem & in-  
 genium : doctrinam auxit à discessu tuo, quantum vix  
 credas : itaq̄ summa omnia de illo adolescente sperare  
 nobis liceat. Duareni obitu, de quo heri primū à Ger-  
 mano homine, qui ex Gallia recens venerat, accepi, da-  
 mni plurimum in jure Civili factum est, equidem dolui  
 vel tua causa, quod eum à te amari senseram, quanquā  
 hac, si ferret humanitas prorsus dolenda non essent.  
 quid enim proficimus? angi quidem gravius : neq̄ com-  
 munitas eruditionis necessitas concedit : & vita commu-  
 tatio, brevissimæ cum æterna, miserrimæ cum beatissi-  
 ma, valde vetant. Ego nunc, quod acceptum divina be-  
 nignitati refero, quodq̄ tibi puto fore jucundissimum,  
 valetudine utor satis commoda, oculis quidem optimis,  
 quod aliquot annis non contigit. Itaq̄ cum otium non  
 ferrem (scis enim me quiescere non posse) commentarios  
 in reliquas Ciceronis epistolas cœpi texere : & ut initia  
 sunt, prorsus industria non ~~uixit~~, absoluti, ut mihi qui-  
 dem videtur, majorem partē, id est, tres primos libros,  
 & extra ordinem octavum, in quibus, ut dixi iam, nisi  
 me communis ~~fortuna~~ decipit, non videtur opera male  
 collocata. Habebis in clausula de Petro Fabro, tuo di-  
 ctam, an meo? ita me triduo cepit, sibiq̄ devinxit ingenio,  
 humanitate, prudentia. Placē vixi, quamdiu mecum  
 fuit : nec mediocri sum amore discedentem prosecutus :  
 ne tu, si nihil præterea mea causa velles, qui & vis, &  
 egisti jam plurimum, tamen hoc uno munere, quod au-  
 ctus per te sum tam ornati adolescentis amicitia, meis  
 omnibus in te studiis, que tu merita vocas, optimam  
 gratiam retulisti, Vale, VENETIIS.

HUB.

HUB. GIPHANIUS M. ANTONIO  
MURETO VIRO ERUDITISSIMO

S. D.

XXIII.

**V**ellem, Murete, V. C. ea esse tempora, ut literis nostris liber esset commeatu: haberem fortasse, de quibus te vel consulerem interdum, ut quendam velut *uoncerto*, vel ut amicus commonesacerem. Nunc quæ sint rides, itaq; consilium cepi, quantum potest, temperare scriptiombus & literis, maxime ad longinquos. Quod tamen institutum ut jam migrarem, fecit Jacobus Zelenius, familiaris meus, cui hæc ad te dedi. Is enim in Italiam hinc profecturus, cum magnopere me rogaret, ut sibi ad te, quem jam diu colit, quasi viam & aditum munirem: amico optimo exiguum hoc literarum officium negare nec potui, nec debui. Eum igitur toto pectore tibi commendatum esse cupio, adolescentem, mihi crede, suavissimis moribus, & elegante doctrina expolitum, omnium q; doctorum hominum observantissimum, genus enim domi nobile, multis q; ad laudem insignibus viris clarissimum omitto.

Exspectas, autem fortasse & de Agellio nostro aliquid: Sed, & eum, & alia nostra remorantur, cum occupationes nostræ cotidianæ, tum librariorum hoc in loco inopia. Juris quoq; Civilis in quo & explanando & respondendo toti versamur, quasi rigor, & Musæ, ut Poëta vetus eas vocat, severiores, sive, ut Fortunatianus loquitur, duriora juris scripta, vix patiuntur, ut in humanitatis illa velut vireta sæpe expatier. Ne tamen me putes aut vale humanitati & expolitis illis Criticorum studiis plane jam dixisse, aut eorum sectam Jurisconsultorum sequi, quorum utinam barbara modo esse

erga

oratio  
& vel  
& non  
vilis n  
& tut  
servu  
erga  
tuas  
sandi  
aveo,  
illum  
mus,  
& mi  
evade  
bendu  
Et m  
tum: p  
ut tu p  
ferè e  
tere se  
concisa  
agitur  
fornia  
hic ta  
diis d  
hanc a  
liffime  
ita eme  
ne ita r  
Etation  
hanc ill  
sed pri  
apud S



oratio (ferri enim ea quoquo modo posset: quanquam  
 & vestis honesta matronam nobilem ornēs ac deceat)  
 & non Juris ipsius, ac rerum, totiusq; ferē scientiæ Ci-  
 vilis nostræ magna ignorantia, atq; perturbatio: de qua  
 & tute jam pridem eleganter in Oratione quadam dis-  
 seruisti: Quare ne his me vitis ad finem existimes, par-  
 erga nunc accipe, ex iis quadam, quæ in ipsas lectiones  
 tuas, quasi præteriens aliquando notavi: Non ita cer-  
 tandi cupidus, quam propter amorem, quo te imitari  
 aueo, ut Carus ait. Vidisti acutē lib. 6. cap. 16. locum  
 illum Ciceronis 2. de Divinat. Totas noctes somnia-  
 mus, neque ulla ferē est, qua non dormiamus:  
 & miramur, aliquando id, quod somniamus  
 evadere? esse mendosum: Qui tamen ita fortasse scri-  
 bendus est: Neque tamen ulla ferē est, qua non;  
 Et miramur, &c. ut n̄, qua non, præcisē sit posi-  
 tum: pro eo, quod, qua non somniamus. Non verò, ita,  
 ut tu putas; totas noctes dormimus, neque ulla  
 ferē est, qua non somniamus, &c. id enim à ve-  
 tere scriptura longius aberrat, & nōsti, ob orationes  
 concisas, quàm saepe in veterum scriptis peccatum sit,  
 agitur de somniis, & non de somno: quamvis & illa in  
 somnis. illum autem locum pro Archia. Quod si non  
 hic tantus fructus ostenderetur: & si ex his stu-  
 diis delectatio sola peteretur: tamen, ut opinor  
 hanc animadversionem humanissimè ac libera-  
 lissimè judicaretis. Alii aliter, tu lib. 12. lect. cap. 15.  
 ita emendas: hanc animi adversionem. Vide, quæ so-  
 ne ita rectius. hanc humanissimè, hanc, nempe dele-  
 ctationem & voluptatem. Saepe enim his articulis,  
 hanc illam, & similibus non adjungitur nomen aliquod,  
 sed prius adlatum tacitè repetendum intelligitur, ut  
 apud Senecam epist. 95. At illam habentem præ-  
 cepta

cepta plurimum ait proficere: ubi delendum illud habentem præcepta. Nam ibi non de paranetica, si-  
 ve, ut Seneca, præceptiva, ut Cicero in lib. de Offic. loco vulgo non intellecto, qua in præceptis posita est, parte Philosophiæ, sed de theoretica agitur. Sic & pro LIGARIO: Valeat vox illa tua, qua dicit, & c. id qua dicit, perspicue spiritum. Eiusdem libri tui c. 1. in his verbis Seneca lib. de benef. Nemo beneficia in KALENDARIO scribit: nec avarus exactor ad horam & diem Creditorem appellat: mendum esse rectè admonuisti, atq; pro Creditorem, fortasse legend. Debitorem, quomodo & jam pridem BRISONIUS lib. 1. de verb. sign. illum ipsum locum adducit, hæc enim cognata si ve potius inter se relatâ vocabula, magis & minus, emptor & venditor, conductor & locator, debitor & creditor, migrasse interdum alterum in alterius locum videntur, quod & Jacobus Cujacius observabit lib. 1. cap. 10. & lib. 9. c. 7. Cui tamen d. l. si in emptione. D. de contrab. empt. & l. 18. solutione. D. ad exhib. cur non adsentiar, itaq; in legibus nihil mutandum putem, alio in loco explicabo. Hoc autem in loco Seneca, etsi Debitorem non improbo, omitti tamen utrumque potest, & Creditorem & Debitorem, sed intelligi debitorem; ut verbum, appellat, præcisè & absolucè ibi sit positum. Quod autem ad eum locum Cic. attinet lib. 2. de finib. bon. de quo & tu lib. 6. cap. 20. & Turneb. aliq; laborant. Resplendet his vestis, argentum, odrilitium, locus ipse, ædificium, &c. eum ita emendandum puto: vestis, argentum, locus ipse: reliquis inductis; Aut certè ita: Vestis, argentum, aurum, locus ipse, ut odrilitium sit depravatam ex ore si ve auro. Paulò ante apud Ciceronem hæc, quibus vinum defusum è pleno sit Hirsiphon, ut ait Lucilius, cui nihil jus &

facculo  
 tamen  
 Pau  
 ad con  
 ait Lu  
 quam  
 Inoph  
 reperi  
 vetres  
 in Den  
 Fest.)  
 rumen  
 rin. de  
 aut in  
 apud C  
 genes,  
 enim,  
 dof. Co  
 qui nup  
 cia & p  
 paeta, p  
 ut vide  
 quidam  
 nuu lib  
 grassato  
 in l. vet  
 enim La  
 quod G  
 mant.  
 claras C  
 pira.  
 lulum v  
 teris au

sacculos abstulerit, portenta potius quam verba, quæ  
 tamen ita exarata sunt in libris manuscriptis, aliter  
 Paulo Manutio, aliter Josepho Scaligero in appendice  
 ad conject. in Varr. mihi ita, è pleno sit hinophoro, ut  
 ait Lucilius, cui nihil sacculus abstulerit, fortasse in-  
 quam ita (nam & ipse dubito) rescribenda videntur.  
 Inophorum certè, vel ne mentiar inoforum in vet. libr.  
 reperio, nunquam œnophorum, & rectè. Romani enim  
 veteres Græcum non modò & Latinum, quod vulgare  
 ut Demoe, Edeatroe, (sic enim legendum puto apud  
 Fest.) Adelphoe Terenti, de quo & tu in Terent. Cla-  
 rumenoe apud Plaut. & Canephoroe apud Cicer. Ver-  
 rin. de quibus nos ad Lucret. Sed etiam interdum  
 aut in o nudum, ut in Poëta, Poëma, dioecesis, & diocetes  
 apud Cicer. pro Rabirio Posth. ubi antea mendosè. Dio-  
 genes, & Parochia, μαγικά, vocab. Eccles. (falluntur  
 enim, & omnium scriptorum, etiam Justiniani & Theo-  
 dos. Codicum exemplaribus antiquissimis repugnant,  
 qui nuper scribere cœperunt dioecesis & diocetes, parœ-  
 cia & parœcus, quos miror eadem ratione non scribere  
 pœeta, pœema, pœesis) interdum in I merum vertebant,  
 ut videre est in Iconomus, quod contra usum veterum  
 quidam hodie mutarunt in Oeconomus, ut Alciat. admo-  
 nuit lib. 9. Parergon c. 3. in hodieocus apud Fest. id est,  
 grassator qui græcè ἰδεδον. Inomus apud Orosium  
 in l. vet. qui à Græcis Οἰνύα: & in Cimiterium: sic  
 enim Latine è veteribus Christianis scriptum id fuisse,  
 quod Græcè οἰνύα, vetera monumenta confir-  
 mant. Unde & Acimtiense monasterium in l. inter  
 claras C. de S. S. Ecclesia dicitur, quod à Græcis οἰνύα  
 ἐστίν. Solent scilicet Romani Græca vocabula pau-  
 lulum variando sua sæpe facere, nec iisdem ea aut li-  
 teris aut syllabis semper admetiri, ut Ulixes ἰδεδον.

Exanclare, & anclare apud Fest. ex Græco ἐξαντλεῖν & αὐτλεῖν: non ut vulgò jam scribunt exanclare, quod Exanclandi verbum & tu contra Lambinum rectè vindicasti, lib. 13. cap. 17. alia aequè ejusdem modi: de quibus alibi. Quod qui non observant, latinam linguam mirè perturbant: idemq; & Elogium, de quo & tu in Lect. optimum licet vocabulum, & bonæ quasi monetæ, aude vitate Romana, tanquam lege Papia, planè exterminant; aut variè nunc in eclogium, nunc in ellogium, nunc in eulogium mutant; & epistolam scribunt Græcorum more, in vitis omnium scriptorum libris, antiquissimis etiam marmoreis monumentis, in quibus constanter Epistula, & Eclogium extat. Atque quæ quidem de meis in tuas Lectiones cerulis quibusdam ac notis, in quibus si quid erit tale, quod in acceptum referendum putes: videbis, in quem quid expendas: ne & his accidat, quod nuper Themista nostræ apud Cicer. & Ennio, item nostro apud Agellium l. 12. c. 4. de quibus diligenter olim ad te scripseram contigit, eisdem loquor. Sed de his alio fortasse loco planius, & plura. Nunc, ut modò dixi, de me satis multa. A te autem lectionum quidem libros plures non ita pridem accepimus: omnis elegantie referros: Sed quod inter nos, liceat, Solum enim sumus, postulantur jam à te, & φιλοσοφίας quædam, & à Nobili politiss. philosopho, qui aliqua jam dedit, plura. Atq; adeò accepi non ita pridem ab idoneis hominibus, te jam paratas habere explicationes librorum aliquot Platonis & Aristotelis Politicorum: quæ graviores scriptiones huic quoq; & ætatis jam maturiori, & personæ, magis convenire videntur. Ajunt & Eunapii historiam, quæ in Vaticana bibliotheca adservatur, curare te describendam, quod idem & Redingerus noster D. Thomas P. C. magno sumptu jam pridem cœperat: sed

con-

conatum  
sebolia t  
quarum  
to teste  
bene, m  
que ope  
iporum  
scriptor  
in lucem  
juditis  
elaborat  
tari.

LXXX

JULI

EPIST

mo

Etsi

man  
conquies  
opus esse  
video, na  
velis att  
jus rei n  
meo stud  
scriptor  
optimum

conatum ejus mors interrupit. Tu, si & Politica illa scholia tua, & Eunapium, etiam Theodoriti epistolas, quarum insigne volumen in eadem Bibliotheca Herverno teste, superest, aliisque veterum scripta divulges, bene, mihi crede, de Republica mereberis. Eorum namque opera cum Republica utilior, tum etiam ad laudem ipsorum diuturnior mihi semper visa est, qui veterum scriptorum præclaras orationes & commentarios aut in lucem ipsi proferunt, aut ab aliis divulgatos vel eruditus scholius explanant, vel ut emendatiores sint, elaborant. Emendatus enim liber est vice commentarii. Vale, vir doctissimo & salve. Anno M. D. LXXXIII.

JULII POGIANI VIRI DISERTISS.

EPISTOLA, DE CICERONIS IMITANDI modo, ad nobilissimum adolescentem

NICOLAUM FITZHERBERTUM, Anglum.

XXIV.

**E**Tsi sunt ejus generis tuae literæ, ut in politiori humanitate, in qua ex gravioribus Legum studiis conquiescis, consilio aut præceptione mea tibi minime opus esse intelligam; tamen quia mei in te amoris esse video, non tam spectari, quid ego possim, quam quid tu velis attendere; rationem tibi & consuetudinem hujus rei mei exponam. Ego, quamdiu mihi arbitrati meo studere licuit, unum aliquot menses ex Latinis scriptaribus Ciceronem legi. Nam in omni ratione optimum quemque, & illum unum imitandum esse cognoram.

Hh

gnoram.

gnoriam. Quare cum illum ipsum Ciceronem Latina lingua & eloquentiae principem esse constaret, rejeci ceteros latinitatis auctores. Quo in studio primum dabam operam, ut statuta essent tempora & studendi & scribendi mea. Didiceram enim à summis viris, qui se id re expertos esse dicerent, plus adjumenti esse in certo, nec multò, quàm in vario & diuturno tempore; quod haberet eadem illa hora studiorum, non solum admonitionis & recordationis vim, sed etiam quoddam momentum ordinis: qui cum in omni re multum, tum in dicendo plurimum potest. Sed hoc fortasse patet latinis: illud ad id unum pertinet, quod institueram. Duo igitur in Cicerone legenda mihi proponebam, quid & quomodo diceret. In quo videbam interdum pauca multis explicari, interdum plura comprehendere breviter, & absolute, sapius eandem variari rem, ut cum idem diceretur, tamen commutatis verbis atque sententiis, aliud dici videretur. Mirabar verò partium & quasi membrorum pulcherrimam compositionem, qua sic aliis nexa & apta sunt, nihil ut lectori possit esse jucundius. Quid dicam de artificio vincende orationis, deq; copia & quasi sylva elegantium vincularum? quibus cum multi, vel quasi compedibus quibusdam, inscriptiones suas colligent, vel ita dissolvant ac dissipent, ut capti membris corporis, ac ne corporis quidem speciem habeant: sic Cicero res nequit, & verba, ut sola ejus oratio libere moveri, magnificeq; ingredi videatur. Cogitabam verò etiam de singulis verbis, de conjunctione verborum, de eorum numero atque forma. Qua in cogitatione mihi veniebat in mentem mirari, quam esset causa paucitatis eorum, qua divinas Ciceronianæ orationis virtutes imitarentur. Hujus

ius ante  
aliquand  
cerone u  
magistro  
cum app  
est levi  
tate pec  
sent: sed  
Tulli ver  
audent at  
geroniam  
transfer  
num est)  
putide sen  
xii? Pu  
id modo c  
commoda  
jam eum  
jejunitati  
putavi m  
ut ab illa  
remq; cur  
ris? Aud  
onio locu  
rebam, &  
nis ab illo  
nare res i  
flans lega  
ad opin  
tia, P. S  
prohibet  
scientiam

jus autem erroris & inscitia multorum, duplicem  
 aliquando culpam animadverti. Sunt enim, qui à Ci-  
 cerone abhorrentes, se ad alios, nescio quos, scribendū  
 magistros contulerunt. Qui quod iudicium habeant,  
 cum appareat, facile negliguntur. Alii sunt, quorum  
 est levius peccatum: imò verò non illi quidem cupidi-  
 tate peccant, qui Ciceronis simillimi velint esse, si pos-  
 sent: sed consilio & imitandi modo falluntur. Nam hi  
 Tullii verba mordicus tenent, nec ullam ferè syllabam  
 audent ab eo discedere; & dum verentur, ne parum Ci-  
 ceroniani videantur, illius etiam sensa totidem verbis  
 transferunt in suas literas; scilicet illi (quod miserrimum  
 est) nunquam sunt in scribendo sui, sed ineptè ac  
 putidè semper alieni. Quid igitur eos in errorem indu-  
 xit? Puerilis illa suspicio, quod sermonem Ciceronis in  
 id modo convenire sunt arbitrati, ad quod ille semel ac-  
 commodavit. In qua si ipse Tullius sententia fuisset, non  
 iam eum copie atq; ubertatis magistrum, sed inopie &  
 jejunitatis auctorem haberemus. Quæ cum viderem,  
 putavi mihi elaborandum, si modo id assequi possem; mō  
 ut ab illa balbutientium turba se jungerem, conjunge-  
 remq; cum iis, qui planè & latine loquuntur. Quid qua-  
 ris? Audere cæpi. Nam ut quisq; mihi occurrebat Cice-  
 ronis locus, illam loquendi formulam ad alia transfe-  
 rebam, & ejusdem & alterius generis sensa, quasiq; ve-  
 nis ab illo sumptis vestimentis studebam vestire & or-  
 nare res innumerabiles. Exempli causa, quod hæc di-  
 ctans legebam fortè Publii Rutillii adolescentiam  
 ad opinionem & innocentiam, & juris scien-  
 tiæ, P. Scævola commendavit domus; Quis  
 prohibet eò traducere? Hannibalis Minalis adole-  
 scentiam ad opinionem & eloquentiam & Philosophiam,

Flaminii nobilis consuetudo commendavit: vides genus, sed quoniam intelligebam, quaedam esse sententiarum lumina, quibus scripta illustrarentur, sumebam illa vel ab ipso Cicerone, vel à quovis; sed ita, ut in eadem exercitatione alia quadam ratione uterer ab illa superiore. Ut enim illic tanquam ex eadem cera multas fingebam imagines; sic hic quasi eundem hominem alio habitu vestiebam. Quare fiebat, ut quæ ab aliis parta essent, à me inventa viderentur. Sunt autem hæc ornamenta & lumina sententiarum, ut, Ne quid nimis. Latè patet invidia, & huiusmodi sexcenta, quæ si ita efferas, Tenendus est omnium rerum modus, & nihil non occupat invidia, quis tua esse neget? Huc pertinet illud Ciceronis, imitandos esse bonos fures, qui earum rerum, quas coperunt, signa commutant. Ut enim illi pallium, si cui furantur, ne id eis agnoscat, ex pallio sagum faciunt; sic qui aliorum sententias commutatis verbis enunciant, quæ communia sunt, propria facere videntur. Neque verò non etiã conabar interdum quodammodo cum ipso Cicerone certare acumine contrariorum, ut si ille, In letitia doleo, ego contra, In dolore lætor. Si idem dicat, ut tardius faceres, hoc est, ut ego interpretor, diligentius; item ipse, celerius, id est negligentius, in contrarium conversa sententia. Quod institutum mihi si meo arbitratu diutius tenere licuisset, in hac laude fortasse aliquis essem. Sed ab ea me consuetudine avocavit necessaria quadam barbaries, de qua nunc quidem nihil attinet plura scribere. Tibi certe, quid de tota hæc ratione sentirem, significandum putavi: qui etsi scio, quanta occupatione destinearis, tamen non dubito, quin pro excellenti tuo ingenio,

proq̃

proque  
ratione  
feceris  
brevis e  
tatis.  
vacuus  
stilum  
dixi, sub  
exider  
di sunt  
suppet  
elegans  
& vest  
mus; si  
deinde  
an ille  
borata  
cupim  
loquend  
marum  
quam p  
nis ubi  
delicias  
Etsi he  
mum in  
tum; an  
serim n  
necessar  
genere  
iudicio  
sibi, ut  
Ciceron



proque eo, quantum profecisti in hac latine scribendi ratione, cum istum gravioyem studiorum cursum confeceris, si huc redieris, teque in hac laude exercueris, brevi etiam in principibus futurus sis hujus facultatis. Quamquam aliquid interea assequere, si cum vacuus quotidie fueris à legum studiis, animi causa, stilum reprehenderis, & in hac exercitatione, quam dixi, subsecivas operas posueris. Sed quod mihi penè exciderat, multa ex Cicerone tibi memorie mandanda sunt, & paranda tanquam magna supellex, tibi ne suppetat in variandis & mutandis sensibus multus & elegans vestitus orationis. Et quoniam ut in victu & vestitu prius necessaria, quam voluptaria quærimus; sic in oratione propriorum primum verborum, deinde translatorum copia comparanda est: haud scio an ille ad Atticum epistola, in quibus nulla est elaborata concinnitas, nullum exquisita voluptatis aucupium, plurimum proficiant ad latine & emendate loquendum, quemadmodum nonnunquam etiam gemmarum vis, non tam arte disposita, aut distincta auro, quam pura atque nativa delectat; ita Latini sermonis ubertas sine fuce, aut peregrinis quodammodo delictis orationis in illis maxime probatur epistolis. Etsi hæc admonitio accommodata est iis, qui nunc primum in eam rationem ingrediuntur; tibi, qui tantum; am hac scribendi exercitatione profecisti, præsertim majoribus rebus occupato, fortasse minus est necessaria. Quare cum grandiori etiam scribende genere delectari videaris, nos quoque sive ingenio, sive judicio tuo, certè tempori obsequemur. Cum igitur tibi, ut nunc est, facultas non sit pervolutandi multos Ciceronis libros, ex illis optimos leges, etsi nulli non

optimi. Sed tamen orationes leges, & ediscees, quæ  
 multum te delectabunt, & scriptionem tuam adjuva-  
 bunt. Ignoscas verò mihi, si hæc neque subtilius scri-  
 psi, ut res postulare videbatur, neque illustravi exem-  
 plis. Exam enim & ipse valde occupatus. Quare  
 alias reponam, & accuratius aliquid ad te mittam,  
 quod proximis feriis æstivis in Trebiano tuo vacuus  
 legere possis. Interim vale, & mihi conserva amo-  
 rem tuum. ROMÆ, Prædie Ka-  
 lend. Aprilis.



M. AN-



M  
 MU

HT

SER

M



Sume

N

lli eti

Luc

Nan in

Atq

For sita

Et n

Sed ver

Nec

Cum m

Nec

M. ANTONII  
MURETI PRESBYTERI,  
ET CIVIS ROMANI,

HYMNORUM SACRORUM  
LIBER.

SERENISSIMO PRINCIPI GULIEL-  
MO GONZAGÆ, DUCI MANTUÆ,  
Montisferrati, &c.



Agne Ducum, sætam populis cui fortibus ur-  
bem

Pulcher glorifero Mincius amne lavat :

Sume datis à te scriptos mihi legibus hymnos,

Néve parum culti despice vatis opus :

Illi etiam quorum hic meriti celebrantur honores,

Lucida quos constans vexit ad astra fides,

Non indignantur parvo sibi thure litari :

Atq; animum magni muneris instar habent.

Forſitan his olim juvenis meliora dedissem,

Et mulcere aures dulcius apta tuas :

Sed veniens etiam ingenio est damnosa senectus :

Nec tantum vires corporis imminuit.

Cum mihi turgerent meliori sanguine vena,

Nec curarum animum pondera deprimerent :

Hb 4

Spout

Sponte sua numeris carmen mihi mollibus ibat :

Et subito versus fundere ludus erat.

Nunc & corpus hebet senio, & mens ipsa pigrescit.

Quodq; habuit ludus, nunc onus esse putat.

Dulce onus hoc tamen est, quod te mandante subitur.

Et leviora facit iussa iubentis amor.

Atq; utinam hæc roseo legat & VINCENTIUS ore

Phæbi & Musarum maximæ cura puer:

Qui florescenti paullatim attollitur ævo,

Ut sata se od fluvii subjicit alnus aquas.

Felix, cui teneris Helicon lustratur ab annis,

Et bibitur volucris fons pede factus equi.

Quem jam ipsa Uranie blandis complexa lacertis,

Stellatas Superum vexit ad usq; domos :

Ostenditq; astrorum ignes, cæliq; meatus,

Queisq; suos peragant legibus illa choros.

Quis scit, an & cælo dum singula despicit, inter

Cætera majores viderit astra suos :

Et quos purpureo contextit Roma galero :

Et qui regali sceptrâ iulere manu ?

Fortunate puer, magnum patris incrementum,


Cui Læchæsis vet plena aurea fila colo,

Vive diu, utq; dati poscit tibi nominis omen,

Tende atavos omni vincere laude tuos,

Neu grave sit, dum dona tibi graviora parantur,

Iulerea partem carminis esse mei.



# HYMNI SACRI.

## IN ADVENTU.

**V**erbum, quo omnipotens condidit omnia,  
Summi prævalidum consilii Angelum,  
Vatum Plena Deo pectora dixerant  
Venturum, ut fieret caro.

Primi quo maculam dilueret patris,  
Serpentisq; vafri contereret caput:  
Præclusamq; homini morte recluderet  
In cælum propria viam,

Ergo turba patrum, carcere liberos  
Qui longo per eum se fore viderant,  
Cælum suspiciens, Iulii sonis dabat  
Carmen lugubre vocibus.

O qui pollicitis applicitos tuis,  
Quamvis cuncta potes, fallere non potes,  
Longas tolle moras, & cito, quem tibi  
Certum est mittere, mittere.

Simplex ætherii numinis unitas  
Quæ distincta eadem est veraq; Trinitas,  
Æternis vigeat semper honoribus,  
Et terra simul & polo.

### IN DIE S. BARBARÆ.

**Q**ualis, nulla polum nubila cum tegunt,  
Inter clara nitet sidera phosphorus:  
Talis martyrio conspicuas micat  
Inter Barbara virgines.

Cui solus teneris Christus ab unguibus  
 Ussit cor nitidum perpetua face,  
 Cui desiderium, cui fuit unius  
 Spretis Christus amor precis,  
 Quamvis imperio barbarus aspero  
 Terreret genitor, quem furor, & mala  
 Perduxit rabies, ut gladio caput  
 Nata demeteret sua,  
 Vinculis illa quidem libera corporis  
 Felix ad Superos protinus evolat.  
 Sed Christus sceleratum in Stygias patrem  
 Sedes fulmine dejecit.  
 Simplex, &c.

## AD LAUDES.

**S**ancta triumphum virginis  
 Læti canamus Barbara,  
 Palmaq; honorem duplicis.  
 Quam virgo martyr obtinet.  
 Non stirpis illam regie  
 Splendor superbam reddidit,  
 Quin se à tenellis unguibus  
 Christo regendam traderet.  
 Insanus infremit pater,  
 Omnesq; pœnas admoveat,  
 Tandemq; sacrum flia  
 Caput cruentus amputat.  
 At virgo casti corporis  
 Soluta vinculis emicat,  
 Volatq; stipata Angelis  
 Ad expetitum conjugem.

*Eternæ cunctorum pater,  
 Eternæ fili par patri,  
 Et par utriq; spiritus  
 Soli tibi sit gloria.*

## IN NATALI DOMINI.

**O** Nox vel medio splendidior die,  
 Cuius per tenebras virginis integræ  
 Ex alvo nitida Sol novus emicat,  
 Complens omnia lumine.

*Eterno imperio qui regit omnia,  
 Humanumq; Deo conciliat genus,  
 Is nunc sub tugurii vilis operculo  
 Nascens, pauperiem docet.*

*Pastores ovium, dum gregibus suis  
 Intenti vigilæ excubias agunt,  
 Primi hunc angelico carmine nunciata  
 Lætis auribus hauriunt.*

*Grata est haud dubiè simplicitas Deo.  
 Grata est vita, dolis quæ procul omnibus  
 Rectum sponte sua perpetuo colit,  
 Et priscam retinet fidem.*

*Simplex, &c.*

## IN DIE S. STEPHANI.

**L** Evitæ juvenis fortia pectora  
 Ornari solitis tempus honoribus,  
 Primus martyrii qui sibi lauream  
 Vitæ prodigus induit.

*Tundebat lapidum grandinæ in modum,  
 Denso turba fremens imbre sacrum caput.  
 Nunquam mota suo sed tamen est loco  
 Mens sancto ebria spiritus.*

*Sed sese in mediis istibus erigens,  
Ad cœlum penetrans, Eū ait, en eum.  
Pro quo dulce mori est, jam video patris  
Ad dexteram positum Dei.*

*At tu Christe suscipe me tuos,  
Atq; his, qui, tenebris turpibus obruti,  
Quo sese impediunt crimine, non vident,  
Quæso te, veniam dato.*

*Simplex, &c.*

## IN DIE SANCTI JOHANNIS.

EVANGELISTÆ.

**C**hristo præ reliquis charus Apostolis,  
Qui supra Domini pectus in ultimis  
Discumbens epulis composuit caput  
Festæ luce canendus est.

*Felix, cui Dominus jam rigida in cruce  
Pendens, jamq; neci proximus, & Patri  
Sanctam sancto animum tradere cogitans,  
Matrem crediderit suam.*

*Felix, qui se aquila more super polos  
Tellens, & nitida in luce Deum videns,  
Divino eloqui flumine filium  
Æqualem donuit Patri.*

*Felix, qui senio jam gravis, & sacra  
Multa canitie tempora consitus,  
Ut si membris levis corripere sopor,  
In Christi rediit sinum.*

*Simplex, &c.*

## IN DIE SS. INNOCEN-

TIIUM.

**C**antemus tenerorum agmina Martyrum,  
Quos regis rabies abstulit impii,

*Cur.*

Cr  
O nullis  
Heu qu  
D  
B  
S  
Augent  
E  
H  
T  
Simplex  
I  
P  
Rific  
Effe  
Fin  
Qu  
His sol  
S  
S  
C  
Multo t  
R  
E  
Il  
Romam  
A  
E  
se  
Simplex



Cunâs in âcivo sanguine præluens,  
Christum perdere dum furit.

O nullis feritas cognita seculis,  
Materno pueros è gremio rapi,  
Perfossa ut rutilis corda mucronibus  
Lac cum sanguine funderent.

Heu quis, cum solito raptus ab ubere  
Districtumq; pavens ad gladium puer  
Blandas carnifici porrigeret manus,  
Siccis adspiceret genis?

Augent angelicos nunc pueri choros,  
Et Christum liquido gutture concinunt  
Herodem meritis debita talibus  
Pœna in perpetuum premit,

Simplex, &c.

### IN FESTO S. SYLVESTRÆ

**P**ricos Roma Duces desine laudibus  
Efferre immodicis, qui valida manu  
Fines imperii protulerunt tuis  
Quacumq; Oceanus patet.

His solus tibi plus contacti omnibus  
Sanctorum eximium Pontificum decus  
Sylvester, dominum qui prius urbium  
Christi supposuit iugo.

Multo te ille prius sanguine Martyrum  
Respersam, docuit parcere cadibus,  
Et quos mille modis sæva peremerat,  
Illorum monitus sequi.

Romam idem precibus nunc quoq; calitum  
Adscriptus numero, perpetuis juvet,  
Et tanti ossa suo quæ gremio veri  
servat condita Mantuam.

Simplex, &c.

IN

IN DIE CIRCUMCI-  
SIONIS.

**C**ircumciso agitur lux Domino sacra,  
Quæ jam, si Dominum ritè licet sequi,  
Impura è tumida omnia nos monet  
Circumcidere cordibus,

Umbra Evangelii lex fuerat vetus:  
Sed Sol exoriens ut tenebras fugat,  
Sic Sol justitiæ legitimis suum  
Finem ritibus attulit.

Nobis corporeo nil gladio est opus:  
Sermo quippe Dei vivus & efficax,  
Sese instar gladii mentibus inferens,  
Ad vivum omnia persecat.

Quæ semper vitii germina pullulant,  
E nostris utinam cordibus amputet,  
Anni principium sic simul ut novi  
Vite principium novæ.

Simplex, &c.

IN DIE EPIPHANIÆ.

**Q**uæ vos causa Magi, dicite pertulit  
E vestris iter hûc capere sibus?  
Quem tanto studio quaritis anxii?  
Quove hæc munera pertinent?

Nos stella insoliti luminis hûc trahit  
Et dux certa viam perpetuo præit,  
Judææ populis quæ cupientibus  
Regem significat datum.

Auri isthæc sed enim quid sibi pondera,  
Myrrhæ mirificus quid sibi vult odor?  
Aut quæ cum populus sacra Deo facit,  
Aris ibura solent dari?

Rex auro colitur, ibura Deum docent,  
 Nostri myrrha homines post obitum linunt,  
 Huic ergo hæc pariter, munera congruunt,  
 Qui & Rex est, & homo, & Deus.

Simplex, &c.

A SEPTUAGESIMA AD  
 CINERES.

**E**heu quàm scelerum non tolerabilis  
 Nos urget miseros sarcina, quæ Dei  
 Nostris principio mentibus inditam  
 Obscuravit imaginem.

Si nos pro meritù accipiat Deus,  
 Causæ nil fuerit, quò minus agmine  
 In tristes tenebris perpetuis domos  
 Uno præcipites agat.

Sed semper facilis flecti in eos fuit,  
 Quos culpa ex animo pœnituit suæ,  
 Nunquam horum lacrimis & gemitu tulit  
 Se frustra veniam peti.

Hæc spe, quam ipse dedit: poscimus ut gravi  
 Pressos exoneret pondere, nè ve se  
 In nostro rigidum crimine iudicem,  
 Sed mitem exhibeat patrem.

Simplex, &c.

A DIE CINERUM.

**M**ultis tensa epulis viscera dum tument,  
 Mens oppressa nihil cogitat arduum,  
 Et more indomiti luxurians equi  
 Pugnat spiritu caro.

Sed subtracto eadem comprimitur cibo,  
 Et se spiritui morigeram exhibet:

Qui cum nulla gravant pondera sordium,  
In caelum celer evolat.

Primus corporeo legifer à cibo

Bis binos decies abstinuit dies:

Quem Christus numerum nos itidem sequi

Exemplo docuit suo.

Sed frustra ventis os tenet à cibis,

Qui factis animarum turpibus inquinat,

Jejuno assidua conveniunt preces,

Cumq; his munificæ manus.

Simplex, &c.

IN DOMINICA PAS-  
SIONIS.

**Æ** Quæva ingenio progenies Patri,

Vitam morte suis redderet ut sua,

Se Christus in dei velleris hostiam

Ultrò supplicio obtulit.

O erga immeros mirus amor Dei,

Natum quæ pietas, tradidit unicum:

Ut pro mortifera fraude nocentium

Pœnas solveret innocens.

O non visum alias sacrificii genus,

In quo æterna Deo sacra facit Deus,

Et mortem moriens opprimit, & sibi

Ipse est victima Pontifex.

O crux tincta sacri flumine sanguinis,

Olim supplicium mancipiis grave,

Nunc Regum capiti præcipuum decus,

Te flexo colimus genu.

Simplex, &c.

## IN DOMINICA IN RAMIS

## PALMARUM.

**R**egem pacificum, moenia dum subit  
 Urbis celsa sua, turba manu ferens  
 Palmarum gravidos obvia termites,  
 Faussis vocibus excipit.

Hic letas spoliat frondibus arbores :

Hic ferta ante pedes florea projicit:  
 Supplex ille manus porrigit, hic suis  
 Terram vestibus obtegit.

Heu mentes hominum. Quis fore crederet

Quem tantis studiis exciperet frequens,  
 Post paucos ut eum turba eadem dies  
 Suffixum adspiceret cruci?

Nil in vita homini perpetuum datur.

Rebus ne nimium fidei prosperis,  
 Plerumq; hic lacrumis gaudia temperat  
 Certo consilio Deus.

Simplex, &c.

## IN DIE PASCHÆ.

**P**onatur lacrumis iam modus, & novis  
 Templorum resonent atria canticis.  
 In vitam reduci nam Domino sacer  
 Poscit lætitiæ dies.

Lux post Christi obitum tertia venerat,  
 Cùm spes sancta, moræq; impatiens amor  
 Matronas parili nomine nobiles  
 Visendum ad tumultum vocat.

Tùm motum lapidem, tùm lapidi vident  
 Iunxum niveis vestibus Angelum:  
 Qui, quo sollicitis eximeret metum,  
 Pauca & certa locutus est.

*Non hoc amplius est, quem petitis loco,  
In vitam rediit Christus ab inferis.  
Ite, & discipulis hæc eadem date  
Summi nuncia gaudii.*

*Simplex, &c.*

IN DIE ANNUNCIATIONIS  
B. VIRGINIS.

**A**d te sidereis missus ab arcibus  
Cùm venit Gabriel, virgo, renuncians,  
Te summo ante alias complacitam patri,  
Mox matrem Domini fore:

*Turbata tibi nunc purpureus genas  
Sparsit mente pudor, nescia quod viri,  
Casto, sponsa licet, pectore virginem  
Semper te fore voveras.*

*Verum idem subito nuncius addidit:  
Istos pone metus: nam tibi jam datum est,  
Ut virgo maneas, & tua compleat  
Sanctus viscera spiritus,*

*Tunc ore ex roseo vox tibi prodiit,  
Testis mirifica certa modestie:  
Ecce ancilla Deo subdita, nil moror.  
Fiat, quod Dominus jubet.*

*Simplex, &c.*

IN FESTIVITATIBUS  
S. CRUCIS.

**G**entes, nulla quibus notitia est Dei,  
Armis imperio, prole superbiant:  
Nobis, queis melior spiritus obtigit,  
Sola est in Cruce gloria.

*Lignum*

Lignum prima homini perniciēs fuit,  
 Cū primus vetitam contigit arborem  
 Captus fœmiaeis illecebris parens,  
 Quo se perdidit ac suos.  
 Sed pōſt lignum homini certa ſalus fuit,  
 Cū ſcandens patulam Chriſtus in arborem.  
 (Æternus fieri ſic voluit parens)  
 Vitæ reſtituit ſuos.  
 Crux hoſtes hominum ſola procul fugat.  
 Crux ſola inſidiis munit ab omnibus.  
 Adverſa intrepidus deſpiciat, licet,  
 Cujus ſpes Cruce nititur.  
 Simplex, &c.

IN DIE ASCENſIO-  
 N I S.

Victa in perpetuum mortis & inferum  
 Inſignis ſpoliis, luce nitens nova.  
 Primus q̄ inſolitum Chriſtus iter ſecans  
 Arces in patrias redit.  
 Natus naſci iterum nos quoq̄ dum cupit,  
 Mundo mortuus eſt, nos cupiens mori,  
 Surgens & repetens æthera, nos quoq̄  
 Ut peſſimus idem, dedit.  
 Chriſto nunc igitur vivere nos decet,  
 Ut Chriſto pariter detar iæmori.  
 Surgentes eadem nos quoq̄ gloria  
 Puro lumine veſtiet.  
 O per qui te, hominum conditor, ingredi  
 Caſtæ adduxit amor viscera virginis,  
 Nos dignare, tuis artibus inſitos,  
 Voti reddere compotes.

*Simplex aetherii numinis unitas,  
 Quæ distincta eadem est veraq; Trinitas,  
 Eternis vigeat semper honoribus,  
 Et terra simul & polo.*

*Amen.*

IN DIE PENTECO-  
 S T E S.

**L**ustra nostra tuâ pectora lampade,  
 Qui quondam, altisono spiritus à Patre,  
 Lustrasti unanimes, missus, Apostolos,  
 Linguis deditus igneis.

Confirma dubios, dirige devios,  
 Consolare tui muneris indigos,  
 Let aliq; animos frigore torpidos  
 Sanctis ignibus excita.

Mens doctrinam avidè nostra bibat tuam,  
 Perstetq; assiduè tota Deo calens,  
 Et spem firmam in eo constituens sibi,  
 Terram pro nihilo putet.

○ rerum alme sator, certè homines sumus,  
 Quamquam indigna, tuæ plasmata dextera.  
 Ne fer, quos tua vis ex nihilo extulit,  
 Eterno exitio obrui.

*Simplex, &c.*

IN DIE SS. TRINI-  
 T A T I S.

**O**Nullis hominum pervia sensibus,  
 Naturæ penitus sola capax inæ,  
 Cujus condita sunt omnia numine,  
 Æterna & monas & trias.

Nato



Nato aequare pater, natoq; par patri,  
 Et manans ab utroq; inclyle spiritus,  
 Circumfusa tuo nabilia lumine  
 Nostro discute pectori.

Da, mens per speculum cernere te queat  
 Nostra, & posthabitis te petat omnibus;  
 E iustisq; tuis pendeat, & tibi  
 Soli dedita seruiat.

Tu clemens miseris da veniam pater.  
 Tu filii miseris sterne iter ad patrem.  
 Tu sanctum miseris Pncyma vagantibus  
 Præfer. conspicuam facem.

Simplex, &c.

IN FESTO CORPORA  
 CHRISTI.

Cœlestes epulae, certa piis salus,  
 Quas apponit amor pura capit fides,  
 In quem ipse cibi perpetui loco  
 Cœna se pater exhibet.

Hic verbum Domini fallere nescii  
 Cæcis iudicium sensibus abrogat:  
 Quod non est, oculi cernere se putant,  
 Nec, præsens quod adest, vident.

Sub panis specie viva latet caro,  
 Sub vini specie sanguis: & utraq;  
 Seu tantum species sumitur altera,  
 Christus sumitur integer.

Felix qui Dominum sedulus hospitem  
 Absteris animi sordibus excipit.  
 Qui contra facere id negligit, ah miser  
 Ipse est exitio sibi.

Simplex, &c.

IN NATIVITATE S. JOANNIS  
BAPTISTÆ.

**S**anctorum soboles sera parentium,  
Solis perpetui Prodrome Lucifer,  
Quinascens hilaras omnia; dum tuum  
Natalem colimus, fave.

Nondum natus eras, cum dominum tamen  
Nondum casta utero virginis editum  
Agnosti exiliens, & quatiens novo  
Matris viscera gaudio.

Mox & magnanimus te (qua petis) puer,  
Et victu populus horridus admones.  
Factis abstineant turpibus, & viam  
Adventante parent Deo.

O cui voce sua maximus arbiter  
Laudem supra homines egregiam dedisti,  
E caelo adsiduis, quesumus, adjuva  
Cultores precibus tuos.

Simplex, &c.

IN DIE TRANSFIGU-  
RATIONIS.

**Q**uam crebro dederat discipulis fidem,  
Confirmare modis dum studet omnibus,  
Tres secum comites montis in ardui  
Adsumpsit Dominus iugum.

Illic fons radiis cincta micantibus,  
Solaris nituit lampadis in modum;  
Tum, qua tectus erat, protinus est nivi,  
Festis reddita consolor.

Cum

Cum Christo gemini visi etiam senes,  
 Et iussa ad populum cui dederat Deus,  
 Et qui sidereis visus erat adq̃mos  
 Quadrigis petere igneis.

E nubis nitida quinetiam sinu  
 Hac dicta omnipotens intonuit pater;  
 Hic est, quem eximie diligo filius  
 Huius iussa capefute.

Simplex, &c.

IN DIE S. LAURENTII.

**L**auranti canimus nobile praelium.  
 Qui eum visceribus flammam aleret suis,  
 Et craterem roseo sanguine spargeret:  
 Subjectis ruber ignibus:

Constanter Domini perstitit in fide.  
 Ambustumq̃ latus carnifici exhibens,  
 En istam rabiem quo magis expleas,  
 Hoc jam costum, ait, est; vora.

Tanto corporeis ignibus acrior  
 Christi ardebat amor pectore in intimo:  
 Sic mens tota Dei fervida spiritu  
 Sensum corporis hauserat,

Nunc nobis solito more rogandus est,  
 Iratum ut merito conciliet Deum:  
 Et quos mirifici roboris instruit  
 Exemplo, precibus juvet.

Simplex, &c.

IN DIE ASSUMPTIONIS

B. MARIÆ.

**R**egnator Superum quo nitidam die  
 Matrem sidereis arcibus intulit,

Et supra Angelicos conspicuam choros  
 Stellanti statuit throno:  
 Quae caelo fuerint iubila, qui sonus,  
 Quae sanctis animis gaudia, non modo  
 Humanis nequeat vocibus exprimi,  
 Sed nec pectore concipi.  
 Haec est arca novae consilia fœderis,  
 Conclusus, Domini delicia, hortulus,  
 Rostro intactus ager, sedere palchrior  
 Et sponsa & genitrix Dei.  
 Felix quisquis eam suppliciter colit,  
 Rebusq; in dubiis sedulus invocat,  
 Nunquam hoc qui statuit praesidium sibi,  
 Spe lusus doluit sua.  
 Simplex, &c.

IN FESTO SANCTI HA-  
DRIANI.

**C**hristi in militiam nomina ne darent,  
 Multos impedit supplicii metus:  
 Multos qui dederant, vis cruciatuum  
 Illam deserere impulit.  
 Non sic ille, hodie quem colimus, fuit,  
 Qui nomen tumido duxit ab Hadria:  
 Quin constantem animam Christicolim videns  
 Horum se ad numerum appulit.  
 Prudenter reputans, non sine numine  
 Tales cuncta viros aspera perpeti,  
 Neo se illos temerè sponte sua ratus  
 Pœnis objicere omnibus.  
 Ergo his se agglomerans, credidit? & simul  
 Index ipse sui supplicium appetens,

Quae

*Qua mente imbiberat, mox eadem suo  
Sanxit dogmata sanguine.*

*Simplex, &c.*

IN DIE S. MICHAELIS.

**C**oelestis canimus militiae ducem :  
Qui perjura bonus dissipat agmina :  
Et dejecta locis non sibi debitis,  
Sedes trudit ad inferas.

*Horrendo imbiberat pectore septiceps  
Bis quinisq; ferox bellua cornibus,  
Intacta sobolem virginis unicam  
Sævis mandere dentibus.*

*Æterni imperio sed Michaël patris  
Conatus Satanae reddidit irritos :  
Et monstrum innumeris fraudibus oblitum  
Victor stravit hunc patens.*

*Idem deposito pondere corporis  
Exsories animas criminis extipit,  
In cælumq; alacres tollit, & in loco  
Lucis perpetua locat.*

*Simplex, &c.*

COMMUNE B. VIRGINIS.

**O** Solis nitido lumine pulchrior  
Virgo, constituit quam Deus unicam  
Expertem maculis omnibus, ut fores  
Nato digna parens suo.

*Te quondam Gedeon vellere in urvido,  
Intactaq; novis imbribus area :  
Te cincto innocuis legifer ignibus  
Agnorat prius in rubo.*

*Rebus principium qui dedit omnibus,*

*A te, dum se hominum caussa hominem facis,  
Sumpsit principium, quicq; alit omnia,  
Pastus lacte tuo est puer.*

*Per te quod mulier perdiderat vetus,  
Humano generi redditur auctius.  
Tu clausas miseris heu nunc iam diu  
Cæli prima aperis fores.*

*Simplex, &c.*

### COMMUNE ANGELO-

RUM.

**M**entes beata, lumine  
Quas ambit aeterno, Pater,  
Sacrosq; lustrans Spiritu,  
In se intuentes perficit.

*O queis supremus omnium  
Primis creator insidet,  
Quos luce complet aurea  
Amoris ac scientie.*

*O qui potentis dexteræ  
Virtute cuncta vincis.  
Dei regentis omnia  
Fortissimi satellites.*

*O ter beati Principes,  
Archangelicq; & Angeli,  
Nos ritè vobis supplices  
Hinc in superna tollite.*

*Æternæ cunctorum, &c.*

### COMMUNE UNIUS CONFESSORIS

PONTIFICIS.

**P**astor beate, qui tuæ  
Concredidit cura gregem

Savia

Seruis luporum faucibus  
Patere nunquam passus es.

Tu læta dux ad pascua,  
Fontes recludens limpidos,  
Oves videbas florido  
Semper nitentes vellere.

Quod si qua fors an tabido  
Languere morbo ceperat,  
Salubria, ut mitis pater,  
Illi admovebas pharmaca.

Cujus laboris nunc tui  
Digna affecutus premia,  
Favore, nam potes, tuos,  
Qui te presentur, adjuva.

Æterne cunctorum Pater, &c.

COMMUNE UNIUS VIR-  
GINIS.

**O** Virgo pectus cui sacrum,  
Amoris expertis improbi,  
Divini amoris lampade  
Sanctus perussit spiritus.

Non te voluptas dulcibus  
Fallax venenis molliit,  
Solas amantem persequi  
Cælestis agni nuptias.

Sic ille natus virgine  
Suo decore ceperat,  
Amore ut ardens illius,  
Mundana cuncta temneres.

Beata cui cælestibus  
Templis recepta nunc licet

*Inter canentes Angelos*

*Tuis potiri meritis.*

*Æterne cunctorum, &c.*

IN FESTO D. AMBROSII.

**Q***ualis periclitantibus,*  
*Totoꝝ jactatis mari*  
*Tranquillitatis nuntia*  
*Se stella nautis objicit:*

*Talem, procellis Arii*  
*Ecclesiam turbantibus,*  
*Qui lumen orbi redderet,*  
*Elegit Ambrosium Deus.*

*Nondum renatus flumine,*  
*Sed jam renatus flamine,*  
*Concordibus suffragiis*  
*Episcopus electus est.*

*Ut ex ministro Cæsaris*  
*Minister effectus Dei,*  
*Humana relinquens cæteris,*  
*Divina jurapanderet.*

*Non alligatur tempore*  
*Divina certo gratia:*  
*Sed dum libet, quidquid libet,*  
*Puncto vel uno perficit.*

*Hunc ipse Cæsar horruit,*  
*Contra nec ausus hiscere est,*  
*Cædes ob admittas sacræ*  
*Exclusus ædis limine.*

*Magnam suis fiduciam*  
*Benignus inspirat Deus:*  
*Semperq; pastoris boni*  
*Multum potest auctoritas,*

*Salve,*



Salve, honorum maxima  
Episcoporum gloria.  
Plebemq̄ devotam tibi  
Cælo receptus adjuva.

Æterne cunctorum Pater,  
Æterne fili par Patri,  
Et par utriq̄ Spiritus,  
Soli tibi sit gloria.



AD



AD BEATISSIMAM VIR-  
GINEM DEI MATREM, QUÆ

religiosissimè colitur in Æde  
Lauretana.



**V**NDE mihi insolitus præcordia concutit hor-  
ror,

Et perfusa metu trepidat, velut ista Deo  
mens?

*Fallor: an hoc facit ipse locus, stimulosq; parentis*

*Subjicit, atq; animum præsentia numinis urget?*

*O cælo dilecta domus, postesq; beati,*

*Quos ego jam pridem tota mihi mente cupitos,*

*Nunc primùm, veteris voti reus, advena viso:*

*Salvete, aspectiq; mihi feliciter este.*

*Vosne per ætherias Judæa à sinibus oras*

*Aligerum, mandante Deo, vexere manipuli?*

*Hic virgo genitura Deum, genitricis ab alvo*

*Prodiit, & blandis multis vagitibus auras?*

*Hic quoq; virginæ servata laude pudoris,*

*Sancta salutifero tumuerant viscera fœtu?*

*Ille opifex eunctorum, illa æterna unica proles*

*Æqua Patri, ille homini primæva ab origine lapsa*

*Spem cælo vitamq; ferens, hac lusit in aula*

*Parrulus, & sancta blanda obtulit oscula matri?*

*Quanam igitur regum sedes, qua templa per orbem,*

*Huic se ausint conferre loco? ter & amplius omnes*

*Ante alias felix Piceni litoris ora:*

Cud

Cui Solymos spectare domi, cui munere divum  
Fas calcare domi est pedibus vestigia Christi.

En ego jam supplex procumbam, atq; oscula figam  
Parietibus sanctis, spargamq; hoc pulvere crines.

Adspice me superis e sedibus, adspice, virgo  
Prostratum, atq; imo gemitus ex corde cientem,  
Et pectus tudentem, & fletibus ora rigantem:  
Neu, quanquam cuius adopertum turpibus, arce  
Adspectu me diva tuo: si pectore toto  
Te veneror, si te, dubiis in rebus, ad unam  
Confugio, teq; auxilium sanctissima posco.

Pœnitet ex animo vitæ me Diva prioris  
Pœnitet, & meritas horret mens conscia pœnas.  
Quod nisi tu casto pendente ex ubere natum  
Concilias, placasq; mihi, quo tendere cursam  
Quove malis fessam tentabo advertere puppim?

At tu, namq; soles, placida dignare querelas  
Aure meas, & ades lapsis mitissima rebus.  
Certè equidem tota pendente is æde tabellas  
Adspicio, quæ te miseris præsto esse loquuntur.  
Hic, te animo spectans, torrentem viscera febrim  
Depulit, ille hyadas tristes, hædumq; cadentem  
Spectavit tutus, vertentibus æquora ventis,  
Et duce te patrias enavit salvus ad oras,  
Criminis ille reus falsi, sub iudice duro,  
Dum mortem expectat tenebroso carcere clausus;  
Munere Diva tuo detecta fraude, revisit  
Uxorem & natos, exoptatumq; parentem.

O ego nunc morbis multo gravioribus æger,  
Naufragiumq; timens longè exitiosius illo,  
Et jam pridem animum peccati compede vinculus,  
Si possim morbis liber, vinculisq; solutus,

Flucti-

Fluctibus & venis laceram subducere puppim:  
 Quas tibi lætus agam grates, dum vita manebit?  
 Te, cum luce nova sparget sol aureus orbem,  
 Te recinam, quoties abscondet opaca polum nox:  
 Et tua præcipuo venerabor numina cultu.

## IN D. BARBARAM.

**B**arbara, qui laudes speret se æquare conendo  
 Pesse tuas, idem pulsantes littora fluctus  
 Et Lybicas numero comprehendere tentet arenas.

Te pater insanus turri concluserat alta:  
 Sed veram Danaen verus te Juppiter illic  
 Despondit sibi Christus, & arcto fœdere junxit.  
 Illo & tu triplices fieri inspirante fenestras  
 Mandasti, & niveo sculpisti in marmore signum,  
 Quo reparata salus, & deficiente ministra  
 Ipsa tuos merfisti undis lustralibus artus.  
 Quid memorem, ut ibi mens fugienti cesserit, aut  
 qua

Cæperit indicii vesanus præmiæ pastor  
 Qui dum miratur pecudes in marmora versas  
 Ipse suum pariter sensit lapidescere corpus.

Non tu carnifices, non tu tormenta timebas,  
 Non gladios animosa, & Christo plena virago,  
 Qui te ad cœlestem meritis pro talibus aulam  
 Evexit, regniq; libens in parte locavit.

Ad tu Diva graves hominum miserata labores,  
 Pacem illis, veniamq; ora & nocitura repelle.  
 Præcipue antiquo prognatum ex sanguine regum  
 Gonzagam, felix quo se duce Mantua jactat,  
 Qui virides Minci ad ripas tibi Diva sacravit  
 Templum augustum ingens, cura quod & ipsa tuetur  
 Per vigili, & flammam late spargentibus aris

Sæpe

Sape manu propria meritos imponit honores,  
 Hunc tu Diva tuo protectum numine sancto  
 Conserva. populumq̄ simul, qui sacra, secutus  
 Principis exemplum, puro tua corde frequentat.

## P. FRANCISCO BENTIO.

**B**enti nihil me, sicut antea, juvat  
 Per vigili studio nil profutura querere:  
 Nec quas per urbes canius, exciso Ilio,  
 Saxa Ithacæ repetens, Laërtis erravit puer:  
 Nec quot Ithacenses Circe pharacis potens,  
 Vultu hominum posito, grunnire porcos iufferit:  
 Cura magis mi est, lustra jam decem miser  
 Quilibus in vitis defixus ipse erraverim:  
 Cum me, Dei vix jam manente imagine,  
 Mortifera induerat sædam voluptas in suem,  
 Quis me sequetur fructus ubi pernovero,  
 Quot mala Grajugenis Achillis ira invexerit:  
 Si nesciam vesanus, in qua me mala  
 Præcipitem ira Dei, nisi resipiscam actura sit?  
 Hei mi laboris, hei dierum ac noctium,  
 Quas memini in studiis me talibus consumere,  
 Malè metuentem, ne quis usquam equalium  
 Certius ac melius plures teneret fabulas.  
 Et tamen ab æquis non gravatè improvida  
 Judicibus veniam fortassis ætas in peret.  
 Sed nunc columbis contolor cæm sim caput,  
 Et mihi sarcinulas brevi legendas sentiam,  
 Nisi meliora mente tata cogitem:  
 Bis puerum merito, Francisce, me vocaveris,  
 Beatus ille, quem juvenia in limine  
 Abstrahit a vitis ipse & sibi adstringit Deus.  
 Nec tamen habendus ille in felicibus,

*Ad meliora, Deo vocante, qui venit senex.  
Verum est poëta nobilis verbum vetus :  
Si bene quid facias, serò licet, prodest tamen.  
Communi uterq; gratias agat patri,  
Sors tibi prima data est : mibi secunda contigit.*

MURETO FRANCISCUS  
BENTIUS.

**M**urete, me nunc, sicut antea, iuvat  
Quæ mihi, quæque aliis das, profutura car-  
mina

*Expressa sancti Spiritus molimine  
His avidis oculis & tale queritantibus  
Et lætitare & lætitando ediscere,  
Labitur inde mihi furtim humor udas in genas.  
Palam arguens quæ pectus intrant gaudia,  
Pectoris exigui majora claustris gaudia,  
Conversa studia quando utriusq; resricas.  
(Grata utriusq; Deo & mortalibus conversio)  
Nam uterq; nigro noctis è silentio  
Cepimus aspiciere Christi benigna lumina.  
Uterq; noctis tum relictis artibus,  
Depositis tenebris & arma lucis induis.  
De te sed ipse multa deploras modis  
Flebilibus : lachrymans : & ad gemendum me vo-  
cas.*

*Eheu dolor, quid ulcus antiquum novas ?  
Jam memini, miser, heu, quod pœnitet, piget,  
pudet.*

*Cùm vilis ancilla exparescens voculas  
Immemor officii, Christum negavi sapius.  
Gallo at carente, cum me amico lumine  
Intuitus Deus est: prior mihi tunc mens redit.*

Ad

Ad me ipse tandem triste post tempus redii,  
 Exiliensq; foras laxavi habenas fletui,  
 Absterfit inde lacrymas Christus meas,  
 Speq; data venie, perduxit in gregem suum.  
 Eduxit idem, quod fateris, improba  
 Servitio dominae, & vindicavit te sibi.  
 Quid restat ergo? hortetur alter alteram.  
 Nunc si aliquis gravior fortasse se offeret labor,  
 Feramus hunc, deurete, mente qua decet,  
 Atq; discem Dominum forti sequamur pectore,  
 Quod si una utrumq; ad vineam hora non vacat  
 Unus utriq; tamen promittitur denarius.

PSAL. CXIV.

Dilexi quoniam, &c.

**S**ummus amor Domini medio mi in pectore fervet,  
 Namq; meas clemens audit ille preces.  
 Excepitq; meas facili bonus aure querelas.  
 Illum igitur, fuerit dum mihi vita, colam.  
 Letiferi habebam vinculus quasi fune doloris:  
 Nec procul à duræ limine mortis eram.  
 Summe Deus, dixi, solo te vindice fretum  
 Eripiat tantis me tua dextra malis,  
 Ut bonus es, ut opem cito ritè rescantibus adfert:  
 Justus ut, & nitida simplicitatis amans?  
 Attritus propè eram, cum me consurgere jussit,  
 Depulit & capiti cuncta pericla meo.  
 Quid trepidas anima? ad solitam te verte quietem,  
 Plurima supremi munera regis habes.  
 Ille à morte animam hanc, à tristi lumina fletu.  
 A lapsu infirmos eripuitq; pedes.  
 Vivam igitur post hac illo duce & auspice tutus,  
 Et meq; semper erit cura placere Deo.

## PSAL. CXIV.

Quid gloriaris in malitia, &c.

**Q**uid gloriaris perfide, quid times?  
An ista verum nescia proloqui

Te ceteros supra ferocem  
Lingua bonis inimica reddit?

Cura una & unum est id studium tibi,  
Noctes diesq; hanc, ut potes, asperas  
Novacula in morem: & latentes  
Insidias struis huic & illi.

Te læta damnis improbitas juvat,  
Egensq; semper pluris iniquitas.  
Tu fœda facta & fraudulenta  
Usq; novis cumulare gaudes.

Quæcumq; verbis, ô scelerum artifex,  
Posse in ruinam præcipites agi  
Confidis insontes amicos,  
Illa tibi didicisse melli est.

Quapropter ultor, ne dubita, Deus  
Tandem à merenti supplicium exiget:  
Radicibusq; evulsam ab imis  
Sedibus ejciet tuus te.

At hæc videntes, artubus intimis  
Justi intremiscunt: & magis ac magis,  
Ne provocent in se quoq; iram  
Numinis, admoniti cavebunt.

Turpisus illis inter ea miser  
Foculusq; fiet. Ex sibi qui Deum  
Temnebat adjectorem: & in se  
Sat sibi præsidii putabat.

Quid nunc, quid illum per scelera & dolos  
Exstructæ in altum divitiæ juvant?

in pul-



In pulverem omnia & favillam  
Et tenues abiere fumos.

Ego autem, in uno spem mihi qui Deo  
Omnem locavi: liber agam metu:  
Florens olivæ instar nitentis,  
Quam Domini studium tuetur.  
Semper regum maxime te canam:  
Nec me sonoris deficiet tuum,  
Plaudente justorum corona,  
Carminibus celebrare nomen.

PSAL. XLVI.

Omnes gentes plaudite, &c.

**O** Populi lato quoscunq; alit ubere tellus,  
Ingeminate atacres plausum, luctuq; fugato.  
Læta triumphali resonent facile, omnia cantu,  
Ille etenim regum ter maximus, ille tremendus,  
Quem sola terrarum, cæli quem templa verentur,  
Subjecit nobis populos, fastuq; represso,  
Ferre jugum admotæ pedibus cervice coëgit,  
Ipsemet elegit clemens patrimonia, nobis  
Quæ daret, æterno Isacide succensus amore.  
Euge pater pater euge, tuum hæc sunt omnia munus.  
Ascendente Deo, litui sonuere, tubæq;  
Prodidit ipse novis sua gaudia vocibus æther.  
Psallite nunc pia corda Deo, nunc psallite Regi,  
Psallite, qui terras omnes ditione coërcet:  
Et mulcete pias doctis contentibus aures,  
Imperium sine fine Deus toto obtinet orbe,  
Et sancto innixus solio regit omnia solus,  
Ductores populorum illius signa sequuntur.  
Namq; Abrahami alios longè Deus anteit omnes!  
Scuta sua extulit ipse altè super ardua terra.

Kk 3

PSAL

## PSAL. XIV.

Domine quis habitabit, &amp;c.

**Q**uamvisam, o Rex aeternae, tuam admittetur in aulam,  
 Cui dabitur montis culmen adire tui:  
 Perpetua ut tecum compositus pace fruatur,  
 Carpens nota unis gaudia caelitis?  
 Qui nulla ingreditur macula suffusus, amatq;  
 Ex animo rectum, iustitiamq; colit.  
 Cui neq; cor fraudes agitat, neq; subdola lingua est:  
 A quo se la sum dicere, nemo potest.  
 Quem fugiunt iniusti, & quo praesente liquescunt:  
 Quo visos, iustis mens animusq; redit.  
 Quem mutare fidem, nunquam iactura coegit:  
 Faenore qui partas odit & horret opes.  
 Nullo unquam iudex potuit qui munere vinci.  
 Ut duro infantes laederet ore reos.  
 Qui facit haec vis demum in caeli templa receptus,  
 Tecum una dempto sine beatus erit.

**M**ente Deum pura quisquis veneratur amatq;  
 Vis illi exterior nulla nocere potest.  
 Non si illum obsideant hostiles undiq; arma,  
 Quas sitis innocui sanguinis exagitet:  
 Non toto coeat, si quidquid in orbe ferarum est,  
 Et quot in Oceani gurgite monstra natant.  
 Ille, licet tristes agitent maria alta procellae,  
 Undarum in medio vertice tutus erit.  
 Ille interq; feras atq; agmina fera latronum  
 Nostri etiam in medio tutus erit nemore.  
 Non quaecunque truces adhibent tormenta ty-  
 ranni,  
 Illius unquam animam terrificare queant.

Dix, rota, robur, equus, candentis lamina ferri,  
Omnia pro Christi nomine ludus erunt.

Felices, quarum ille inis amor ossibus hæsit.

Quanta illos obida præmia morte manent ?

☉ si me quondam numero Deus aggreget illi:

Quæ tunc fors melior sorte futura mea est :

Ab CHRISTE ure meum tandem face pectus  
amica,

Equè pigro inuisum discute corde gelu :

Ut nec avarus opes secter, neq; vanus honores :

Sed flagrem solo totus amore tui.

**C**ustanda vita, non fruenda, homini datur.

Nam, cum fruendi tempus est, tùm deserit :

Felicius maritus, an cælebs agat,

Privata vita sine regno dulcior,

An vita regia solium attingas Jovis :

Peregrè morari suavius sit, an domi :

Qui, quamq; multi, & quo parandi more sint,

Quo habendi, amici : nullus hæc curat puer :

Rarus adolescens : nec senex omnis videt :

Et hæc tamen vitam propè omnem continent.

Quæ si quis atri cura & usu pervigil

Longo notârit, jamq; secum statuerit

Quid fugere, quid contemnere, & quid persequi

Expediat homini, vix eam ingressò viam,

Quom maxime unam ex omnibus probaverit :

Obstat senectus invida, & cursum impedit :

Mox avida tristes Lachesis injicit manus.

Sic vivere meditantibus vita evolat.

**S**i exspectes, Pamphile, ipsa dum negotia

Te accersant ultro, & dormientem exsuscitent :

*Febementer erras, taciti discedunt dies:  
 Nec obliviosos officii admonent sui,  
 Superba res est rei gerenda occasio.  
 Semel contempta, nunquam postea redit,  
 Vigiles oportet, & tua accures memor.  
 Nam, si ipse rem curare negligas tuam,  
 Fugit illa, & facile, qui se curet, invenit.  
 Tu rem quam cures postea haud facile invenis.*

**M**emini magistrum puero mi olim hoc dicere,  
 Summum Jovem facere item, ut caupones solent;  
 Qui vina, at vendant, turbant, miscent, diluunt:  
 Nec cuiquam vini simplicis donant cadum.  
 Itidem illum aiebat in vita mortalium  
 Nunquam fortunam simplicem cuiquam dare:  
 Sed temperare fata latis tristitia.

E Græco Callimach.

**N**amq; & ego nitido capiti, flavisq; capillis  
 Serta olim Assyrio sparsa liquore dedi,  
 Et bona in ingratum congeffi plurima ventrem,  
 Cuncta sed in ventos illa abiere leves.  
 Servarunt sola commissa fideliter aures.  
 Corporis hac una est parte reperta fides.

RAPHAELIS URBINATIS PICTO-  
 RIS EXIMII TUMULUS.

Ipse loquitur.



*Scic mea naturam manus est imitata, videri  
 Possset, ut ipsa meas esse imitata manus.  
 Sæpè me is tabulis ipsa est delusa, suumq;  
 Crederent esse, mea quod fuit artis opus.*

Mira-

Miraris, dubitasq;? audito nomine credes.

Sum Raphael, hei mi, quid loquor? immo fui.

Et tamen, bis dictis, quid opus fuit addere nomen?

Alterutrum poterat cuilibet esse satis,

Nam mea & audito est nouissima nomine virtus:

Et præstare vicem nominis ipsa potest.

**Q**uidquid agam, Claudi, seu quò me vertere tentò,

Seu nihil, ut soleo, desidiosus agam

Ante oculos tua mihi abs duè observatur imago:

Unaq; tristitiam gignit & una leuat.

Angor enim infelix, quod te, quo sospite solum

Esse vel mihi sospes, & moriente mori:

Nunc, ubi sis, quid agas, veterem tibi cura medentum

An nondum morbum pectore depulerit:

Nec scio, nec jam scire ulla ratione potis sum:

Quæ me res angere unica penè necot.

At rursum nihil est, quo me ipso tempore soler,

Quodq; oculos tristi tergeat imbre graves,

Te nisi cum vana sibi mens sub imagine fingit:

Seu vigilem, dulci sive sapore premar.

Hoc mihi Nepenthes, curas dissolvere promptum est:

Luctibus hæc una est apta medela meis.

Tecum ego nunc videor teneros percurrere versus.

Sive Catulle tuos, sive Tibulle tuos:

Nunc etiam rerum causas tentare latentes,

Discere & unda fluant omnia, quoq; fluant.

Nunc herba in viridi, lata porrectus ad umbram

Arboris, & rivum molle strepentis aquæ,

Aurasq; & dulces avium captare susurros,

Perq; vices tecum multa iocosa loqui.

Gratia dis, qui mentem homini celeremq; dederunt,

Et quævis habilem fingere spectra sibi.

Illa & plumipedem superâris Persea cursu,  
 Et celebrem invâti Bellerophontis equum.  
 Nec mihi, se cuius rerum natura creatrix  
 Expressam in tabulis cernit, ut in speculo:  
 Tam bene te docto Titianus pollice pingat,  
 Quàm mens te assidue pingere prompta mea est.  
 Atq; utinam tibi sit de nobis mutua cura,  
 Nec quin sit, dubito: sed tamen esse precor.  
 Non ego vulgari te, Claudii, amplector amore,  
 Hac face rara Deus tangere corda solet.  
 Me me ipse odissem, nisi tu me gratus amares:  
 Nec nisi me, quoniam sum tibi charus, amo.  
 Deniq; cum fuero nulli credenda locutus,  
 Pars tamen illa mei parvula amoris erit.  
 Di faciant, longos producere detur in annos.  
 A pueris captæ fœdus amicitia.

**O** Lingua, lingua: ut magna eges custodia:  
 Quæ & aliis sapè, & sapius Domino nocet.  
 Multum assecutus, qui bene didicit loqui:  
 Qui bene tacere, non minus assecutus est,

**N**ivibus hyems exuperat; & ver floribus,  
 Æstas aristas affluit, lacrumis amor.

**S**i mihi lacerti, quales olim, nunc forent:  
 Non lingua potius tibi opem ferrem, quàm manu.  
 Nunc tarda membra, & sanguis adstrictus gelu  
 Conferere in aciem cum hostibus manum vetant:  
 Prodesse patriæ voce & consilio sinunt,  
 Corpus abit annis: consilio animus viget:  
 Viresq; senibus defluunt, verba affluunt.

## Afficta Trabes.

**H**ere, si querelis, ejulatu, fletibus  
 Medicina fieret miseris mortalium,  
 Auro paranda latrumæ contra forent:  
 Nunc hæc adminuenda malo non magis valent,  
 Quàm nania præfica ad excitandos mortuos.  
 Res turbidæ consilium, non fletum, expetunt.

**U**mbre tellus, sic riganda mens mero:  
 Ut illa fruges, hæc bona consilia offerat.

AD P. FULVIUM CAR-  
 D U L U M .

**S**æpè transactos mea mens per annos  
 Sit retrò, & vitæ relegit prioris,  
 Qua potest, cursum, veteres revolvens  
 Ordine culpas.  
 Quid puer, quid dein juvenis, quid autem  
 Temporis jam vir malè collocarit:  
 Dulcibus dum me furiat venenis

Dira voluptas.

Quas mihi imprudens maculas inussi?  
 Quo modo, ah demens! animum inquinavi.  
 Quem salutaris nitidum lavacri

Fecerat unda?

Corporis nec pars vacat ulla probro:  
 Os, manus, aures, oculiq; turpe  
 Heu jugum infamis domina tot olim  
 Lustra tulerunt.

Paululum hoc saltem fugientes ævi,  
 Viribus cassæ reliquum senectæ,  
 Quantulum Christus superesse vult mæ,  
 Vindicet ipse.

ipse

Ipse me pridem Veneris perustum  
 Improbæ flammis rapiat, novog  
 Flamini sancti iecur & medullas

Igne pererret.

Tu tui instilla mihi Christe amorem:  
 Unicum mens te mea concupiscat.  
 Te nihil præter sibi persequendum

Judicet unquam.

Nil opes, nil me capiant honores:  
 Exulet luxus simul & libido:  
 Vanæ delusa procul hinc facestant

Gaudia mentis.

Quiq; florenti malesanus ævo  
 Nil nisi obscœnum, piget heu, canebam,  
 Nunc tuum tantum reperam senili

Carmine nomen.

Tu quoq; hunc votis precibusq; Fulvi  
 Adjuva ardorem: quotiesq; sumis  
 Mysticum Christi trepidus nitentem

Corpus ad aram:

Mente tunc tecum memori volutans,  
 Trade me Christo: mea vota nam si  
 Negligat, certè tibi nil potenti

Tale negabit:

Hoc idem chari mihi præstet oro  
 Cura Massæ: & mea dicta quondam  
 Qui nimis forsàn cupida bibebat

Bentius aure.

Bentius, quem rectum iter evagantem,  
 Et parùm cantæ calidum iuventa,  
 Contigit virga Deus, in suumq;

Duxit ovile.



Nunc ubi expletus meliore mentem  
 Pabulo, currit per iter salutis,  
 Heu procul sequem sua post relinquens  
 Terga magistrum.

## T I B U R.

Quicumq; Herculei spectabit Tiburis arces,  
 Qua pater Hippolytus, sacri pars magna sena-  
 ius,

Cura Deum, loca perpetuo prius aspera saxo  
 Mollit, & leni iussu mitescere clivo,  
 Omnia deprendet longè superantia famam.  
 Nec tam regifico constructa palatia sumptu,  
 Aureq; illusas ades, radiataq; tecta,  
 Quam semper virides mecum admirabitur hortos,  
 Et gelidos fontes, & aquam in sublimè volantem,  
 Seq; in multiplices vertentem, ut Protea, formas.

Præcipuè tamen illi animum novitate movebit

Excisus, res miræ, silex, rapesq; cavata,  
 Et via facta manu longi per viscera montis :  
 Qua se Anto pater insveto pervolveret alveo.  
 Qui longum per iter tenebroso tramite lapsus,  
 Exit, & arboribus gelidæ non invidet undæ.

Stant habiles propter Nymphæ, lymphasq; paratis,  
 Exceptas urnis in vasa capacia fundunt.  
 Parte alia ipse suis altricibus adstat lacchus,  
 Materniq; memor casus, flammæq; paternæ,  
 Gaudet aquis, illisq; libens sua munera miscet.

Dum stupeo, tam multa videns miracula rerum :  
 Ecce novos procul alituum concentus ad aures  
 Fertur, & insolita mentem dulcedine tangit.  
 Adspicio : & gressum propius fero, corpora cerno

Parva ex are avium, aratis nitentia ramis,  
 Dadala quis variam tribuit sollertia vocem.  
 Quamcumq; adspicias, delusus imagine, veram  
 Esse putes volucrem: nisi quod non evolat usquam:  
 Sed ramis affixa suis cantu ethera mulcet.  
 At vera mirantur aves: & cedere dum se  
 Turpe putant, liquidis late omnia questibus implent.  
 Hic Luce egregius labor est, quem Sequana partu  
 Ediderat, Siculi renovantem inventa magistri.

Quid? quem non moveat cygnum mentius adulter,  
 Illudens simili spirantem à marmore Lædam,  
 Delitiosus suis, & aquarum murmure lætus?  
 Multaq; præterea veterum simulachra Deorum,  
 Artis opus prisca, cunctos verùm arduus inter  
 Eminent Alcides: qui spectans omnia circum  
 Hesperidum veteres hortos præ Tibure tenet.

Sed quid ego hæc versu nequidquam includere tento?  
 Jam pridem exiguum præscripti carminis orbem  
 Excessi: & dictis semper majora supersunt.

Idem.

**D**elicia veterum Tibur volventibus annis  
 Conciderat, priscum perdideratq; decus,  
 Et nusquam rivi, nusquam pomaria, nusquam  
 Ulla super tanti signa decoris erant.  
 Illa loca antiquis toties celebrata Poëtis  
 Horrebant turpi squalida facta situ.  
 Mœrebant erepta sibi sua gaudia Nymphæ,  
 Languentes Anidæ æstus agebat aquas.  
 Omnia tempus edax ita deformarat, ut hospes  
 Quereret in medio Tibure, Tibur ubi est?

Nob

Non tulit hanc speciem divini pectoris heros  
 Hippolytus, sacri gloria magna chori,  
 Ille loco senium abstersit, vultusq; priores  
 Reddidit, & solito jussu honore frui,  
 Illius imperio jussa revirescere silvæ  
 Cæperunt sparsis luxuriare comæ.  
 Ille novos passim fontes emergere jussit.  
 Nec mora fit: fontes prosiluerunt novi.  
 Quos circum statuit priscais egesta ruinis  
 Plurima Phidias signa polita manu.  
 Ipse Anio frontem pallenti cinctus oliva  
 Affuit, & proprias consociavit opes.  
 Jure igitur fontesq; sacri, silvæq; virentes  
 Certatim Hippolyti nomen ad astra ferunt:  
 Et, quoties molli increpuit levis aura susurro,  
 Hippolytum alternis vocibus ingeminans.

## AD PETRUM GERAR-

D I U M.

O Delicati blanda ruris otia,  
 Curis & ambitu procul:  
 O dulce murmur limpidorum fontium,  
 O grata nemorum opacitas,  
 O sibilantes arborum ingentum comæ,  
 O prata verè gemmea,  
 O solitudo amica cogitantibus,  
 O horror, ô silentium,  
 Cui nunc canoro gutture obstrepunt aves:  
 Nunc canna pastoris vagi  
 Seu manè oves in læta ducit pascua,  
 Seu vesperè reducit domum.  
 O mensa nec luxu affluens, nec sordida,  
 Dapibus parata rusticis,

Quas

Quas non beri languentem ut irriter gulam,  
 Doctus saporavit coquus:  
 sed filiis juvenibus & seni viro  
 severa coxit villica,  
 O bibliotheca nota paucis, ô libri,  
 Quos rara contrectat manus.  
 O cella tantùm lectuli unius capax,  
 O somne liber, & levis:  
 O ad beatam tua vitam semita,  
 Ignota vulgi sensibus:  
 Ut vos requiro: ut mente vos tota expeto,  
 Alia perosus omnia.  
 Ut letus ad vos tendit, & gazis libens  
 Vos anteposit Perficis  
 Quicumq; puro pectus Olmeo lavit,  
 Frondemq; mordet Delphicam.  
 Quid tu, Gerardi, cui profanis invios  
 Adire fontes contigit,  
 Partesne easdem sequeris, an siti mala  
 Opum, aut perustus gloria,  
 Amantatiruris & dulci otio  
 Vitam anteponis aulicam?  
 O per Lycæi cognitos paucis specus,  
 Quos sæpe lustrasti puer,  
 Ne sperne amicus consili, quod dat senex,  
 Quodq; sibi, sed serò capit.  
 Aliterat te otio avocantibus  
 Ocludito aures, & fuge:  
 Canora monstra ut auribus cera oblitis  
 Laertis effugit puer.  
 Beata vita non metallo aut Indici  
 Speliis paratur aquoris.

Animo appetenti pauca, quod sat est, sat est:  
 Avido, atq; inexpleto, nihil.  
 Cùm tibi sit; unde liber, & plane tuus  
 Vitam quietè transigas:  
 Quis, heu, furor te, quis, rogo, impellit furor,  
 Vincla ultrò ut induas tibi;  
 Et more pulchrum vivere alieno putes,  
 Nutus timentem diuinit?  
 Age rumpe nexus, & jugum collo excute,  
 Vindexq; & assertor tui,  
 Aude esse felix, & procul cuncta amovens,  
 Quæ mentem humo adfixam tenent,  
 Per liquida puri spatia decurre ætheris,  
 Æternatantum cogitans.  
 Et ista sortis lubricæ ludibria  
 Miranda vulgò desere,  
 Utinam mihi olim, flore cum primo rudes  
 Iuventa opacaret genas.  
 Amicus aliquis ista monstrasset senex,  
 Quæ nunc tibi ipse cantio:  
 Non ego perisse lustra tot in aula mihi  
 Vanis dolorem questibus,

Dedicatio hortorum Tiburti-  
 norum.

**N**ec labor Alciden fregit, nec blanda voluptas  
 Unquam animum casti mollii Hippolyti.  
 Ambarum hos hortos virtutum aciens amor,  
 Herculi & Hippolyto dedicat Hippolytus,

Idem.

**A**urea sopito rapuit quæ mala Dracone  
 Alcides, eadem nunc tenet Hippolytus.

L l

Qui

*Qui memor accepti, quos hic consererat hortos,  
Auctori voluit muneris esse sacros.*

Bacchus fonti impositus.

**N**ondum natus eram, càm me propè perdidit  
ignis.  
*Ex illo fontes tempore Bacchus amo.*

Idem ex aduerso respiciens fontem  
Nympharum.

**Q**ui colitis Bacchum, comites simul addite Nym-  
phas:  
*Nam sine ope illarum munera nostra nocent.*

In tabulam Tantali.

**S**i quando admittant sua te ad secreta potentes,  
*Quisquis es, exemplo discite tacere meo.*

In tabulam Jasonis navigantis, & Herculis  
raptum Hylam querentis.

**V**iribus auferres, quod fraude parabis Jason:  
*Eripit Alciden sed tibi raptus Hylas.*

---

PROLOGUS IN PHORMIO-  
NEM TERENTII.

Cùm eam aliquot nobiles adolescentuli Hip-  
polyti Cardinalis Ferrariensis iussu  
acturi essent.

**E**t si scio esse hic neminem, qui nesciat  
Quid apparatus noster hic velit sibi,  
Tamen mearum partium esse existimo,

Inter:

Interea dum se mei sodales comparant,  
Bona cum venia vestra, pauca dicere,  
Que scire vos, & vestra, & ipsorum interest.

Comœdiam Terenti acturi sumus,  
Cui Phormioni nomen ipsius indidit,  
Quod Parasitus in ea Phormio primas agit.  
Neq; hoc videri debet aut mirum, aut novum:  
Quando quidem in omni vita, nedum in fabulis,  
Parasiti, scurræ, sycophantæ, omne id genus,  
Bonis repulsis, ipsi jam primas agunt.

Quod si quis est, parùm decorum qui putet,  
Jvenes ingenuos personatos conspici, in  
Scenam prodire, & quasi facere histrioniam:  
Is sibi responsum hoc habeat, nulla re magis  
Dijudicari omnia, quæ mortales agunt,  
Quàm sine, quem is, qui quid agit, proponit sibi.

Qui Scenicam artem viliùs causa faciunt,  
Et, ut coquis ac lanis risum excitent,  
Distorquent ora, insulsa dicta detritant,  
Contundunt pugnis se invicem, atq; horum omnium  
A plebe viles exigunt mercedulas,  
Meritò histrionum nomen & famam ferunt.  
Nil simile nostrum est. Nos, ut nostram industriam  
Vobis probemus omnibus, ut communi hero  
Nilaremus animum, cui debemus omnia,  
Unum id petentes, hunc laborem cepimus.

Quanquam ô supremi cœlites, quem jam omnium  
Pudere debet personatum conspici,  
Cum id omnis ætas, omnis ordo factitet:  
Sed nolo nunc ulcera cujusquam tangere,  
Ne quis satyram esse hanc dicat, non comœdiam.  
Nunc unum à vobis priusquam hinc abeam, postulo  
Si vos, quod vestri honoris causa sit, juvat,

*Favete, & vigilate animis, vigilate auribus,  
Dormite linguis, qui tacere non queunt,  
Benefecerint, si cefferint iis, qui queunt,  
Ne & turbent alios, & morbum prodant suum.  
Facite, ad conanda in posterum nos talia  
Bonitas ut vestra, atq; æquanimitas excitet.*

AD ANT. MONTECA-  
TINUM.

**T**Andem querelis pone modum tuis,  
Et fata mæstis invida vocibus  
Clamare, crudelesq; Divos  
Cum gemitu lacrumisq; parce.  
Nam, quid Lycei juverit avios  
Lustrasse saltus, fontibus ac sitim  
Ex vulgo inaccessis levasse,  
Ingenioq; adisse Divos:  
Si mentis stud præsidium tuæ  
Ferrumpit, & sese intus agit dolor,  
Imisq; fervens in medullis,  
Te quasi perdomito triumphat?  
Magnam doloris fata quidem tibi  
Causam obtulerunt, qui tibi cognitum,  
Longoq; earum usu sodalem  
Hannibalem ante diem abstulerunt.  
Qui quanquam avitis sat titulis domi  
Fortisq; clarus, non tamen id sibi  
Satis fore ornando putavit,  
Ni proprios etiam ipse honores  
Labore magno quæreret impiger,  
Comamq; lauro duplici necteret,  
Et qua ferox Gradivus, & qua  
Pulcher Apollo suos coronat.



Heu quis Deorum mentibus addidit  
 Famæ illam honestis immodicam sitim?  
 Quam sæpe multis illa tristem  
 Funeris acceleravit horam?

Sed, quorsum inanes jam querimonie?  
 Ille ipse, quem urges questibus, Hannibal,  
 Felix, & insertus Deorum  
 Concilio, mala nostra ridet.

M. ANTONII MURETI IN-  
 STITUTIO PUERILIS COMPREHENSA  
 versibus ad captum puerulorum, qui  
 primis literis imbuuntur, ac-  
 commodatis.

AD MARCUM ANTONIUM  
 FRATRIS F.

**D**um tener es, MURETE, avidis hac auribus  
 hauri:  
 Nec memori modò conde animo, sed & exprime fa-  
 ctis,

*Inprimis venerare Deum: venerare parentes: Venerare pa-  
 renter*

Et quos ipsa loco tibi dat natura parentum.

Mentiri noli, nunquam mendacia profunt.

Si quid peccaris, venia est tibi prompta fatenti.

Disce libens, quid dulcius est, quam discere multa?

Discen<sup>tem</sup> comitantur opes, comitantur honores.

Si quis te objurget, malè cum quid feceris, illi

Gratiam habè, & ne iterum queat objurgare, caveto.

Ne temerè hunc credas, tibi qui blanditur, amicum.

Peccantem puerum quisquis non corrigit, odit.

Qui semel incautum blando sermone fefellerit,

Ille quidem, dabitur quoties occisio, fallet.

Nec cui vis sapiens, nec nulli credere debet.  
 Fallitur alter saepe, fidem sibi detrahit alter.  
 Si quid forte mali aut facias, aut mente volutes,  
 Ut lateas homines, certe Deus omnia cernit.  
 Non nisi spectatis arcana sodalibus effer:  
 Quodq; tacere voles alios prior ipse taceto:  
 Nil cupidè specta, nisi quod fecisse decorum est:  
 Turpia corrumpant teneras spectacula mentes:  
 Averte impuris procul à sermonibus aures:  
 Et qui illis gaudent, horum consortia vita.  
 Principio studii radix inamœna videtur,  
 Sed profert dulces parvo post tempore fructus.  
 Ludo indulgisti? subito evolat illa voluptas.  
 Legisti? utilitas studio percepta manebit.  
 Quies. Ut moderata quies prodest, viresq; ministrat:  
 Sic hebetat corpus nimia, ingeniumq; reundit.  
 Si prodesse aliis studeas, tibi proderis ipsi:  
 At nisi ames alios, & te quoq; nullus amabit.  
 Successus faustos nunquam admirare malorum:  
 Sæpe licet, tamen olim illos sua poena sequetur.  
 Si tibi grata quies, juvenis ne parce labori:  
 Dux ad honoratam est homini labor ipse quietem.  
 Inspice te in speculo: & bona seu tibi forma videtur,  
 Moribus obscænis illi mœdare caveto.  
 Seu tibi subtraxit vultus natura decorem,  
 Ingenio ut forma compenses damna labora.  
 Nil facito, quod turpe putes fecisse videri:  
 Et cura, ut multis tibi sis pro testibus ipse.  
 Ut nos pauca loqui, plura autem audire moneret,  
 Linguam unam natura, duas dedit omnibus aures,  
 Quæ servare voles, ne crebrò invisere parce:  
 Namq; minus furem metuant, quæ saepe videntur.

Linnæus in  
 Aëzar Dial.

Blan-

Blandi  
 Asper  
 Aut v  
 Cum v  
 Fac tibi  
 Sic mu  
 Semper  
 Non op  
 Dices  
 Aut fa  
 Irasci  
 Quam  
 Venti a  
 Aquib  
 Sic &  
 Tutor  
 Pauca  
 Hoc et  
 Stire cu  
 Talem  
 Verber  
 Hæc q  
 Quam  
 Illum or  
 Et spect  
 At cont  
 Spernu  
 Vix ocu  
 Non tan  
 Ad mal  
 Quæ hor  
 Principi

Blanditur primo, sed perdit inertia famam:  
 Aspera res primo est, sed fert industria laudem.  
 Aut vinum ne tange, aut multa proluet lymphæ:  
 Cùm vino indulges, igni puer adjuvis ignem.  
 Fac tibi sit vultus comis, sermoq; modestus:  
 Sic multos facîle tibi conciliabis amicos.  
 Semper opum studio præfer virtutis amorem.  
 Non opibus virtus, sed opes virtute parantur.  
 Discè, & quæ discis, memori sub pectore conde,  
 Aut facies tantundem, ac si cribro hauseris undam.  
 Irasci noli temerè, nil sædius irâ:  
 Quam quæcumq; movere solent, ea temere laus est.  
 Veni agitant celsis positas in montibus ornos,  
 A quibus in media tuta est arbuscula valle.  
 Sic & opes agitant majora pericula magnas:  
 Tutior angustus comitatur vita penates.  
 Paucæ loqui puero, sed tempestitiva decorum est:  
 Hæc etenim ingenium res indicat, illa pudorem.  
 Scire cupis, quæ sit famæ via certa parandæ?  
 Talèm te præsta, qualem te postcis haberi.  
 Verbera non metuet, metuet qui iussa magistri:  
 Hæc qui contemnet, meritò miser ille timebit.  
 Quàm felix puer est, virtus in quo anteit annos.  
 Illum omnes meritis certatim laudibus ornant:  
 Et spectant cupidè, & felicia cuncta precantur.  
 At contra hæmo alloquio dignatur inertes.  
 Spernuntur cunctis, & vulgæ fabula fiunt:  
 Vix oculis pater ipse illos satis aspiciit aquis.  
 Non tantùm in presens obsunt peccata: sed hoc plus,  
 Ad mala quod proclivem animum adæuetudine red-  
 dunt.

Quæ bona sunt, sectare, etiam si dura videntur *Dura, dicitur.*  
 Principio, longus pantatim eam molliet usus.

Acceptum officium memora atq; extolle: sed abs te  
 Collatum extenua, & potius sine prædicet alter.  
 Utilitas quoties pugnare videtur honesto,  
 Ne dubitare quidem fas est, quin vincat honestas,  
 Pauca quidem hæc: sed quæ studio servata perenni,  
 Mirificos fructus progressu temporis edent.  
 Adspret tantum cæptis Deus: omnia cujus  
 Consilio eterno & certa ratione reguntur.

*Deus.*

Quem tu & luce puer prima, cum strata relinquis  
 Surgere ampiger, & dulcem repetis cum vespere somnum,  
 Precor supplicibus facito places ante omnia votis.

Ille tibi ingeniumq; sagax, corpusq; salubre,  
 Et multo meliora dabit: diffidere noli.  
 Tu multo ad illius semper refer omnia laudem.

JOHANNES MATTHÆUS TOSCANUS Ad M. Antonium Muretum Presbyterum, civem Romanum & Oratorem, &c.

Certamen, MURETE, novum: te Gallia civem  
 Afferit hinc, illinc terra Latina suum.  
 Quem nunc implentem Romana palatia voce  
 Eloqui priscum restituyente decus:  
 Attonitus stupuit post ter sibi secula quina,  
 Tybris inauditos dum bibit aure sonos:  
 Te mea Roma suis dum asper civibus ultro  
 Annumerat, gaudens talia verba dedit:  
 Terra mihi tales Lemovix dum mittit alumnos,  
 Nil te, ARPINE, moror municipesq; tuos.



SEQVUNTUR QVÆDAM  
CARMINA, VEL CARMINUM

Fragmenta ejusdem Auctoris; vel  
aliorum in eundem.

*Nunquam antea in lucem edita.*

MARCI ANTONII MURETI  
CARMEN

DE S. ANDREA APOSTOLO.

**D**ic mihi musa virum, Geticas qui primus in  
oras  
Intulit æternæ fulgentia signa salutis:  
Mox se regna ferens alacris per Achaica vi-  
ctor,

Dum parat usq; novos antiquo ex hoste triumphos,  
Sacra vit veteres generoso sanguine Patres.

Tu modò tot, sævis quo tempestatibus actæ  
Se tamen, ut possunt, solantur præsule Senæ,  
Huc adhibe Franciscæ animum, mecumq; revolve  
Egregii ANDREÆ laudes, dignatq; cælo  
Facta libens, aram tu illi statuamq; dicasti,  
Quæ Vaticana insignis spectatur in ade.

Nos dabimus vena ductos è paupere versus.  
Quod poterit, det quisq; est & sua gratia parvis.

Sustulerat cælo victor se Christus opimis  
Insignis spoliis, princeps Acherunte recluso.  
Clara triumphata referens insignia mortis:  
Lustrataq; suos sancta cum matre sodales  
Munere linguarum, & promissi flaminis aurâ.

Conveniunt paucis post illa expleta diebus  
 Magnanimi heroës, Petro indicente senatum,  
 Tum monstrante Deo, qua sit provincia cuiq;  
 Demandanda, agitant, sacri quam semine verbi  
 Conserat, atq; viam populis præpandat Olympo:  
 Et sparsa iatrepidus testetur sanguine Christum.

Ergo alias alii: Thracam, Illyricumq; Getasq;  
 Perpetuis nivibus glacięq; informia regna,  
 Suscipet Andreas: quanquam illi pluxima frontem  
*Senex.* Ruga erat, & seros canum caput indicat annos.  
 Sed stimulat, viresq; sui amor ipse ministrat.  
 Vade, ait, & lacrymis vultum illiusq; suumq;  
 Irrorat, Petrus, vade ô charissime, qui me  
 Deduxi ad Christum primus, germane, mei;  
 Vive memor, memor usq; tui vivam ipse vicissim.  
 Qui tibi caussa via est, idem tua cœpta secundet.

Ingeminant eadem hæc alii, fletuq; madentes  
 Amplexi inter se, felicia euncta precantur.

It senior, Christumq; unum, quacunq; gradum fert,  
 Prædicat: hunc unum cunctis in vota vocandum,  
 Exitio mentita suis cultoribus esse  
 Numina: ab una hominum Christo pendere salutem.  
 Irrident alii, motaq; hac mente putantes  
 Delirare senem, sputo saxisq; sequuntur;  
 Sunt etiam qui vincla parent, pœnasq; minentur  
 Turbanti veterum cultus & sacra Deorum.  
 Sunt tamen & quorum tetigit præcordia Christus,  
 Qui veterum fœda errorum caligine pulsa,  
 Attentas moriis præbent caelestibus aures,  
 Ille fide primum, sine qua nil cætera profunt,  
 Summa docet cæpita, & sancto connectit amore,  
 Tum iussu sperare, salubribus abluit undis:  
 Imponitq; manus, & sancto flamme firmat.

Acce-

Accedunt extemplo alii, & socia agmina jungunt:

Sic quondam latis Cerealia semina campis

Cum spargit, plenaq; manu diffundit arator,

Pars cadu in cautes, succoq; carentia saxa,

Pars leuiter terræ nullis radicibus hæret:

Atque illam volucres rostris populantur acutis:

Pars etiam in sulcos, atq; ipsa in viscera fertur

Telluris, gremioq; illic concepta tenaci

Fruge nova dominos opulentat, & horrea complet.

Odrysius tandem in fines, adoperta pruinis

Arva, bipennifero quondam regnata Lycurgo,

Pervenit, & torvæ purissima pectora gentis

Insoliti tamen eloquii dulcedine mulcet.

Conueniunt fluvioq; Getæ, pietiq; Geloni,

Quosq; imposta vagis agitât domus annua plaustris,

Cornipedisq; sui solitus potare cruorem

Sarmata, quasq; alias sinuosa binominis Istri

Ripa vehit gentes, rigidis corda obsita setis,

Paulatimq; truces animos, eduraq; ponunt

Corda volente Deo, & moniti meliora capessunt.

Editus his ipsis olim regionibus Orpheus

Creditus est cantu liquido, fidibusq; sonoris

Et rabiem dempsisse feris, & sistere iussis

Fluminibus, silvas post se traxisse sequentes.

Verior hic Orpheus, homines qui vivere raptò

Affuetos, solisq; sibi jus ponere in armis,

Quosdam etiam cæsis, feritas horrenda relatu,

Hospitibus vesci, & sectos in grandia frustra

Aut torrere veru, aut mollire tepentibus undis,

Taliaq; obscænis imponere fercula mensis,

Impulerit fando ritus abolere nefandos,

Et prius efferâ colla iugo submittere Christi.

Jamq; Borysthenios fluctus nitidumq; Dyraspen,

Quiq;

Quis Europæis Asiam determinat arvis  
 Multifidum Tanain, teq; ô saxose Cynapos,  
 Quæq; alia ex alta spectat piger arce Bootes,  
 Plurima nunc ratibus, nunc per via flumina plaustris,  
 Illa sacrum Christi pervaserat omnia nomen.  
 Unum omnes Christum ripæ, unum antra sonabant.

Cùm senior, Sat jam his inquit, regionibus actum.  
 Perficiet, quod deest, qui perficit omnia Christus.  
 Queramus nova regna, odit victoria segnes.  
 Substitit hæc fatus paulum; dein lumina cælo  
 Attollens, sequor ecce, sequor quocunq; vocaris,  
 Tu modò præsentem mentem mihi numine firma.

Sic fatur, gressumq; ad Achaica dirigit arva,  
 Multa movens animo, sanctus comitatur eum em  
 Spiritus, & robur fessis senio artibus addit.  
 Reliqua desiderantur.

## E J U S D E M.

AD GREGORIUM XIII.  
PONT. MAX.

**Q**ui tibi ab Eo repetitas littere conchas,  
 Divitis aut auri pondera multa ferat:  
 Illum ego scire negem, quæ tu Pater optime, dona  
 Longè auro & gemmis anteferenda putes.  
 Una tibi virtus, virtus in amoribus una est,  
 Veræ & virtutis gloria vera comes.  
 Ergo ut amans tabulis dominae referentibus ora  
 Gaudet, & ante oculos semper habere cupit:  
 Sic te expressa juvat veræ virtutis imago,  
 Nec tabula est oculis gravior ulla tuis,  
 Tale igitur manus tibi nunc Picolominus offert,  
 Senensis præsul gloria prima soli:



Biffeno Æneæ conclusa volumine facta  
 Pontificis verè nomine regis Pii.  
 Qui virtute olim sedem proventus ad istam,  
 Ad quam eadem virtus te Pater almæ tulit,  
 Ingentes toto compescuit orbe tumultus,  
 Et placido reges fœdere composuit,  
 Hortatus bellum Christi convertere in hostes,  
 Atq; Asiam illorum faucibus eripere.  
 Ad quæ se accingens magno molimine cœpta,  
 Multa bonis frustra flentibus, occubuit,  
 Forsan & hanc Christus, Princeps ter maxime, laudem  
 Servatam in tempus distulit usq; tuum.  
 Thracius ut tandem posita feritate tyrannus  
 Colla tuis ultrò subjiciat pedibus.  
 O ita sit: cumuletq; tuas hæc gloria laudes:  
 Gregorii hic titulis adjiciatur honos.  
 Interea hæc placido vultu cape munera, eiq;  
 Qui tibi summissus porrigit illa, fave.  
 Ille Pii, ut nosti, genus alto è sanguine ducit;  
 Nec vixit prisca inficiandus avis:  
 Plurima sed tractans & maxima munera, semper  
 Se culpis expertem omnibus exhibuit.  
 Nunc exacta ætate illud sibi postulat unum,  
 Uti se haut ingratum sentiat esse tibi.

## E J U S D E M.

 AD DOMINUM ZAMOSCIUM  
 POLON. CANCELL.

**B**ina mihi artifici cœlata n. mismata dextra  
 Magnus ab Arctico misit Zamoscius orbe  
 Aurea, non vani memorabile pignus amoris,  
 Sæpe meo optatos animo referentia vultus:

Magna-

Magnanimi primùm regis, quo Martia gaudet,  
Quoq; caput celo ductore Polonia tollit.

Aspicis, ut latè veneranda coruscat imago,  
Cunctaq; diffuso circum loca lumine conpleti?  
Non ea vis auro: nec per se lamina lucet,  
Nec radiat ratuli nativâ luce metalli:

Majus ab impressa sed ducit imagine fulgur:  
Atq; ipsum STEPHANI sacer aurum vultus inaurat.

Contemplare acresq; oculos fr̄ntemq; verendam,  
Et dignam imperio faciem, dignamq; triumphis:  
Ut sese omni ex parte animi vis virida profert,  
Degenerem luxum mollesq; exosa paratus:  
Ut spirat generosum, ipsoq; videtur in auro  
Regales agitare imo sub pectore curas,  
Exitum Turcis, meditari & vincula Moscho?

Hic vir, hic est natus virtuti & fortibus ausis:  
Cui duo tota pares alios si Europa tulisset,  
Thracius haud ultra nobis illuderet hostis,  
Sed profugus toto latèbras sibi quæreret orbe.

Altera lamina loco pariter mihi grata secundo,  
Subjicit ante oculos auctorem muneris ipsum,  
Cujus conveniens meritis imponere nomen  
Qui velit, in victi regis vocitarit Achatem.

Hinc te igitur, tua mi propius quando ora tueri  
Non licuit, cupidumq; isthac invisere Regna,  
Pomifi is tenuit non detrectanda potestas?  
Zamose magne aspiciam, & per sepe nitenti  
In te defixam solabor imagine mentem.

Zan osci, per quem Marti sociatus Apollo est,  
Qui decora heroum accumulans, & Nestora dulci  
Eloquio exæquas, & forti pectore Achillem.  
Et leges armis firmans, & legibus arma,  
Victtricem laurum pacata intexis olive,

Arbi-

Arbitr  
Impar  
Sat  
Pectore  
Vos e  
Astra  
Facta  
Aut ar



M

VIRI  
trover  
quo e  
LXXX  
fcho  
cife



Mergo  
Flebit  
Quis se  
Heu do

Arbiter idem almae pacis, bellique minister  
 Impavidus, laus egregiæ propria UTROQUE CIVIS.  
 Salvete o animæ fortes, incertaque honesto  
 Pectora: Et ignavo non per via corda timori.  
 Vos ego, quantum ævi dabitur, super ardua cantu  
 Astra feram, nunquam reticens vestra inclytæ facta,  
 Facta aliis, queis nomen idem, sed non eadem est mens  
 Aut animos facturæ, aut incussura pudorem.

## E P I C E D I O N

I N

M A R C U M A N T O N I U M

M U R E T U M.

VIRUM SUE ÆTATIS SINE CON-  
 troversia eruditissimum, scriptum eo ipso die,  
 quo elatus est, Nonis scilicet Junii, anno M. D.  
 LXXXV. in summo animi dolore, & dictum in  
 schola Rhetorices auditoribus suis à P. Fran-  
 cisco Bencio Societatis Jesu, inter quem &  
 Muretum, multa extiterunt mutuæ  
 caritatis argumenta.

**N**AM quid dissimulo? quid conceita corda tu-  
 multu,  
 Mendax fronte premo? lacrymas quid in ore  
 notantes.

Mergo? quid misero non rumpo pectora questu?  
 Flebimus; est quædam mœrenti flere voluptas.  
 Quis scit, an & nostrum deleatis forte dolorem?  
 Heu dolor immensus, minor o quam causa dolendi.

Tuz

Tuq̄, dolere minor luctus, quid tenditis ultra?  
 Heu quid certatim conscinditis hoc miserum cor,  
 Cor lacerum, cor luctificis inamabile curis,  
 Cor siccum, cor luminibus cupientibus ulla  
 Ferre negat lacrymas, & iniqua mente resistit.  
 Nam cur largifluo non manant omnia fletu,  
 Cur tonat interitus pectus modò turbinis instar,  
 Quem claufere cave penitusq̄ hausere caverna?  
 Nec licet indignans, cæco de carceris antro  
 Evomit undisonas lacrymas fractoq̄ remugit  
 Murmure, & horrifico se rumpit ventus biatu.  
 Muretus perit, heu periit Muretus, & omnes  
 Divitias lingua secum abstulit, abstulit omnes  
 Delicias Musarum, & amicas mentibus artes  
 Ingenuis quicquid Graeis, quidquidq̄ Latinis  
 Condiderant veterum chartis monumenta virorum.  
 Nam seu Socraticis sermonibus appulit aures,  
 Sive in Academi lucis, seu forte Lycei  
 Dulcibus alloquiis lata spaciatus in umbra est:  
 Proximus à primo semper fuit, ilicet illa  
 Sicut apud flores & rura balantia circum  
 Omnibus è pratis decerpfit singula libant  
 Dulciaq̄ è foliis expressit victor amaris  
 Mella, quibus prisco collectum nectâr Hymetto  
 Mirata est nostra atq̄ omnis mirabitur ætas  
 Sive etiam sacri pandentem oracula iuris  
 Seu morum officia & vitæ laudanda docentem  
 Munera, & omnigenis dulces è fontibus haustus  
 Instillantem animis & grandia verba tonantem  
 Fluminis in morem vel cælo fulminis acti,  
 Audit ipsa sui pendens jam civis ab ore  
 Gallia, mox etiam Italia & Mavortia Roma  
 Emula cognovit Marci, Marci aureq̄ verba.

Is nostram super aetatem, propiorq; vetustae  
 Ire videbatur, veterumq; retundere fastus.  
 Heu quoties illum plausus populiq; patrumq;  
 Dicentem excepit, nimirumq; libentibus hausit  
 Auribus, ille quidem magnarum nomine regum,  
 Pontifici summo gratatus saepe liquenti  
 Purius electro eloquium profudit ab ore,  
 Montanis nivibus niveq; simillimus amari,  
 Ille Pii dudum maestissima funera Quinti,  
 Mox Caroli funesta tui fera Gallia Regis  
 Atq; Tolosani Foxi solemnina iusta  
 Debita descevit duri solamina casus;  
 Ille etiam immanes Turtas cum contudit armis  
 Classis Christicolum & victrix dare terga coegit,  
 Altaq; constravit trepidantibus aequora Pæuis  
 Lætitia ingenti & magnis clamoribus irupens.  
 Hanc urbem; Romaq; decus colamenq; Quiritum,  
 Exiit ad caelum divina laude Columnam.  
 Quid cum etiam nuper (vox ó Cygneâ, tenet iam  
 Nunc etiam mentem, & dulcis sonus occupat aures)  
 Ad Vaticanum, patribus quos purpura velat  
 Hortator fuit, ex alto velut æthere missus  
 Pontificis formam evolvens & munerâ summi, &  
 Quem legere ipsi descripsit pœne legendum.  
 Nec modo Roma tibi, Muretus cognitus ille,  
 Quem veteris specimen linguae morumq; tuorum  
 Admirata tuis adjungis civibus ultro.  
 Unde etiam attonsum fers tristi fronte capillum.  
 Sensit eum, caput Oceano quæ flammivomus sol  
 Exerit aut condit telus, quæcunq; perusta  
 Sole ruhet, quæcunq; gelu nivibusq; rigeſcit.  
 Certe illum & bello & paci nova gloria, rector  
 Sarmaticum Stephanus, regnum quod protulit armis,

Augeat, ut rerum doctrinarumq̄ repertis  
 Muneribus magnis excitum accersit olim:  
 Et traheret, si non Romani amittere cives  
 Hunc veritatis sanctusq̄ Parens migrare parantem  
 Et monitu & precibus tenuissent. Hei mihi dicam,  
 Dicam aliquid, dolor invito de pectore voces  
 Elicit, ipse etiam hortando & fortasse monendo,  
 Pars non magna fui. Quid enim meus ille Magister  
 Quid pater ille meus, nam sera ætate creatum  
 Me sibi factabat quondam, quid filius eheu  
 Filius? ut Patrem tu me, Murete, colebas,  
 Idq̄ etiam præ te semper defende ferebas.  
 Ipse ego te contra dulci certamine patrem  
 Dicebam, te quando hiemes certo ordine septem  
 Audii inexpletum discens & sedulus aure  
 Distabibi, quæ post tenui mihi fluminis alveo  
 Effluerent, parvæ ut possent adulescere silvæ  
 Muretumq̄ omni Muretum fonte sonarem.  
 Ipse mihi sensus animi curasq̄ latentes  
 Concilio & dicta & facta heu dilecte solebas  
 Credere, quæ studio tegerem commissa fideli.  
 Sed quamvis persæpe dares mihi commodus aures,  
 Et morem, ut furear, gereres persæpe monenti,  
 Non tamen omnino tu nostra es dicta sequutus.  
 Nam quoties quoties ignari nescius otii  
 Pervigili studio noctesq̄ diesq̄ trahebas,  
 Ipse laboranti contra vigiliq̄ quietem  
 Præteritq̄ memor svasi, metuensq̄ futuri.  
 Nunc verò infelix vates verissimus augur.  
 Quid quod & urgenti tandem vergente senectâ  
 Edere curares, quæ cunctis edita prosint,  
 Ex utriusq̄ opibus poterat quæ plurima linguæ,  
 Tu tua non faciens magni, quæ maximus orbis

Attonitus colit & pascit, sermone modesto:  
 Spem tamen haud omnem eripiens, plerumq; negabas?  
 Multa quidem sunt à Mureto & magna, sed ipsa  
 Credite plura adeo nec sunt fortasse minora,  
 Quæ jam jam affecta aut potius confecta volebas  
 Premere, & ante diem, ni deesset vita, volebat.  
 Ante diem moritur, quæ viveret utilis urbi,  
 Nec dum etiam bis tricenos expleverat annos.  
 Mitto ea, quæ calidæ abreptus fervore juventæ  
 Quorum & pœnituit, fudit juvenilia, navæq;  
 Vera loquor, velut immaturo tempore fœtus  
 (Nec satis ille pios dicebat providus à se  
 Expulit expungens, quod præfert pagina nomen,  
 Certus enim & fluvio & rapidis committere flammis.  
 His missis, quantum ô puro sermone Terenti  
 Et quantum ô Tulli, quantum ô Vennisine Piæta  
 Et Tacite & Seneca & sinuosa volumina juris  
 Spissum opus & propriis innectens vincula vinclis,  
 Quantum illi doctæ debes doctissime gentis  
 Doctor Aristoteles? latio sermone loquentem  
 Quem fecit, nestroq; etiam nonnulla rogatu  
 Ferme opus extremum, sed quis numerare potis sit  
 Omnia, quæ pulchris apparent illiæ charis?  
 Nam quid carminibus memorem laudesq; virorum  
 Et sanctorum alta cæli quos Christus in aula  
 Exhilarat vultu? Tiburcinumq; recessum  
 Quem Pater Hippolytus priscorum æquavit honori,  
 Magnaq; quæ pueris, tantus vir, condita versu  
 Argolico præcepta dabat versuq; latino,  
 Sunt pueris præcepta, viri quæ implere docendo  
 Latentur, metuant non discere. Magne Tuane  
 Felix morte tua, cui tanti nominis auctor  
 Obligit, ut grandi celebraret carmine vitam.

Tantum ille & versu poterat, Tu Mantua testis.  
 Sanctorum ad laudes Mureti dubciter hymnos,  
 Scilicet in templis sacra inter munera cantas.  
 Laureana domus testis, cui nobile carmen  
 Quod sacratum olim vates pius edidit, audit  
 Orbis, & haeretica haud potuit contemnere pestis,  
 Anne etiam memorem variarum illustria rerum  
 Doctorum contrita manu monumenta lepore  
 Aspersa egregio, qualem non itala tellus  
 Nisi fallor, nec fallor enim, gustaverat unquam?  
 An ne etiam ad caros olim quae scripsit amicos?  
 Sed quid ego haec memorem nostro quae cognita seculo  
 Postera laudabunt, & noscent secula, dum se  
 In mare praecipiti de volvent flumina lapsus?  
 Dicam ea, quae multis incognita, nec mihi soli  
 Cognita, cum certos liceat producere testes.  
 Proh quantum amittis Stagira civis, & omnis  
 Historia princeps, Plato quantum tu, quoque, quantum  
 Thucydaide & Livi, & Xenophon, & grandis Homere?  
 Proh quantum legum rudis indigestaque moles?  
 O Tulli, o Crispe, o Plini, o lenissime Caesar,  
 O qui multarum pandis miracula rerum,  
 Atque vitam historias & vitas scribis, & omnes  
 Instruis officis, Plutarache, & moribus oruas.  
 Denique quiscumque est oculis dignatus & alto  
 Ingenio auctores, quantum amissisti in uno?  
 Illi quidem maculas tergebat & abdita sensa  
 Exponebat, uti foret ad consulta vocatus  
 Quilibet ut calamo mentem commisit & arti.  
 Sed quid ego haec miser? Infelix amittere majus  
 Quid potui? in me omnis cecidit collapsa ruina  
 Et prope sum tantae cumulatius pondere molis.  
 Illius haud fruar alloquio, lucemque morantem

Et matut.  
 Atque in  
 Hoc M.  
 Beucium  
 Quid me  
 Nam tib  
 Quippe sa  
 Ex animo  
 Maximu  
 Redditus  
 Roma fac  
 Atque fac  
 Postenti  
 Nec lacry  
 Nec min  
 Instrua  
 Militibus  
 Commod  
 Quod jam  
 Omnibus  
 Fivere t  
 Insignis  
 Tam rar  
 Dicitur  
 Consilii  
 Quod v  
 O Deus,  
 Hunc ag  
 Et tamen  
 Omnia c  
 Ut tua l  
 Quem du  
 Me, me



Et matutinas consumens dulciter horas  
 Atque inter risus delibans seria dicta.  
 Hac Murete unum Franciscum incommoda tangunt  
 Beccium, & agnosci lacrymans, lacrymabilis idem  
 Quid merito doleat, quantumq; amiserit eheu.  
 Nam tibi jam tandem requies concessa laborum.  
 Quippe sacerdotem, ut spero, majora parantem  
 Ex animo Christus perpendens facta, sacerdos  
 Maximus, aetherio in solio considerare iussit,  
 Redditus & merito socium te adscivit Olympo.  
 Roma sacerdotem te nonnum viderat annum  
 Atq; sacerdotum tibi rector & arbiter orbis  
 Postenti veniam Xistus concessit abunde,  
 Nec lacrymas tenuit, quin & miseratus euntem est.  
 Nec minor ex isto spes est, quod tu omnibus armis  
 Instructus, cæli consors Ecclesia quæ dat  
 Militibus ceu victor abis: quod publica Xistus  
 Commoda quæ tribuit proprios convertis in usus.  
 Quod jam jam Christi satiandus corpore, coram  
 Omnibus ad sacrum obsequium, qui accedere, quig;  
 Visere te poterant, multum lacrymantibus ultero  
 Insignis pietas nullum reticenda per ævum  
 Tam raro exemplo, famulos quos munere largo  
 Ditasti, & partem haud meritos, veniam petis, auctor  
 Consilii Deus ipse fuit, noctemq; diemq;  
 Quod vidi, hoc tantum consumptum munere vocis,  
 O Deus, ô Christe, hunc anima fugiente vocabas  
 Hunc agitans animo singultibus interruptis.  
 Et tamen hæc inter, memini & memorare decorum est  
 Omnia cum memorem fugissent avia mentem,  
 Ut tua luminibus fixisti lumina nostris  
 Quem dudum oraras, ne summo in tempore deessent  
 Me, me cognosti & voluisti dicere patrem.

Deseruit prior heu conantem syllaba linguam  
 Atq; p̄, pa, tantum profers & brachia pandis  
 Heu dolor; hinc tandem luctatus tempore longo  
 Spiritus invito de corpore decedebat:  
 Et pulchrum vultu placido letumq; reliquit.  
 Hinc verò ad templum trino quod numini & uni  
 Addictum celebrant Galla de gente sodales,  
 Quos coluit semper donisq; ingentibus auctos  
 Quos voluit moriens, dum plures ordine cæcus  
 Funereas de more faces longo agmine portant,  
 Alternantq; preces, sollemni funere fertur.  
 Filius hanc fratris rerum & cognominis heres  
 Prosequitur longè procerum comitante caterva.  
 Jam Murete vale, vale ò Murete, sequar te.  
 Duximus exequias, & vitam ducimus eheu  
 Te sine vita gravis, sine te sine mente relinquor.  
 Egregii iuvenes vos, ò mea maxima cura  
 O vestri memores generis miserescite vestri,  
 Cui suus abscessit, nec opina morte, magister.  
 O ego, si possem nostros auferre dolores  
 Carminibus, nunquam facerent hæc carmina finem,  
 Sufficeretq; dolor lacrimas, lacrimaq; dolorem,  
 Et quantum est vita, quantum est in corpore robur.  
 Efficerem ut Mureti, orbis me nôset amantem.  
 Atq; animi audiret testantem vulnere fletu.  
 Sed dolor haut ponit vires, crescitq; medendo  
 Crude sciq; magis; nec desit causa doloris.  
 Muretus periit, revocari funera longo  
 Haud possunt fletu, ac lacrima & testantur amoreis  
 Et desiderium prærepti pignoris ingens.  
 Quod mihi si liceat superis extollere molem  
 Atq; tuis Murete equam virtutibus, addam  
 Hæc etiam æternum ut scribantur verba sepulchro.

Mure-

Mureti  
 Gallia  
 Excep  
 Corp  
 Hoc q

PHI

M.  
 POE  
 mi, ele  
 terpre  
 tis

R o  
 In  
 Lamen  
 Eripue  
 Secula  
 Facuna  
 Roma ff  
 Te q; vir  
 Qui sec  
 Deseru  
 Quæ P  
 Heu qu  
 Majest  
 Quæ or  
 Illa, in

*Muretus jaceo hinc precibus me attolle viator.  
Gallia me genuit. Veneti florente juventa  
Exceperet, virum venerata est Roma, senemque  
Corpus humi, ingenium in scriptis, mens sedit in astris.  
Hocque ipso claudam lugubres omine cantus.*

PHILIPPI POELARII BRUGEN.  
FLANDRII. C.

IN OBITUM ERUDITISSIMI  
Ornatissimi Viri

M. ANTONII MURETI  
POETAE ATQUE ORATORIS OPTIMI,  
elegantissimi omnium Philosophi, Juris interpretis prudentissimi, atque omnis antiquitatis bene periti, civis Romani, praceptoris ac patroni optimi.

**R**OMA diu felix insuetos edere questus  
Lucipe; Roma novis mœrens ululatibus adde  
Lamenta, adscriptum nam fata immittit civem  
Eripuere tibi, qualem vix prisca tulerunt  
Secula, seu Decios numeres, clarosque Camillos,  
Facundo delectos seu cum Cicerone Catones,  
Roma fleas studiosisque tuis qui favit, et auxit  
Teque tuosque diu, ne possis barbara dici  
Qui fecit vigili cura et conamine miro.  
Deseruit terras, doctissimaque ora quierunt  
Quae Phœbi merito poterant oracula dici.  
Heu quonam blando vultus condita decore  
Majestas abiit? quonam facundia? quonam  
Quae ornata magnis fuerant virtutibus illae,  
Illae, inquam, ingenii dotes? Prudentia quonam?

Muretum, cur non servastis, dicite Musæ?  
 Arpinis cuius lavisse liquoribus ora  
 Phœbum non puduit, sophiæ cui tradidit artes.  
 Quemq; manu apprensū bifidi per culmina montis  
 Musæ duxistis, monstrantes vertice ab uno,  
 Immensos latius campos, felicia rura,  
 In quibus indomiti lusit præceptor amoris,  
 In quibus ipsa suum spatium Mantua gaudet  
 Doctiloquum civem, gaudet Verona Catullum,  
 Versibus ornârunt, & quotquot Tybridis undas;  
 Montrantes atq; puro de veruce, largos  
 Grajorum campos, quos aurea capia vestit,  
 Frugibus & lætis, ubi vatum & fronde coronat  
 Tempora; Nam Andinum puer hîc conspexit Home-  
 rum

Ascra; senis decorata; frondibus ora,  
 Est; cothurnati hîc miratus carmina vatis,  
 Theban; lyræ, hyrcum non ultima Vatum  
 Pars fuit, heu mæstæ lugubria dicite Musæ  
 Carmina; Vosq; novi lacrymis urgete sepulchrum  
 Mureti vates; cur illi illuxit Apollo  
 Nascenti? Argolici quem non sacunda Periclia  
 Fulmina terrebant? immites dicite parcas  
 Turba Oratorum, cuius pendebat ab ore,  
 Purpureus summo fasces moderante senatus  
 Gregorio, Orator, superas concessit in auras.  
 Nondum prima genas flore exornabat opaco  
 Ætas, cum teneram majoribus applicat orsis  
 Mentem; sanctarum sinuosa volumina legum  
 Aggreditur, discitq; reos servante iura,  
 In quibus ipse brevi tantum profecit: ut illum  
 Admirarentur cani præcepta magistri  
 Tradentem, cur a vigili sed lubrica cuncta.

Cernit  
 Ardere  
 Flores  
 Ardor  
 Mayo  
 Rura  
 Infesta  
 Sacrileg  
 Ornatu  
 Huius  
 Gallia,  
 Muret  
 Digna  
 Altrix  
 Gallia  
 Hic ubi  
 Tisiphon  
 Ergo M  
 Absens  
 Jam R  
 Magnæ  
 Cum P  
 Dulce  
 Ad P  
 Rura T  
 Eloqui  
 Scire et  
 Scire, b  
 Seu can  
 Seu mo  
 Talem  
 Saxa ch  
 Ista in

Cernit ut immani tua clara Lutetia tecta  
 Ardere heu bellistudio, nec Palladis artes  
 Florere ut solita fuerant, Phœbiq; remissum  
 Ardorem, & sacras expulsas urbe sorores,  
 Mavortisq; feri turbari Gallica sœvis  
 Rura armis, fœdum ramum prætere dera olive  
 Infestas furias, iterumq; iterumq; redire  
 Sacrilegi adversus Musas fera tempora belli  
 Ornatura ducum Musis inuisa triumphos,  
 Heu sedes animosa tuas Pataraus Apollo  
 Gallia, cum castis tua tecta sororibus, una  
 Muretum abducens liquit, non ipsa relinqui  
 Digna erat, Aoniis nam fœderat otia Musis  
 Atrix præstantum semper facunda virorum  
 Gallia; Pegaseis postu locus esse puellis,  
 Hic ubi quæ ipse chori princeps dictavit Apollo  
 T. siphone ventis & nubibus irrita donat?  
 Ergo Muretus, fidei non infima nati  
 Absens absenti officia exhibiturus abivit,  
 Jam Rhodani celeris cursus superaverat, & te  
 Magne Garumna, tuos fluctus post terga relinquens  
 Cum Phœbo, nec eum natalis linquere terra  
 Dulce solum piguit, Venetum delatus in oras,  
 Ad Phœthonei pervenit pinguis lassus  
 Rura Padi; laceris querens grata ocia Musis,  
 Eloqui hic igitur clari dare signa coactus.  
 Scire etenim nostrum nihil est, nisi nos sciat alter  
 Scire, haud exiguas vires in carmine monstrat,  
 Seu canat aurata heroos testudine versus,  
 Seu moveat lyrici modulantia crasna plectri.  
 Talem olim referunt miro modulamine dura  
 Saxa chely movisse & nigras carmina silvas  
 Isinarium Vatem & sœvos traxisse leones.

Obstupuit præceps miratusq; Adria pulchri  
 Oris & ipse decus mistum & gravitate pudorem.  
 Hunc etiam virides circum delphines in undis  
 Adhârunt, parva rate dum ferretur in Urbem,  
 Qua caput antiquum mediis è fluctibus effert.  
 Hanc cotere & vidit benè religionis honores  
 Florere & diva hic laqueataq; surgere tecta  
 Astræa, clari cui immensis sumptibus alta  
 Cives marmoreis statuerunt fultra columnis  
 Tempia, deam sacris mastantes ritè verendis.  
 Cujus consilia antiqui moderantur habenas  
 Imperii paribus, quibus est respublica curæ  
 Auspiciis, regere atq; suos defendere cives:  
 Hic igitur placuit Mureto figere sedes,  
 Eloquium cuius Veneti mirantur & ora.  
 Non aliter Graji celebrant Demosthenis ora,  
 Cujus Palladia tonitru decorantur Athenæ.  
 Extemplo Ausonias velox it fama per urbès  
 Gallum hominem Latias doctum Grajâsq; Camænas  
 Errantem Venetum vulgans in littore castis  
 Nutritum à Musis, cui Pallas tradidit artes.  
 Nec mora quâ trifido Dives Ferraria floret  
 Cincta Pado, pernix cunctis velocior Euris  
 Læta volat, pictis turrata palatia pennis  
 Intrat, Mureti cupido de vincit amore  
 Estiadam mentes; inter quos maximus ille  
 Hippolytus, qui purpurei & fuit ipse senatus  
 Gloria, qui Phœbo claros extruxit & hortos  
 Musarumq; chorus, gelida quâ Tiburis unda  
 Labitur, exornans pomaria mille figuris.  
 Solus eo sœtus miseris facere ocia Musis  
 Tempore; Muretum accersit, quem munere largus  
 Donatum largo, grata requiescere in umbra

Vati-  
 Hinc  
 Divin  
 & quib  
 Nocti  
 In sept  
 Sen qu  
 Abdit  
 Muret  
 Seu do  
 Seu tr  
 Seu do  
 Sic om  
 Unius  
 Non m  
 Quæq;  
 Purpu  
 Danub  
 A locu  
 Histor  
 Sic des  
 Venit,  
 Panno  
 Venere  
 Inter q  
 Muret  
 Rura re  
 Ab sine  
 Ab sile  
 Nunc m  
 Ver sibi  
 Non ta

Vatis ut quondam Mecenas fecit : at ille  
 Hinc, majora agitans cepit sub principe tanto  
 Divini ingenii maturos edere fetus  
 Et quibus ut duro fulvos ex ungue leones  
 Noscimus, est notus, claram hinc accitus in urbem  
 In septem geminis confedit collibus, una.  
 Seu qua in Cimmeriis tenebris natura latere  
 Abdita vult, tanto solers interprete gaudet,  
 Muretus celsi recolens spatia alta lycæi,  
 Seu docet instabilis vitæ præcepta regendæ;  
 Seu tradit claræ clari Demosthenis artem,  
 Seu docet auxilium oppressis præsentia Jura :  
 Sic omnes alios liquit post terga magistros,  
 Unius ut docto solum penderet ab ore  
 Non modò quæ ingenio claret Romana Juventus,  
 Quæq; suam queritur sublatam Gallia prolem ;  
 Purpurei q; Tagi & latices qui jactat Iberus.  
 Danubium & te Rhene bibens, Germania dives.  
 A locuplete Tago Romam ut delatus Iberus,  
 Historici quo clara Titi olim cerneret ora:  
 Sic desiderio Mureti Gallus in urbem  
 Venit, & ipsa suos natos Hispania misit  
 Pannonius q; ferox & flava Britannia prolem.  
 Venere audaces, in mutua vulnera Belga,  
 Inter quos dulcis patria solabar in urbe  
 Mureti auxilio castis gratissima Musis  
 Rura relicta, nihil superest, nunc omnibus orbo  
 Ab sine te Murete mihi nil urbis in urbe est,  
 Ab silet ipsa chelys quam tu laudare solebas  
 Nunc mea ; Nam lachrymans querulis si fortè quid  
 audet

Versibus, ab solum tua tristia fata recenset.  
 Non tantùm patriæ me turgida prælia curis

Exagitant, quantum me me tua funera turbant.  
 Perdita nec tantum jam nunc mea commoda torquent.  
 Me, quantum ipsa ferunt hei publica damna doloris.  
 Pluscula vixisses Antoni tempora, summus  
 Ipse tuae sextus claros tribuisset honores  
 Virtuti, sanctus quem Petri in sede locavit  
 Spiritus; extrema sacrum dum voce senatum  
 Exhortareris, nimium sed iniqua negarunt  
 Numina; Quin reuoras violentos ira dolores?  
 At nihil hic tristis Iulius, nil proficit ira.  
 Non nil perpetuum varia sub lampade lune.  
 Haud ulli terræ didicerunt parcere Pareæ,  
 Quare ege Musa modos, & tristia carmina siste.  
 Ultima dic bona verba, nefas contundere planctum  
 Pectora; Roma tibi non fas lugere Beatos.  
 Ille tuus civis radiantibus additus Astris,  
 Credita Mureti sperataq; gaudia carpit.

FINIS.





L I P S I Æ,

Impensis GOTFRIDI GROSSI,  
Bibliop.



Excudebat JOANNES ALBERTUS  
MINZELIUS

---

ANNO  
1629

THE UNIVERSITY OF CHICAGO  
LIBRARY




THE UNIVERSITY OF CHICAGO  
LIBRARY

1910  
MAY 10 1910

Purgatorium. pag. 338. l. 13.

\* Morbo s. calamitas ad q. educat. pag. 338. l. 13.

Divitias nec nimis amare, nec contemnere  
vid. pag. 454.



Exs

210  
Han

Quisquis amat dictis absentum rodere vitam,  
Hanc mensam vitalem noverit esse sibi. Augu

Quisquis amat dictis absentum rodere vitam,  
Hanc mensam vitalem noverit esse sibi. S. Augu

